

მაღალი რისკის პენიტენციური დაწესებულების მართვა

ანტონ ქელობაძე

ნატალია ცაგარელი

დავით ჭყონიძე

შესავალი	4
პირველი თავი - დინამიური და სტატიკური უსაფრთხოება.....	7
მეორე თავი - პატიმრის მიღება და განთავსება.....	18
საერთაშორისო სტანდარტები და პრაქტიკა.....	19
ადგილობრივი კანონმდებლობა.....	27
მესამე თავი - შემოწმება.....	31
საერთაშორისო სტანდარტები და პრაქტიკა.....	32
ადგილობრივი კანონმდებლობა.....	38
მეოთხე თავი - დაწესებულების ტერიტორიაზე გადაადგილება.....	46
საერთაშორისო სტანდარტები და პრაქტიკა.....	47
ადგილობრივი კანონმდებლობა.....	51
მეხუთე თავი - პატიმრის ბადრაგირება.....	53
საერთაშორისო სტანდარტები და პრაქტიკა.....	54
ადგილობრივი კანონმდებლობა.....	60
მექვეთავი - კრიმინალური სუბკულტურა.....	64
მეშვიდე თავი - პატიმრებს შორის ძალადობა.....	85
მერვე თავი - ძალის მინიმალური გამოყენება.....	91
საერთაშორისო სტანდარტები და პრაქტიკა.....	92
ადგილობრივი კანონმდებლობა.....	101
მეცხრე თავი - დისციპლინური პასუხისმგებლობა.....	106
საერთაშორისო სტანდარტები და პრაქტიკა.....	107
ადგილობრივი კანონმდებლობა.....	116
მეათე თავი - შიმშილობა.....	119
საერთაშორისო სტანდარტები და პრაქტიკა.....	120
ადგილობრივი კანონმდებლობა.....	128
მეთერთმეტე თავი - თვითდაზიანების და სუიციდის პრევენცია.....	130
საერთაშორისო სტანდარტები და პრაქტიკა.....	131
ადგილობრივი კანონმდებლობა.....	135
მეთორმეტე თავი - დაწესებულების ფუნქციონირების მოშლა (საგანგებო სიტუაციები).....	137
საერთაშორისო სტანდარტები და პრაქტიკა.....	138
შესავალი	138
მასობრივი არეულობის, ბუნტის, გაქცევის და სხვა გართულებების ძირითადი გამომწვევი მიზეზები ..	142
მძევლად აყვანა - რეკომენდაციები.....	147
გაქცევა - რეკომენდაციები.....	149
მაგალითი N1 - ლუკასვილის ციხის ბუნტი.....	152
მაგალითი N2 - მორეის განყოფილებაში მომხდარი ინციდენტი მძევლად აყვანასთან დაკავშირებით.....	161
კრიზისულ სიტუაციებზე რეაგირების ჯგუფები.....	181
სტიქიური უბედურებებისგან გამომწვეული ზიანის შემცირება.....	186
მაგალითი N3 - ხანძარი ახალ დაწესებულებაში - ტენესის საოლქო სამსახური.....	192
ადგილობრივი კანონმდებლობა.....	195
მეცამეტე თავი - კრიზისული სიტუაციების პრევენცია/ანალიზი.....	198
ბოლოსიტყვაობა	202
გამოყენებული ლიტერატურა	207

გამოცემულია „საქართველოში ნიდერლანდების სამეფოს საელჩოს“ ფინანსური მხარდაჭრით. ავტორის/ავტორთა მიერ სახელმძღვანელოში გამოთქმული მოსაზრება შესაძლოა არ გამოხატავდეს საელჩოს პოზიციას. შესაბამისად, საელჩო არ არის პასუხისმგებელი მასალის შინაარსზე.



Kingdom of the Netherlands



- ანტონ ქელბაქიანი - საერთაშორისო სტანდარტები და პრაქტიკა - შესავალი, პირველი თავი(ნაწილობრივ), მეორე თავი (ნაწილობრივ), მესამე თავი, მეექვსე თავი, მერვე თავი, მეათე თავი, მეთერთმეტე თავი, მეთორმეტე თავი, მეცამეტე თავი. ბოლოსტყვაობა (ნაწილობრივ).
- ნატალია ცაგარელი - საერთაშორისო სტანდარტები და პრაქტიკა - პირველი თავი (ნაწილობრივ), მეორე თავი (ნაწილობრივ), მეოთხე თავი, მეხუთე თავი, მეშვიდე თავი, მეცხრე თავი, ბოლოსტყვაობა (ნაწილობრივ).
- დავით ჭყოიძე - ადგილობრივი სტანდარტები.

განსაკუთრებულ მადლობას ვუხდით სასჯელაღსრულებისა და პრობაციის სასწავლო ცენტრს თანამშრომლობისთვის. ასევე ექსპერტებს სახელმძღვანელოს შემუშავებაში გაწეული დახმარებისთვის - ფრანს დაუს, გიორგი ხოჭევანიშვილს, ბაქარ მეთრეველს და კარლო ნიკოლაიშვილს.

შესავალი

სამოგადოებასა და პოლიტიკის განმსაზღვრელ თანამდებობის პირებს ხშირ შემთხვევაში არაერთგვაროვანი და გადამეტებული მოლოდინი აქვთ პენიტენციური სისტემისგან. სპეციალისტთა და პრაქტიკოსთა მცირე ჯგუფის გარდა, ცოტას თუ ესმის მკაფიოდ, თუ როგორ „მუშაობს“ პენიტენციური სისტემა.

ზოგადად ყველა პენიტენციურ დაწესებულებაში იძულებითი/დახურული გარემოა, მაგრამ ისინი ერთმანეთისგან განსხვავდება ძალაუფლების გადანაწილებით. ასეთ სახესხვაობებს მივყავართ განსხვავებული მორალური და ემოციური კლიმატისკენ და იწვევს განსხვავებული სოციალური წესრიგის ჩამოყალიბებას სისტემის შიგნით. როგორც წესი, პენიტენციურ სისტემაში არსებულ სოციალურ წესრიგს აყალიბებს სხვადასხვა ფაქტორები, კერძოდ, სისტემის მართვის ისტორიული გამოცდილება, ინსტიტუციური კულტურა, კრიმინალური სუბკულტურა, არსებული ინფრასტრუქტურა, პერსონალის კვალიფიკაცია და ა.შ.

ხშირად პენიტენციური სისტემის შიგნით არსებულ პრობლემებზე საუბრისას მიუთითებენ სისტემაში არსებულ სუბკულტურაზე, მის გავლენაზე და მისგან მომდინარე საფრთხეებზე. ბუნებრივია, ისინი წარმოადგენენ სპეციფიურ თემებს, რომელთა ფორმას განაპირობებს სოციალური და პოლიტიკური იდეები დანაშაულის, სასჯელის, სოციალური წესრიგისა და ადამიანის ბუნების შესახებ. საერთაშორისო კვლევების თანახმად, თითქმის ყველა პენიტენციურ სისტემაში მოქმედებს ე.წ. „პატიმართა კოდექსი“, რასაც გარკვეული გავლენა აქვს პატიმრის¹ ქცევაზე და ზოგადად დაწესებულების ფუნქციონირებაზე². პენიტენციური დაწესებულებების მართვის პროცესში ამ ფაქტორების გათვალისწინება სასიცოცხლოდ მნიშვნელოვანია.

პატიმრებისთვის მეტისმეტი ძალაუფლების გადაცემამ, შესაძლოა, დაამყაროს არალეგიტიმური ძალაუფლება, რომელსაც ისინი მათ წიაღში არსებული სუბკულტურის მეშვეობით საკმაოდ ეფექტიანად იყენებენ. ადმინისტრაციის მიერ ლეგიტიმური ზომების არასაკმარისად გამოყენება, შეიძლება, ისეთივე სახიფათო იყოს, როგორც უფლებამოსილების გადამეტება, თუკი ეს მიგვიყვანს ისეთ რეჟიმამდე, სადაც არასაკმარისი ზედამხედველობა და უწესრიგობაა. გადამეტებულ ძალასა და სამართლებრივ წესრიგს შორის სწორი ბალანსის მოძებნა პენიტენციური დაწესებულების ადმინისტრაციის მთავარი ამოცანაა³.

როდესაც პატიმრებს აძლევენ გადაჭარბებულ ძალაუფლებას, ან ადმინისტრაცია არასაკმარისად მეთვალყურეობს პენიტენციური დაწესებულების სხვადასხვა ტერიტორიას, პატიმრები ღებანან „ექსპლუატაციის, აგრესიული პატივმოყვარეობისა და სხვადასხვა სახის ძალადობის“ საფრთხეების წინაშე⁴. წამების ევროპული კომიტეტი განმარტავს, რომ „პატიმრებს შორის ძალადობის ფენომენთან ბრძოლა მოითხოვს ციხის პერსონალის სათანადო სიმაღლეზე ყოფნას, მათ შორის, კვალიფიკაციის დონეზე, რათა საკუთარი ძალაუფლება და საზედამხედველო ამოცანები სათანადოდ განახორციელონ. ციხის პერსონალი მზადყოფნაში უნდა იყოს პრობლემების ნიშნებზე რეაგირებისთვის, ასევე სათანადოდ იყოს მომზადებული, საჭიროების შემთხვევაში, ჩარევისა და მათი გადაჭრისთვის“⁵.

ეს ყველაფერი მორალური, მენეჯერული და პიროვნული გამონგვეთა მათთვის, ვინც პენიტენციურ დაწესებულებებს მართავს, რადგან მათ სწორი ბალანსი უნდა იპოვონ დაწესებულებებში წესრიგის დამყარებასა და პატიმრებისადმი პატივისცემით და ლეგიტიმურად მოპყრობას შორის.

სამხრეთ აფრიკის პენიტენციური დეპარტამენტის თანამშრომელთა გადამზადებისა და ადამიანის უფლებათა პროექტის დაწყებასთან დაკავშირებით წარმოთქმულ სიტყვაში, სამხრეთ აფრიკის ყოფილმა პრეზიდენტმა, ნელოსონ მანდელამ ხაზი გაუსვა როგორც უსაფრთხოების, ასევე სამართლიანობის მნიშვნელობას პენიტენციური დაწესებულებების ადმინისტრირებისას:

„უსაფრთხო ციხეები აუცილებელია, იმისათვის, რომ ჩვენი მართლმსაჯულების სისტემა გახდეს დანაშაულის წინააღმდეგ ბრძოლის ეფექტური იარაღი. როდესაც პატიმრები (იქნებიან მისჯილნი თუ მიუსჯელნი) ექვემდებარებიან ზრუნვას თქვენი მხრიდან, მათ დასაზოგადოებამ უნდა იცოდნენ რომ ისინი დარჩებიან იქ მანამ, სანამ მოხდება მათი გათავისუფლება კანონის შესაბამისად ... თანამონაწილეობა, რაც ჩვენ ციხეებს შეუძლიათ განახორციელონ ქვეყანაში დანაშაულის მაჩვენებლის პერმანენტული

¹ ამ ცნების ქვეშ იგულისხმება პენიტენციურ სისტემაში განთავსებული ბრალდებული ან მსჯავრდებული პირი.

² Clemmer 1940/1968; McCorkle, Korn 1954; Sykes 1958.

³ Sparks და სხვები, 1996 წ.

⁴ McDermott და King 1988: 34

⁵ ევროსაბჭოს წამების ევროპული კომიტეტის ანგარიში N3, გვ. 27.

შემცირების საქმეში, უკავშირდება პატიმრებთან მოპყრობის ფორმას. ჩვენ განსაკუთრებით უნდა გავუსვათ ხაზი პროფესიონალიზმისა და ადამიანის უფლებების პატივისცემის მნიშვნელობას⁶.

პატიმრების, თანამშრომლებისა და ვიზიტორების⁷ უსაფრთხოება წარმოადგენს ნებისმიერი დაწესებულების ხელმძღვანელის უმნიშვნელოვანეს პრიორიტეტს, თუმცა მას ამავედროულად უნდა ახსოვდეს, რომ კონტროლისა და დისციპლინის უზრუნველსაყოფად მან უნდა გამოიყენოს მხოლოდ შესაბამისი ღონისძიებები ან შესაბამისი ხარისხის პროპორციული ძალა. უსაფრთხოების ღონისძიებები წარმოადგენს ქმედებებს, რომლებსაც მიმართავენ პენიტენციური დაწესებულების თანამშრომლები, რათა შეინარჩუნონ დაწესებულებაში კონტროლი და წესრიგი, თავიდან აიცილონ რეჟიმის დარღვევა და დაიცვან მოწყვლადი პატიმრები. უსაფრთხოების ღონისძიებები უნდა ეფუძნებოდეს სამართლიან დისციპლინურ სისტემას.

ამბობენ, რომ ის თუ როგორ ეპყრობა საზოგადოება პატიმრებს, ასახავს მის სიღრმისეულ ღირებულებებს. აღნიშნული პრინციპი განსაკუთრებით რელევანტურია მაღალი რისკის პატიმრებთან მოპყრობის დროს.⁸

პენიტენციურ სისტემაში არიან პატიმრები, რომელთაც სჭირდებათ განსაკუთრებით მაღალი უსაფრთხოების პირობებში განთავსება. ამგვარი პატიმრების მართვა წარმოადგენს დაწესებულების თანამდებობის პირთა მნიშვნელოვან გამოწვევას, რა დროსაც დაცული უნდა იქნას ბალანსი შემდეგ ფაქტორებს შორის: საფრთხე, რომელსაც შესაძლოა ისინი წარმოადგენდნენ საზოგადოებისთვის დაწესებულებიდან გაქცევის შემდეგ, საფრთხე, რაც შესაძლოა მათ შეუქმნან პენიტენციურ დაწესებულებაში არსებულ წესრიგს და ვალდებულება, რომლის შესაბამისად სახელმწიფო ყველა პატიმარს უნდა მოექცეს ღირსეულად და ჰუმანურად.

მუსტად ამ მიზნით, რისკების შეფასების საფუძველზე პატიმართა სწორი კლასიფიკაცია არის უმთავრესი ნაბიჯი, რომელიც უნდა გადადგას პენიტენციური დაწესებულების ადმინისტრაციამ დაწესებულებაში უსაფრთხოების უზრუნველსაყოფად. უსაფრთხოების ღონისძიებები, რომლებიც გამოიყენება პატიმართა მიმართ უნდა წარმოადგენდეს იმ ღონისძიებათა მინიმუმს, რაც საჭიროა უსაფრთხო პატიმრობის მიზნის მისაღწევად. ეს საშუალებას მისცემს თანამშრომლებს უფრო ეფექტიანად განახორციელონ იმ შედარებით მცირე რაოდენობის პატიმართა ზედამხედველობა, რომლებიც რეალურ საფრთხეს უქმნიან სხვებს. ეს ასევე უზრუნველყოფს, რომ დაწესებულებაში არსებული გარემო იყოს მაქსიმალურად ჰუმანური, დაწესებულების მატერიალური რესურსები არ დაიხარჯოს იმ დიდი რაოდენობის პატიმრების მაქსიმალური უსაფრთხოების უზრუნველყოფისთვის, რომლებსაც რეალურად უსაფრთხოების აღნიშნული დონე არ ესაჭიროებათ.⁹

ყველა კარგად ორგანიზებულ საზოგადოებას, მათ შორის პატიმრებსაც ესაჭიროებათ გარკვეული წესებითა და რეგულაციებით მოქმედება, რომლებიც კონკრეტული საზოგადოების/თემის მხრიდან აღიქმება როგორც სამართლიანი. პენიტენციურ დაწესებულებებში ამგვარი რეგულაციები იქმნება თითოეული ინდივიდის, როგორც დაწესებულების პერსონალის, ასევე პატიმრის უსაფრთხოების უზრუნველსაყოფად. თითოეულ ჯგუფს ეკისრება რეგულაციების შესრულების ვალდებულება.

“პატიმრებმა უნდა იცოდნენ, რომ მათ ყოველთვის მოეთხოვებათ რეგულაციების დაცვა. პენიტენციურ დაწესებულებას უნდა ჰქონდეს დისციპლინური დარღვევის განხილვის შესაბამისი პროცედურა, რის საფუძველზეც შესაბამისი სანქციების გამოყენება ხდება სამართლიანად და მიუკერძოებლად”¹⁰.

დაწესებულებაში ჩამოყალიბებული უნდა იყოს რეგულაციები, რათა შესაძლებელი გახდეს კანონიერი უფლებების განხორციელება და პენიტენციური დაწესებულების ფუნქციონირების რეგულირება კანონის შესაბამისად. რეგულაციები უნდა გამომდინარეობდეს ეროვნული კანონმდებლობიდან და შესაბამებოდეს საერთაშორისო სტანდარტებსა და ნორმებს. ხშირ შემთხვევაში, პრაქტიკაში, პენიტენციურ სისტემაში მოქმედი წესები, ყოველთვის სრულ შესაბამისობაში არ არის სამართლებრივ ნორმებთან (იქნება ეს ეროვნული, თუ საერთაშორისო), ხშირად ისინი არ არის კარგად ჩამოყალიბებული, განმარტებული ან გამოყენებული. არც ისე რთულია ისეთი დაწესებულების პოვნა, სადაც არსებული რეგულაციები და წესები არ არის საკმარისი ყოველდღიური საქმიანობის წარმართვისთვის. ხშირად ნორმები ცუდად არგუმენტირებული და ურთიერთსაწინააღმდეგოა. ზოგიერთ პენიტენციურ

⁶ Kroonstad, 25 June 1998.

⁷ პაემანზე მოსული პირები: გამომძიებლები, პროკურორები, რომელებიც შედიან პენიტენციურ დაწესებულებაში და სხვა ნებისმიერი პირი, რომლებიც ადგილობრივი კანონმდებლობით დადგენილი წესით შედის პენიტენციურ დაწესებულებაში.

⁸ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, მეორე გამოცემა, გვ. 71, ენდრიუ კოილი, 2009.

⁹ ციხის ლიდერების სახელმძღვანელო, მსაერთაშორისო ნორმებსა და სტანდარტებზე დაფუძნებული ძირითადი სახელმძღვანელო და კურიკულუმი მენეჯერებისთვის, სისხლის სამართლის იუსტიციის სახელმძღვანელოების სერია, გვ. 99, UNODC, 2010.

¹⁰ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, გვ. 61, ენდრიუ კოილი, 2009.

დანესებულებაში არ მომხდარა რეგულაციების სტანდარტიზება, ისინი ვითარდებოდა სხვადასხვა მიმართულებით, ცალკეული გადანაწევრების მიმღებ პირთა ნების შესაბამისად. აღნიშნული ნორმების შესრულების მონიტორინგი ყოველთვის ისე არ ხდება, როგორც უნდა ხდებოდეს¹¹. ეს შეიძლება განვმარტოთ, როგორც პროცედურული უსაფრთხოება, რომლის გარეშეც შეუძლებელია სისტემის ეფექტიანად მართვა. პროცედურული უსაფრთხოება ეხება იმ მეთოდებსა და პროცედურებს, რომლებიც ჩამოყალიბებულია პენიტენციური დაწესებულების უსაფრთხოებისათვის. საუბარია გაქცევის თავიდან აცილებისა, წესრიგის დამყარებისათვის აუცილებელ არსებულ წესებზე და ა.შ. პროცედურებში/ნორმებში არსებული ხარვეზების პირობებში, დაუცველი არიან არა მარტო პატიმრები, არამედ დაწესებულების პერსონალიც.

ბუნებრივია სასჯელის უმთავრესი მიზანი მსჯავრდებულთა რეაბილიტაცია და რესოციალიზაციაა, თუმცა ამ მიზნის მიღწევა უსაფრთხოების დახვეწილი სისტემის არსებობის გარეშე შეუძლებელია. პენიტენციურ დაწესებულებებში უსაფრთხოების სისტემა უნდა ქმნიდეს ისეთ კლიმატს, რომლის წიაღშიც შესაძლებელი იქნება საგანმანათლებლო-სარეაბილიტაციო პროცესის ეფექტიანად ორგანიზება.

პენიტენციური დაწესებულებების მართვა უნდა ხორციელდებოდეს სტატიკური და დინამიური უსაფრთხოების სისტემის ეფექტურად ორგანიზებით (გარდა ამისა, მნიშვნელოვანია ასევე პროცედურული უსაფრთხოება, რაზეც უკვე ვისაუბრეთ).

სტატიკური უსაფრთხოების სისტემის ქვეშ იგულისხმება არსებული ინფრასტრუქტურა, ვიდეო კონტროლის სისტემა, ელექტრონული მონაცემები. ზოგადად უსაფრთხოების სისტემის ის ელემენტები, რომლებიც უცვლელია.

დინამიური უსაფრთხოების სისტემა გულისხმობს დაწესებულებაში არსებული რისკების მართვას ყოველდღიურ რეჟიმში, სხვადასხვა სამსახურების კოორდინირებული მუშაობით და სხვადასხვაგვარი ინსტრუმენტების გამოყენებით. დინამიური უსაფრთხოების სისტემა აგებული უნდა იყოს თითოეული სამსახურის მკაცრად ფორმულირებულ ფუნქციონალურ უფლება-მოვალეობებზე, მოვალეობების მკაფიოდ განაწილებასა და ამ პროცესში სხვადასხვა სამსახურების კოორდინირებულ საქმიანობაზე (ამ კუთხით შემდგომ თავში დინამიურ და პროცედურულ უსაფრთხოებას ერთ კონტექსტში განვიხილავთ). შეჯამების სახით უნდა აღვნიშნოთ რომ, პენიტენციურ დაწესებულებებში უსაფრთხოების სისტემის უზრუნველყოფის საჭიროება არსებობს პატიმრის მიღებისას, საკანში მისი განთავსებისას, დაწესებულების ტერიტორიაზე გადაადგილებისას, დაწესებულების ტერიტორიის გარეთ გაყვანისას და ა.შ. ასევე მნიშვნელოვანია, რომ თითოეული დაწესებულების მოსამსახურესთვის არსებობდეს კრიზისულ სიტუაციებში მოქმედებების ზუსტი ინსტრუქციები.

ამ სახელმძღვანელოს მიზანს წარმოადგენს, მკითხველს მივაწოდოთ ინფორმაცია მაღალი რისკის პენიტენციურ დაწესებულებებში უსაფრთხოების უზრუნველყოფასთან დაკავშირებით არსებული საერთაშორისო სტანდარტებისა და განვითარებული ქვეყნების საუკეთესო გამოცდილების შესახებ. ასევე, საქართველოს კანონმდებლობაში არსებული რეგულაციებისა და დღეს მოქმედი პრაქტიკის შესახებ. განვიხილოთ როგორ უნდა ხდებოდეს ამ პროცესში დინამიური და სტატიკური უსაფრთხოების სისტემის ელემენტების ეფექტიანი გამოყენება. თუმცა, ეს სახელმძღვანელო მოიცავს უსაფრთხოებასთან დაკავშირებულ ისეთ ელემენტებსაც, რომლებიც საერთოა არა მარტო მაღალი რისკის პენიტენციური

დაწესებულებისთვის, არამედ სხვა ტიპის პენიტენციური დაწესებულებებისთვისაც.

¹¹ ციხის ლიდერების სახელმძღვანელო, საერთაშორისო ნორმებსა და სტანდარტებზე დაფუძნებული ძირითადი სახელმძღვანელო და კურიკულუმი მენეჯერებისთვის, სისხლის სამართლის უსტიციის სახელმძღვანელოების სერია.

თავი: I

დინამიური და სტატიკური უსაფრთხოება

ძირითადად, როდესაც ადამიანები ფიქრობენ და საუბრობენ პენიტენციური დაწესებულებების შესახებ, ისინი როგორც წესი გულისხმობენ ფიზიკურ ასპექტებს: კედლებს, ღობეებს, შენობას დაკეტილი კარით და გისოსებიანი ფანჯრებით. თუმცა, პენიტენციური დაწესებულებების ერთ-ერთი ყველაზე მნიშვნელოვანი ასპექტი არის ადამიანური რესურსები, რადგან დაწესებულების ფუნქციონირება უპირველეს ყოვლისა გულისხმობს ადამიანებთან დამოკიდებულებას. დაწესებულებაში არსებულ ორ მთავარ ჯგუფს წარმოადგენენ დაწესებულებაში მყოფი პატიმრები და თანამშრომლები, რომლებიც ახორციელებენ პატიმრებზე ზედამხედველობას. „დაწესებულების კარგი მართვის გასაღები არის სწორედ ამ ორ ჯგუფს შორის არსებული ურთიერთობის ხასიათი.“¹²

შესავალ ნაწილში უკვე აღვნიშნეთ, რომ ფიზიკური უსაფრთხოება გულისხმობს დაწესებულების შენობას, კედლების სიძლიერეს, გისოსებს, ცალკეული განყოფილებების კარებს, პერიმეტრის კედლებს, ღობის სპეციფიკას და ა.შ. ისინი ასევე მოიაზრებს ფიზიკური დახმარების საშუალებებს, როგორიცაა საკეტები, ვიდეოკამერები, განგაშის სისტემა, რადიოგადამცემი და ა.შ. უსაფრთხოების ფიზიკურ ასპექტებზე საუბრისას, მნიშვნელოვანია მოიძებნოს ბალანსი საჭირო უსაფრთხოების ხარისხის უზრუნველყოფასა და ინდივიდის ღირსებას შორის. მაგალითად, შესაძლოა მოიძებნოს ისეთი არქიტექტურული დიზაინი, რომელიც უზრუნველყოფს საკნის, მისი ფანჯრების უსაფრთხოებას, რაც იმავდროულად უზრუნველყოფს ბუნებრივ განათებასა და სუფთა ჰაერს. ფიზიკური საშუალებები, როგორებიცაა ვიდეოკამერა, მონიტორინგისა და განგაშის სისტემა, თავიანთი შინაარსით ხელყოფს პერსონალურ სივრცეს, პიროვნების პრივატულობას. აქედან გამომდინარე, მათი განთავსების ადგილის შერჩევისას, გათვალისწინებული უნდა იქნას ბალანსი ლეგიტიმურ უსაფრთხოების მოთხოვნებსა და ინდივიდის პრივატულობის პატივისცემას შორის. „არ უნდა დაგვავიწყდეს, ცალკეული პატიმრის უსაფრთხოებაც. ზოგიერთი დაწესებულება იძლევა იმის შესაძლებლობას, რომ პატიმარი დარჩეს უმეტესადაა უფრთხოდ, ეს საფრთხეს წარმოადგენს არა მხოლოდ დაწესებულებისთვის, არამედ პატიმრისთვისაც. დაწესებულების ადმინისტრაციამ უნდა მიიღოს ზომები, რათა მოახდინოს ამგვარი სივრცეების იდენტიფიცირება და მართვა.“¹³

მართალია სტატიკური და პროცედურული უსაფრთხოების საკითხები უმნიშვნელოვანესია დაწესებულების ყოველდღიურობისთვის, მაგრამ თავისთავად საკმარისი არ არის. უსაფრთხოება ასევე დამოკიდებულია ფხიზლად მყოფ თანამშრომლებზე, რომლებიც უშუალოდ ურთიერთობენ პატიმრებთან, აქვთ ინფორმაცია იმის შესახებ თუ რა ხდება დაწესებულებაში და უზრუნველყოფენ, რომ პატიმრები იყვნენ აქტიურები, ამ სიტყვის პოზიტიური გაგებით. ხშირად ასეთ ურთიერთობას განმარტავენ, როგორც დინამიურ უსაფრთხოებას. უსაფრთხოების ამგვარი ფორმა ბევრად უფრო ხარისხიანია, ვიდრე მხოლოდ სტატიკური უსაფრთხოება. იქ, სადაც პატიმრებთან აქტიური ურთიერთობა არსებობს, ყურადღებიან თანამშრომელს შეუძლია ადეკვატური რეაგირება მოახდინოს სიტუაციებზე, რომლებიც სცდება დადგენილ ნორმებს და შესაძლოა საფრთხე შეუქმნას დაწესებულების ნორმალურ ფუნქციონირებას. მაგ: პატიმრებთან ამგვარ კომუნიკაციაში მყოფ თანამშრომლებს შეუძლიათ უფრო ეფექტიანად აიცილონ თავიდან გაქცევა, პატიმრებს შორის ძალადობა, რადგან ეცოდინებათ რა ხდება დაწესებულებაში მანამდე, სანამ ინიციატორი რეალურად განხორციელებს. „დინამიური უსაფრთხოების უპირატესობა მდგომარეობს შემდეგში: იგი გულისხმობს ისეთი სახის პროაქტიურობას, რაც უკავშირდება უსაფრთხოების ხელყოფის რისკების ძალიან ადრეულ იდენტიფიცირებას. ამგვარი პრინციპი საუკეთესო შედეგებს იძლევა იმ დაწესებულებებში, სადაც გამოცდილი და კარგად მომზადებული თანამშრომლები არიან.“¹⁴ „უშიშროება, რომელიც დაცულია ფიზიკური ბარიერებით და სხვა ტექნიკური საშუალებებით, განმტკიცებული უნდა იყოს დინამიური უსაფრთხოების მეშვეობით, რომელსაც უზრუნველყოფს პერსონალი, ვინც კარგად იცნობს მათი კონტროლის ქვეშ მყოფ პატიმრებს.“¹⁵

მაღალი რისკის დაწესებულებებში განსაკუთრებული ყურადღება უნდა მიექცეს უსაფრთხოების ფიზიკურ ასპექტებს. ხშირად, ამ ტიპის დაწესებულებებში გარე საზღვრები, რომლებიც ითვლება პატიმართა შემაკავებლად, განსაკუთრებულად არის გაძლიერებული, ძირითადად ორმაგი/სამმაგი ბარიერებით, როგორიცაა ღობეები და კედლები. დაწესებულების შიგნით უზრუნველყოფილია უსაფრთხო ბარიერები ან ჭიშკრები დაწესებულების სხვადასხვა ნაწილებს შორის. საკნის კარი, ფანჯრები და კედლები არის

¹² ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, ენდიუ კოილი, 2009.

¹³ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, ენდიუ კოილი, 2009.

¹⁴ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, ენდიუ კოილი, 2009

¹⁵ მინისტრთა კომიტეტის რეკომენდაცია Rec(2006)2 წევრი სახელმწიფოებისადმი ევროპული ციხის წესებთან დაკავშირებით;

განსაკუთრებული სიძლიერის. შესაძლოა არსებობდეს უსაფრთხოების ელექტრონული ზომებიც.¹⁶ ამავდროულად, მაღალი რისკის დაწესებულებებისთვის დინამიური უსაფრთხოების პრინციპებიც, განსაკუთრებით მნიშვნელოვანია. მსგავს დაწესებულებებში, თანამშრომლები ძირითადად პატიმრებს ყოველთვის თან დაყვებიან, როდესაც ისინი ტოვებენ საცხოვრებელ საკანს. ამგვარი სუპერვიზია ბევრად უფრო მეტი დატვირთვის მატარებელია, ვიდრე უბრალო გაცილება. თანამშრომელს უნდა ჰქონდეს პოზიტიური კონტაქტი პატიმართან, იმდენად, რამდენადაც ეს შესაძლებელია.¹⁷

როგორც ვხედავთ, დინამიური უსაფრთხოება გულისხმობს დაწესებულების თანამშრომლებს, რომლებიც აქტიურად და ხშირად ურთიერთობენ პატიმრებთან, რათა უკეთ გაიცნონ ისინი და შეაფასონ ის რისკები, რომლის მატარებელიც არიან ცალკეული პატიმრები.

სტატიკური უსაფრთხოება გულისხმობს უსაფრთხოების უზრუნველყოფელ ინფრასტრუქტურას, კერძოდ, კედლებს, წინააღმდეგობას, განათებას, ელექტრონული მეთვალყურეობის სისტემას, სასიგნალიზაციო სისტემას, საკეტებს, საჭიროებისამებრ პატიმართა დამორჩილების აღჭურვილობას და ა.შ.¹⁸

დინამიური უსაფრთხოების ელემენტებია: თანამშრომელთა ურთიერთობა პატიმრებთან, ინტერაქცია, დაკვირვება, ინფორმაციის მოგროვება, ცალკეული პატიმრის შესწავლა, კონფლიქტის მენეჯმენტი, შემოწმება, პატიმართა დათვლა, პატრულირება, დაკვირვება და სუპერვიზია, გადაადგილების კონტროლი, ვიზიტორები.¹⁹ დინამიური უსაფრთხოება გულისხმობს ქმედებებს, რაც ავითარებს პოზიტიურ ურთიერთობას დაწესებულების თანამშრომლებსა და პატიმრებს შორის, ეს არის უსაფრთხოებისადმი სპეციფიური მიდგომა, რაც ეფუძნება პენიტენციური დაწესებულების პოპულაციის ცოდნას და იმ ურთიერთობების გააზრებას, რაც არსებობს პატიმრებსა და თანამშრომლებს, აგრეთვე პატიმრებს შორის. თუ პატიმრებსა და თანამშრომლებს შორის შექმნილია პატივისცემაზე დაფუძნებული დამოკიდებულება, უზრუნველყოფილია, რომ თანამშრომელთა ძალაუფლება არ იყოს აღქმული როგორც პროვოკაცია ან დასჯა. ეს კი მათ აძლევს შესაძლებლობას უკეთ დაუპირისპირდნენ დაწესებულებაში არსებულ უსაფრთხოებასთან დაკავშირებულ პრობლემებსა და რისკებს. დინამიურ უსაფრთხოებას ერთ-ერთი წამყვანი ადგილი უჭირავს პენიტენციური დაწესებულების ყოველდღიურ ცხოვრებაში, თუმცა სხვადასხვა სისტემებში იგი განსხვავებულად არის აღწერილი და მისი მნიშვნელობა ყოველთვის სწორად არ არის გაგებული.

ისეთი ყოველდღიური საქმიანობა, როგორიცაა პატიმართა დათვლა, შემოწმება, გადაადგილების უზრუნველყოფა, პატიმართა კლასიფიცირება და განცალკევება არის საქმიანობა, რომლებიც ხელს უწყობს დაწესებულებაში წესრიგის (რეჟიმის) დაცვას და ამავდროულად ხელს უწყობს პატიმრებთან აუცილებელი კონტაქტის დამყარებას. თანამშრომლებს უნდა ესმოდეთ, რომ პატიმრებთან ჰუმანურ და სამართლიან მოპყრობას შეუძლია ხელი შეუწყოს დაწესებულების უსაფრთხოებასა და მასში წესრიგის უზრუნველყოფას. მაშინ როდესაც დინამიური უსაფრთხოება გულისხმობს პატიმრებსა და თანამშრომლებს შორის პოზიტიურ კომუნიკაციას, ინფორმაციის გაცვლასა და ყოველდღიურ რუტინას, სტატიკური უსაფრთხოება მოიაზრებს ფიზიკურ ინფრასტრუქტურასა და აღჭურვილობას. ორივე ელემენტი აუცილებელია უსაფრთხო, ჰუმანური გარემოს შესაქმნელად. მინიმალური უსაფრთხოების ინფრასტრუქტურის გარეშე, თანამშრომელთა მხრიდან მცირდება პატიმართა ეფექტიანი კონტროლის შესაძლებლობა, განსაკუთრებით იმ დაწესებულებებში, სადაც აქტუალურია გადატვირთულობის პრობლემა. ამავდროულად უსაფრთხოების ინფრასტრუქტურა ნაკლებად ღირებულია იქ, სადაც თანამშრომელთა შესაძლებლობები და კომპეტენცია არ არის ადეკვატური. ხშირად ამბობენ, რომ გაქცევის პრევენციას ახდენენ არა გისოსები და საკეტები, არამედ ყურადღებიანი თანამშრომლები.

საერთაშორისო გამოცდილების ანალიზისას, აღნიშნულია, რომ ბევრ ქვეყანაში, პენიტენციურ დაწესებულებებს არ აქვთ აუცილებელი სტატიკური უსაფრთხოების ელემენტები, აქედან გამომდინარე, თანამშრომლები ამის კომპენსირებას ახდენენ პატიმართა ჩაკეცილობით, მათი გადაადგილების შეზღუდვით. ეფექტიანი დინამიური უსაფრთხოების ელემენტების შემოღებას, როგორიცაა პატიმრებსა და თანამშრომლებს შორის კონტაქტის გაზრდა, შეუძლია გარკვეულწილად მოახდინოს სტატიკური უსაფრთხოების ელემენტების ნაკლებობის კომპენსირება. მაგალითად რისკების შეფასებას შეუძლია ხელი შეუწყოს თანამშრომელთა უკეთ გადანაწილებას, იმგვარად, რომ მათი მეტი ნაწილი განთავსდეს იქ, სადაც საჭიროა მაღალი რისკის პატიმართა მუდამხედველობა, ხოლო უფრო მცირე ნაწილი ნაკლები რისკის მქონე პატიმრებთან. თუმცა, „იმისათვის, რომ დინამიური უსაფრთხოება იყოს ეფექტიანი, საჭიროა ის გაგებული და მიღებული იყოს დაწესებულების მენეჯმენტის მიერ და მოხდეს მისი ინტეგრირება დაწესებულების მართვასთან დაკავშირებულ ყველა აქტივობაში.“²⁰

¹⁶ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, ენდუ კოილი, 2009, გვ.74.

¹⁷ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, ენდუ კოილი, 2009, გვ. 75.

¹⁸ „ინციდენტების მართვა პენიტენციურ დაწესებულებაში“, UN 2013, გვ-10.

¹⁹ „ინციდენტების მართვა პენიტენციურ დაწესებულებაში“, UN 2013, გვ-15.

²⁰ „ინციდენტების მართვა პენიტენციურ დაწესებულებაში“, UN 2013, გვ-21-22.

სტატიკური და დინამიური უსაფრთხოების სისტემის უზრუნველყოფა უნდა ხორციელდებოდეს დაწესებულების მიერ განსაზღვრული ცალკეული პროცედურებისა და რეგულაციების არსებობით (პროცედურული უსაფრთხოება). უსაფრთხოების ინსპექტირება, რომლის დროსაც მოწმდება ინფრასტრუქტურა, აღიქმება როგორც სტატიკური უსაფრთხოების ზომა. ინსპექტირების შედეგად მიღებული ინფორმაცია უნდა იწვევდეს ცალკეული დინამიური უსაფრთხოების ზომების გატარებას. ისეთი ღონისძიებების ჩათვლით, როგორიცაა წინააღმდეგობის მოხსნა, ყოველდღიური რეჟიმის შეცვლა, შემდგომი გამოკვლევა და ა.შ. ეს არის მაღალი რისკის დაწესებულების ინფრასტრუქტურის კომპონენტები.²¹ ზოგიერთ ქვეყნებში ხშირად მცირე მნიშვნელობა ენიჭება უსაფრთხოების სისტემების რეგულარულ ინსპექტირებას. ამ პირობებში დინამიური უსაფრთხოების გამოყენებას შეუძლია გააანეიტრალოს, დააბალანსოს სუსტი ინფრასტრუქტურით გამოწვეული შედეგები.

გემოთ მითითებული ფაქტორების გათვალისწინებით, პატიმრებსა და თანამშრომლებს შორის პოზიტიური კომუნიკაციის არსებობა შესაძლოა განხილულ იქნას პენიტენციური სისტემის უმთავრეს საფუძვლად. ცალკეული პატიმრებით, მათი კეთილდღეობით დაინტერესება, არის პატივისცემაზე დაფუძნებული ურთიერთობის საფუძველი, სადაც დაცულია ბალანსი ძალაუფლებას, კონტროლსა და სამართლიანობას შორის. ამგვარი ურთიერთობები წარმოადგენს, აგრეთვე ადამიანის უფლებებისა და კანონის უზენაესობის პატივისცემის მნიშვნელოვან პლატფორმას. მიზანშეწონილია „თანამშრომლების გადამზადება ისეთ საკითხებში, როგორიცაა კომუნიკაციის უნარები, კონფლიქტების გადანწყვეტა და პრობლემების გადაჭრა.“²²

როგორც უკვე აღვნიშნეთ, სტატიკური უსაფრთხოების ელემენტებს წარმოადგენს ფიზიკური უსაფრთხოების ფაქტორები, რომლის მართვაც ხორციელდება დინამიური და პროცედურული უსაფრთხოების ელემენტების გამოყენებით. მნიშვნელოვანია სტატიკური უსაფრთხოების სტანდარტებთან დაკავშირებით არსებული საერთაშორისო სტანდარტების უფრო დეტალური მიმოხილვა. აქ წარმოდგენილი არის სტატიკური უსაფრთხოების სხვადასხვა ელემენტები, რომლებიც მნიშვნელოვანია გათვალისწინებულ იქნეს პენიტენციური დაწესებულების ფუნქციონირებისას, თუმცა სტატიკური უსაფრთხოების კონკრეტული ელემენტების გამოყენება დამოკიდებულია თითოეული დაწესებულების სპეციფიკაზე და ზოგადად არსებულ რესურსებზე.

პერიმეტრის უსაფრთხოება

უსაფრთხო პერიმეტრი საზოგადოებას უქმნის განცდას, რომ პატიმრები მოთავსებულნი იქნებიან პენიტენციურ დაწესებულებაში და არ მიეცემათ საზოგადოებისთვის ზიანის მიყენების შესაძლებლობა. უსაფრთხო პერიმეტრი ასევე მიაწოდებს პატიმრებს, რომ პატიმრობიდან გაქცევის ნებისმიერი მცდელობა იქნება წარუმატებელი.

„პენიტენციური დაწესებულების უსაფრთხოების დონე უნდა შეესაბამებოდეს მასში განთავსებული პატიმრების უსაფრთხოების რისკებს. რაც უფრო მაღალია რისკი, როგორც წესი, მით მეტია ფიზიკური წინააღმდეგობის დონე, საზღვრები, რამაც ხელი უნდა შეუშალოს პატიმართა გაქცევას და დაწესებულებაში კონტროლის ადეკვატური ზომების შენარჩუნებას. დაწესებულებაში განთავსებული პატიმრების, მათ შორის მათგან მომდინარე რისკების შესწავლა წარმოადგენს პენიტენციური სისტემის უსაფრთხოებისკენ გადადგმულ მნიშვნელოვან ნაბიჯს.“

1 დონე

პირველი დონის უსაფრთხოების დაწესებულებებს ახასიათებს პატიმართა გაქცევისაგან დაცვის ყველაზე ბევრი დონე. ეს წინააღმდეგობა ფაქტიურად წარმოადგენს პენიტენციურ დაწესებულებებს თვითონ დაწესებულების შიგნით, პატიმართაგან თავისუფალი ზონისა და უსაფრთხოების სხვა ზომების უზრუნველყოფით.

2 დონე

ამ ტიპის პენიტენციურ დაწესებულებებს არ აქვთ პატიმრებისაგან თავისუფალი ცენტრალური ზონა, თუმცა არის პერიმეტრის ღობე, რაც ახდენს პატიმართა პერიმეტრის ღობეზე წვდომის პრევენციას. პატიმართა გადაადგილების კონტროლისა და გაქცევის აღკვეთის მიზნით, შესაძლოა არსებობდეს სხვა ზონური ზომებიც.

²¹ “ინციდენტების მართვა პენიტენციურ დაწესებულებაში”, UN 2013, გვ-47.


²² “ინციდენტების მართვა პენიტენციურ დაწესებულებაში”, UN 2013, გვ-47.

3 დონე

ამ ტიპის დაწესებულებებში პატიმართა მიმართ არსებობს მეტი ნდობა, თუმცა უზრუნველყოფილია პატიმართა უსაფრთხო საცხოვრებელი ზონები და პერიმეტრის კედელი, რაც ხელს უშლის პატიმართა გაქცევის მცდელობებს. შესაძლოა, აგრეთვე არსებობდეს სპეციფიური ზონები სენსიტიურ ტერიტორიებზე, როგორც არის აფთიაქი, უსაფრთხოების განყოფილება.

4 დონე

ამ ტიპის დაწესებულებაში განთავსებული არიან გაქცევის ყველაზე დაბალი რისკის მქონე პატიმრები. ხშირად ამ ტიპის დაწესებულებებს ღია ტიპის დაწესებულებებს უწოდებენ. ისინი მოიცავს მცირე ზომის საძინებლებს, რომლებიც ღამე იკეტება. პერიმეტრის ღობე უფრო მეტად არსებობს დაწესებულების ქონების საზღვრების დასადგენად, ვიდრე გაქცევის პრევენციისთვის. მოშორებით მდებარე დაწესებულებებში, ან იქ სადაც ამ ტიპის დაწესებულებების საკუთრებაშია გარშემო მდებარე მიწები, შესაძლოა საერთოდ არ ჰქონდეთ სასაზღვრო ღობეები.²³



ზოგადად შეიძლება ითქვას, რომ იმ დაწესებულებებში სადაც განთავსებული არიან მაღალი რისკის პატიმრები, პერიმეტრი ძირითადად შეესაბამება პირველ დონეს, როგორც ზემოთ არის აღნიშნული.

²³ ციხის დაგეგმვის ტექნიკური სახელმძღვანელო, გვ. 32-33, UNOPS, 2016.

თუმცა ბევრ ქვეყანაში არის ასევე პრაქტიკა, რომ სხვადასხვა ტიპის დაწესებულებებთან მიმართებაში ყოველთვის გამოიყენება პერიმეტრის უსაფრთხოების ყველაზე მაღალი დონე, რაც შეუსაბამოდ დიდ ხარჯებთან არის დაკავშირებული.

პატიმართა განთავსების ადგილი

პატიმართა განთავსების ყველა ტერიტორია უნდა იყოს უსაფრთხო და შეესაბამებოდეს საერთაშორისო სტანდარტებს. ეს ტერიტორიები შესაძლოა მოიცავდეს საკონტროლო პუნქტებს, საიდანაც თანამშრომლებს შეუძლიათ დააკვირდნენ პატიმრებს. პატიმართა განთავსების ადგილები უმჯობესია აგებული იყოს აგურის ან ბეტონის ბლოკის კონსტრუქციით, ბეტონის იატაკითა და უსაფრთხო სახურავით, ფანჯრებითა და კარებით. თავიდან უნდა იქნას აცილებული საკნის ისეთი კარის დამონტაჟება, რომელიც არ იძლევა თანამშრომელთა მხრიდან გიზუალური დაკვირვების ან ჰაერის ცირკულირების შესაძლებლობას.

ხშირ შემთხვევაში, პენიტენციური დაწესებულებების ნაწილში, პატიმრებს ხელი მიუწვდებათ საკნის საკეტ მექანიზმებზე და წინაღობებზე, რაც ქმნის სერიოზულ უსაფრთხოების რისკებს. ეს შეიძლება თავიდან იქნეს არიდებული ახალი საკნის კარების დამონტაჟებით ან ძველის შეკეთებით. სადაც ეს არ არის შესაძლებელი, პატიმრებს უნდა მიეცეთ მითითება დაიხიონ კარიდან უკან ყველა ჯერზე, როდესაც თანამშრომლები აღებენ ან კეტავენ საკნის კარს.

თავიდან უნდა იქნას აცილებული ღია ანჯამებიანი საკნის კარის გამოყენება, რომლის ამოღებაც ადვილად არის შესაძლებელი. თავიდან უნდა იქნას ასევე აცილებული ფაიფურის ტუალეტისა და ხელსაბანი ნიჟარის დამონტაჟება, ვინაიდან მათი გატეხვა ადვილია და შესაძლებელია ნამსხვრევების იარაღად გამოყენება. საწოლები უნდა იყოს ფოლადის კონსტრუქციის და მიმაგრებული უნდა იყოს იატაკზე ისე, რომ ვერ მოხდეს პატიმრების მიერ მათი გამოყენება ინციდენტების დროს.

პატიმართა სასაქონლო ტერიტორია

ეს არის პერიმეტრის შიგნით მდებარე ტერიტორია ღია ცის ქვეშ, რომელიც პატიმრებს შეუძლიათ გამოიყენონ რეკრეაციისთვის თანამშრომელთა მეთვალყურეობის ქვეშ. ერთდროულად აღნიშნულ ზონებში მყოფი პატიმრების რიცხვი არ უნდა აღემატებოდეს პატიმართა იმ რაოდენობას, რომელმაც შესაძლოა გაართულოს რეაგირება გაუთვალისწინებელი პრობლემის წარმოშობის შემთხვევაში. სასაქონლო ტერიტორია უსაფრთხოების უზრუნველსაყოფად უნდა შემოწმდეს, როგორც გასაქონლების დანყების წინ, ასევე მის შემდეგ.

პაემნის/შეხვედრების ტერიტორია²⁴

პაემნის/შეხვედრის ადგილები ისე უნდა იქნას მოწყობილი, რომ წარმოადგენდეს უსაფრთხო ტერიტორიას როგორც ვიზიტორების, ასევე პატიმრებისთვის და იძლეოდეს როგორც კონტაქტური, ასევე უკონტაქტო ვიზიტების შესაძლებლობას. უნდა ხორციელდებოდეს აღნიშნული ტერიტორიის მეთვალყურეობა, რათა უზრუნველყოფილი იქნას მხოლოდ ნებადართული კონტაქტი და თავიდან იქნას აცილებული აკრძალული ნივთების გადაცემა პატიმრებისთვის. ვიზიტის განხორციელებამდე და მის შემდეგ უნდა მოხდეს აღნიშნული ტერიტორიის შემოწმება.

პენიტენციური დაწესებულების სხვა შენობები

აღნიშნული ტერიტორიები აგებული უნდა იყოს დადგენილი სტანდარტებით, გააჩნდეს გისოსები ფანჯრებზე და უსაფრთხო კარები. ისინი არ უნდა იყოს განლაგებული პატიმართა საცხოვრებელთან ახლოს.

ადმინისტრაცია

როგორც წესი, ადმინისტრაცია აერთიანებს რამდენიმე სპეციალიზებულ ტერიტორიას, როგორიცაა პირადი საკმეების განთავსების ადგილი, პატიმართა პირადი ნივთების შესანახი ოთახი და ა.შ. თანამშრომლებსა და სხვა თანამდებობის პირებს უნდა შეეძლოთ აღნიშნულ ტერიტორიაზე შესვლა პენიტენციური დაწესებულების დაცულ ტერიტორიაზე გავლის გარეშე.

²⁴ იგულისხმება შეხვედრების ოთახი გამომძიებლებთან, ადვოკატებთან, სასულიერო პირებთან. ასევე, ნებისმიერი ტიპის პაემანი - ხანმოკლე, საოჯახო და ა.შ.

სამზარეულო/სასადილო

უნდა არსებობდეს საკვების შესანახი უსაფრთხო ადგილი, საკვების მომზადებისა და სამზარეულო აღჭურვილობის, მათ შორის დანების ან სხვა ბასრი საგნების უსაფრთხოდ გამოყენების ზედამხედველობის შესაძლებლობა. პატიმრებს არ უნდა ჰქონდეთ სხვა პატიმრებისთვის მისაწოდებელი საკვების რაოდენობის კონტროლის, აგრეთვე საკვების შენახვის ადგილზე და სამზარეულო ინვენტარზე უკონტროლო წვდომის შესაძლებლობა.

სარდაფი/საწყობი

აღნიშნულ ტერიტორიაზე ხელმისაწვდომობა მკაცრად უნდა გაკონტროლდეს. იგი არ უნდა ესაზღვრებოდეს პატიმართა საცხოვრებელ ადგილებს.

სამედიცინო პუნქტი

ეს არის ტერიტორია, სადაც პატიმრებს შესაძლოა ჰქონდეთ ხელმისაწვდომობა წამლებზე, სამედიცინო აღჭურვილობაზე და სამედიცინო პირად ჩანაწერებზე. ეს ტერიტორია უნდა აკმაყოფილებდეს იგივე სტანდარტებს, რასაც პატიმართა საცხოვრებელი ზონა. მედიკამენტები და პაციენტთა სამედიცინო დოკუმენტები სათანადოდ უნდა იქნას დაცული. პატიმრების ხელმისაწვდომობა აღნიშნული ტერიტორიების მიმართ მკაცრად უნდა გაკონტროლდეს.

განსაკუთრებით დაცული, უსაფრთხო ზონები

პენიტენციური დაწესებულების ტერიტორიაზე არსებობს კონკრეტული წერტილები, რომლებიც უნდა იყოს განსაკუთრებული კონტროლის ქვეშ და უზრუნველყოფილი უნდა იყოს დაცვის მაღალი სტანდარტით. ეს განსაკუთრებით მნიშვნელოვანია დაწესებულების ფუნქციონირების ნაწილობრივი ან სრული მოშლის შემთხვევაში, რაც შეიძლება გამოწვეული იყოს სხვადასხვა ფაქტორებით. ამ წერტილებზე ხელმისაწვდომობა შეზღუდული უნდა ჰქონდეთ, როგორც პატიმრებს, ასევე დაწესებულების პერსონალს, ვისაც აღნიშნულ ლოკაციებზე წვდომის სამსახურებრივი საჭიროება არ აქვს.

ელექტრო კომუნიკაციის და კონტროლის ცენტრი

შესაძლოა არსებობდეს ერთი ან რამდენიმე ტერიტორია, საიდანაც დაწესებულების თანამშრომლები აკვირდებიან ტერიტორიას, იყენებენ და ინახავენ ჩამწერ მოწყობილობას, ააქტიურებენ და პასუხობენ განგაშის სიგნალს. ეს არის დაცული ზონა/მაღალი უსაფრთხოების ტერიტორია დაწესებულების შიგნით. აღნიშნული ოთახი ხშირად ხდება საკონტროლო წერტილი ინციდენტების დროს და წარმოადგენს ცენტრალურ წერტილს კომუნიკაციებისა და თანამშრომელთათვის შეტყობინებების გადაცემისთვის.

რიგ პენიტენციურ დაწესებულებებში შენობები დანომრილია და თვალსაჩინოდ არის იდენტიფიცირებადი როგორც გარედან, ასევე შიგნიდან. ასეთი პრაქტიკა ეხმარება გარე ინსტიტუციებს, რომლებიც დახმარებას უწევენ პენიტენციურ დაწესებულებას ცალკეული ინციდენტების დროს.

ელექტრონული მეთვალყურეობის სისტემა შესაძლოა მოსახერხებელი იყოს პატიმრებისა და თანამშრომლების ზედამხედველობისთვის, იმის უზრუნველსაყოფად, რომ დაწესებულების მართვა დადგენილი წესით ხორციელდება. ელექტრონული მეთვალყურეობის სისტემა შესაძლოა, ასევე მიზნად ისახავდეს ცალკეული ინციდენტების ჩანერგას, მათი მტკიცებულებად გამოყენების მიზნით. ვიდეოკამერები შესაძლოა იყოს სტატიკური და მიმართული იყოს კონკრეტული ტერიტორიისკენ, ან იყოს მოძრავი და შესაძლებელს ხდიდეს მთელი ოთახის დანახვას, იძლეოდეს კადრის მიახლოების შესაძლებლობას, მაგალითად ვიზიტების ოთახში არსებული მაგიდების მიმართულებით, რათა გამოირიცხოს უკანონო ნივთების შესაძლო გადაცემის ფაქტები. ვიდეოკამერა შესაძლოა მიმართული იყოს პატიმრებისგან თავისუფალ ტერიტორიაზე, კონკრეტული მოძრაობის, უსაფრთხოების ხელყოფის ფაქტების დასაფიქსირებლად. ტექნოლოგიური შესაძლებლობების დონის გათვალისწინებით, ინფრანითელი კამერები სასარგებლოა ღამის პერიოდში ვიდეოჩანერის განხორციელებისათვის. ისევე როგორც პენიტენციურ დაწესებულებაში გამოყენებული სხვა მასალები, ვიდეოკამერებიც უნდა უძლებდეს ზემოქმედების გარკვეულ მცდელობებს²⁵.

განგაშის სისტემა

განვითარებულ ქვეყნებში, პენიტენციურ დაწესებულებებს აქვთ განგაშის სისტემა, რომელიც თანამშრომლებს აწვდის ინფორმაციას ხანძრის ან სხვა ინციდენტის შესახებ. ისევე როგორც

²⁵ ციხის დაგეგმვის ტექნიკური სახელმძღვანელო, გვ. 37, UNOPS, 2016.

სხვა ელექტრონული სისტემების შემთხვევაში, ყურადღება უნდა მიექცეს აღნიშნული სისტემის გამართულობის უზრუნველყოფას. არ უნდა მოხდეს ისეთი სისტემების დამონტაჟება, რომლის ფუნქციონირების უზრუნველყოფაც ვერ მოხერხდება. სისტემებისთვის, რომელთა ფუნქციონირებაც დამოკიდებულია ელექტროენერგიაზე გათვალისწინებული უნდა იქნას ელექტროენერგიის ხარისხი და მისი უსაფრთხოება, ან ალტერნატიული საშუალებების გამოყენება, როგორცაა სათანადო გენერატორი, რაც შესაძლოა დამატებით ხარჯებს იწვევდეს.

განგაშის სისტემის ზოგიერთი საშუალება შესაძლოა მოიცავდეს ღილაკებს, რომლებიც განლაგებულია დაწესებულების სტრატეგიულ წერტილებში; საგანგებო სატელეფონო სისტემას, რომელიც ძირითადი ხაზისგან დამოუკიდებლად არსებობს; რადიო სისტემას რადიო მიმღებებზე განგაშის ღილაკებით. სირენებსა და ზარებს, რომლებიც დაკავშირებულია განგაშის ძირითად სისტემასთან. შეგვიძლია განვიხილოთ განგაშის სხვადასხვა სახის საშუალებები:

- **დასაჭერი განგაშის სისტემები** განლაგებულია დაწესებულების სტრატეგიულ წერტილებში, რათა თანამშრომლებმა მოახერხონ განგაშის ღილაკის დაჭერა ინციდენტის წარმოქმნის შემთხვევებში. ღილაკები დაკავშირებულია კონტროლის ოთახთან, რომელიც ახდენს იდენტიფიცირებას სად მოხდა განგაშის ღილაკის გააქტიურება. კონტროლის ოთახიდან შესაძლებელია ინფორმაციის მიწოდება თანამშრომლებისთვის რადიოგადამცემის, საგანგებო სიტუაციების ტელეფონის ან განგაშის ზარების საშუალებით;
- **საგანგებო სიტუაციების სატელეფონო სისტემა** არსებობს ძირითადი სატელეფონო სისტემისგან დამოუკიდებლად. ის აკავშირებს კონტროლის ოთახს ყველა ძირითად პუნქტთან (საცხოვრებელი ზონები, სამუშაო ზონები, სამზარეულო, ჯანმრთელობის დაცვის პუნქტები). აღნიშნული ტელეფონები სხვა ტელეფონებისაგან შესაძლოა განსხვავდებოდეს ფერით, ან ზარით. უნდა არსებობდეს საკონტროლო ოთახთან დასაკავშირებელი ადვილად დასამახსოვრებელი სატელეფონო ნომერი;
- **დაწესებულების რადიოკავშირი** იძლევა განგაშის რადიო სისტემით გადაცემის შესაძლებლობას. ზოგიერთ რადიოს შეუძლია რადიოს ლოკაციის იდენტიფიცირება, რათა კონტროლის ოთახს დაეხმაროს ინციდენტის ადგილის დადგენაში. რადიო სისტემა შესაძლოა აღჭურვილი იყოს განგაშის დაბალი სიხშირის ბგერითი სიგნალით, თანამშრომლებისთვის გადასაცემი სასწრაფო ინფორმაციის აღსანიშნავად. შესაძლოა საკონტროლო ოთახშიც იყოს საგანგებო სიტუაციების გარე სამსახურებთან შემაერთებული რადიო სისტემის არსებობის საჭიროება;
- **სირენები (საყვირები) და ზარები** შესაძლოა მიერთებული იყოს ძირითად განგაშის სისტემასთან, რათა უზრუნველყოს თანამშრომელთა ყურადღების მიპყრობა ინციდენტის მიმართ;
- **გასაღებების განგაშის სიტემა** შესაძლოა დამონტაჟდეს, რათა მისცეს განგაშის სიგნალი მთავარი შესასვლელი კარის (საკონტროლო-გამშვები პუნქტის) მცველებს²⁶, თუ თანამშრომელი ტოვებს შენობას და თან აქვს დაწესებულების გასაღებები²⁷.

პერსონალური მონაცემების დაცვა

დაწესებულებებში, როგორც წესი მუშავდება და ინახება მონაცემები, როგორც პატიმრის, ასევე პერსონალის შესახებ (პირადი საქმეები, სხვადასხვა სახის ჩანაწერები და ა.შ.). ასეთი სახის მონაცემები შესაძლოა მუშავდებოდეს ავტომატური (ელექტრონული) და არაავტომატური გზით. ასეთი სახის მონაცემები (როგორც სერვერები, ასევე კონკრეტული მასალები) უნდა ინახებოდეს განსაკუთრებით დაცულ ადგილას და მასზე ხელმისაწვდომობა არ უნდა ჰქონდეთ გარეშე პირებს. მისი დაცულობა განსაკუთრებით უნდა იყოს უზრუნველყოფილი კრიზისული სიტუაციების დროს. სასურველია არსებობდეს ინფორმაციის პარალელურად ორ წერტილზე შენახვის პრაქტიკა (ე.წ. "Backup").

კომუნალური მოწყობილობები

დაწესებულება უნდა ეცადოს ჰქონდეს ალტერნატიული ელექტროენერგიის წყარო (დიზელ გენერატორი, მზის ენერგია და ა.შ.). უნდა არსებობდეს, აგრეთვე დამოუკიდებელი და სანდო წყლის მიღების წყარო. მიზანშეწონილია, რომ ამ მოწყობილობების მართვის ცენტრი ლოკალიზებული იყოს უსაფრთხო, განსაკუთრებულად დაცულ ადგილას.

კარის ჩამკეტი მექანიზმები

²⁶ ქართული კანონმდებლობით გარე დაცვის სამსახურის გუშაგი, უსაფრთხოების სამსახურის ოფიცერი ან/და რეჟიმის ინსპექტორი.

²⁷ ციხის დაგეგმვის ტექნიკური სახელმძღვანელო, გვ. 36, UNOPS, 2016.

პენიტენციური დაწესებულება უზრუნველყოფილი უნდა იყოს ჩამკეტი სისტემებით, რომლებიც ასახავს უსაფრთხოების საჭირო ზომას, წესრიგისა და პატიმართა გადაადგილებაზე კონტროლის უზრუნველსაყოფად. შესაძლოა გამოყენებული იქნას როგორც მექანიკური, ისე ელექტრონული სისტემები. ბევრ პენიტენციურ დაწესებულებაში იყენებენ შერეულ სისტემას, რათა უზრუნველყონ უსაფრთხოების აუცილებელი დონე.

ელექტრო ჩამკეტ სისტემას შეუძლია პატიმართა გადაადგილების ეფექტიანი კონტროლის შემოთავაზება. პიკის საათებში ისინი ასევე საჭიროებენ ნაკლებ თანამშრომელს დაკეტვისა და გაღებისთვის (მაგ: დილით კარის გაღება და საღამოს ჩაკეტვა). ელექტრო კარები შესაძლოა განსაკუთრებით მოსახერხებელი იყოს ძირითად შემოსასვლეში მანქანებისა და ფეხით შემსვლელებისათვის. თუმცა ელექტრო ჩამკეტები შესაძლოა გამოყენებული იყოს მხოლოდ მაშინ, თუ ხელმისაწვდომია ელექტროენერგია, სისტემა სანდოა, და მოქმედებს შეკეთებისა და ფუნქციონირების უზრუნველყოფის ღონისძიებები.

ხელით ჩასაკეტი (მექანიკური) სისტემები განსხვავდება ქვეყნების მიხედვით. ზოგიერთი სისტემა კვლავ იყენებს ბოქლომებს, მაშინ როდესაც სხვაგან არის უფრო რთული ჩამკეტები და გასაღების სისტემები. ბოქლომები განსაკუთრებით ადვილი დასაზიანებელია, ამიტომ თანამედროვე პენიტენციურ დაწესებულებებში უპირატესობა უნდა მიენიჭოს შესაბამის საკეტებსა და გასაღებების სისტემას. ასეთი სისტემები შესაძლოა ძვირი იყოს, თუმცა ისინი უფრო მდგრადია ზეწოლის მიმართ და უფრო გამძლეა. ქვემოთ განხილულია მათი რამდენიმე სახეობა.

1 სახეობა

აღნიშნული ტიპის გასაღებები უზრუნველყოფენ უსაფრთხოების უმაღლეს ხარისხს. ისინი ძირითადად განთავსებულია განყოფილებების (სექტორების, კორპუსების) შესასვლელში, შიდა პერიმეტრის კართან, ცალკეული ზონების კართან, რომლებიც იცავს მაღალი უსაფრთხოებისა და მოწყვლადობის ზონებს. ორმაგი საკეტები გამოიყენება, როდესაც დაწესებულებაში არის ღამის დრო და თანამშრომელთა რიცხვი დაწესებულებაში საგრძნობლად შემცირებულია. მათი გამოყენება შესაძლებელია აგრეთვე გაქცევის მცისიერი საფრთხის არსებობის დროს. ორმაგი ჩაკეტვის სისტემა განსაკუთრებით სასარგებლოა, როდესაც ადგილი აქვს გასაღების დაკარგვას ან პატიმრებმა მოახერხეს ძირითადი გასაღების დუბლიკატის დამზადება.

2 სახეობა

გასაღებების ეს ტიპი არის პირველი ტიპის მსგავსი, თუმცა მისგან განსხვავებით არ აქვს ორმაგი ჩაკეტვის სისტემა. ეს სისტემა ძირითადად გამოიყენება დიდი ხის კარის ჩასაკეტად, რომლებიც იცავს პირველი ტიპის საკეტი სისტემით უზრუნველყოფილ ჭიშკარს. ეს სისტემა წარმოადგენს დაცვის დამატებით ფენას და შესაძლოა დამონტაჟებული იყოს სექტორებს (კორპუსებს) შორის არსებულ კარებზე, მაგალითად საცხოვრებელი და სამუშაო ზონის შიგნით, ისევე როგორც დაწესებულების გარშემო ძირითადი ზონების განსაზღვრისთვის. კარგ ამინდში, აღნიშნული კარი შესაძლოა იყოს ღია, თუმცა უნდა მოქმედებდეს შესაბამისი მოწყობილობები, რომლებიც უზრუნველყოფს კარის ღია მდგომარეობაში დაფიქსირებას.


3 სახეობა

მესამე ტიპის საკეტები გამოიყენება ოთახების კარებისთვის, ნივთების შესანახი ოთახების კარების დასაკეტად, სადაც ინახება დაბალი რისკის მქონე მასალები, თანამშრომელთა საპირფარეშოების, საკლასო ოთახების ჩასაკეტად. შესაძლებელია პენიტენციურ დაწესებულებაში რამდენიმე ამ ტიპის გასაღების არსებობა, რათა ლიმიტირებული იყოს ცალკეულ ტერიტორიებზე მხოლოდ უფლებამოსილი პირების წვდომა.

4 სახეობა

მეოთხე ტიპის საკეტები გამოიყენება საკნებისთვის. მათ შესაძლოა ჰქონდეთ ხრახნიანი სატრიალებელი, რაც ცხადად მიუთითებს, რომ გარშემო მოთავსებულია ჭანჭიკი, რომელიც ჩამაგრებულია კარის ჩარჩოში. საკეტს ასევე შესაძლოა ჰქონდეს ღილაკი, რაც შესაძლებლობას მისცემს თანამშრომლებს ჭანჭიკები დააფიქსირონ ღია მდგომარეობაში, კარის ჩარჩოს გარეთ, რომ თანამშრომლებმა შეძლონ საკანში შესვლა ისე, რომ არ ეპინოდეთ შიგნით ჩაკეტვის. იმისათვის, რომ დაწესებულებაში, სადაც იყენებენ ხელის (მექანიკურ) საკეტებს, უზრუნველყოფილი იყოს უსაფრთხოება, თანამშრომლებს ხელი უნდა მიუწვდებოდეთ მხოლოდ იმ გასაღებებზე, რომლებიც მათ საკუთარი მოვალეობების შესრულებისთვის ესაჭიროებათ. მაგალითად რეჟიმზე პასუხისმგებელ თანამშრომელს შესაძლოა ხელი მიუწვდებოდეს საკნის გასაღებზე, მაშინ როდესაც ფსიქოლოგს შესაძლოა ასეთი გასაღები საერთოდ არ ესაჭიროებოდეს. დაწესებულებაში უნდა არსებობდეს

საგანგებო სიტუაციების ზომები, რათა საჭიროების შემთხვევაში უზრუნველყოფილი იქნას უსაფრთხო ევაკუაცია სტიქიური უბედურებების ან ხანძრის დროს. ეს ზომები უნდა ეხებოდეს აგრეთვე გასაღებების ადგილმდებარეობის შესახებ ინფორმირებულობას²⁸.



გასაღებების კონტროლი, ასევე გულისხმობს პროცედურებსა და პრაქტიკას, რომელიც უზრუნველყოფს, რომ გასაღებები (განსაკუთრებით უსაფრთხოების სისტემის უზრუნველყოფასთან დაკავშირებული) ექვემდებარებოდეს კონტროლს და ინახებოდეს დაცულ ადგილას. პროცედურები და პრაქტიკა უნდა არეგულირებდეს გასაღებების შენახვას, აღრიცხვას, დამზადებას, მიღებასა და გამოყენებას.

გარდა ამისა, პენიტენციური დაწესებულების გასაღებები და საკეტები უსაფრთხოების თვალსაზრისით შესაძლოა დაიყოს შემდეგ კატეგორიებად:

1. ძალიან მაღალი უსაფრთხოების - დაპატენტებული გასაღები ან საკეტი მრავალი უსაფრთხოების დეტალით, რომლის მოპოვება შესაძლებელია მხოლოდ მწარმოებლისგან და რომლის ასლის გაკეთებაც შეუძლია მხოლოდ მწარმოებელს შესაბამისი ნებართვის მიღების შემდეგ;
2. მაღალი უსაფრთხოების – დაპატენტებული გასაღები ან საკეტი შედარებით ნაკლები უსაფრთხოების დეტალით და გასაღებით, რომლის ასლის გაკეთება შეუძლია მხოლოდ მწარმოებელს;
3. საშუალო უსაფრთხოების – გასაღები და საკეტი შესაძლოა შეძენილი იქნას სპეციალისტ მიმწოდებლისგან და მისი დუბლიკატის გაკეთება საჭიროებს სპეციალურ აღჭურვილობას;
4. დაბალი უსაფრთხოების – სტანდარტული, დაბალი ხარისხის გასაღებები და საკეტები, რომელთა შეძენა შესაძლებელია ნებისმიერი საცალო გამყიდველისგან და რომლის ასლიც ადვილად მზადდება.

საკეტებისა და გასაღებების კატეგორია უნდა განისაზღვროს დაწესებულების უსაფრთხოების მოთხოვნებისა და ხელმისაწვდომი რესურსების შესაბამისად.

გასაღებების სათადარიგო ასლები უნდა ინახებოდეს უსაფრთხო ადგილას და უნდა გამოიყენებოდეს დაკარგული ან დაზიანებული გასაღებების ჩასანაცვლებლად, ასევე დამატებითი უსაფრთხოების უზრუნველსაყოფად ინციდენტის მართვის დროს.

საიარაღო

ეს არის დაცული ტერიტორია სადაც ინახება ცეცხლსასროლი იარაღი და სპეციალური საშუალებები (იმ შემთხვევაში, თუკი დაწესებულებაში არის ასეთი სახის საიარაღო). ეს ტერიტორია საჭიროებს უსაფრთხოების ძალიან მაღალ დონეს, ლიმიტირებული ხელმისაწვდომობის, დამატებითი წინააღმდეგობისა და საკეტების დამონტაჟების ჩათვლით. აღნიშნული ტერიტორია არ უნდა იყოს განლაგებული ადგილზე, რომელიც ხელმისაწვდომია პატიმრებისთვის. იგი უნდა იყოს განთავსებული განსაკუთრებით დაცულ ადგილას.

²⁸ ციხის დაცემის ტექნიკური სახელმძღვანელო, გვ. 34-35, UNOPS, 2016.

დაწესებულებების სპეციფიკის გათვალისწინებით, შეიძლება განისაზღვროს სხვა წერტილებიც, რომლებიც შესაძლოა მოექცეს განსაკუთრებული დაცვისა და მეთვალყურეობის ქვეშ.

სტატიკური უსაფრთხოების სხვა კომპონენტები

საფეხურიანი მიწისქვეშა სივრცეები საგანგებო სიტუაციებისთვის

პენიტენციური დაწესებულების შენობები, სადაც განთავსებულნი მაღალი რისკის პატიმრები, შესაძლოა საჭიროებდნენ საფეხურიანი მიწისქვეშა სივრცეების არსებობას, რათა თანამშრომლებმა მოახერხონ შენობაში შეღწევა საგანგებო მდგომარეობების, მაგ: ბუნტის დროს. აღნიშნულ სივრცეს უნდა ჰქონდეს კარი, რომელიც შიგნით იღება, რათა არ მოხდეს მათზე ბარიკადის ორგანიზება პატიმრების მხრიდან.

პატიმრებისაგან თავისუფალი ზონები

მიწის ვიბრაციის განმსაზღვრელი მონწყობილობები, მოძრაობის შემნიშვნელი მსუბუქი გამოსხივების სენსორები და ინფრარითელი მონწყობილობები შესაძლოა განთავსდეს პატიმრებისგან თავისუფალ ზონებში, რათა მოახდინოს პატიმრების გამოაშკარავება გაქცევის მცდელობის დროს, განსაკუთრებით ღამით.

სადრენაჟე მიწები

პატიმართა სახურავზე მოხვედრის თავიდან ასაცილებლად, შესაძლოა მიწის გარშემო მოთავსდეს შვერილები. ასევე შესაძლებელია დამონტაჟდეს სამაგრები, რომლებიც ადგილზე დააფიქსირებს მიწს, თუმცა ვერ გაუძლებს ადამიანის წონას.

კაბელები

კედლებისა და შენობის გვერდზე არსებობისას, კაბელები ისე მჭიდროდ უნდა იყოს დამონტაჟებული კედელთან, რომ პატიმრებს არ მიეცეთ მათი გამოყენების შესაძლებლობა.

კიბის შესანახი ადგილი

ციხეში ყოველთვის უნდა მიეცეს ყურადღება კიბეების შენახვას. კიბეების შესანახად შესაძლოა გამოყენებული იქნას უსაფრთხო ტერიტორიაზე მოთავსებულ შესანახი სივრცე.

ორმაგი ჭიშკრები და კარები: იატაკის ჭანჭიკები

ორმაგი ჭიშკრები და კარები ისე უნდა იქნას დაპროექტებული, რომ პატიმრებმა ვერ მოახერხონ გაქცევის მიზნით, იატაკზე მდებარე ორივე ჭანჭიკის ერთდროულად ამოძრობა და შემდეგ მიწოლით შესასვლელის გათავისუფლება²⁹.

²⁹ ციხის დაგეგმვის ტექნიკური სახელმძღვანელო, გვ. 37, UNOPS, 2016.

თავი: 2

კატორღის მიღება და ბანთაწესება

მეორე თავი

პატიმრის მიღება და განთავსება

საერთაშორისო სტანდარტები და პრაქტიკა

პენიტენციურ სისტემაში არსებობენ პატიმრები, რომლებიც საჭიროებენ მაღალი უსაფრთხოების პირობებში მოთავსებას. ამ პატიმრების მართვა მნიშვნელოვან გამოწვევას წარმოადგენს დაწესებულებების ადმინისტრაციისთვის, რომლებმაც უნდა მიაღწიონ ბალანსს შემდეგ ფაქტორებს შორის: საფრთხე, რომლებსაც პატიმრები ქმნიან საზოგადოებისთვის დაწესებულებიდან თავის დაღწევის შემთხვევაში, საფრთხე, რომელსაც ისინი წარმოადგენენ დაწესებულების შიგნით არსებული წესრიგისთვის (რეჟიმისათვის) და სახელმწიფოს ვალდებულება, რომ ყველა პატიმარს მოეპყროს ღირსეულად და ჰუმანურად (რაც უკვე განხილულ იქნა შესავალ ნაწილში).

თუმცა უნდა აღინიშნოს, რომ ხშირ შემთხვევაში ზოგიერთი პატიმარი, რომელიც იმყოფება მაღალი უსაფრთხოების პირობებში, მთელი რიგი მიზეზებიდან გამომდინარე, რეალურად მოთავსებული უნდა იყოს უფრო დაბალი უსაფრთხოების პირობებში. მაღალი რისკის პატიმრები გამუდმებით უნდა იყვნენ უშუალო მეთვალყურეობის ქვეშ და მათი გადაადგილების თავისუფლება, ისევე როგორც სხვა ადამიანებთან კონტაქტი უნდა განხორციელდეს თანამშრომელთა უშუალო მეთვალყურეობით. სწორი განხორციელების შემთხვევაში, მაღალი უსაფრთხოების პირობების უზრუნველყოფა მოითხოვს დიდ ფინანსურ, ტექნიკურ და ადამიანურ რესურსებს.

დაწესებულების ადმინისტრაციის შესაძლებლობა პატიმრებს მოექცეს როგორც ინდივიდებს ან ინდივიდთა ჯგუფებს, და არა როგორც ერთ ჰომოგენურ ჯგუფს, ეფექტური კლასიფიკაციისა და განცალკევების პროცესის გამოყენებით, ხელს უწყობს დაწესებულებაში წესრიგის შენარჩუნებას და პატიმართა რეაბილიტაციის პროცესს. თუმცა სხვადასხვა კატეგორიის პატიმართა ფიზიკურად განცალკევების შესაძლებლობა დამოკიდებულია დაწესებულების ინფრასტრუქტურასა და გადატვირთულობის დონეზე. სამწუხაროდ, ბევრი პენიტენციური დაწესებულება ეფექტურ ფიზიკურ განცალკევებას ვერ ახერხებს.³⁰

რისკების შეფასებამ შესაძლოა დაწესებულების ადმინისტრაციას მისცეს დაწესებულების მართვის ყველაზე მისაღები ფორმის არჩევის შესაძლებლობა, მათ შორის ისეთი საკითხების გადანაცვების საშუალება როგორიცაა პატიმართა განთავსება დაწესებულების შიგნით და საჭირო ზედამხედველობის დონე. პატიმრების კლასიფიცირება უნდა მოხდეს მათი მიღებისას და შემდეგ რაიმე მნიშვნელოვანი მოვლენის დადგომისას, რამაც შესაძლოა გავლენა მოახდინოს პატიმრის მართვაზე.

ეფექტური კლასიფიკაციის პროცესი ეფუძნება ინდივიდის საჭიროებებს და უპირისპირდება ტრადიციულ, ყველა პატიმრის მიმართ მსგავსი მოპყრობის მიდგომას. ყველა პატიმრის მიმართ იმგვარად მოპყრობა, თითქოს ისინი წარმოადგენენ თანაბარ რისკს არის უსამართლო და წარმოადგენს რესურსების არაეფექტიან გამოყენებას.

საჭიროა არსებობდეს ნათელი, კარგად განსაზღვრული სისტემა იმის იდენტიფიცირებისთვის, თუ რომელი პატიმარი უნდა განთავსდეს მაღალი უსაფრთხოების დაწესებულებაში. რისკის დონე, რომელსაც წარმოადგენს პატიმარი უნდა შეფასდეს ინდივიდუალურად განგრძობად და რეგულარულ საფუძველზე.

ბევრ ქვეყანაში არსებობს უსაფრთხოების სხვადასხვა დონეები, რომლებიც პირობითად შესაძლოა სამ კატეგორიად დაიყოს (თუმცა შესაძლებელი უფრო მეტად დიფერენცირებაც):

- **უსაფრთხოების მინიმალური დონე.** გამოყენებული უნდა იქნას იმ პატიმრების მიმართ, რომლებიც მცირედ საფრთხეს წარმოადგენენ, ან არ წარმოადგენენ საფრთხეს საზოგადოებისთვის, რომელთა გაქცევის რისკიც არ არსებობს. ამ პირობებში, ფიზიკური უსაფრთხოების დონე არის დაბალი. უმეტეს შემთხვევაში არ არსებობს პერიმეტრის უსაფრთხოება. შიდა უსაფრთხოება შემოიფარგლება მხოლოდ საცხოვრებელი ოთახების კარის დაკეტვით ღამის საათებში. ასეთ პირობებში შესაძლოა მოხდეს არაძალადობრივი დანაშაულისთვის მსჯავრდებულ პირთა, აგრეთვე იმ პატიმართა განთავსება, რომლებიც დიდი ხნის მანძილზე იხდიდნენ სასჯელს და უახლოვდებიან გათავისუფლების თარიღს.

³⁰ "ციხის ინციდენტების მართვა", UN 2013.

- **უსაფრთხოების საშუალო დონე.** ამგვარი პირობები შეესაბამება პატიმრების უმრავლესობის საჭიროებებს, რომლებსაც შესაძლოა არ აქვთ გადამწყვეტილი გაქცევა, არ არღვევენ წესრიგს (რეჟიმს), თუმცა მათ მიმართ არ არსებობს საკმარისი ნდობა მინიმალური უსაფრთხოების დანერგულებაში განთავსებისთვის. ეს პირობები, როგორც წესი გულისხმობს უსაფრთხო პერიმეტრს, როგორიც არის ღობე. ყველა შიდა კარი ჩვეულებრივ დაკეტილია, თუმცა პატიმრებს შეუძლიათ დანერგულების ტერიტორიაზე გადაადგილება უშუალო ზედამხედველობის გარეშე.
- **უსაფრთხოების მაქსიმალური დონე.** ეს პირობები გულისხმობს, რომ გაქცევა ფაქტიურად შეუძლებელია და შესაძლოა გამოყენებული იქნას განსაკუთრებით საშიში პატიმრების მიმართ. ამ ტიპის დანერგულებებში არსებობს ფიზიკური უსაფრთხოების მაღალი სტანდარტი, როგორც პერიმეტრის მიმდებარე ტერიტორიაზე, ასევე დანერგულების შიგნით. პატიმართა გადაადგილება დანერგულებაში ხდება თანამშრომლების თანხლებითა და უშუალო მეთვალყურეობით, საჭიროების შემთხვევაში სათითაოდ. ნებისმიერი სისტემის პირობებში, პატიმრების მხოლოდ მცირე ნაწილი საჭიროებს ამგვარ პირობებში განთავსებას.

რისკების სხვადასხვა დონე შესაბამისად მოითხოვს უსაფრთხოების სხვადასხვა დონეს. ყველა დანერგულებაში შემსვლელი პატიმრის რისკისა და უსაფრთხოების დონის შემოწმება უზრუნველყოფს, რომ დანერგულებას ჰქონდეს მისთვის საჭირო ინფორმაცია ნებისმიერ ინდივიდზე, რაც თავის მხრივ უზრუნველყოფს, რომ ნებისმიერი წესრიგის (რეჟიმის) დარღვევა იქნება ალკვეთილი და დანერგულების ხელმძღვანელობას ექნება შესაძლებლობა თანამშრომლები სწრაფად გადააჯგუფოს იმ ტერიტორიაზე, რომელიც მეტ ყურადღებას საჭიროებს. არსებობს რისკების სხვადასხვა სახეები (მაგ: გაქცევის რისკი, სხვა პატიმრებს შორის ძალადობის რისკი, საკუთარი თავის ან დანერგულების თანამშრომელთა დაზიანების რისკი და ა.შ.). პატიმართა განცალკევება, გამოიყენება, როგორც დანერგულების ეფექტური მართვის საშუალება. ზოგჯერ დაბალი რისკის პატიმარი შესაძლოა მოგვიანებით გახდეს მაღალი რისკის მატარებელი და საჭირო გახდეს მისი სხვა დანერგულებაში გადაყვანა. მნიშვნელოვანია, რომ მუდმივად ხდებოდეს პატიმრების რისკის შეფასება, ამის ეფექტურ გზას კი წარმოადგენს პატიმრებსა და თანამშრომლებს შორის არსებული ურთიერთობა. რისკების შეფასებისას, ასევე მხედველობაში უნდა მივიღოთ ის ფაქტი, რომ პატიმართა გარკვეული ჯგუფი შესაძლოა იყოს სხვა პატიმრებისგან დაზიანების რისკის ქვეშ³¹, რომელსაც სისტემის შიგნით არსებული სუბკულტურა განაპირობებს.

რისკის შეფასება იძლევა შესაძლებლობას მოხდეს იმ პატიმართა იდენტიფიცირება, რომლებიც საფრთხეს უქმნიან თავიანთ თავს, თანამშრომლებს, სხვა პატიმრებს ან უფრო ფართოდ, საზოგადოებას. ბევრ ქვეყანაში შექმნილია კრიტერიუმები, რომელთა მიხედვით ხორციელდება რისკების შეფასება. არის რიგი საკითხებისა, რომლებიც გათვალისწინებული უნდა იქნას რისკების შეფასების დროს³²:

- **რისკი, რომელიც შეიძლება შეექმნას საზოგადოებას პატიმრის გაქცევის შემთხვევაში**

ზოგიერთი ინდივიდი, რომელიც იმყოფება პენიტენციურ დანერგულებაში წარმოადგენს საფრთხეს სახელმწიფოს, ადამიანთა გარკვეული ჯგუფის ან ცალკეული ინდივიდებისთვის. ამ მიზეზით, უნდა გადაიდგას ყველა შესაძლო ნაბიჯი, რათა უზრუნველყოფილი იყოს მათი მხრიდან ლეგიტიმური პატიმრობიდან თავის დაღწევის ალკვეთა. აღნიშნულ პატიმრებთან დაკავშირებით ხდება იმ საფრთხის ხასიათის შეფასება, რომელსაც ისინი, როგორც ინდივიდები შექმნიან დანერგულებიდან გაქცევის შემთხვევაში. უნდა გაანალიზდეს რამდენად არის მათთვის ხელმისაწვდომი რესურსები, როგორც დანერგულების შიგნით, აგრეთვე მის გარეთ, რომლებიც შესაძლოა მათ გაქცევაში დაეხმაროს.

- **რისკი, რომელიც ექმნება დანერგულებაში არსებულ წესრიგს**

პატიმართა მცირე ნაწილმა შესაძლოა არ აღიაროს დანერგულებაში არსებული კონტროლის საჭიროება და არსებული წესები/პროცედურები და ინდივიდუალურად ან ჯგუფურად გააკეთოს ყველაფერი, რათა ხელყოს დანერგულების ნორმალური ფუნქციონირება. შესაძლოა აღნიშნული პატიმრების სამართავად საჭირო გახდეს სპეციალური ღონისძიებების მიღება. დროდადრო შესაძლოა რომელიმე პატიმრის ქცევა პრობლემას წარმოადგენდეს დანერგულებისთვის. ეს საკითხი შესაძლოა მოგვარდეს ჩვეულებრივი დისციპლინური ღონისძიებების გამოყენებით, დადგენილი ფორმით მოხდეს პატიმართა მოტივირება რომ დაემორჩილონ არსებულ წესებსა და რეგულაციებს,

³¹ Handbook for Prison Leaders, UN on Drugs and Crime.

³² ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, მეორე გამოცემა, გვ. 61, ენდრიუ კოილი, 2009.

მაღალი უსაფრთხოების პირობების გამოყენების გარეშე. თუმცა შესაძლოა, არც ერთი ასეთი სახის ჩარევა ეფექტიანი არ იყოს და პირი მკაცრი კონტროლის და ზედამხედველობის ქვეშ მოექცეს.

- **რისკის განსაზღვრა დანაშაულის ხასიათის მიხედვით**

ზოგჯერ არის ტენდენცია, რომ პატიმრები მაღალი რისკის დაწესებულებაში თავსდებიან ავტომატურად, მათ მიერ ჩადენილი დანაშაულის სიმძიმიდან გამომდინარე. მაგალითად, შესაძლოა ეს პრინციპი გამოიყენებოდეს ყველა იმ პირის მიმართ, რომლებიც მსჯავრდებულნი არიან მკვლელობისთვის. ზოგჯერ შესაძლოა, მაღალი რისკის დაწესებულებაში მოთავსება იყოს სასჯელის ნაწილი (მაგალითად უვადო თავისუფლების აღკვეთა), პირობა, რომლის განსაზღვრასაც ახდენს სასამართლო.

საერთაშორისო ინსტრუმენტები ნათლად აღნიშნავენ, რომ ყველა აკრძალვა/შეზღუდვა ლიმიტირებული უნდა იქნას აუცილებელი მინიმუმით. მათი განსაზღვრა უნდა მოხდეს არა ავტომატურად, არამედ ინდივიდუალური შეფასების საფუძველზე. ბოლო წლებში, არაერთმა ქვეყანამ, პენიტენციურ დაწესებულებებში ააშენა მაღალი უსაფრთხოების განყოფილებები იმ მოლოდინით, რომ მოხდებოდა მათი გამოყენება. მათი აშენება და ფუნქციონირების უზრუნველყოფა საკმაოდ ძვირია. აქედან გამომდინარე, მათ მიმართ ხორციელდება ზეწოლა, რომ მოხდეს მათი ათვისება პატიმართა განსათავსებლად. აღნიშნული განყოფილებები არ უნდა იქნას გამოყენებული საფუძვლიანი მიზეზის გარეშე³³.

პატიმრის მიერ სერიოზული დანაშაულის ჩადენა ან ამგვარი დანაშაულის ჩადენაში ბრალდება შესაძლოა იყოს ერთ-ერთი ფაქტორი, რაც განაპირობებს მის მაღალი უსაფრთხოების დაწესებულებაში მოთავსებას. თუმცა ეს არ შეიძლება უცვლელად წარმოადგენდეს გადამწყვეტ ფაქტორს.

ყველაზე საშიში პატიმრები

ზოგიერთი პატიმარი შესაძლოა იმდენად საშიში იყოს, ან იმდენად არღვევდეს წესრიგს (რეჟიმს), რომ არსებობდეს მათი დაწესებულების პოპულაციისგან განცალკევებით მოთავსების საჭიროება მაღალი უსაფრთხოების დაწესებულების შიგნითაც კი. აღნიშნული დაწესებულების მართვის სტრუქტურირება ფრთხილად უნდა განხორციელდეს, იმგვარად, რომ გათვალისწინებული იქნას პენიტენციური დაწესებულების კარგი მენეჯმენტის ძირითადი პრინციპები, რომლებიც აღწერილია აღნიშნულ სახელმძღვანელოში. იზოლაცია გამოყენებული უნდა იქნას, როგორც უკიდურესი ღონისძიება მხოლოდ მოკლე პერიოდის მანძილზე³⁴.

პატიმრების მართვა სპეციალურ მაღალი უსაფრთხოების პირობებში

უკვე აღინიშნა, რომ იზოლაცია არ არის კარგი პრაქტიკა - როგორც წესი არსებობს ორი მოდელი, რომლის საშუალებითაც ხდება პატიმრების მართვა მაქსიმალური უსაფრთხოების პირობებში.

- **პირველი** გულისხმობს მათ იზოლაციაში მოთავსებას განმარტოებით, ან ერთ ან ორ სხვა პატიმართან ერთად. მსგავს პირობებში, პატიმრები მთელ დღესა და ღამეს ატარებენ თავიანთ საცხოვრებელ საკანში. ამგვარი დაწესებულებებიდან პატიმრებს ხელი არ მიუწვდებათ რაიმე სახის აქტივობაზე, საკნის გარეთ გასვლაზე და არიან სრულიად უსაქმოდ. მათ შესაძლოა მიეცეთ შენობის გარეთ არსებულ შემოსაზღვრულ სივრცეში განმარტოებით, ერთი საათით გასვლის უფლება. საკნის დატოვების ყველა შემთხვევაში ხდება მათი შემოწმება და მათთვის ბორჯილების დადება. ზოგიერთი იურისდიქციის ფარგლებში, შესაძლოა პატიმრები წლობით იმყოფებოდნენ მსგავს რეჟიმში. პატიმრებთან მოპყრობის ამგვარი მეთოდი არ წარმოადგენს დადებით პრაქტიკას და უმეტესად გამოწვეულია შესაბამისი მართვის ტექნიკების არარსებობით.
- **მცირე ჯგუფებად დაყოფა.** ბევრად უკეთეს პრაქტიკას წარმოადგენს ამგვარი პატიმრების განთავსება მცირე ზომის ჯგუფებად, დაახლოებით ათ პატიმრამდე, იმის გათვალისწინებით, რომ შესაძლებელი იქნება მაქსიმალური უსაფრთხოების პოზიტიური რეჟიმის უზრუნველყოფა სხვა პატიმრებისაგან განცალკევებულ მცირე ჯგუფებად მოთავსებით, პატიმართა განმარტოებით მოთავსების გარეშე. აღნიშნული განყოფილებები მოქმედებს იმ პრინციპის საფუძველზე, რომ კარგად გადამზადებული თანამშრომლებისთვის შესაძლებელი უნდა იყოს დაამყარონ პოზიტიური

³³ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, გვ. 72-73, ენდრიუ კოილი, 2009.

³⁴ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, გვ. 71, ენდრიუ კოილი, 2009.

და აქტიური რეჟიმი ყველაზე საშიში პატიმრებისთვისაც კი. მიზანი არის, რომ უსაფრთხო პერიმეტრის ფარგლებში, პატიმრებს უნდა შეეძლოს თავისუფლად გადაადგილება განყოფილებებს შორის და ჩვეულებრივ ყოველდღიურ აქტივობებში მონაწილეობა. ასეთ პირობებში პატიმრების იზოლირება ხდება მხოლოდ მაშინ, თუ სხვა არანაირი მეთოდი არ მუშაობს და მხოლოდ მცირე პერიოდის განმავლობაში.³⁵

მაღალი უსაფრთხოების მინიმალური გამოყენება

როგორც უკვე აღინიშნა, პენიტენციური დაწესებულების ადმინისტრაციის პასუხისმგებლობას წარმოადგენს ყველა პატიმრისთვის ღირსეული და ჰუმანური პირობების შექმნა, მიუხედავად მათ მიერ ჩადენილი დანაშაულისა, ან იმ დანაშაულისა რომლის ჩადენაშიც ედებათ ბრალი. ეს ვალდებულება აქტუალურია მაღალი უსაფრთხოების პირობებში მყოფი პატიმრების შემთხვევაშიც. შეზღუდვები, რომლებიც გამოიყენება მათ მიმართ არ უნდა იყოს იმაზე მეტი, ვიდრე ეს საჭიროა მათი უსაფრთხო პატიმრობის უზრუნველსაყოფად.

ცალკეული პატიმრების უსაფრთხოების დონე უნდა გადაიხედოს რეგულარული ინტერვალებით სასჯელის მოხდის პერიოდში. როგორც წესი, სასჯელის გარკვეული ნაწილის გასვლასთან ერთად, პატიმრები ნაკლები რისკის მატარებელნი ხდებიან. უფრო დაბალი უსაფრთხოების პირობებში გადაყვანის პერსპექტივა ასევე შესაძლოა გახდეს კარგი ქცევის მოტივატორი³⁶.

„პენიტენციური დაწესებულებების მოვალეობაა აღასრულოს სასამართლოს მიერ შეფარდებული სასჯელი თავისუფლების აღკვეთის სახით. მათ მოვალეობას არ წარმოადგენს დამატებითი შეზღუდვების შემოღებით სასჯელის დამძიმება. პირიქით, მათ უნდა მიიღონ ყველა შესაძლო ზომა, იმისათვის, რომ ცხოვრება დაწესებულებაში და თავისუფლების პირობებში იყოს მაქსიმალურად მსგავსი. ამის ერთ-ერთ მიზეზს წარმოადგენს სასჯელის მოხდის შემდეგ საზოგადოებაში რეინტეგრაციის, კანონმორჩილ მოქალაქედ დაბრუნების შესაძლებლობის გამზრდა. დაწესებულების თანამშრომლებს უნდა ესმოდეთ, რომ მართვის ეს მეთოდი ხელს უწყობს უსაფრთხოებისა და წესრიგის შენარჩუნებას“³⁷.

ხშირად არის საუბარი, რომ არსებობს პატიმრების გარკვეული კატეგორია, რომელიც იმდენად საშიშია და იმხელა საფრთხის მატარებელია, რომ საჭიროებს ხანგრძლივი დროით სპეციალურ, მაქსიმალური უსაფრთხოების პირობებში მოთავსებას, ზოგჯერ მთელი სიცოცხლის მანძილზეც კი. ეს არის ძალიან სახიფათო შეხედულება. მსოფლიოში, ბევრ სისტემას ჰქონია ხანგრძლივი დროის მანძილზე შეხება პატიმრებთან, რომლებიც რეალურ საფრთხეს წარმოადგენენ სახელმწიფოსთვის. მათ ყოველთვის მოეთხოვებოდათ მოქცეულიყვნენ საერთაშორისო და ადგილობრივი სტანდარტების პარამეტრებით. ამ პატიმრების ღირსეულად და ჰუმანურად მართვა წარმოადგენს პროფესიონალური პენიტენციური სისტემის უდიდეს ტესტს. ეს კვლავ აქტუალურ საკითხად რჩება. ამ პრინციპის დაუცველობა სრულიად მცდარი გადაწყვეტილებაა, მათ შორის პენიტენციური სისტემის მართვის პერსპექტივიდან.

პენიტენციური დაწესებულებები, სადაც მხოლოდ პატიმრების მცირე რაოდენობაა განთავსებული მაღალი უსაფრთხოების პირობებში, უფრო უსაფრთხოა როგორც პატიმრებისთვის, აგრეთვე თანამშრომლებისთვის. პატიმრების მცირე რაოდენობის პირობებში, თანამშრომლებს შეუძლიათ იმ პატიმრების იდენტიფიცირება, რომლებიც უნდა იყვნენ მოთავსებულნი მაღალი უსაფრთხოების პირობებში შესაბამისი ზედახმედველობის ქვეშ. იქ, სადაც მაღალი უსაფრთხოების პირობებში ბევრი პატიმარია მოთავსებული, თანამშრომლები ვეღარ ასერხებენ უშუალო, ახლო სუპერვიზიას და იმ პატიმრების იდენტიფიცირებას, რომლებიც უფრო მეტად არიან მიდრეკილნი გაქცევის მცდელობებისა და წესრიგის დარღვევისკენ.

შეიძლება ჩამოვყალიბოთ ძირითადი პრინციპები, რაზე დაყრდნობითაც უნდა მიიღებოდეს მაღალი რისკის დაწესებულებაში პატიმართა განთავსება:

„ზოგადი პრინციპი - საერთაშორისო და რეგიონული ინსტრუმენტები ნათლად აცხადებენ, რომ შეზღუდვები უნდა შემოიფარგლოს მინიმალური საჭირო დოზით.

გამონაკლისი და არა ნორმა - განსაკუთრებული მაქსიმალური უსაფრთხოების პირობებში პატიმრების მოთავსება უნდა წარმოადგენდეს გამონაკლისს და არ უნდა იქნას აღქმული როგორც არსებული

³⁵ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, გვ. 76, ენდრიუ კოილი, 2009.

³⁶ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, გვ. 62, ენდრიუ კოილი, 2009.

³⁷ ციხის მენეჯმენტის განხილვა ადამიანის უფლებების კუთხით, ციხის თანამშრომელთა, გვ. 68, ენდრიუ კოილი, 2009.

წესი. პატიმართა ის მცირე ჯგუფი, რომელიც საჭიროებს ამ პირობებში მოთავსებას არ უნდა იყოს გაიგივებული ყველა უფადო და ხანგრძლივად თავისუფლება აღკვეთილ პატიმრებთან.

საუკეთესო პრაქტიკა - პატიმრები, რომლებიც მოთავსებულნი არიან განსაკუთრებულ მაქსიმალური უსაფრთხოების პირობებში, უნდა იყვნენ ისინი, რომლებიც გაქცევის შემთხვევაში დაუყოვნებელ და რეალურ საფრთხეს წარმოადგენენ საზოგადოებრივი უშიშროებისთვის ან ხელყოფენ დანესებულების წესრიგს. ამგვარ პირობებში პატიმრების მოთავსება ძვირია, როგორც ფინანსური, ასევე ადამიანური რესურსების თვალსაზრისით. თუ ამგვარი პატიმრების რიცხვი გაიზრდება, თანამშრომლებს გაუჭირდებათ მათი უშუალო მეთვალყურეობის უზრუნველყოფა. ხოლო თუ პატიმრების რაოდენობა იქნება მცირე, სირთულეს არ შექმნის პოტენციური საფრთხეების იდენტიფიცირება.³⁸

ხშირ შემთხვევაში ისმის კითხვა, თუ ვინ უნდა იღებდეს გადაწყვეტილებას პატიმრის განთავსების შესახებ. ზოგიერთ ქვეყანაში, სასჯელის შემფარდებელი მოსამართლე განსაზღვრავს რეჟიმს, რომელშიც უნდა მოთავსდეს პატიმარი. სხვა ქვეყნებში, ისინი ვისაც შეფარდებული აქვს უფადო თავისუფლების აღკვეთა ან მსჯავრდებულნი არიან კონკრეტული მუხლით, ავტომატურად თავსდებათ მაღალი უსაფრთხოების პირობებში, პერსონალური რისკების შეფასების გარეშე. ეს არ არის უსაფრთხოების დონის განსაზღვრის საუკეთესო გზა. სასამართლო ხელისუფლების წარმომადგენელმა უნდა განსაზღვროს სასჯელის ხანგრძლივობა, რაც შეეხება უსაფრთხოების საჭიროებების შეფასებას, უმჯობესია ეს განსაზღვროს პენიტენციური დანესებულების ხელმძღვანელობამ პროფესიონალურად მეთანხმებული კრიტერიუმების მიხედვით.³⁹

საინტერესოა ამ საკითხზე წამების წინააღმდეგ ბრძოლის ევროპული კომიტეტის ანგარიში ჩეხეთში განხორციელებული ვიზიტის დროს:

“წამების საწინააღმდეგო კომიტეტს მიაწოდეს ინფორმაცია, რომ გაძლიერებული უსაფრთხოების საკნები მოწყობილი იქნა 5 პენიტენციურ დანესებულებაში და თავდაპირველად გამიზნული იყო ორგანიზებული დანაშაულებრივი დაჯგუფებების გავლენის შესამცირებლად. ამ პირობებში მოთავსების საფუძველს წარმოადგენდა პატიმრისთვის (IV) კატეგორიის მინიჭება იუსტიციის სამინისტროს 41 ინსტრუქციის შესაბამისად. ამასთან პატიმარი შესაძლოა აღნიშნულ დანესებულებებში გაგზავნილიყო, თუ ის ქმნიდა პრობლემებს ან ჩაგრავდა სხვებს. აღნიშნულ საკნებში მოთავსების პროცედურა არ იყო გამჭვირვალე ... ხშირად აღნიშნული ზომის გამოყენება ხდებოდა პრევენციულად და პატიმარს არ ეძლეოდა საკანში მოთავსების გადაწყვეტილების გასაჩივრების შესაძლებლობა, არ იყო ხელმისაწვდომი კრიტერიუმები, რომლის მიხედვითაც პატიმრებს შეეძლოთ ემართათ საკუთარი ქცევა.

წამების პრევენციის კომიტეტი რეკომენდაციით მიმართავს ჩეხ თანამდებობის პირებს განსაზღვრონ გამჭვირვალე პროცედურები მაღალი ტექნიკური უსაფრთხოების საკნებში მოთავსებისთვის, ამასთან უზრუნველყონ ამგვარი გადაწყვეტილების გასაჩივრებისა და გადაწყვეტილების რეგულარული გადახედვის შესაძლებლობა⁴⁰.

ასევე საგულისხმოა ევროსასამართლოს გადაწყვეტილება ამ თემასთან დაკავშირებით

“სასამართლოს სურს აღნიშნოს, რომ სამართლო საკანი, შედარებითი იზოლაციის შემთხვევაშიც კი, არ შეიძლება შეეფარდოს პატიმრებს განუსაზღვრელი ვადით. უფრო მეტიც, განსაკუთრებით მნიშვნელოვანია, რომ არსებობდეს დამოუკიდებელი სასამართლო თანამდებობის პირი, სადაც პატიმარს შეეძლება გაასაჩივროს სამართლო საკანში ხანგრძლივი მოთავსება. მნიშვნელოვანია ასევე, სამართლო საკნების ალტერნატიულ გადაწყვეტაზე ფიქრი იმ პირებისათვის, რომლებისთვისაც ჩვეულებრივ დანესებულებაში და ჩვეულებრივ რეჟიმში მოთავსება მიზანშეუწონლად იქნა მიჩნეული“⁴¹.

³⁸ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, გვ. 75, ენდრიუ კოილი, 2009.

³⁹ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, გვ. 62, ენდრიუ კოილი, 2009.

⁴⁰ წამების პრევენციის ევროპული კომიტეტის ვიზიტი ჩეხეთში, 2006 წ.

⁴¹ ადამიანის უფლებათა ევროპული სასამართლოს გადაწყვეტილება, სანჩესი საფრანგეთის წინააღმდეგ, 2005.

საინტერესოა გავეცნოთ საქართველოსთან დაკავშირებით წამების წინააღმდეგ ბრძოლის ევროპული კომიტეტის ანგარიშს:

„70. გარკვეული პერიოდის წინ პატიმრობის კოდექსში განხორციელებული ცვლილებების VII თავის შესაბამისად, პატიმართა განთავსება უნდა ეფუძნებოდეს ინდივიდუალური რისკების შეფასებას („პატიმრის ინდივიდუალური სპეციფიკაციების გათვალისწინებით, მათ შორის დანაშაულის მოტივის, პირადი თვისებების, დაწესებულებაში მისი ქცევისა და სხვა პირადი მახასიათებლების გათვალისწინებით“), რომელსაც ახორციელებს „მულტი-დისციპლინური გუნდი“. დეტალური ნორმები უნდა გაიწეროს მინისტრის შესაბამისი ბრძანებით. დელეგაციას შესაძლებლობა ჰქონდა გაცნობოდა ამ ახალი პრინციპების გამოყენების პირველ მცდელობას გლდანის პენიტენციური დაწესებულების „მიმღებ განყოფილებაში“.

76. ახლად მიღებული პატიმარი შეფასდა დაწესებულებაში მყოფი სხვადასხვა პროფესიონალის (უსაფრთხოების ოფიცრები, ფსიქოლოგი, სოციალური მუშაკი, სამედიცინო პერსონალი) მიერ, მიღებიდან დაახლოებით ერთი კვირის განმავლობაში, რათა მიეღოთ ინფორმირებული გადაწყვეტილება პატიმართა დაწესებულებაში განთავსების შესახებ. დელეგაცია დაარწმუნეს, რომ ფსიქოლოგის, სოციალური მუშაკისა და სამედიცინო პერსონალის შეხედულებებს ექნებოდა წამყვანი მნიშვნელობა გადაწყვეტილების მიღების დროს. თუმცა ცხადი იყო, რომ ეს იყო იმპროვიზებული ქმედება, რადგან შესაბამისი მინისტრის ბრძანება ჯერ არ არსებობდა.

წპკ მიესალმება ახალ წესებს და გლდანის დაწესებულების ძალისხმევას დაამკვიდროს ახალი სტილის მიღების პროცედურა; აღსანიშნავია, რომ იგეგმება მსგავსი ტიპის ჯგუფების შექმნა სხვა პენიტენციურ დაწესებულებებშიც.

71. ამავე საკითხთან დაკავშირებით, #7 დაწესებულებაში დელეგაციას განუცხადეს, რომ პატიმართა გარკვეული რაოდენობისთვის, განსაკუთრებით „კანონიერი ქურდებისთვის“ რეჟიმის და განთავსების აღვილის განსაზღვრა წარმოადგენდა არა პენიტენციური სისტემის, არამედ სასჯელის განმსაზღვრელი სასამართლოს კომპეტენციას. მკაცრი რეჟიმის დაწესებულებაში 1 წლის მოხდის შემდეგ, პატიმრებს შეეძლოთ მიემართათ პენიტენციური დეპარტამენტის თავმჯდომარისთვის უფრო ღია რეჟიმის დაწესებულებაში გადაყვანის თაობაზე, თუმცა აღნიშნულ გადაწყვეტილებასაც ესაჭიროებოდა სასამართლოს მიერ დამტკიცება.

წპკ-ს სურს ხაზი გაუსვას, რომ სადაც სასამართლოს ენიჭება წამყვანი როლი პატიმრობის პირობების განსაზღვრასთან მიმართებაში, ეს აყენებს პენიტენციურ სამსახურს მხოლოდ აღმასრულებელ (პასიურ) როლში, ართმევს მას კონკრეტული შემთხვევების შეფასების, სასჯელის გეგმების ინდივიდუალიზების ფუნქციას, რაც წარმოადგენს თანამედროვე პენიტენციური სისტემის უმთავრეს როლს. ეს ამცირებს ციხის თანამშრომელთა როლს მხოლოდ უსაფრთხოებისა და წესრიგის შენარჩუნებამდე და შესაძლოა შეამციროს თანამშრომელთა პროფესიონალიზმი. ამასთანავე, ამგვარი მიდგომა განსაზღვრავს პატიმრის მიმართ მოპყრობას მის მიერ ჩადენილი ქმედებიდან, აგრეთვე დანაშაულის ჩადენის დროს არსებული „სურათიდან“ გამომდინარე. დამატებით, ხელს უწყობს, რომ თავისუფლების აღკვეთის შეფარდება არ იქნას განხილული თავისთავად არსებულ სანქციად და პატიმრობის სპეციფიკური პირობების განსაზღვრით რიგ შემთხვევაში ხდება დამატებითი სასჯელის დადგენა, რიგ შემთხვევებში კი არა.

შესაბამისად, წპკ თვლის, რომ რეჟიმის ტიპის განსაზღვრა უნდა წარმოადგენდეს პენიტენციური სისტემის ადმინისტრაციის პასუხისმგებლობას და არა სასამართლოს მიერ შესაფარდებელი სისხლისსამართლებრივი სანქციების კატალოგის ნაწილს. ერთი რეჟიმის მეორეთი შეცვლა (ერთი ტიპის დაწესებულებიდან მეორეში გადაყვანა) დაფუძნებული უნდა იყოს პატიმრის მიდგომებზე, ქცევაზე, აქტივობებში ჩართულობაზე (განათლება, პროფესიული სწავლება, სამუშაო) და სასჯელის მოხდის გეგმაში წინასწარ მითითებული მიზნების შესრულებაზე. ამ მიზნით, უნდა განხორციელდეს ინდივიდუალური შემთხვევების სისტემატური გადასინჯვა.

წპკ გასცემს რეკომენდაციას, რომ მითითებული შენიშვნების გათვალისწინებით მოხდეს რელევანტური კანონდებლობის შეცვლა⁴².

42 წამების, სასტიკი და არაადამიანური მოპყრობისა და სასჯელის პრევენციის ევროპული კომიტეტის ანგარიში საქართველოს მთავრობის მიმართ (CPT) 1-დან 11 დეკემბრამდე 2014. გვ. 42-43.

რას გვეუბნება საერთაშორისო სტანდარტები

ციხის ევროპული წესები

51.3 მიღებიდან შეძლებისდაგვარად მალე პატიმართა შეფასება უნდა მოხდეს რათა განისაზღვროს:

- ა. რისკი, რომელსაც ისინი წარმოადგენენ საზოგადოებისათვის გაქცევის შემთხვევაში;
- ბ. რისკი, იმისა, რომ ისინი შეეცდებიან გაქცევას ან დამოუკიდებლად ან გარეშე დახმარებით.

51.4 ამის შედეგად ყოველი პატიმარი უნდა იმყოფებოდეს იმგვარი უშიშროების პირობებში, რომელიც შეესაბამება სათანადო რისკის დონეს.

51.5 საჭირო უშიშროების დონე უნდა გადაისინჯოს რეგულარული ინტერვალებით პირის პატიმრობის მთელი ვადის განმავლობაში.

უსაფრთხოება

52.1 მიღებიდან შეძლებისდაგვარად მალე, პატიმრების შეფასება უნდა მოხდეს რათა განისაზღვროს უქმნიან თუ არა საფრთხეს სხვა პატიმართა, ასევე ციხის პერსონალის ან ამ დაწესებულებაში მომუშავე ან ვიზიტად მყოფი პირების უსაფრთხოებას, ან რამდენადაა მოსალოდნელი მიიყენონ თვითდაზიანება.

52.2 უნდა არსებობდეს და მოქმედებდეს პროცედურები, რომლებიც უზრუნველყოფს პატიმართა, ციხის პერსონალის და ყველა ვიზიტორის უსაფრთხოებას და მინიმუმამდე შეამციროს ძალადობის რისკი ან უსაფრთხოების ხელმყოფი სხვა ინციდენტები.

ადგილობრივი სტანდარტები

მსჯავრდებულის საშიშროების რისკის შეფასება

ქართული კანონმდებლობის თანახმად, მსჯავრდებულის (პატიმრის) საშიშროების რისკების შეფასებას და პერიოდულ გადაფასებას უზრუნველყოფს რისკების შეფასების გუნდი, რომელიც შედგება 5 ძირითადი და 5 სათადარიგო წევრისაგან. გუნდის შემადგენლობაში შედიან საქართველოს სასჯელაღსრულებისა და პრობაციის სამინისტროს პენიტენციური დეპარტამენტის სოციალური უზრუნველყოფის სამმართველოს, უსაფრთხოების მთავარი სამმართველოს სამართლებრივი რეჟიმის სამმართველოს, უსაფრთხოების მთავარი სამმართველოს ოპერატიული სამმართველოს, სპეციალური აღრიცხვის სამმართველოს წარმომადგენლები და ფსიქოლოგი. გუნდი უფლებამოსილია, საკითხის განხილვისას, სხდომაზე სათათბირო ხმის უფლებით მოიწვიოს ექიმი, სპეციალური ცოდნის მქონე სხვა პირი ან პირი, რომელსაც შეუძლია გუნდს მიაწოდოს მნიშვნელოვანი ინფორმაცია განსახილველ საკითხებზე. რისკების შეფასების გუნდს მსჯავრდებულის შესახებ ინფორმაცია მიეწოდება შესაბამისი პენიტენციური დაწესებულების სამართლებრივი რეჟიმის, სპეციალური აღრიცხვის და სოციალური განყოფილების არანაკლებ თითო წარმომადგენლისაგან პენიტენციური დაწესებულების დირექტორის ბრძანებით შექმნილი მონაცემთა პირველადი დამუშავების ჯგუფის მიერ, რომელიც უზრუნველყოფს მსჯავრდებულის შესახებ მონაცემების დამუშავებას. იმ მსჯავრდებულთა სია, რომელთა შესახებ დამუშავებული ინფორმაცია ჯგუფის მიერ გადაეგზავნება რისკების შეფასების გუნდს, ეგზავნება პენიტენციური დეპარტამენტის უსაფრთხოების მთავარ სამმართველოს, რომელიც თავის მხრივ, დადგენილი ფორმის შესაბამისად, მსჯავრდებულების შესახებ ინფორმაციას აწვდის რისკების შეფასების გუნდს.⁴³

მსჯავრდებულის საშიშროების რისკის განსაზღვრისას გუნდი ითვალისწინებს პენიტენციური დაწესებულების, გარშემომყოფთა, საზოგადოების, სახელმწიფოს ან/და სამართალდამცველი ორგანოების უსაფრთხოებისათვის მსჯავრდებულისგან მომდინარე საშიშროებას, რომელიც განისაზღვრება მისი პიროვნული თვისებების, დანაშაულის ჩადენის მოტივის, დამდგარი მართლსაწინააღმდეგო შედეგის, დაწესებულებაში გამოვლენილი ქცევის, დაწესებულების ადმინისტრაციის წარმომადგენლებთან და სხვა მსჯავრდებულებთან დამოკიდებულების, დაწესებულების დებულებისა და დღის განრიგის მოთხოვნების შესრულების, ალკოჰოლის, ნარკოტიკული და ფსიქოტროპული ნივთიერებების მიმართ დამოკიდებულების, მის მიერ წარსულში დანაშაულის ჩადენის ფაქტების, ჩადენილი დანაშაულის კატეგორიის, დარჩენილი სასჯელის ხანგრძლივობის, დაწესებულებიდან გაქცევის ან გაქცევის მცდელობის ფაქტების, წარსულში დაწესებულებაში სასჯელის მოხდის შემთხვევების, მსჯავრდებულის ასაკის, ქურდულ სამყაროსთან/ტერორიზმთან დამოკიდებულების, დაწესებულებაში არსებულ სარეაბილიტაციო/რესოციალიზაციის პროგრამებში ჩართულობის, თვითდაზიანების მიყენების/მცდელობის ფაქტების, რომლითაც საფრთხე ექმნება ან შეიძლება შეექმნას დაწესებულების ნორმალურ ფუნქციონირებას, აგრეთვე წახალისების/დისციპლინური სახდელის/ადმინისტრაციული პატიმრობის გამოყენების კრიტერიუმების შეფასების საფუძველზე.⁴⁴

საქართველოს კანონმდებლობით გათვალისწინებულია საშიშროების რისკის 4 სახე: **დაბალი, საშუალო, მომეტებული, მაღალი.**

განსაკუთრებული რისკის თავისუფლების აღკვეთის დაწესებულებაში თავსდება საშიშროების მაღალი რისკის მქონე მსჯავრდებული, კერძოდ, მსჯავრდებული, რომლისგან მომდინარე საფრთხე დაწესებულებისთვის ან გარშემომყოფთათვის, აგრეთვე საზოგადოებისათვის, სახელმწიფოს ან/და სამართალდამცველი ორგანოებისათვის, ზემოთ მითითებული კრიტერიუმების გათვალისწინებით, არის მაღალი.⁴⁵

აღსანიშნავია, რომ მსჯავრდებულთა რისკების შეფასების მექანიზმი ნოვაციაა საქართველოს პენიტენციურ სისტემაში და შესაბამისად, საქართველოს კანონმდებლობაში. გამომდინარე აქედან, საჭიროა, დადგენილი წესით, პენიტენციურ დაწესებულებაში განთავსებული ყველა მსჯავრდებულის საშიშროების რისკის შეფასება და მათი შესაბამისი ტიპის თავისუფლების აღკვეთის დაწესებულებებში გადაინაწილება.

⁴³ საქართველოს კანონი „პატიმრობის კოდექსი“, 46-ე მუხლის მე-4 ნაწილი; „მსჯავრდებულის რისკის სახეების, რისკის შეფასების კრიტერიუმების, რისკის შეფასებისა და გადაფასების წესის, მსჯავრდებულის იმავე ან სხვა ტიპის თავისუფლების აღსრულებისა და პრობაციის მინისტრის 2015 წლის 9 ივლისის №70 ბრძანებით დამტკიცებული წესი, მე-8 მუხლი, მე-6 მუხლის მე-6 პუნქტი, მე-11 მუხლი.

⁴⁴ საქართველოს სასჯელაღსრულებისა და პრობაციის მინისტრის 2015 წლის 9 ივლისის №70 ბრძანებით დამტკიცებული წესი, მე-4 მუხლი.

⁴⁵ საქართველოს სასჯელაღსრულებისა და პრობაციის მინისტრის 2015 წლის 9 ივლისის №70 ბრძანებით დამტკიცებული წესი, მე-5 მუხლი.

ამასთან, აღსანიშნავია ის გარემოებაც, რომ პატიმრობის კოდექსის 61-ე მუხლის („ნახევრად ღია ტიპის თავისუფლების აღკვეთის დაწესებულება“) პირველი ნაწილითა და 64-ე მუხლის („დახურული ტიპის თავისუფლების აღკვეთის დაწესებულება“) პირველი ნაწილით განსაზღვრულია ნახევრად ღია და დახურული ტიპის თავისუფლების აღკვეთის დაწესებულებებში მსჯავრდებულთა განთავსების (პირველადი განთავსება) სამართლებრივი საფუძვლები. აღნიშნული საკმარისია მსჯავრდებულის ნახევრად ღია თუ დახურული ტიპის თავისუფლების აღკვეთის დაწესებულებაში განსათავსებლად და ამ შემთხვევაში, საჭირო არ არის რისკების შეფასების მულტიდისციპლინური გუნდის გადაწყვეტილება.

პატიმრობის კოდექსში ზემოთ მითითებული მუხლების არსებობა განპირობებულია იმ მიზეზით, რომ საქართველოს პენიტენციურ სისტემაში პატიმართა რისკების შეფასების მექანიზმი ჩამოყალიბების პროცესშია, ამეტაპშვარარისსრულყოფილიდაჯერ-ჯერობითვერშეესაბამებაევროპისგანვითარებულ ქვეყნებსა თუ ა.შ.შ-ში არსებულ პატიმართა რისკების შეფასების მექანიზმებს. გამომდინარე აქედან, იგი ვერ უზრუნველყოფს, როგორც მსჯავრდებულთა თავისუფლების აღკვეთის დაწესებულებაში პირველადი განთავსების, ისე კანონმდებლობით გათვალისწინებული მსჯავრდებულთა პირველადი შეფასების პროცესის ერთიანად და ეფექტიანად წარმართვას. შესაბამისად, მსჯავრდებულის თავისუფლების აღკვეთის დაწესებულებაში პირველადი განთავსებისას, თავისუფლების აღკვეთის დაწესებულების ტიპის განსაზღვრა, ძირითადად, ხორციელდება პატიმრობის კოდექსის 61-ე მუხლის პირველი ნაწილისა და 64-ე მუხლის პირველი ნაწილის საფუძველზე და მსჯავრდებულები ნაწილდებიან ნახევრად ღია და დახურული ტიპის თავისუფლების აღკვეთის დაწესებულებებში, ხოლო შემდეგ, ხდება მათი მონაცემების პირველადი დამუშავება და საშიშროების რისკის განსაზღვრა.

პენიტენციურ დაწესებულებაში მსჯავრდებულის მიღების პროცედურები

პენიტენციურ დაწესებულებაში მსჯავრდებულის მიღება⁴⁶ შესაძლებელია დღე-ღამის ნებისმიერ დროს, რომელსაც ახორციელებს დაწესებულების ოპერატიული მორიგე ან მისი თანაშემწე, უსაფრთხოების და სამართლებრივი რეჟიმის განყოფილებების მოსამსახურეებთან ერთად.

მსჯავრდებულის პენიტენციურ დაწესებულებაში მიყვანის შესახებ დაწესებულების შესაბამის უფლებამოსილ პირებს, კერძოდ, ოპერატიულ მორიგეს, ექიმს, სამართლებრივი რეჟიმისა და უსაფრთხოების განყოფილების შესაბამის მოსამსახურეებს ატყობინებს გარე დაცვის სამსახური და ოპერატიული მორიგის ნებართვით უზრუნველყოფს საბადრაგო სატრანსპორტო საშუალების შემვებას დაწესებულებაში სატრანსპორტო საშუალებების შემოწმებისათვის გამოყოფილ კარიბჭეთაშორის სივრცეში. ოპერატიული მორიგე, თავის მხრივ, მსჯავრდებულის მოყვანის ფაქტს აცნობებს პენიტენციური დაწესებულების დირექტორს.

მსჯავრდებულის იდენტიფიცირებას ახორციელებს დაწესებულების სამართლებრივი რეჟიმის განყოფილების უფლებამოსილი მოსამსახურე, ოპერატიულ მორიგესთან ან მის თანაშემწესთან ერთად.

მსჯავრდებულის იდენტიფიცირების პროცესის დასრულების შემდეგ, მსჯავრდებული გონივრული ვადით თავსდება მოსაცდელ საკანში. მსჯავრდებულის მოსაცდელ საკანში შეყვანისა და გამოყვანის ზუსტი დრო აღინიშნება საკნის ბარათში.⁴⁷ მსჯავრდებულები მოსაცდელ საკანში თავსდებიან კუთვნილი ნივთების გარეშე, საიდანაც ხდება სათითაოდ გამოყვანა მათი სრული და კუთვნილი ნივთების შემოწმების⁴⁸ მიზნით.

მსჯავრდებულის და მისი ნივთების შემოწმებას ორგანიზებას უწევს ოპერატიული მორიგე ან მისი თანაშემწე, ხოლო უშუალოდ ახორციელებენ სამორიგეო ცვლებში ამ მიზნით გამოყოფილი სამართლებრივი რეჟიმის განყოფილების უფლებამოსილი მოსამსახურეები. შემოწმება აგრეთვე შეიძლება განხორციელდეს დაწესებულებაში შექმნილი სარეგერო ჯგუფის მოსამსახურეების მიერ.

ნივთები, ნაკვთობები, ნივთიერებები, დოკუმენტები და საკვები პროდუქტები, რომელთა ყიდვა და გამოყენება მსჯავრდებულისათვის არ არის ნებადართული, მსჯავრდებულს ჩამოერთმევა დადგენილი წესით და შესაძლად გადაეცემა დაწესებულებას ან მსჯავრდებულის ნებართვით პატიმრობის კოდექსის მე-17 მუხლის მე-2 ნაწილით განსაზღვრულ პირებს.⁴⁹ აღნიშნულის თაობაზე დგება შესაბამისი აქტი,

⁴⁶ საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, მე-16 მუხლი.

⁴⁷ საქართველოს სასჯელაღსრულების, პრობაციისა და იურიდიული დახმარების საკითხთა მინისტრის 2011 წლის 10 მაისის №82 ბრძანებით დამტკიცებული წესის დანართი №6.

⁴⁸ დეტალურად იხ. ქვევით: „მსჯავრდებულის, მისი ნივთების და მოთავსების ადგილის შემოწმება“.

⁴⁹ შვილი, მეუღლე, პირი, რომელთანაც საერთო შვილი ჰყავს, მშობელი (მშვილებელი), დედინაცვალი, მამინაცვალი, მეუღლის მშობელი, გერი, ნაშვილები და მისი შთამომავალი, შვილიშვილი, და, ძმა, დისწული, ძმისწული და მათი შვილები, ბებია, პაპა, ბების დედ-მამა, პაპის

რომელსაც ეცნობა მსჯავრდებული და ადასტურებს ხელმოწერით.

მსჯავრდებულისა და მისი კუთვნილი ნივთების შემოწმების შემდეგ, დაწესებულების სამედიცინო პერსონალის მიერ ტარდება მსჯავრდებულის სამედიცინო შემოწმება, რომლის დროს, ხდება მისი გარეგნული დათვალიერება და ამბულატორიული პაციენტის სამედიცინო ბარათის შევსება. გარეგნული დათვალიერების შესახებ დგება შესაბამისი ცნობა, რომლის ასლი ინახება პირად საქმეში. მსჯავრდებულის სხეულზე დაზიანების, დეფორმაციების, ნაწიბურების და ნანემსრების შემთხვევაში ხდება მათი აღწერა. ამასთან, მსჯავრდებულის სხეულზე დაზიანების/დაზიანებების აღმოჩენის შესახებ სამედიცინო პერსონალი შემოწმების დასრულებისთანავე ატყობინებს პენიტენციური დაწესებულების დირექტორს, რომელიც ვალდებულია ინფორმაცია დაუყოვნებლივ მიაწოდოს საქართველოს სასჯელაღსრულებისა და პრობაციის სამინისტროს საგამოძიებო დეპარტამენტს.

თუ მსჯავრდებულს ესაჭიროება სასწრაფო ან გადაუდებელი სამედიცინო მომსახურება, მას დაუყოვნებლივ გაეწევა სამედიცინო მომსახურება დაწესებულებაში ხელმისაწვდომ საექიმო-სამედიცინო პუნქტში, ხოლო თუ მსჯავრდებულს ექიმის დასკვნით ესაჭიროება სასწრაფო ან გადაუდებელი სტაციონარული მკურნალობა და აღნიშნულის უზრუნველყოფა შეუძლებელია დაწესებულების საექიმო სამედიცინო პუნქტში, იგი საქართველოს კანონმდებლობით დადგენილი წესით დაუყოვნებლივ გადამისამართდება შესაბამის სამედიცინო მომსახურებაზე.

პენიტენციური დაწესებულების საექიმო-სამედიცინო პუნქტებში, შესაბამისი ინფრასტრუქტურის არსებობისას, განცალკევებით ათავსებენ არამართვადი ინფექციური სენით დაავადებულებს, ხოლო ჰაერნეგოვანი ან კონტაქტური გზით გადამდები საშიში ინფექციით ინფიცირებული პირის დაწესებულებიდან გადაყვანა ხდება, საქართველოს კანონმდებლობით დადგენილი წესით, ეპიდემიულ-საინფორმაციო მონიტორინგის ქვეშ, იზოლირებულად.

მსჯავრდებულის საკანში განთავსება

სამედიცინო შემოწმების დასრულების შემდეგ, მსჯავრდებული, რომელსაც არ აღენიშნება ჯანმრთელობის პრობლემები და არ ესაჭიროება შესაბამისი სამედიცინო მომსახურება, დაკვირვების, შესწავლის და შესაბამის საკანში განაწილების მიზნით, თავსდება შიდა კლასიფიკაციის საკანში არაუმეტეს 3 კალენდარული დღისა. შიდა კლასიფიკაციის საკანში მოთავსებამდე ხდება მსჯავრდებულის დაბანა/გასუფთავება და აგრეთვე, საკნის მომზადება/დათვალიერება დაწესებულების სამართლებრივი რეჟიმის ან/და უსაფრთხოების განყოფილების უფლებამოსილი მოსამსახურეების მიერ.

შიდა კლასიფიკაციის საკანში მოთავსებისას პენიტენციური დაწესებულების სოციალური განყოფილების მოსამსახურე, ხოლო მისი არ ყოფნის შემთხვევაში დაწესებულების სხვა მოსამსახურე მსჯავრდებულს წერილობით (ოქმით) გააცნობს სასჯელის მოხდის პირობებს, მის უფლებებს და მსჯავრდებულისადმი დაწესებულების მოსამსახურეების მოპყრობის, ინფორმაციის მიღებისა და საჩივრის შეტანის წესებს, დისციპლინურ და სხვა სახის მოთხოვნებს, აგრეთვე, მსჯავრდებული გაფრთხილდება პენიტენციური დაწესებულების დებულების დარღვევის გამო პასუხისმგებლობის თაობაზე.

შიდა კლასიფიკაციის საკანში მსჯავრდებულზე დაკვირვებისა და შესწავლის 3 დღიანი ვადის გასვლის შემდეგ, შესაბამის საკანში მსჯავრდებულის მოთავსების შესახებ გადაწყვეტილებას იღებს პენიტენციური დაწესებულების დირექტორი, დაწესებულების სამართლებრივი რეჟიმის განყოფილების და უსაფრთხოების განყოფილების უფლებამოსილი მოსამსახურეების მიერ მსჯავრდებულთა თავსებადობის საკითხის შესწავლის შედეგებზე დაყრდნობით.

აღსანიშნავია ის გარემოება, რომ მსჯავრდებულთა თავსებადობის საკითხის შესწავლის მიზნით, საქართველოს სასჯელაღსრულებისა და პრობაციის სამინისტროს №16 პენიტენციური დაწესებულებაში (დაბალი რისკის თავისუფლების აღკვეთის დაწესებულება) მსჯავრდებულების განსათავსებლად არსებობს ცალკე გამოყოფილი შიდა კლასიფიკაციის კორპუსი, სადაც მსჯავრდებულები თავსდებიან შესაბამის საცხოვრებელ სექტორში (კორპუსში) განაწილებამდე. ამასთან, დაწესებულების დირექტორის ბრძანებით, მსჯავრდებულთა შიდა კლასიფიკაციის განსაზღვრის, საცხოვრებელ სექტორებში გადანაწილებისა და შესაბამის საკნებში განთავსების მიზნით, დაწესებულების შესაბამისი

დედ-მამა (როგორც დედის, ისე მამის მხრიდან), ბიძა (დედის ძმა, მამის ძმა), დეიდა, მამიდა, ბიძაშვილი, დეიდაშვილი, მამიდაშვილი, აგრეთვე პირი, რომელთანაც ცხოვრობდა და საერთო მეურნეობას ეწეოდა პენიტენციურ დაწესებულებაში მოხვედრამდე ბოლო 1 წლის განმავლობაში.

უფლებამოსილი მოსამსახურეების შემადგენლობით იქმნება მულტიდისციპლინური გუნდი.⁵⁰ რაც შეეხება სხვა პენიტენციურ დაწესებულებებს, მათ შორის, განსაკუთრებული რისკის პენიტენციურ დაწესებულებას, მითითებული საკითხის გუნდურ გადაწყვეტას კანონმდებლობა არ ითვალისწინებს. ამასთან, განსაკუთრებული რისკის თავისუფლების აღკვეთის დაწესებულებების ინფრასტრუქტურული მოწყობა, დღეის მდგომარეობით, განსხვავდება №16 პენიტენციური დაწესებულებაში არსებული ინფრასტრუქტურისაგან. ბუნებრივია, მსჯავრდებულთა თავსებადობის (შიდა კლასიფიკაციის) საკითხის მულტიდისციპლინური, გუნდური პრინციპით გადაწყვეტა და აგრეთვე, იზოლირებული სივრცის გამოყოფა შესწავლაში მყოფ მსჯავრდებულთა განსათავსებლად, უფრო ეფექტიანი და საიმედოა უსაფრთხოების თვალსაზრისით და მიზანშეწონილია მსგავსი მექანიზმი ამუშავდეს განსაკუთრებული რისკის პენიტენციურ დაწესებულებაშიც.

მსჯავრდებული, როგორც წესი, თავსდება ერთ ან ორ ადგილიან საკანში, ხოლო პენიტენციური დაწესებულების გადატვირთულობის ან სხვა განსაკუთრებული გარემოების არსებობისას, შესაძლებელია არაუმეტეს ოთხი მსჯავრდებულის ერთად განთავსება პენიტენციური დეპარტამენტის დირექტორის თანხმობით, თუ მსჯავრდებულთა ერთ საკანში მოთავსება საფრთხეს არ შეუქმნის მათ სიცოცხლეს, ჯანმრთელობას, დაწესებულების სამართლებრივ რეჟიმსა და უსაფრთხოებას. მსჯავრდებულზე ხორციელდება ვიზუალური ან/და ელექტრონული საშუალებით მეთვალყურეობა და კონტროლი.⁵¹

⁵⁰ „საქართველოს სასჯელაღსრულებისა და პრობაციის სამინისტროს №16 პენიტენციური დაწესებულების დებულების დამტკიცების შესახებ“ საქართველოს სასჯელაღსრულებისა და პრობაციის მინისტრის 2015 წლის 15 ივლისის №71 ბრძანებით დამტკიცებული დებულება, მე-12 მუხლი.

⁵¹ საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, მე-14 მუხლი, მე-15 მუხლი.

თავი: 3

შეშორება

მესამე თავი

შემოწმება

საერთაშორისო სტანდარტები და პრაქტიკა

პენიტენციური დაწესებულების უსაფრთხოების უზრუნველყოფის მიზნით, აუცილებელია რეგულარულად ტარდებოდეს სხვადასხვა სახის შემოწმებები. აღნიშნული პროცედურები უნდა მოიცავდეს დაწესებულების ფარგლებში მდებარე ტერიტორიას, პატიმრებს, პატიმართა საკუთრებას, მნახველებს, დაწესებულებაში შემსვლელ ტრანსპორტს, თანამშრომლებსა და სხვა პირებს, რომლებიც შესაძლოა სხვადასხვა მიზნით შედიოდნენ დაწესებულების ტერიტორიაზე (გამომძიებლები, პროკურორები, სასულიერო პირები და ა.შ.).

შემოწმების პროცედურა უნდა შეესაბამებოდეს ადამიანის უფლებათა დაცვის სფეროში არსებულ სხვა საერთაშორისო დოკუმენტებით განსაზღვრულ პრინციპებს. პირადი შემოწმებისას შესაბამისი ყურადღება უნდა მიექცეს შესამოწმებელი პირის სქესს, რელიგიურ და კულტურულ თავისებურებებს. ხშირად, როგორც პატიმრებს, ასევე თანამშრომლებს შემოწმება მიაჩნიათ ღირსების შემლახავ, შემაწუხებელ და შეუსაბამო ქმედებად.

ზოგადად ადამიანის შემოწმება არის პრივატულობის ხელშეშობა (შეხებითი) პროცესი, გარდა იმ შემთხვევებისა, როდესაც შემოწმება ხორციელდება ხელის ან სადგომი სკანერის მეშვეობით. აქედან გამომდინარე, არსებული საერთაშორისო სტანდარტების დაცვას განსაკუთრებული მნიშვნელობა ენიჭება.

საერთაშორისო გამოცდილება იცნობს პერსონალური შემოწმების რამდენიმე ფორმას:

სწრაფი შემოწმება ხელის შეხებით

პირადი შემოწმება შესაძლოა გულისხმობდეს გარედან ხელის შეხებით შემოწმებას, რომლის დროსაც არ ხდება გაშიშვლება და თანამშრომელი ტანსაცმელზე ხელის შეხებით ამოწმებს პირს.

გაშიშვლებით შემოწმება

შემოწმების ეს ფორმა გულისხმობს შემოწმებას გაშიშვლებით, როდესაც შესამოწმებელმა პირმა უნდა გაიხადოს ტანსაცმელი და დაექვემდებაროს სხეულის დეტალურ ვიზუალურ ინსპექტირებას. აღნიშნული პროცედურა უნდა განხორციელდეს პრივატულობის სრული დაცვით, სხვების მხედველობის არის მიღმა, შესამოწმებელი პირის სქესის არანაკლებ ორი თანამშრომლის მიერ. ამ დროს ადგილი არ აქვს შესამოწმებელ პირთან ფიზიკურ შეხებას.

სხეულის ღრუების შემოწმება (ე.წ. აგრესიული/ინვაზიური შემოწმება)

არსებობს შემოწმების ისეთი ფორმა, როგორიცაა სხეულის ღრუების შემოწმება, ეს გულისხმობს სხეულის სიღრმისეულ შინაგან შემოწმებას. შემოწმების ეს ფორმა განსაკუთრებით ხელყოფს ადამიანის პრივატულობას, აქედან გამომდინარე, უნდა ჩატარდეს მხოლოდ სპეციალურად გადამზადებული სამედიცინო პერსონალის მიერ. მის ჩატარებამდე, შესამოწმებელ პირს უნდა ეცნობოს ჩატარების მიზეზი, განემარტოს უსაფრთხოების რისკები რამაც ეს გამოიწვია, ასევე ის შედეგები რაც მოყვება აკრძალული ნივთების შესაძლო აღმოჩენას.

შემოწმების პროცედურები

უნდა არსებობდეს დეტალური პროცედურები, რაც უნდა დაიცვან თანამშრომლებმა პერსონალური შემოწმების ჩატარების დროს:

- უნდა განისაზღვროს გარემოებები, რომლის დროსაც ნებადართულია ამგვარი შემოწმების ჩატარება;
- უზრუნველყოფილი უნდა იყოს, რომ შემოწმების პროცესი არ ახდენს პატიმართა/ან სხვა პირთა დამცირებას, მაგალითად მათი ერთდროულად სრულად გაშიშვლებით;
- უზრუნველყოფილი უნდა იყოს, რომ შემოწმება მოახდინონ იმავე სქესის თანამშრომლებმა;
- უსაფრთხოების თანამშრომლებს უნდა აეკრძალოთ სხეულის შიდა შემოწმება⁵².

⁵² ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, მეორე გამოცემა, გვ. 63, ენდროუ კოილი, 2009.

პატიმართა შემოწმება

პენიტენციურ სისტემაში განთავსებული პატიმრები (განსაკუთრებით რომლებიც იმყოფებიან მაღალი რისკის დაწესებულებაში), როგორც წესი, ექვემდებარებიან რეგულარულ პერსონალურ შემოწმებას, რათა თანამშრომლები დარწმუნდნენ, რომ ისინი არ ფლობენ ისეთ ნივთებს რაც შესაძლოა გამოყენებული იქნას გაქცევის მცდელობებისთვის, სხვებზე თავდასხმისთვის, თვითდაზიანებისთვის, ან ისეთი ნივთები, რომლებიც არ არის ნებადართული, მაგალითად არალეგალური მედიკამენტები. შემოწმების ინტენსივობა უნდა გამომდინარეობდეს სხვადასხვა გარემოებებიდან. მაგალითად, როდესაც პატიმართა დიდი ჯგუფი გადაადგილდება დაწესებულებაში არსებული ერთი ტერიტორიიდან მეორეს მიმართულებით, დაწესებულებიდან გასვლისას და შემოსვლისას. თუ არსებობს საფუძველი ვარაუდისთვის, რომ კონკრეტულ პატიმარს დამალული აქვს გარკვეული ნივთი ან პატიმარი ფასდება როგორც მაღალი რისკის მატარებელი, შესაძლებელია გაშიშვლებით შემოწმების ჩატარება, ასევე სხეულის ღრუების შემოწმება, რათა შემოწმების ჩამტარებელი დარწმუნდეს, რომ პატიმარი არაფერს მალავს სხეულზე. თუმცა ეს არ უნდა განხორციელდეს ღირსების შემლახავი ფორმით და გათვალისწინებული უნდა იყოს არსებული საერთაშორისო სტანდარტები.

ვიზიტორების შემოწმება

როგორც საერთაშორისო სტანდარტები, ასევე ზოგადად არსებული საუკეთესო პრაქტიკა, მნიშვნელოვნად მიიჩნევენ პენიტენციურ დაწესებულებაში მყოფ პატიმართა სოციალური კავშირების შენარჩუნებას, რასაც მაქსიმალურად უნდა შეეწყოს ხელი. პატიმრების ერთ-ერთ უმნიშვნელოვანეს უფლებას წარმოადგენს, აგრეთვე მათი დაუბრკოლებელი შეხვედრა დამცველთან/ადვოკატთან, სახალხო დამცველთან ან მის წარმომადგენელთან, კანონმდებლობით შესაძლებელია პენიტენციურ დაწესებულებაში სასულიერო პირების, დიპლომატიური ან საკონსულო სამსახურების წარმომადგენლების შესვლა. გარდა ზოგადი ნორმებისა ამ პირთა დაწესებულებაში შესვლის შესაძლებლობის შესახებ, დაწესებულების ყოველდღიური, გამართული და უსაფრთხო ფუნქციონირებისთვის საჭიროა მაქსიმალურად დეტალურად იქნას განერილი პენიტენციური დაწესებულების ტერიტორიაზე ავტომანქანების, აგრეთვე პატიმართა ოჯახის წევრების, ადვოკატების, სასულიერო პირების, კანონით გათვალისწინებულ შემთხვევებში დიპლომატიური წარმომადგენლებისა და სხვა უფლებამოსილ პირთა შესვლის წესი და პროცედურები.

ზემოთ ჩამოთვლილ პირთა პენიტენციურ დაწესებულებაში შესვლისას, მათი მიღებისა და შემოწმების პროცედურები განხილულია არაერთ საერთაშორისო დოკუმენტსა და სახელმძღვანელოში. პატიმრებთან მოპყრობის მინიმალური სტანდარტული წესების თანახმად, პატიმრებს უნდა ჰქონდეთ ოჯახის წევრებთან და შეუბღალავი რეპუტაციის მეგობრებთან შეხვედრის უფლება, მათ უნდა შეეძლოთ დაკავების შესახებ დაუყოვნებლივ აცნობონ ოჯახის წევრებს, თუმცა ამავე დოკუმენტის თანახმად, აღნიშნული უფლება შესაძლოა შეიზღუდოს მხოლოდ იმდენად, რამდენადაც ეს არის საჭირო დაწესებულებაში წესრიგისა და უსაფრთხოების შესანარჩუნებლად.

მართალია საერთაშორისო სტანდარტები იძლევა გარკვეული შეზღუდვების დაწესების შესაძლებლობას, თუმცა ამავდროულად გარკვევით უსვამს ხაზს, რომ სოციალური კავშირების შენარჩუნება სასარგებლო და მნიშვნელოვანია არა მხოლოდ პატიმრისთვის, არამედ დაწესებულების ადმინისტრაციისთვისაც. აქედან გამომდინარე, შეზღუდვების შემთხვევაშიც უნდა იქნეს უზრუნველყოფილი ოჯახთან მინიმალური კონტაქტის შესაძლებლობა.

„სხვადასხვა პროფესიონალების დაწესებულებაში შესვლის წესი, როგორებიც არიან დამცველები/ადვოკატები, სოციალური მუშაკები და ექიმები, შეთანხმებული უნდა იყოს შესაბამის სტრუქტურასთან, იმისათვის, რომ დაცული იქნას ბალანსი დაწესებულების უსაფრთხოებასა და კონფიდენციალურ პროფესიულ ხელმისაწვდომობას შორის.“⁵³

„ყველა პატიმარს აქვს ადვოკატთან კონფიდენციალურად შეხვედრის უფლება, დაწესებულების თანამშრომელთა მხრიდან მიყურადების გარეშე“.⁵⁴

საერთაშორისო სტანდარტების შესაბამისად, უცხოეთის მოქალაქეებს, ლტოლვილებსა და მოქალაქეობის არმქონე პირებს უნდა მიეცეთ შესაძლებლობა კომუნიკაცია იქონიონ მათი ქვეყნის (ან ეროვნულ ან საერთაშორისო თანამდებობის პირთან, რომელსაც ეკისრება მათი უფლებების დაცვა) დიპლომატიურ და საკონსულო წარმომადგენელთან. ექიმის შესვლა უნდა შეთანხმდეს შესაბამის პროფესიულ დაწესებულებასთან, რათა უზრუნველყოფილი იქნას ბალანსის დაცვა უსაფრთხოებასა და კონფიდენციალურობასა და პროფესიულ ვალდებულებებს შორის.

⁵³ " ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, ენდიუ კოილი, მეორე გამოცემა გვ-64.

⁵⁴ " ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, ენდრიუ კოილი, მეორე გამოცემა, გვ-67.

როგორც უკვე აღინიშნა, უსაფრთხოების თვალსაზრისით, დაწესებულებაში შემსვლელთა კონტროლის განხილვისას, ერთ-ერთ მნიშვნელოვან საკითხს წარმოადგენს მათი პერსონალური შემოწმება. დაწესებულებამ უნდა მიიღოს ზომები, რათა დარწმუნდეს, რომ მნახველებს არ მიეცემა შესაძლებლობა დაარღვიონ დაწესებულებაში არსებული წესები და რეგულაციები. ამ მიმართულებით, უსაფრთხოების ერთ-ერთ გარანტიას წარმოადგენს დაწესებულებაში შემსვლელ პირთა პერსონალური შემოწმება. ზემოთ მითითებულ პირთა შემოწმების დროს გათვალისწინებული უნდა იქნას, რომ მნახველები არ არიან პატიმრები და დაწესებულების უსაფრთხოების დაცვის ვალდებულება ყოველთვის დაბალანსებული უნდა იყოს და უნდა შეესაბამებოდეს მნახველთა პრივატულობის უფლებას. „შემოწმების პროცედურები განსაკუთრებით სენსიტიურად უნდა ჩატარდეს ბავშვების, ქალებისა და მოწყვლადი ჯგუფების წარმომადგენლების მიმართ“.⁵⁵

აღნიშნულთან დაკავშირებით, მნიშვნელოვანია განვიხილოთ ადამიანის უფლებათა ევროპული სასამართლოს ერთ-ერთი გადაწყვეტილება:

„1997 წლის იანვარში ინგლისის ქალაქ ლიდსში, დედამ, რომელიც მივიდა პატიმარი შვილის მოსანახულებლად, თან წაიყვანა მეორე ვაჟი, რომელიც დაავადებული იყო ცერებრალური დამბლით, ამავდროულად ჰქონდა სხვა მენტალური პრობლემები. დაწესებულებაში, შემოწმებისას ორივე მნახველი გააშიშვლეს. ადამიანის უფლებათა ევროპულმა სასამართლომ, ჩათვალია, რომ შემოწმების ის ფორმა, რა ფორმითაც იგი განხორციელდა, არ შეიძლება ჩათვალიდეს შემოწმების მიზნის პროპორციულად, ამგვარი შემოწმება არ შეიძლება მიჩნეული ყოფილიყო აუცილებლად დემოკრატიულ სამოგადოებაში“.⁵⁶

შეხვედრის/პაემნის ოთახები

როგორც სტატიკურ უსაფრთხოებაზე მსჯელობისას აღინიშნა, შეხვედრის/პაემნის ოთახის მოწყობის დროს მნიშვნელოვანია გათვალისწინებული იქნას, რომ ოთახი იყოს უსაფრთხო როგორც პატიმრის, აგრეთვე პაემანზე/შეხვედრაზე მოსული პირისათვის და დაწესებულების შინაგანაწესის (დებულების) შესაბამისად, უზრუნველყოფილი იყოს უშუალო კონტაქტი პატიმარსა და მნახველს შორის, ან პირიქით მოწყობილი იყოს იმგვარად, რომ ინფრასტრუქტურა არ იძლეოდეს უშუალო კონტაქტის შესაძლებლობას. პაემნის ოთახის უსაფრთხოების უზრუნველსაყოფად აუცილებელია მონიტორინგის არსებობა, რათა შემცირდეს პატიმრისთვის აკრძალული ნივთის გადაცემის ან კონტაქტის აკრძალული ფორმის გამოყენების რისკი. შეხვედრის/პაემნის ოთახი უნდა შემოწმდეს, როგორც შეხვედრის/პაემნის დაწყებამდე, აგრეთვე მისი დასრულების შემდეგ.⁵⁷

კიდევ ერთხელ უნდა გავუსვათ ხაზი, რომ დაწესებულების თანამშრომლები მნახველებს უნდა მოეცნენ პატივისცემით. ოთახები უსაფრთხოების ნორმების მოთხოვნების პარალელურად ისე უნდა იყოს მოწყობილი, რომ ხელს უწყობდეს პატიმრებსა და შეხვედრაზე/პაემანზე მოსულ პირებს შეხვედრა განახორციელონ ღირსეულ გარემოში, რაც ამავდროულად შეესაბამება დაწესებულების გამართული ფუნქციონირების მოთხოვნებს.

დაწესებულების პერსონალის შემოწმება

მნიშვნელოვანია გავაცნობიეროთ, რომ აკრძალული, უკანონო ნივთების შეტანის თვალსაზრისით შესაძლოა დაწესებულების თანამშრომლებიც წარმოადგენდნენ გარკვეულ საფრთხეს. ისინიც უნდა დაექვემდებარონ შემოწმების პროცედურას. ეს ერთგვარად ქმნის იმის გარანტიასაც, რომ პატიმრები ან სხვა პირები არ განახორციელებენ მათზე ზეწოლას პენიტენციურ დაწესებულებაში აკრძალული ნივთების შეტანის მიზნით.⁵⁸ შესაძლოა დაწესებულების თანამშრომლები რაიმე სახის დაინტერესების გამო, ფარულად ახდენდნენ დაწესებულებაში აკრძალული ან უკანონო ნივთების შეტანას.⁵⁹ აქედან გამომდინარე, დაწესებულებაში შესვლისას მნიშვნელოვანია, აგრეთვე თანამშრომელთა შემოწმებაც. შესაბამისი პასუხისმგებლობის მქონე დაწესებულების თანამშრომელმა შესაძლოა სხვა თანამშრომლის დაწესებულებაში შესვლის ან გასვლის დროს ჩაატაროს მისი ყოველდღიური სწრაფი ან სკანერით შემოწმება, ისე რომ არ მოუწიოს შემოწმებისთვის ინდივიდუალური ეჭვის საფუძვლის მითითება.

⁵⁵ " ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, ენდრიუ კოილი, მეორე გამოცემა, გვ.64.

⁵⁶ ადამიანის უფლებათა ევროპული სასამართლოს გადაწყვეტილება საქმეზე Wainwright ბრიტანეთის წინააღმდეგ, 2006.

⁵⁷ ციხის ინციდენტების მართვა, UN 2003, P-52.

⁵⁸ პენიტენციური სისტემის სტანდარტული სახელმძღვანელო, ავსტრალია, 2012, გვ. 32.

⁵⁹ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, მეორე გამოცემა, გვ. 64, ენდიუ კოილი, 2009.

იმ შემთხვევაში, როდესაც დაწესებულების ადმინისტრაციას აქვს საფუძვლიანი ეჭვი იფიქროს, რომ თანამშრომელს დაწესებულებაში შეაქვს აკრძალული ან უკანონო ნივთი, დაწესებულების დირექტორმა შესაძლოა მოითხოვოს მისი შემოწმება. თუ თანამშრომელი არ განაცხადებს თანხმობას შემოწმებაზე, პირი შესაძლოა დარჩეს დაკვირვების ქვეშ და შემდგომი ნაბიჯების თაობაზე კონსულტაცია უნდა გაიმართოს დაწესებულების დირექტორთან (ან სხვა შესაბამის სამსახურებთან). დირექტორმა უნდა გადაწყვიტოს რა ქმედება განხორციელდეს, სხვა სამსახურებისათვის მიმართვის ღონისძიების ჩათვლით.

თანამშრომელთა პატრულირება

თანამშრომლებმა უნდა განახორციელონ დაწესებულების შიგნით არსებული ტერიტორიის რეგულარული პატრულირება, როგორც შიდა, ასევე გარე პერიმეტრის ჩათვლით (დაწესებულების კედლები, ღობეები და ა.შ.). ეს ხორციელდება იმისათვის, რომ:

- თანამშრომელთა ხშირი პატრულირების შედეგად აღიკვეთოს პოტენციური ინციდენტები;
- მოხდეს უკანონო მოძრაობისა და საქმიანობის იდენტიფიცირება;
- აღიკვეთოს უსაფრთხოების ნორმების დარღვევა, უსაფრთხოების ინფრასტრუქტურის ხელყოფა;
- შემოწმდეს სტატიკური უსაფრთხოების ელემენტების ერთიანობა და დაუზიანებლობა (საკეტები, წინაღობები, ღობეები, კედლები, სადენები, სახანძრო უსაფრთხოების აღჭურვილობა, ელექტრონული მონაცემების ბაზები და ა.შ.);
- განხორციელდეს აკრძალული ნივთების აღმოჩენა, მათ შორის ისეთი ნივთების, რომლებიც შესაძლოა გამოყენებული იქნას გაქცევისთვის (კიბე, თოკი, სადენი და ა.შ.), ან გამოყენებული იქნას როგორც იარაღი;
- მოხდეს საფრთხის შემცველი სამუშაო პირობების იდენტიფიცირება.

მიზანშეწონილია პატრულირების შედეგების გათვალისწინებით, რისკების შეფასდეს შემდეგი გარემოებების საფუძველზე:

- მიღებული ინფორმაციის დეტალურობის ხარისხი;
- რისკის ხასიათი/შინაარსი;
- შედეგებისა და უსაფრთხოების საკითხებთან მათი კავშირის შესაძლებლობა;
- მსგავსი შემთხვევების სიხშირე;

დაწესებულების მხრიდან შესაბამისი საპასუხო ზომების გატარების მიზანშეწონილობა⁶⁰.

ტერიტორიის შემოწმება

ტერიტორიის ყოველდღიური შემოწმება ტარდება პატიმრებთან შეხების გარეშე და მის მიზანს წარმოადგენს აკრძალული ნივთების აღმოჩენა, რომლებიც შესაძლოა იყოს დაწესებულების ტერიტორიაზე, ავტომობილებში, რომლებიც შემოდის დაწესებულების ტერიტორიაზე, პატიმრების კუთვნილ ნივთებს შორის და ა.შ., რასაც შეუძლია საფრთხე შეუქმნას დაწესებულებაში არსებულ წესრიგს.

ტერიტორიის შემოწმების გეგმა უნდა მოიცავდეს შემდეგ ინფორმაციას:

- ტერიტორია, რომლის შემოწმებაც უნდა განხორციელდეს;
- შემოწმების ფორმა და შემოწმებისთვის საჭირო აღჭურვილობა;
- შემოწმების ჩატარების დრო და რიცხვი;
- შემოწმების სიხშირე და არაგეგმიურობა;
- შემოწმების ჩატარების საფუძველი;
- ნივთები, რომელთა ძებნაც ხორციელდება;
- თანამშრომლები, რომლებმაც უნდა ჩაატარონ შემოწმება.

ღონისძიებები, რომლებიც უნდა იქნას გათვალისწინებული ეფექტური შემოწმების გეგმის შესადგენად:

- ყველა შემოწმებისთვის სისტემური პროცედურის შემუშავება - რაც უფრო მეთოდურია შემოწმება, მით ნაკლებია რაიმეს გამორჩენის რისკი;
- შემოწმების ტემპი და საფუძვლიანობა - პატიმრებს არ აქვთ დრო იპოვონ ნივთების დამალვის შემოქმედებითი/კრეატიული გზები;
- შემოწმებისთვის საჭირო აღჭურვილობა (ხელთათმანები, სარკეები, ფანრები და ა.შ.), მათი გამოყენების უზრუნველყოფა თანამშრომელთა დაზიანების გარეშე;
- იმ ადგილების ზედმიწევნით შემოწმება, რომელთა მკაფიოდ დანახვაც შეუძლებელია.

⁶⁰ ციხის ინციდენტების მართვა, გვ. 28-31, UN 2013.

განსაკუთრებულ შემთხვევებში, დაწესებულების გარეთ არსებული უწყებები (პოლიცია, სამხედროები და ა.შ. თუ არსებობს მსგავსი ტიპის შეთანხმება ან პროცედურა) ან შიდა უწყებრივად არსებული სხვა სტრუქტურული ერთეულები (მაგ. სპეციალური დანიშნულების ძალები) კანონით გათვალისწინებულ შემთხვევაში, შესაძლოა გამოყენებულნი იქნენ შემოწმების ჩატარებაში დაწესებულების დასახმარებლად, მათ შესაძლოა გამოიყენონ ისეთი ინვენტარი, რომელიც დაწესებულებას არ გააჩნია.

რას გვეუბნება საერთაშორისო სტანდარტები

ციხის ევროპულის წესები ჩხრეკა და კონტროლი

54.1 ეროვნული კანონმდებლობა დეტალურად უნდა განსაზღვრავდეს პროცედურებს, რომელიც უნდა გამოიყენონ დაწესებულების თანამშრომლებმა შემდეგ ადგილებში ჩხრეკის ჩატარების დროს:

ა. პატიმარის საცხოვრებელი ყველა ადგილი, სამუშაო და შეხვედრის ადგილები;

ბ. პატიმრების სხეული;

გ. მსჯავრდებულის ახლობლები და მათი საკუთრება და;

დ. დაწესებულების თანამშრომლები.

54.2 სიტუაცია, რომელშიც ასეთი ჩხრეკის ჩატარება აუცილებელია, აგრეთვე ასეთი ღონისძიების ხასიათი უნდა განისაზღვროს ეროვნული კანონმდებლობით.

54.3 დაწესებულების თანამშრომლებმა უნდა აითვისონ ჩხრეკის ჩატარების ის სპეციფიკა, რომელიც უზრუნველყოფს გაქცევის ნებისმიერი მცდელობის პრევენციას ან კონტრაბანდის დამალვას, ამავდროულად დაცული უნდა იყოს იმ ადამიანების ღირსების პატივისცემა, რომლებსაც უტარდებათ ჩხრეკა.

54.4 პირები, რომელთაც უტარდებათ ჩხრეკა არ შეიძლება მოცემულ პროცესში იყვნენ შეურაცხყოფილნი.

54.5 პირებს შეიძლება ჩხრეკა ჩაუტარდეთ მხოლოდ დაწესებულების იმავე სქესის თანამშრომლის მიერ.

54.6 არ შეიძლება პატიმრების შიდა სხეულის ჩხრეკა ჩატარებული იქნას დაწესებულების თანამშრომლის მიერ.

54.7 სხეულის ჩხრეკა შეიძლება ჩატარდეს მხოლოდ პრაქტიკოსი ექიმის მიერ.

54.8 პატიმრები უნდა ესწრებოდნენ მათი პირადი ნივთების ჩხრეკის პროცესს, გარდა იმ შემთხვევისა, როდესაც დაწესებულების ადმინისტრაცია კრძალავს ამას საგამოძიებო ტექნიკის მიზეზებით ან პოტენციური საფრთხის არსებობის გამო.

54.9 უსაფრთხოებისა და უშიშროების დაცვის ვალდებულება არ შეიძლება არღვევდეს ვიზიტორების პირად ხელშეუხებლობას.

54.10 პროფესიული ვიზიტების კონტროლთან დაკავშირებით, ისეთი როგორიცაა, დამცველის, სოციალური მუშაკის, ექიმის და ა.შ. გადანაცვლება უნდა იქნას მიღებული მათი პროფესიული ორგანიზაციებთან კონსულტაციის შემდეგ, რათა დაბალანსებულ იქნას უსაფრთხოება და უშიშროება კონფიდენციალურ პროფესიულ ხელისაწვდომობასთან.

ადგილობრივი კანონმდებლობა

მსჯავრდებულის, მისი ნივთების და მოთავსების ადგილის შემოწმება

პენიტენციურ დაწესებულებაში, სამართლებრივი რეჟიმისა და უსაფრთხოების დაცვის მიზნით, დასაშვებია მსჯავრდებულის პირადი შემოწმება, აგრეთვე მისი მოთავსების ადგილისა და მისი ნივთების შემოწმება.⁶¹

მსჯავრდებულის, მისი მოთავსების ადგილისა და მისი ნივთების შემოწმება ტარდება ისეთი ნივთების, ნივთიერებების ან საკვები პროდუქტების აღმოჩენისა და ამოღების მიზნით, რომელიც შენახვისა და გამოყენებისათვის აკრძალულია ან/და არ ეკუთვნის მსჯავრდებულს.

გამოყენებისათვის და შენახვისათვის აკრძალულს განეკუთვნება ის ნივთები, ნივთიერებები და საკვები პროდუქტები, რომლებიც:

- წარმოადგენენ საფრთხეს სიცოცხლისათვის ან/და ჯანმრთელობისათვის;
- შეიძლება გამოყენებულ იქნენ დანაშაულის ჩადენის იარაღად ან სასჯელის მოხდის მიზნის საწინააღმდეგოდ;
- არ არის გათვალისწინებული კანონმდებლობით დადგენილ იმ პირველადი მოხმარების საგნების, ჰიგიენური საშუალებების, სხვა ნივთებისა და საგნების ჩამონათვალში⁶², რომელთა ამანათის სახით (აგრეთვე ფოსტის მეშვეობით) მიღების, შენახვის, კანონიერად გამოყენების ან მალაზიაში შეძენის უფლება მსჯავრდებულს გააჩნია;
- აჭარბებს საკვები პროდუქტების, პირველადი მოხმარების საგნების, ფეხსაცმლის, ტანსაცმლისა და სხვა სამრეწველო პროდუქტების დადგენილ ოდენობას.

მსჯავრდებულის პირადი შემოწმება შეიძლება იყოს არასრული და სრული.

მსჯავრდებულის პირადი შემოწმება ხორციელდება პენიტენციური დაწესებულების სამართლებრივი რეჟიმის ან/და უსაფრთხოების განყოფილების უფლებამოსილი მოსამსახურეების მიერ. ამასთან, მსჯავრდებულის შემოწმება შესაძლებელია განხორციელდეს მხოლოდ იმავე სქესის პირთა მონაწილეობით. შემოწმების პროცესზე სხვა სქესის პირთა დასწრება დაუშვებელია.

მსჯავრდებულის პირადი არასრული შემოწმებისას ხდება მისი ტანსაცმლისა და ფეხსაცმლის შემოწმება და დათვალიერება, მისი გახდის გარეშე.

მსჯავრდებულის პირადი არასრული შემოწმება ტარდება:

- ფოტოდაქტილოსკოპთან, ექიმთან, გამომძიებელთან წარდგენამდე და წარდგენის შემდეგ;
- ახლო ნათესავებთან ან სხვა პირებთან (მათ შორის, რელიგიურ პირებთან) შეხვედრამდე და მის შემდეგ;
- სხვა საკანში გადაყვანისას;
- სხვა შემთხვევებში დაწესებულების დირექტორის ან მის მიერ საამისოდ უფლებამოსილი პირის გადანყვეტილების საფუძველზე.

მსჯავრდებულის პირადი სრული შემოწმება ტარდება:

- პენიტენციურ დაწესებულებაში მიღებისას;
- პენიტენციური დაწესებულებიდან გაგზავნისას;
- განსაკუთრებულ, პირად გარემოებებთან დაკავშირებით (ახლო ნათესავის გარდაცვალების შემთხვევაში) პენიტენციური დაწესებულების დროებით დატოვებისას/დაბრუნებისას;
- სხვა შემთხვევებში, პენიტენციური დაწესებულების დირექტორისა ან მის მიერ უფლებამოსილი პირის გადანყვეტილებით.

სრული პირადი შემოწმებისას ხდება მსჯავრდებულის სხეულის, ტანსაცმლის, ფეხსაცმლისა და პროტეზის (მისი არსებობის შემთხვევაში) დათვალიერება, რომლის დროსაც მსჯავრდებულის

⁶¹ საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, 21-ე მუხლი.

⁶² საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულების №2, №3 და №4 დანართები.

ვალდებულია უფლებამოსილი პირის მითითების შემდეგ, მთლიანად გაიხადოს ან გაიშვლოს სხეულის შესაბამისი ნაწილები. პლასტიკი, თაბაშირი და სხვა ნახევრები მოწმდება საექიმო-სამედიცინო პუნქტის სამედიცინო მუშაკთან ერთად. ტანსაცმელში ჩაკერებული ნივთების აღმოჩენისას ქსოვილი იჭრება, ხოლო ფეხსაცმლიდან ამოიღება სუპინატორები და მეტალის დეტალები. მსჯავრდებულის პირადი სრული შემოწმებისას შინაგან შემოწმებას ატარებს სამედიცინო მუშაკი.

სრული შემოწმებისას, აგრეთვე მოწმდება ფეხისა და ხელის თითებს შორის ადგილები, ტერფის გულები, ხელის მტევანი ორივე მხრიდან, კანის საფარი, ყურის ნიჟარები, ილიები, პირის ღრუ, ცხვირის ნესტოები და სხვა ადგილები, ივარცხნება თმები თავზე. ტანსაცმლისა და ფეხსაცმლის შემოწმებისას საექიმო ადგილები იჩხვლიტება სადგისით. ჯიბეები, ტანსაცმლის სახელოები, შარვლები, საცვლები, წინდები უკუდმა ბრუნდება. ფეხსაცმლის დათვალიერება ხორციელდება შიდა და გარე მხრიდან. დეტალურად უნდა იქნეს დათვალიერებული მსჯავრდებულის თამბაქოს ნაწარმი, მუშტუკი და სხვა საგნები.

პირადი შემოწმების შემდეგ, მსჯავრდებულს დარჩება მხოლოდ ის ნივთები, ნივთიერებები და საკვები პროდუქტები, რომელთა გამოყენებისა და შენახვის უფლებაც მას საქართველოს კანონმდებლობით გააჩნია. მსჯავრდებულისათვის დატოვებული პირადი ნივთები აღირიცხება მსჯავრდებულის საკნის ბარათში.

მსჯავრდებულის ნივთების შემოწმება ხორციელდება შემდეგ შემთხვევებში:

- პენიტენციურ დაწესებულებაში მიღებისას;
- პენიტენციური დაწესებულებიდან გაგზავნისას;
- სხვა საკანში გადაყვანისას;
- სამედიცინო სტაციონარში გადაყვანისას;
- განსაკუთრებულ შემთხვევებში, პენიტენციური დაწესებულების დირექტორის ან მის მიერ უფლებამოსილი პირის გადანყვეტილებით.

მსჯავრდებულის ნივთების შემოწმება ხდება მისი თანდასწრებით, ხოლო განსაკუთრებულ შემთხვევებში, პენიტენციური დაწესებულების დირექტორის ან მის მიერ უფლებამოსილი პირის გადანყვეტილებით, მსჯავრდებულის ნივთების შემოწმება შეიძლება მოხდეს მისი დასწრების გარეშეც.

მსჯავრდებულის მოთავსების ადგილის შემოწმება ტარდება პენიტენციური დაწესებულების დირექტორის ან მის მიერ საამისოდ უფლებამოსილი პირის გადანყვეტილებით.

პირადი შემოწმების, მოთავსების ადგილის ან ნივთების შემოწმების თაობაზე დგება ოქმი, ხოლო იმ შემთხვევაში თუ სხვადასხვა სახის შემოწმება ერთდროულად ხორციელდება დგება ერთი ოქმი. შემოწმების ოქმში აისახება ინფორმაცია როგორც ამოღებული ნივთების, ნივთიერებებისა და საკვები პროდუქტების თაობაზე, ისე იმ გარემოების შესახებ, რომლის საფუძველზე ტარდება შემოწმება. ოქმს ხელს აწერენ შემოწმების პროცესში მონაწილე მოსამსახურეები და მსჯავრდებული თუ იგი ესწრება შემოწმებას. მსჯავრდებულის მიერ ოქმში ხელმოწერაზე უარის თქმის შემთხვევაში, ოქმში შენიშვნის სახით კეთდება შესაბამისი ჩანაწერი და აგრეთვე, აისახება მსჯავრდებულის ყველა პრეტენზია. ოქმი დაერთვის მსჯავრდებულის პირად საქმეს.

სრული პირადი შემოწმების, მოთავსების ადგილის ან/და ნივთების შემოწმების თაობაზე კეთდება აღნიშვნა მსჯავრდებულის საკნის ბარათში, შემოწმების ჩატარების თარიღის, შემოწმების ჩამტარებელი პირის/პირების ვინაობისა და თანამდებობის მითითებით. შემოწმების ჩატარებისას შეიძლება გამოყენებულ იქნეს ტექნიკური საშუალებები, მათ შორის, რენტგენის აპარატურა, რომლის გამოყენება დასაშვებია მხოლოდ ტანსაცმლისა და ნივთიერების შემოწმებისას. შემოწმება არ შეიძლება განხორციელდეს მსჯავრდებულის დამამცირებელი და ღირსების შემლახავი ფორმით.

დილის და საღამოს შემოწმება სამორიგო ცვლის მიერ

პენიტენციურ დაწესებულებაში ყოველდღიურად, სამორიგო ცვლის⁶³ მიერ ტარდება დილისა და საღამოს შემოწმებები, რა დროსაც ხდება მსჯავრდებულების რაოდენობრივი გადათვლა, საკნებში არ მყოფი მსჯავრდებულების შესახებ ინფორმაციის გადამოწმება, მსჯავრდებულთა გამოკითხვა მათი საჭიროებებისა და პრობლემების გაცნობის მიზნით, საკნების და დაწესებულებების სხვა სივრცეების შემოწმება/დათვალიერება და ა. შ. სამორიგო ცვლის შემადგენლობაში შედიან პენიტენციური

⁶³ საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, 91-ე მუხლი.

დანესებულების სამართლებრივი რეჟიმისა და უსაფრთხოების განყოფილების მოსამსახურეები, ხოლო სამორიგეო ცვლას ხელმძღვანელობს დანესებულების ოპერატიული მორიგე.

დილის შემონმების დაწყებამდე, პენიტენციური დანესებულების ტერიტორიაზე არსებულ საგუშაგოებზე სამორიგეო ცვლის მოსამსახურეთა განაწილების მიზნით, ტარდება სამორიგეო ცვლის წარმომადგენელთა შეკრება დანესებულების ახალი ცვლის ოპერატიული მორიგის ხელმძღვანელობით, რომელიც ეცნობა დანესებულებაში არსებულ ვითარებას, ამონებს სამორიგეო ცვლის მოსამსახურეთა პენიტენციური დანესებულების დირექტორის მიერ დამტკიცებული სამორიგეო გრაფიკის მიხედვით სამსახურში გამოცხადებას, უტარებს მათ ინსტრუქტაჟს, აძლევს მითითებებს/დავალებებს და ანაწილებს შესაბამის საგუშაგოებზე. საგუშაგოებზე განაწილების დასრულების შემდეგ სამორიგეო ჯგუფი გადადის შესაბამის საგუშაგოზე და დღის განრიგით გათვალისწინებული დროის შესაბამისად იწყებს დილის შემონმებას და საგუშაგოს მიღება-გადაბარებას⁶⁴ წინა სამორიგეო ცვლასთან (გრაფიკის მიხედვით) ერთად. საგუშაგოების მიღება-ჩაბარების დროს და მის დაწყებამდე 30 წუთით ადრე, წყდება პატიმართა ყოველგვარი გადაადგილება, გარდა განსაკუთრებული აუცილებლობით გამოწვეული შემთხვევებისა.

საგუშაგოს მიღება-გადაბარება ხორციელდება შემდეგნაირად:

- მოწმდება ემოს ინვენტარი, ფანჯატურები, გრძელი სკამები, ტელეფონები მსჯავრდებულთა კომუნიკაციისათვის, კორპუსის კედელზე გამავალი ხილული კომუნიკაციები, ემოში სანიაღვრეები და ჭები, ემოს კარები, ემოს გამწვანება, ემოს სარწყავი სისტემები, შადრევნები, სანიტარულ-ჰიგიენური მდგომარეობა;
- მოწმდება კორპუსის ჰოლები, დერეფნები, განათება, ტელეფონები, საკომუნიკაციო შახტები, დერეფნისა და სახანძრო კიბეზე გამავალი კარები, კიბეების უჭრედების ცხაურები, ჰოლისა და დერეფნის ფანჯრები და ფანჯრის ცხაურები;
- გასახდელსა და საშხაპეებში მოწმდება სველი წერტილების გამართულობა, ფანჯრები, ფანჯრის ცხაურები, განათება და სანიტარულ-ჰიგიენური მდგომარეობა;
- სამრეცხოსა და საშრობში მოწმდება დანადგარების ტექნიკურ მდგომარეობა, ფანჯრები, ფანჯრის ცხაურები, განათება, ვიზუალური კონტროლის საშუალებები, ჭერი, იატაკი, სანიტარულ-ჰიგიენური მდგომარეობა;
- მოწმდება საგუშაგოს შემონმებელი ტერიტორიები.

წინა და ახალი სამორიგეო ცვლის საგუშაგო ჯგუფის წევრები ერთობლივად ახორციელებენ საკნებისა და მსჯავრდებულების შემონმება/გადაბარებას, კერძოდ: საკნის კარების გაღებამდე წინა ცვლის საგუშაგოს ჯგუფის მთავარი ინსპექტორი მოუწოდებს მსჯავრდებულს მოემზადოს შემონმებისთვის და ხელბორკილის დასადებად პირისახით კედლისკენ შეტრიალდეს.

წინა ცვლის საგუშაგო ჯგუფის წევრი ადებს საკნის კარებს, საკანში შედიან წინა და ახალი ცვლის საგუშაგოს ჯგუფის მთავარი ინსპექტორები და ახალი ცვლის საგუშაგოს ჯგუფის წევრები. ჯგუფის ერთ-ერთი წევრი მსჯავრდებულს ადებს ხელბორკილს, ხოლო ჯგუფის დანარჩენი წევრები:

- ამოწმებენ მსჯავრდებულებს, მათ ვიზუალურ მდგომარეობას, კომპეტენციის ფარგლებში გამოკითხავენ მათ ჯანმრთელობის მდგომარეობის შესახებ და ეცნობიან მათ პრობლემებს. საჭიროების შემთხვევაში, მსჯავრდებულის და მისი ნივთების იდენტიფიცირებისათვის იყენებენ მსჯავრდებულის საკნის ბარათს ან/და კარტოთევას;
- ამოწმებენ სველი წერტილების მდგომარეობას, განათებას, კედლებს, ფანჯრებს და ფანჯრის გარე ცხაურებს, მაგიდას, სკამებს, საწოლებს, ტუმბოებს, იატაკს, ჭერს, განათებას, ელექტროტექნიკას (არსებობის შემთხვევაში), სანიტარულ-ჰიგიენურ მდგომარეობას;
- საკნიდან გამოსვლის შემდეგ წინა ცვლის ჯგუფის წევრი კეტავს მსჯავრდებულებს საკანში.

საღამოს, მსჯავრდებულის, საკნის და სხვა სივრცეების შემონმება ხორციელდება დილის შემონმების ანალოგიურად, სამორიგეო ჯგუფის მიერ. მსჯავრდებულები ვალდებულია, პენიტენციური დანესებულების დღის განრიგის შესაბამისად, საღამოს შემონმებისას იმყოფებოდეს საკანში. სამორიგეო ჯგუფის წევრი ათვალიერებს საკანს ვიზუალურად, მოუწოდებს მსჯავრდებულს, დანესებულების დღის განრიგით განსაზღვრული დროის გათვალისწინებით, მოემზადოს დასაძინებლად და კეტავს საკანში, რის შემდეგაც, სამორიგეო ცვლა იწყებს დარჩენილი ტერიტორიების შემონმებას. საღამოს შემონმების დასრულებისას სამორიგეო ცვლა შემონმების შედეგებს აცნობებს სამორიგეო ცვლის ხელმძღვანელს.

⁶⁴ საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, 92-ე მუხლი.

საკნების დათვალიერება⁶⁵

საკნების ტექნიკური დათვალიერება ხორციელდება პენიტენციური დაწესებულების სამართლებრივი რეჟიმის განყოფილების მოსამსახურეებისგან შემდგარი ჯგუფის მიერ, რომელსაც ხელმძღვანელობს ჯგუფის უფროსი. საკნების ტექნიკური დათვალიერება ხორციელდება დღეში არანაკლებ ერთხელ, როდესაც იქ მსჯავრდებულები არ იმყოფებიან, ხოლო ცალკეულ შემთხვევებში, პენიტენციური დაწესებულების დირექტორის დავალებით, სამართლებრივი რეჟიმისა და უსაფრთხოების განყოფილების მოსამსახურეების მიერ, შესაძლებელია განხორციელდეს საკნების რიგგარეშე დათვალიერება. საკნების ტექნიკური დათვალიერებისას უნდა შემოწმდეს ფანჯრები, ჭერი, იატაკი, კედლები, საწოლი ადგილები, მაგიდები, სკამები, პირსაბანები, აგრეთვე სანიტარიულ-ტექნიკური მოწყობილობები და წყალსადენი მილები.

ამასთან, სამორიგო ცვლის მოსამსახურეების მიერ, არანაკლებ კვირაში ერთხელ, დადგენილი გრაფიკის მიხედვით, ტარდება საკნების საკონტროლო-ტექნიკური შემოწმება-დათვალიერება, რა მიზნითაც, სამორიგო ცვლის შემადგენლობის დასახმარებლად გამოიყოფა დაწესებულების სარემბრო ჯგუფის მოსამსახურეთა შემადგენლობა.

გარდა ზემოაღნიშნულისა, არანაკლებ თვეში ორჯერ, პენიტენციური დაწესებულების დირექტორის მიერ დადგენილი გრაფიკის მიხედვით, ტარდება საკნების დათვალიერება აკრძალული ნივთების და საკნების აღმოჩენის მიზნით.

საკნების დათვალიერების განხორციელებისას, შესაბამისი ჯგუფის უფროსი ვალდებულია გააკონტროლოს დასათვალიერებელ ობიექტებზე განაწილებულ სამორიგო ცვლის მოსამსახურეთა საქმიანობა. დათვალიერებისას, შესაძლებელია გამოყენებულ იქნეს სარკე, ხის ჩაქუჩი და სხვა ტექნიკური საშუალებები.

დათვალიერების განმახორციელებელი ჯგუფის წევრები პატივისცემით და სიფრთხილით უნდა მოექცნენ მსჯავრდებულთა განთავსების ადგილებში არსებულ ნივთებს, განსაკუთრებით რელიგიურ ნივთებს. ჩატარებულ დათვალიერებაზე უნდა შედგეს ოქმი.

მსჯავრდებულთა საკნების არაგეგმიური და გეგმიური დათვალიერება ტარდება პენიტენციური დაწესებულების დირექტორის გადაწყვეტილებით. დათვალიერების შედეგები აისახება ოქმში და მოხსენდება დაწესებულების სამართლებრივი რეჟიმის განყოფილების უფროსს, რომელიც თავის მხრივ ჩატარებული ღონისძიებების შედეგებს აცნობებს დაწესებულების ხელმძღვანელობას. საკნების დათვალიერებისას რაიმე ხარვეზის ან დაზიანების აღმოჩენის შემთხვევაში, დაწესებულების სამართლებრივი რეჟიმის განყოფილების უფროსი და სამორიგო ცვლის ხელმძღვანელი ერთად იღებენ ზომებს მათ აღმოსაფხვრელად.

პენიტენციური დაწესებულების ტერიტორიისა და მასზე განთავსებული შენობა-ნაგებობების დათვალიერება⁶⁶

პენიტენციური დაწესებულების ტერიტორიისა და მასზე განთავსებული შენობა-ნაგებობების დათვალიერება ხორციელდება თვეში არანაკლებ ორჯერ, ხოლო არაგეგმიურად, დაწესებულების დირექტორის დავალებით, არსებული ვითარებიდან გამომდინარე. დათვალიერება ხორციელდება დაწესებულების სამართლებრივი რეჟიმისა და უსაფრთხოების განყოფილებათა ერთობლივად შემუშავებული გეგმის მიხედვით, რომელშიც გათვალისწინებული უნდა იქნეს:

- დათვალიერების მიზანი;
- დათვალიერების ჩატარების დღე და საათები;
- დაწესებულების ტერიტორიისა და შენობა-ნაგებობების დაყოფა სექტორების მიხედვით;
- მოსამსახურეთა რაოდენობა, მათი დაყოფა ჯგუფების მიხედვით;
- ტექნიკური საშუალებების სახეობა და რაოდენობა;
- დათვალიერების ჯგუფების მიერ დათვალიერების ჩატარების წესი და მისი ჩატარების ადგილი.

პენიტენციური დაწესებულების ტერიტორიისა და შენობა-ნაგებობების დათვალიერების ჩატარება უნდა იყოს მოულოდნელი და მისი მზადება უნდა მიმდინარეობდეს ფარულად. დათვალიერებაში

⁶⁵ „პატიმრობისა და თავისუფლების აღკვეთის დაწესებულებებში სამართლებრივი რეჟიმის განხორციელების ინსტრუქციის დამტკიცების შესახებ“ საქართველოს სასჯელაღსრულებისა და პრობაციის მინისტრის 2013 წლის 1 აგვისტოს №200 ბრძანებით დამტკიცებული ინსტრუქცია, თავი VIII.

⁶⁶ საქართველოს სასჯელაღსრულებისა და პრობაციის მინისტრის 2013 წლის 1 აგვისტოს №200 ბრძანებით დამტკიცებული ინსტრუქცია, თავი XI.

ჩართული უნდა იქნეს სამორიგეო ცვლის შემადგენლობა.

პენიტენციური დაწესებულების ტერიტორიისა და შენობა-ნაგებობების დათვალიერებისას მსჯავრდებულთა დაწესებულების ტერიტორიაზე გადაადგილება დაუშვებელია. დათვალიერების დროს, შესაძლებელია გამოყენებულ იქნეს სხვადასხვა ტექნიკური საშუალებები.

მსჯავრდებულის შეხვედრები (ზოგადი წესები)

მსჯავრდებულს, საქართველოს კანონმდებლობის შესაბამისად, უფლება აქვს ისარგებლოს ახლო ნათესავებთან შეხვედრით (პაემნით), შეხვედეს ადვოკატს და სასულიერო პირებს. უცხო ქვეყნის მოქალაქე მსჯავრდებულებს აგრეთვე, შეუძლიათ ისარგებლონ დიპლომატიური წარმომადგენლობის, საკონსულო დაწესებულების და სხვა დიპლომატიურ წარმომადგენლებთან შეხვედრის უფლებით.⁶⁷

მსჯავრდებულის ხანმოკლე პაემანი⁶⁸

ახლო ნათესავებთან შეხვედრები (პაემნები), სხვა პენიტენციურ დაწესებულებებთან შედარებით, შეზღუდულია განსაკუთრებული რისკის თავისუფლების აღკვეთის დაწესებულებაში. კერძოდ, აღნიშნული ტიპის თავისუფლების აღკვეთის დაწესებულებაში განთავსებულ მსჯავრდებულს უფლება აქვს ერთი თვის განმავლობაში ჰქონდეს ერთი ხანმოკლე პაემანი, წახალისების ფორმით – თვეში ერთი დამატებითი ხანმოკლე პაემანი, ხოლო ხანგრძლივი პაემანი საქართველოს კანონმდებლობის თანახმად, არ ეძლევა.⁶⁹

ხანმოკლე პაემანი ხორციელდება სპეციალურ ოთახებში მინის გამყოფი ბარიერის მეშვეობით, ერთიდან ორ საათამდე ხანგრძლივობით, რომელიც შეიძლება შემცირდეს შეხვედრაზე მყოფი პირების მოთხოვნით. პაემანი მიმდინარეობს პენიტენციური დაწესებულების უფლებამოსილი წარმომადგენლის მხოლოდ ვიზუალური კონტროლით, გარდა საქართველოს კანონმდებლობით გათვალისწინებული შემთხვევებისა.⁷⁰ მსჯავრდებულისა და პაემანზე მისული პირის ურთიერთობის კონტროლი ხორციელდება მათი პატივისა და ღირსების შეულახავად.

ხანმოკლე პაემანზე მსჯავრდებული შეიძლება ერთდროულად შეხვედეს არაუმეტეს ორ სრულწლოვან პირს ან ერთ სრულწლოვან პირს, რომელსაც შეიძლება ახლდეს ხანმოკლე პაემნის უფლების მქონე ორი არასრულწლოვანი. ხანმოკლე პაემანზე მიმსვლელ პირთა ზღვრულ ოდენობას, არსებული პირობების გათვალისწინებით, განსაზღვრავს პენიტენციური დაწესებულება, მსჯავრდებულის უსაფრთხოების, დაწესებულების სამართლებრივი რეჟიმისა და უსაფრთხოების დაცვის მიზნებიდან გამომდინარე. ხანმოკლე პაემანზე მსჯავრდებული უნდა გამოცხადდეს მონესრიგებული, ვალდებულია დაიცვას სამართლებრივი რეჟიმის მოთხოვნები და შეასრულოს დაწესებულების წარმომადგენლის კანონიერი მითითებები.

დაწესებულებაში აკრძალული და არანებადართული ნივთების, ნივთიერებების მოხვედრის თავიდან ასაცილებლად, მსჯავრდებული ხანმოკლე პაემნის დაწყებამდე და დასრულების შემდეგ გადის შესაბამის შემოწმებას.⁷¹ შეხვედრაზე მოსულ პირებს დაწესებულების უფლებამოსილი წარმომადგენლის მიერ განემარტება ხანმოკლე პაემნის ჩატარების წესი, აღნიშნული პირები დაწესებულებაში აკრძალულ და არანებადართულ ნივთებს, ნივთიერებებს შესანახად ხელწერილით აბარებენ დაწესებულების წარმომადგენელს.

მსჯავრდებულის დამცველთან/ადვოკატთან შეხვედრა

მსჯავრდებულს უფლება აქვს ყოველგვარი შეზღუდვისა და ჩარევის გარეშე შეხვედეს თავის დამცველს/ადვოკატს⁷², რომელიც ახორციელებს კანონით გათვალისწინებულ საადვოკატო საქმიანობას. შესაბამისად, დამცველი/ადვოკატი მსჯავრდებულთან შესახვედრად დაიშვება საადვოკატო საქმიანობის განხორციელების დამადასტურებელი მოქმედი დოკუმენტისა და საქართველოს კანონმდებლობით დადგენილი წესით მსჯავრდებულის უფლების დასაცავად გაცემული შესაბამისი

⁶⁷ საქართველოს კანონი „პატიმრობის კოდექსი“, მე-14 მუხლის პირველი ნაწილის „ა.გ“ ქვეპუნქტი, მე-3 ნაწილი.

⁶⁸ საქართველოს კანონი „პატიმრობის კოდექსი“ მე-17 მუხლი, საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, 44-ე - 47-ე მუხლები.

⁶⁹ საქართველოს კანონი „პატიმრობის კოდექსი“, 663 მუხლის მე-2 ნაწილის „ბ“ ქვეპუნქტი, 172 მუხლის მე-6 ნაწილი.

⁷⁰ მაგალითად, სისხლის სამართლის საპროცესო კოდექსის XVI თავით გათვალისწინებული ფარული საგამოძიებო მოქმედების ჩატარებისას.

⁷¹ საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, ²¹-ე მუხლის მე-6 პუნქტის „ბ“ ქვეპუნქტი, მე-7 პუნქტი.

⁷² საქართველოს კანონი „პატიმრობის კოდექსი“ მე-18 მუხლი, საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, 52-ე მუხლი, „ბრალდებულთა და მსჯავრდებულთა დამცველთან/ადვოკატთან შეხვედრის უფლების განხორციელების შესახებ“ საქართველოს სასჯელაღსრულებისა და პრობაციის მინისტრის 2015 წლის 2 ნოემბრის №157 ბრძანება.

ორდერის ან მინდობილობის (რწმუნებულების) წარმოდგენის შემთხვევაში.

პენიტენციური დაწესებულების თანამშრომელს შეუძლია მსჯავრდებულის დამცველთან შეხვედრას დააკვირდეს ვიზუალურად, ტექნიკური საშუალებით დისტანციური დაკვირვებისა და ჩანერის პირობებში, მაგრამ მოსმენის გარეშე.

შეხვედრაზე მოსული დამცველი/ადვოკატი დაწესებულებაში აკრძალულ და არანებადართულ ნივთებს, ნივთიერებებს შესანახად, ხელწერილით აბარებს დაწესებულების უფლებამოსილ მოსამსახურეს.

მსჯავრდებული შეხვედრაზე უნდა გამოცხადდეს მოწესრიგებული, ვალდებულია დაიცვას სამართლებრივი რეჟიმის მოთხოვნები და შეასრულოს შესაბამისი უფლებამოსილი მოსამსახურის კანონიერი მითითებები. დაწესებულებაში აკრძალული და არანებადართული ნივთების, ნივთიერებების ფარული მოხვედრის თავიდან ასაცილებლად, მსჯავრდებული შეხვედრის დაწყებამდე და დასრულების შემდეგ გადის შესაბამის შემოწმებას.

დიპლომატიური წარმომადგენლობის ან საკონსულო დაწესებულების წარმომადგენელთან შეხვედრა
მსჯავრდებულს, რომელიც უცხო ქვეყნის მოქალაქეა, უფლება აქვს, შეუზღუდავად შეხვდეს თავისი ქვეყნის დიპლომატიური წარმომადგენლობის ან საკონსულო დაწესებულების წარმომადგენელს ან იმ ქვეყნის უფლებამოსილ დიპლომატიურ წარმომადგენელს, რომელიც საქართველოში ითავსებს მისი ქვეყნის ინტერესების დაცვას. უცხო ქვეყნის მოქალაქე და მოქალაქეობის არმქონე ბრალდებულებს/მსჯავრდებულებს უფლება აქვთ, ჰქონდეთ ურთიერთობები თავიანთი ქვეყნების დიპლომატიურ წარმომადგენლობებთან და საკონსულო დაწესებულებებთან. იმ სახელმწიფოთა მოქალაქეებს, რომლებსაც საქართველოში დიპლომატიური წარმომადგენლობები და საკონსულო დაწესებულებები არ აქვთ, უფლება აქვთ, ჰქონდეთ ურთიერთობები იმ სახელმწიფოთა დიპლომატიურ წარმომადგენლობებთან და საკონსულო დაწესებულებებთან, რომლებმაც საკუთარ თავზე აიღეს მათი ინტერესების დაცვა, ან სახელმწიფოთაშორის ორგანოებთან, რომლებიც ამ პირთა ინტერესებს იცავენ.⁷³

მსჯავრდებულის დიპლომატიური წარმომადგენლობის ან საკონსულო დაწესებულების წარმომადგენელთან შეხვედრა მიმდინარეობს დაწესებულების უფლებამოსილი მოსამსახურის მხოლოდ ვიზუალური კონტროლით, გარდა საქართველოს კანონმდებლობით გათვალისწინებული შემთხვევებისა. კონტროლი უნდა განხორციელდეს მსჯავრდებულის პატივისა და ღირსების შეუღახავად. შეხვედრა ხორციელდება სპეციალურ ოთახებში.

პენიტენციური დაწესებულების უფლებამოსილი მოსამსახურე შეხვედრაზე მოსულ პირს განუმარტავს შეხვედრის ჩატარების წესს. იგი ფულს, ასევე საგნებსა და ფასეულობებს, რომელთა გამოყენება დაწესებულებაში აკრძალულია, შესანახად, ხელწერილით აბარებს დაწესებულების უფლებამოსილ მოსამსახურეს.

მსჯავრდებული შეხვედრაზე უნდა გამოცხადდეს მოწესრიგებული. იგი ვალდებულია დაიცვას სამართლებრივი რეჟიმის მოთხოვნები და შეასრულოს დაწესებულების უფლებამოსილი მოსამსახურის წარმომადგენლის კანონიერი მითითებები. დაწესებულებაში აკრძალული და არანებადართული ნივთების, ნივთიერებების მოხვედრის თავიდან ასაცილებლად, მსჯავრდებული შეხვედრის დაწყებამდე და დასრულების შემდეგ გაივლის შესაბამის შემოწმებას.

შეხვედრის უფლება შეიძლება შეიზღუდოს მხოლოდ გარკვეული დროით, თუ არსებობს შეხვედრის უზრუნველყოფისათვის დამაბრკოლებელი ობიექტური გარემოებები, რაც დაკავშირებულია თავად საკონსულოს ან სხვა დიპლომატიური წარმომადგენლის უსაფრთხოებასთან. შეხვედრა შედგება ასეთი გარემოებების აღმოფხვრისთანავე.

სასულიერო პირებთან შეხვედრა

მსჯავრდებულს უფლება აქვს შეხვდეს სასულიერო პირებს.⁷⁴ მას შეუძლია შეხვდეს საქართველოს სამოციქულო ავტოკეფალური მართლმადიდებელი ეკლესიის, აგრეთვე, რეგისტრირებული რელიგიური ორგანიზაციის ან/და ტრადიციული კონფესიების წარმომადგენელს, რომელიც პენიტენციურ დაწესებულებაში დაიშვება მხოლოდ შესაბამისი რელიგიური ორგანიზაციის მიერ

⁷³ საქართველოს კანონი „პატიმრობის კოდექსი“, მე-17 მუხლის მე-13 ნაწილი, საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, 53-ე მუხლი.

⁷⁴ საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, 50-ე მუხლი; „ბრალდებულთა/მსჯავრდებულთა რელიგიურ რიტუალებში მონაწილეობისა და სასულიერო პირებთან შეხვედრის უფლების განხორციელების შესახებ“ საქართველოს სასჯელაღსრულების, პრობაციისა და იურიდიული დახმარების მინისტრის 2010 წლის 30 დეკემბრის №187 ბრძანება.

დანესებულებასთან წინასწარი შეთანხმებით.

პენიტენციური დანესებულების მიერ სასულიერო პირთან შეხვედრის თაობაზე თანხმობა გაიცემა შესაბამისი რელიგიური ორგანიზაციის წერილობითი მიმართვის საფუძველზე, სადაც მითითებული უნდა იყოს ორგანიზაციის დასახელება, წარმომადგენლის ვინაობა, ვიზიტის მიზანი და სავარაუდო ხანგრძლივობა. პენიტენციური დანესებულება ვალდებულია მსჯავრდებულის სასულიერო პირებთან შეხვედრის მიზნით გამოყოს ოთახი. მსჯავრდებული შეხვედრის დაწყებამდე და დასრულების შემდეგ გაივლის შესაბამის შემოწმებას.

მსჯავრდებული რელიგიურ რიტუალებს ასრულებს საკანში, ხოლო შესაძლებლობის არსებობისას, ამ მიზნით მოწყობილ შენობებში, იმ რელიგიური კონფესიების ტრადიციების შესაბამისად, რომლებსაც ისინი მიეკუთვნებიან. კანონმდებლობის თანახმად, არ დაიშვება ისეთი რელიგიური რიტუალის შესრულება, რომელიც არღვევს სხვა მსჯავრდებულის უფლებებს. მსჯავრდებულისათვის ნებადართულია თან იქონის და ისარგებლოს რელიგიური ლიტერატურით, ინდივიდუალური რელიგიური კულტის საგნებით, გარდა მხვლეტავი, ბასრი, ძვირფასი ლითონების და ქვის ნაკეთობებისა ან იმ საგნისა, რომელიც წარმოადგენს კულტურულ და ისტორიულ ფასეულობას.

პენიტენციურ დანესებულებაში შესვლის წესი

უსაფრთხოების მოთხოვნების დაცვის უზრუნველყოფის მიზნით, განსაკუთრებით მნიშვნელოვანია პენიტენციური დანესებულების ტერიტორიაზე შესვლის კონტროლი და საიმედო პროცედურების არსებობა, რათა პენიტენციური დანესებულების ტერიტორიაზე არაუფლებამოსილი პირების შესვლისა თუ აკრძალული ნივთების მოხვედრის ალბათობა მინიმუმამდე იქნას დაყვანილი. საქართველოს კანონმდებლობა შეიცავს აღნიშნულ საკითხთან დაკავშირებულ რეგულაციებს⁷⁵, თუმცა პენიტენციურ დანესებულებაში აკრძალული ნივთების შეღწევისა თუ დამზადების, დადგენილი წესის გვერდის ავლით დანესებულებაში მოხვედრის პრობლემები, სამწუხაროდ, პრაქტიკაში ძალზედ ხშირია.

პენიტენციურ დანესებულებაში შემსვლელი ყველა პირი ექვემდებარება შემოწმება/დათვალიერებას, ხოლო აღნიშნულზე უარის თქმის შემთხვევაში, დანესებულება უფლებამოსილია პირი არ შეუშვას დანესებულებაში. ამასთან, დაუშვებელია დანესებულების ტერიტორიაზე აუდიო, ვიდეო ტექნიკისა და ფიქსაციის სხვა სახის ტექნიკის შეტანა სპეციალური ნებართვის გარეშე, რომელსაც გასცემს საქართველოს სასჯელაღსრულებისა და პრობაციის მინისტრი ან პენიტენციური დეპარტამენტის დირექტორი. მსჯავრდებულის ფოტო, კინო, ვიდეოგადაღება ან მასთან ინტერვიუს ჩაწერა შეიძლება მხოლოდ მსჯავრდებულის წერილობითი თანხმობით. აღნიშნული მოთხოვნები არ ვრცელდება ვიზუალურ და ელექტრონული საშუალებით მეთვალყურეობაზე და აგრეთვე, პენიტენციური დანესებულების ადმინისტრაციის მიერ განხორციელებულ გადაღებაზე. გადაღების თაობაზე მსჯავრდებული წინასწარ უნდა იქნეს გაფრთხილებული.⁷⁶

აქვე აღსანიშნავია, რომ 2016 წლის 1 სექტემბრიდან, საქართველოს სახალხო დამცველი, აგრეთვე, საქართველოს სახალხო დამცველის წინასწარი წერილობითი თანხმობით სპეციალური პრევენციული ჯგუფის წევრი, საქართველოს კანონმდებლობით დადგენილი წესით, უფლებამოსილია პენიტენციური დანესებულების ტერიტორიაზე განახორციელოს ფოტოგადაღება⁷⁷.

პენიტენციური დანესებულების ტერიტორიაზე შესვლის პროცედურები

პენიტენციური დანესებულების საკონტროლო-გამშვებ პუნქტზე ხორციელდება დანესებულებაში შემსვლელ პირთა, მათი ნივთებისა და ტანსაცმლის შემოწმება-დათვალიერება, ამისთვის სპეციალურად გამოყოფილ ოთახებში. ქალები და მამაკაცები მოწმდებიან ცალ-ცალკე, იმავე სქესის წარმომადგენელთა მიერ, პატივისა და ღირსების შეულახავად. შემოწმება ხორციელდება მეტალო-დეტექტორის მეშვეობით, ტანსაცმლის გაუხდელად, თუმცა ფეხსაცმლის გახდით და მისი საფუძვლიანი დათვალიერებით.

შემოწმების ჩამტარებელი პირი გამოკითხავს პირს აქვს თუ არა მას იარაღი. თუ პირს იარაღი გააჩნია, შემოწმების ჩამტარებელი პირი მოახსენებს გუშავს, რომელიც ამის შესახებ ატყობინებს უშუალო უფროსს და მისი ბრძანებით ინახავს იარაღს შესაბამის დაცულ ადგილას, სანაცვლოდ კი პირს აძლევს შესაბამის ნომერს. შემოწმების ჩამტარებელი პირი სთავაზობს შესამოწმებელ პირს, დატოვოს სპეციალურად გამოყოფილ ადგილზე ჩანთა, პორტფელი, ფული, მობილური ტელეფონი, და სხვა

⁷⁵ საქართველოს კანონი „პატიმრობის კოდექსი“ მე-60 მუხლი, საქართველოს სასჯელაღსრულებისა და პრობაციის მინისტრის 2015 წლის

⁷⁷ აგვისტოს №108 ბრძანებით დამტკიცებული დებულება, VII თავი.

⁷⁶ საქართველოს კანონი „პატიმრობის კოდექსი“ მე-60 მუხლი, მე-3 - მე-6 ნაწილები.

⁷⁷ საქართველოს კანონი „პატიმრობის კოდექსი“ მე-60 მუხლი, მე-7 და მე-8 ნაწილები.

ნივთები. აკრძალული ნივთებისა და ნივთიერებების⁷⁸ აღმოჩენის შემთხვევაში ეცნობება შესაბამის საგამოძიებო ორგანოს და დგება ოქმი.

საკონტროლო-გამშვებ პუნქტზე შემოწმება-დათვალიერების შემდეგ დაწესებულებაში შემსვლელი პირი შედის საკონტროლო-გამშვებ დერეფანში, სადაც პირების გაშვებისას გუშაგი იცავს შემდეგ თანმიმდევრობას:

- აღებს პირველ შემსვლელ კარს, შეუშვებს საკონტროლო-გამშვებ დერეფანში პირს და დაკეტავს კარს;
- ამოწმებს საშვს და პირადობის დამადასტურებელ საბუთს, დარწმუნდება მათ სისწორესა და კუთვნილებაში წარმდგენი პირის მიმართ;
- უკან უბრუნებს საშვს, ხოლო პირადობის დამადასტურებელ საბუთს იტოვებს;
- გააღებს მეორე შემსვლელ კარს, გაატარებს მოსულ პირს და დაკეტავს კარს (იმ შემთხვევაში, თუ გაშვების სისწორეში ეჭვი შეეპარება, საშვის (დოკუმენტის) დაბრუნების გარეშე მოახსენებს უშუალო უფროსს და შემდეგ იმოქმედებს მისი მითითებით);
- არ დაუშვებს საკონტროლო-გამშვებ დერეფანში 3 პირზე მეტის ყოფნას, დაწესებულებიდან გამოსვლელი და დაწესებულებაში შემსვლელი პირების ერთად ყოფნას, აგრეთვე მსჯავრდებულთა და სხვა პირების ერთდროულ გაშვებას, გარდა იმ შემთხვევებისა, როდესაც მსჯავრდებულს ახლავს დაწესებულების წარმომადგენელი;
- პირს, რომელმაც დაწესებულებიდან გამოსვლის დროს გადაამეტა, გუშაგი შეაჩერებს დროის გადამეტების მიზეზის გამორკვევამდე. საკონტროლო-გამშვებ პუნქტზე პირის შეჩერების შესახებ ყარაულის უფროსი აკეთებს ჩანაწერს პუნქტის ჟურნალში და მიუთითებს როდის, ვინ და რა მიზეზით იქნა შეჩერებული შესამოწმებლად, ვინ ატარებს შემოწმებას და შემოწმების შედეგებს.

დაწესებულებაში ქალები (სტუმრები) შეიშვებიან მხოლოდ დაწესებულების სამართლებრივი რეჟიმის მოსამსახურეთა (კაცების) თანხლებით.

⁷⁸ საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულების დანართი N5.

თავი: 4

*დაწესებულების ტერიტორიაზე პატიმრის
გადაადგილების წესი*

მეოთხე თავი

დანესებულების ტერიტორიაზე პატიმრის გადაადგილების წესი

საერთაშორისო სტანდარტები და პრაქტიკა

მნიშვნელოვანია, რომ ყველა პენიტენციური დაწესებულების მენეჯერს ესმოდეს უსაფრთხოებას, კონტროლსა და სამართლიანობას შორის ბალანსის დამყარებისა და შენარჩუნების აუცილებლობა. მცდარია მოსაზრება, რომ პატიმრების მიმართ ჰუმანური და სამართლიანი მოპყრობა იწვევს უსაფრთხოებისა და კონტროლის შემცირებას. პირიქით, გაქცევის პრევენცია და წესრიგის შენარჩუნება უფრო ადვილი მისაღწევია კარგად ორგანიზებულ გარემოში, სადაც თანამშრომლებიც და პატიმრებიც თავს უსაფრთხოდ გრძნობენ, სადაც ყველა პატიმარი ხედავს, რომ მას ექცევიან სამართლიანად, პატიმრებს შეუძლიათ მონაწილეობა მიიღონ ცალკეულ აქტივობებში და საკუთარი თავი მოამზადონ გათავისუფლებისთვის, პროფესიონალი პენიტენციური დაწესებულების მმართველი უნდა ცდილობდეს შეინარჩუნოს მემოთ აღნიშნული ბალანსი.⁷⁹

თავისი შინაარსით, პენიტენციურ დაწესებულებაში მოთავსება გულისხმობს თავისუფლების აღკვეთას, შესაბამისად გადაადგილების შემლუღვას. დაწესებულების ხელმძღვანელობას ეკისრება ვალდებულება გამოიყენოს უსაფრთხოების შემლუღვები, რომლებიც აუცილებელია გაქცევის აღსაკვეთად, ასევე იმის უზრუნველსაყოფად, რომ დაწესებულება იყოს უსაფრთხო ადგილი, სადაც ყველას შეუძლია აკეთოს თავისი საქმე, ისე რომ არ ღელავდეს საკუთარ უსაფრთხოებაზე. პატიმრების ყოველდღიური კონტროლის დონე არ უნდა იყოს იმაზე მეტი, ვიდრე ეს საჭიროა ამ მოთხოვნების მისაღწევად. პენიტენციური დაწესებულების ამოცანაა სასამართლოს გადაწყვეტილების აღსრულება თავისუფლების აღკვეთის შესახებ, მათ ფუნქციას არ წარმოადგენს პატიმრებისთვის დამატებითი შემლუღვების დაწესება, პირიქით მათ უნდა გააკეთონ ყველაფერი იმისთვის, რომ დაწესებულების გარეთ და შიგნით ცხოვრება იყოს მაქსიმალურად მსგავსი. ამის ერთ-ერთ მიზეზს წარმოადგენს სასჯელის მოხდის შემდეგ საზოგადოებაში რეინტეგრაციის, კანონმორჩილ მოქალაქედ დაბრუნების შესაძლებლობის გაზრდა. დაწესებულების თანამშრომლებს უნდა ესმოდეთ, რომ მართვის ეს მეთოდი ხელს უწყობს უსაფრთხოებისა და წესრიგის (რეჟიმის) შენარჩუნებას.⁸⁰

მართალია თითქმის ყველა ქვეყანაში არიან პატიმრები, რომლებიც საჭიროებენ მაღალი უსაფრთხოების პირობებში მოთავსებას, თუმცა მათი სრული იზოლაცია და დაწესებულების ტერიტორიაზე გადაადგილების სრულად აკრძალვა დაუშვებელია. აუცილებელია დაცული იქნას ბალანსი მაღალი რისკის დაწესებულების უსაფრთხოების უზრუნველყოფასა და პატიმრების გასეირნების, რეკრეაციის, დაწესებულების ტერიტორიაზე ცალკეულ აქტივობებში ჩართვის უფლებას შორის. „ციხის სისტემის პასუხისმგებლობას წარმოადგენს უზრუნველყოს პატიმრების მოთავსება ღირსეულ და ჰუმანურ პირობებში, მიუხედავად მათ მიერ ჩადენილი დანაშაულისა, ან იმ დანაშაულისა, რომლის ჩადენაშიც ედებათ მათ ბრალი. ეს ვალდებულება ვრცელდება მაღალი რისკის პატიმრებზეც, შემლუღვები, რომლებიც მათ უნდა დაეკისროთ არ უნდა იყოს უფრო მეტი, ვიდრე ეს საჭიროა უსაფრთხო პატიმრობის უზრუნველსაყოფად“.⁸¹

პატიმრებთან მოპყრობის მინიმალური სტანდარტული წესების შესაბამისად - „ფიზიკური და ფსიქიკური ჯანმრთელობის შენარჩუნების მიზნით, ყველა დაწესებულებაში პატიმრები უზრუნველყოფილნი უნდა იყვნენ დასვენებისა და კულტურული საქმიანობის შესაძლებლობით.“⁸² იგივე დოკუმენტი აღგენს, რომ „სათანადო ფიზიკურ მდგომარეობაში მყოფი არასრულწლოვანი და სხვა პატიმრები უზრუნველყოფილნი უნდა იყვნენ ფიზიკური ვარჯიშის დროს – თამაშის შესაძლებლობით. ამისათვის საჭიროა სათანადო მოედნების, დანადგარებისა და ინვენტარის არსებობა.“⁸³

პატიმრების ვარჯიშისა და დასვენების უფლება ხაზგასმულია ციხის ევროპულ წესებშიც - „ყოველ პატიმარს უნდა მიეცეს შესაძლებლობა ყოველდღიურად მინიმუმ ერთი საათი მაინც ივარჯიშოს სუფთა ჰაერზე, თუ ამინდი იძლევა ამის საშუალებას სათანადოდ ორგანიზებული ღონისძიებები, რომლებიც ხელს უწყობს სიჯანსაღეს და უზრუნველყოფს ფიზიკურ ვარჯიშსა და დასვენებას, უნდა წარმოადგენდეს რეჟიმის განუყოფელ ნაწილს.“

⁷⁹ „ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, მეორე გამოცემა, Andrew Coyle.

⁸⁰ „ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, მეორე გამოცემა, Andrew Coyle, გვ. 67-68.

⁸¹ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, მეორე გამოცემა, ენდიუ კოილი, გვ. 71.

⁸² გაეროს პატიმრებთან მოპყრობის მინიმალური სტანდარტული წესები (მანდელას წესები).

⁸³ პატიმრებთან მოპყრობის მინიმალური სტანდარტული წესები (მანდელას წესები).

საინტერესოა დაწესებულების შიდა გადაადგილებასა და შიდა აქტივობების უზრუნველყოფასთან დაკავშირებით, წამების პრევენციის კომიტეტის 2012 და 2015 წლის ანგარიშები საქართველოსთან დაკავშირებით:

„ნპკ მოუწოდებს საქართველოს ხელისუფლებას, რომ განიხილოს სავარჯიშო ადგილების პროექტის საკითხი კიდევ ერთხელ ყველა ახლად აშენებული (ან განახლებული) საპატიმრო დაწესებულებისთვის. რამდენადაც ეს შესაძლებელია, შენობის გარეთ სავარჯიშო მოწყობილობა მოთავსებული უნდა იყოს მიწის ზედაპირის დონეზე და იყოს საკმარისად ფართო იმისთვის, რომ პატიმრებს მიეცეთ შესაძლებლობა, ფიზიკურად დატვირთონ საკუთარი თავი (შემოღობილ სივრცეში სეირნობისგან განსხვავებით). დაუყოვნებლივ უნდა იქნას გადადგმული ნაბიჯები იმისთვის, რომ ყველა სავარჯიშო ეზო რაიმე ფორმით იყოს დაცული ცუდი ამინდისგან. გარდა ამისა, ყველა ახლადაშენებული (ან განახლებული) ციხე უნდა აღიჭურვოს სპორტული მოწყობილობებით“.⁸⁴

2015 წლის ანგარიშში აღნიშნულია: „ნპკ-ს წინაგვიმეტის შემდგომ პოზიტიურ ფაქტორს წარმოადგენს ის ფაქტი, რომ ყველა პატიმარს ეძლევა გასეირნების უფლება დღეში მინიმუმ ერთი საათით, უქმე დღეების ჩათვლით. თუმცა აღნიშნული წესებიდან მაინც არსებობს მცირე გამონაკლისები: გასეირნების უფლებით ვერ სარგებლობენ ე.წ. კარანტინში მყოფი პირები (მათ შორის გლდანის მიმღებ პუნქტში მყოფი პირები), ასევე კარცერში მყოფი პირები. ნპკ მოუწოდებს ქართულ მხარეს, უზრუნველყოს ყველა პატიმრის უფლება დღეში ერთი საათი მაინც იმყოფებოდეს სუფთა ჰაერზე.“⁸⁵

უსაფრთხოების ელემენტები დაწესებულების შიდა ტერიტორიაზე გადაადგილებისას

ბევრ ქვეყანაში, შესაძლოა პენიტენციური სისტემის უსაფრთხოების ყველა ელემენტი სრულად არ მოქმედებდეს. თუმცა ისინი უნდა აკმაყოფილებდნენ დაწესებულების უსაფრთხოებისა და უკეთესი მართვის საბაზისო მოთხოვნებს. ქვემოთ ჩამოთვლილია ფაქტორები, რომლებიც უკავშირდება პატიმრების ზედამხედველობასა და გადაადგილების კონტროლს, თუმცა ჩამონათვალი არ არის ამომწურავი და რიგითობა არ არის განპირობებული რომელიმე საკითხის მეტი მნიშვნელობით სხვებთან შედარებით. ყველა ქვემოთ მითითებული კომპონენტი ხელს უწყობს დაწესებულებაში წესრიგისა და უსაფრთხოების უზრუნველყოფას. დაწესებულებაში პატიმართა გადაადგილების ეფექტიანი მართვა გულისხმობს:

- თანამშრომელთა რაოდენობას, რომელიც უნდა იყოს პატიმრების რაოდენობის პროპორციული;
- თანამშრომელთა უნარებისა და კომპეტენციის დონეს;
- პენიტენციური დაწესებულების კონფიგურაციას/განლაგებას;
- სტატიკური ინფრასტრუქტურის ეფექტურობას;
- პატიმართა კატეგორიების ეფექტური კლასიფიკაციისა და განცალკევების შესაძლებლობას.

უნდა შეიქმნას სპეციალური პროცედურები, რომლებიც აღწერს დაწესებულებაში სხვადასხვა ტიპის პატიმრების გადაადგილების მართვის საკითხებს, როგორც კარგად დაცულ, აგრეთვე ნაკლებად დაცულ და დაუცველ ლოკაციებზე გადაადგილების დროს.

აქედან გამომდინარე, უსაფრთხოების პროცედურები უნდა არეგულირებდეს შემდეგ საკითხებს: დრო, როდესაც დაშვებულია დაწესებულების შიგნით გადაადგილება, გადაადგილების მიზეზი და გადაადგილების პროცედურა.

ხშირად, იქ სადაც რესურსები შეზღუდულია, დაწესებულების ადმინისტრაცია იძულებულია საკნიდან გამოსვლისას გადაადგილების კონტროლი განახორციელოს დამორჩილების (შეზღუდვის) საშუალებების გამოყენებით, როგორიც არის ხელის ბორკილები, განსაკუთრებით ამ პროცედურას ადგილი აქვს მაღალი რისკის პატიმრებთან მიმართებაში, უფრო მეტად იმ დაწესებულებებში, სადაც პენიტენციური დაწესებულების ფიზიკური ინფრასტრუქტურა (სტატიკური უსაფრთხოების კომპონენტები) მიჩნეულია არაადეკვატურად ეფექტური უსაფრთხოების უზრუნველყოფისთვის.

84 წამების პრევენციის კომიტეტის 2012 წლის ანგარიში საქართველოს შესახებ.

85 წამების პრევენციის კომიტეტის 2015 წლის ანგარიში საქართველოს შესახებ.

მიუხედავად ზოგიერთ ქვეყანაში არსებული ამგვარი პრაქტიკისა, საუკეთესო გამოცდილება გულისხმობს, რომ შებლუდვის საშუალებები არ უნდა იქნას გამოყენებული რუტინულად, მათი გამოყენება უნდა ხდებოდეს მხოლოდ რისკების ინდივიდუალური შეფასების საფუძველზე. აქედან გამომდინარე, დაწესებულების ფარგლებში პატიმართა საკნის გარეთ ყოველი გადაადგილებისას მათთვის ხელბორკილების დადება არ შეიძლება გამართლებული იქნას უსაფრთხოების მიზნებით.

მაშინაც კი, როდესაც შებლუდვის საშუალებების გამოყენება აუცილებელი და პროპორციულია, შესაძლოა მათი გამოყენების ფორმაც იძლეოდეს შეშფოთების საფუძველს, მაგალითად თუ ისინი გამიზნულად ისე მჭიდროდ მაგრდება, რომ იწვევს ფიზიკურ ტკივილს.

მალდივის კუნძულებზე ვიზიტთან დაკავშირებით გაეროს წამების პრევენციის ქვეკომიტეტის ერთ-ერთ ანგარიშში აღნიშნულია: „დელეგაციისთვის ცნობილი გახდა ხელბორკილების განსაკუთრებით დამამცირებელი ფორმითა და მტკივნეულად გამოყენების შემთხვევები, დასჯისა და კონტროლის მიზნით. დელეგაცია, ასევე შეშფოთებულია ინციდენტების საპასუხოდ, უსაფრთხოების ღონისძიების სახით, შებლუდვის საშუალებების სავარაუდო გამოყენების ფაქტებით. ქვეკომიტეტი ხაზს უსვამს, რომ დისციპლინა და წესრიგი შენარჩუნებული უნდა იყოს მხოლოდ იმ შემთხვევების გამოყენებით, რომლებიც აუცილებელია უსაფრთხო პატიმრობისა და დაწესებულებაში წესრიგის უზრუნველყოფისათვის. შებლუდვის საშუალებები, როგორც არის ხელბორკილები, არასოდეს უნდა იქნას გამოყენებული სასჯელის სახით. ქვეკომიტეტი გასცემს რეკომენდაციას, ხელბორკილის, როგორც სასჯელის გამოყენების პრაქტიკის დაუყოვნებლივ აღმოფხვრის შესახებ“⁸⁶.

⁸⁶ წამების პრევენციის ქვეკომიტეტის (SPT) ანგარიში მალდივის კუნძულებზე ვიზიტთან დაკავშირებით CAT/OP/MDV/1, 26 February 2009, para. 207.

ადგილობრივი კანონმდებლობა

პენიტენციური დაწესებულების ტერიტორიაზე მსჯავრდებულის გადაადგილების ზოგადი წესები

განსაკუთრებული რისკის თავისუფლების აღკვეთის დაწესებულების ტერიტორიაზე მსჯავრდებულის გადაადგილების მარეგულირებელი ნორმების⁸⁷ მიხედვით, განსაკუთრებული რისკის თავისუფლების აღკვეთის დაწესებულებაში, დღის განმავლობაში, დღის განრიგის⁸⁸ შესაბამისად, მსჯავრდებულის საკნიდან გამოყვანა და დაწესებულებაში გადაადგილება დანიშნულების ადგილზე მიყვანამდე, დასაშვებია მხოლოდ ხელბორკილის გამოყენებით. ღამის საათებში, მსჯავრდებულის გადაადგილება თავისი საკნის ფარგლებს გარეთ აკრძალულია, გარდა განსაკუთრებული შემთხვევებისა (მათ შორის, სამედიცინო დახმარების გაწევის აუცილებლობის შემთხვევაში) დაწესებულების სამართლებრივი რეჟიმის ან/და უსაფრთხოების განყოფილების უფლებამოსილი მოსამსახურეების თანხლებით.

მსჯავრდებულის საკნიდან გამოყვანა და დაწესებულების ტერიტორიაზე გადაადგილება დასაშვებია იმ შემთხვევაში, თუ მასთან ერთად იმყოფება სამართლებრივი რეჟიმის განყოფილების ან/და უსაფრთხოების განყოფილების არანაკლებ ორი უფლებამოსილი მოსამსახურე. მსჯავრდებულის საკნიდან გამოყვანისას, მას აცნობენ გამოყვანის მიზეზს.

დაწესებულების ტერიტორიაზე დღის განრიგით დადგენილი ვალდებულებების შესრულების მიზნით, მსჯავრდებულთა გადაადგილება ისე უნდა იქნეს ორგანიზებული, რომ თავიდან იქნეს აცილებული მისი უშუალო კონტაქტი სხვა მსჯავრდებულთან, გარდა თანამესაკნისა (ასეთის არსებობის შემთხვევაში).

მსჯავრდებულთა სხვა საკანში გადაყვანის შემთხვევაში, გადაადგილების ხასიათიდან გამომდინარე, მსჯავრდებულები საკნიდან გამოყავთ თითო-თითო, ჯგუფურად დაყოფილი ან მთლიანი შემადგენლობით, გადაადგილების სიის საფუძველზე, შესაბამისი დანაყოფის ინსპექტორის თანდასწრებით.

საკნიდან გაყვანისას (გასეირნება, პაემანი/შეხვედრა და ა. შ.) სამორიგო ცვლის ინსპექტორ-კონტროლიორი მსჯავრდებულებს გამცილებელს აბარებს რაოდენობითა და სახელობით და ასევე იღებს რაოდენობითა და სახელობით.

პენიტენციური დაწესებულების ტერიტორიაზე აუცილებელია შეწყდეს მსჯავრდებულთა ყოველგვარი გადაადგილება საგუშაგოების მიღება-ჩაბარების დროს და მის დაწყებამდე 30 წუთით ადრე, გარდა განსაკუთრებული აუცილებლობით გამოწვეული შემთხვევებისა. პენიტენციური დაწესებულების ტერიტორიაზე მსჯავრდებულთა მოძრაობა აგრეთვე უნდა შეწყდეს განგაშის გამოცხადებისას. მსჯავრდებულები რჩებიან იმ ადგილებში, სადაც მათ მოუსწრო განგაშის სიგნალმა. მათი გადაადგილება განახლდება მხოლოდ მაშინ, როდესაც პენიტენციური დაწესებულების დირექტორი გასცემს შესაბამის ბრძანებას.

პაემანზე/შეხვედრაზე და საექიმო-სამედიცინო პუნქტში გაყვანა

მსჯავრდებულის პაემანზე/შეხვედრაზე, გასასეირნებლად და სანიტარიულ-ჰიგიენურ დამუშავებაზე გაყვანას⁸⁹ ახორციელებენ პენიტენციური დაწესებულების სამართლებრივი რეჟიმის განყოფილების შესაბამისი პასუხისმგებელი მოსამსახურეები, რომლებიც ვალდებული არიან დაიცვან უსაფრთხოების წესები. პაემანის/შეხვედრის უზრუნველყოფის მიზნით, ხორციელდება მსჯავრდებულის გაყვანა პაემნის/შეხვედრის ოთახში.

პენიტენციური დაწესებულების საექიმო-სამედიცინო პუნქტში, სამედიცინო დახმარების მიზნით, მსჯავრდებულის გადაყვანას ან მსჯავრდებულთან სამედიცინო პერსონალის გამოძახებას ორგანიზებას უწევს სამორიგო ცვლის ხელმძღვანელი (ოპერატიული მორიგე), რომელსაც იმ მსჯავრდებულთა შესახებ, რომელთაც ესაჭიროებათ სამედიცინო დახმარება, აცნობებს სარეზერვო ჯგუფის უფროსი. ამასთან, სარეზერვო ჯგუფის უფროსი აღნიშნული მსჯავრდებულების შესახებ ინფორმაციას აწვდის დაწესებულების საექიმო-სამედიცინო პუნქტს, სადაც დაწესებულების ექიმთან მიღებაზე მსჯავრდებულის გაყვანა ხორციელდება სარეზერვო ჯგუფის ინსპექტორ-კონტროლიორების მიერ.⁹⁰

⁸⁷ საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, მე-19 მუხლი, 92-ე მუხლის მე-9 პუნქტი; საქართველოს სასჯელაღსრულებისა და პრობაციის მინისტრის 2013 წლის 1 აგვისტოს №200 ბრძანებით დამტკიცებული ინსტრუქციის, 38-ე, 48-ე, 50-ე და 152-ე მუხლები.

⁸⁸ საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, მე-17 მუხლი.

⁸⁹ საქართველოს სასჯელაღსრულებისა და პრობაციის მინისტრის 2013 წლის 1 აგვისტოს №200 ბრძანებით დამტკიცებული ინსტრუქცია, 85-ე, 87-ე და 88-ე მუხლები.

⁹⁰ საქართველოს სასჯელაღსრულებისა და პრობაციის მინისტრის 2013 წლის 1 აგვისტოს №200 ბრძანებით დამტკიცებული ინსტრუქცია,

მსჯავრდებულის სასაქონლო გაყვანა⁹¹

მსჯავრდებულთა გასაქონლოება ხორციელდება პენიტენციური დაწესებულების დირექტორის მიერ დამტკიცებული გრაფიკის შესაბამისად. გასასაქონლოებად გამოყვანის წინ, გასასაქონლოებად ადგილზე მონმდება გამყოფი ზღუდის მთლიანობა, აკრძალული ნივთების არსებობა, სხვადასხვა მიმანიშნებელი ნარჩენები და ა.შ.

მსჯავრდებულის გასასაქონლოებად ადგილზე გაყვანა დაუკან დაბრუნება ხორციელდება სამართლებრივი რეჟიმის განყოფილების თანამშრომლების მკაცრი ზედამხედველობის ქვეშ. მოსამსახურეთა ერთი ნაწილი ან ერთ-ერთი მოსამსახურე სპეციალურად გამოყოფილი ადგილიდან აწარმოებს სასაქონლო ადგილზე მყოფ მსჯავრდებულთა განუწყვეტელ მეთვალყურეობას, ხოლო მოსამსახურეთა მეორე ნაწილი ახორციელებს მსჯავრდებულთა საკნიდან გასასაქონლოებად ადგილზე გამოყვანას და გასაქონლოების დამთავრების შემდეგ საკნებში დაბრუნებას.

დაწესებულების სამართლებრივი რეჟიმის განყოფილების მოსამსახურეები ვალდებული არიან:

- უზრუნველყონ მსჯავრდებულთა მიერ დაწესებულების ტერიტორიაზე გადაადგილების წესების დაცვა და არ დატოვონ მსჯავრდებულები ზედამხედველის გარეშე;
- სასაქონლოების დროს მსჯავრდებულს უფლება არ მისცენ იხმაუროს და გააკეთოს ნარჩენები სასაქონლო ტერიტორიის კედლებზე;
- გასასაქონლოებად გაყვანის/დაბრუნების დროს მსჯავრდებულს არ მისცენ სხვა პირებთან ურთიერთობის ან მათთვის რაიმე ნივთის გადაცემის/მიღების საშუალება;
- გასაქონლოების დასრულების შემდეგ ჩაატარონ გასასაქონლოებელი ეზოების შემოწმება, დათვალიერება და აღმოჩენილი ხარვეზების შესახებ დაუყოვნებლივ აცნობონ უშუალო ხელმძღვანელს.

სამეურნეო სამუშაოებზე გაყვანა

სამეურნეო სამუშაოებში დასაქმებულ მსჯავრდებულთა დაწესებულების ტერიტორიაზე გადაადგილება ხორციელდება მხოლოდ სამეურნეო სამუშაოებში დასაქმებული მსჯავრდებულის სპეციალური განმასხვავებელი ნიშნის მეშვეობით, რომლის მოხსნა მსჯავრდებულს ეკრძალება სამუშაოს დასრულებამდე. მსჯავრდებულთა ვალდებულია სამუშაოს დასრულების შემდგომ სპეციალური განმასხვავებელი ნიშანი ჩააბაროს დაწესებულების სამართლებრივი რეჟიმის განყოფილებას, რომელიც აწარმოებს სამეურნეო სამუშაოებში დასაქმებულ მსჯავრდებულთათვის სპეციალური განმასხვავებელი ნიშნების გაცემისა და ჩაბარების აღრიცხვას. სამართლებრივი რეჟიმის განყოფილება ვალდებულია მოსთხოვოს სამეურნეო სამუშაოებში დასაქმებულ მსჯავრდებულს სამუშაოს დასრულების შემდგომ სპეციალური განმასხვავებელი ნიშნის ჩაბარება.⁹²

სამეურნეო სამუშაოებზე გაყვანილი მსჯავრდებულები, დაწესებულების ტერიტორიაზე იმყოფებიან ზედამხედველობის ქვეშ, რომელიც ხორციელდება შემდეგი წესების⁹³ მიხედვით - ერთ ადგილზე კომპაქტურად მომუშავე მსჯავრდებულთა არსებობისას, კონტროლი ხორციელდება სამუშაო ობიექტებთან ახლოს არსებულ საგუშაგოზე მყოფი სამორიგეო ცვლის მოსამსახურეების მიერ, დაწესებულების ტერიტორიაზე სხვადასხვა ადგილებზე მომუშავე მსჯავრდებულთა არსებობისას კი - სამორიგეო ცვლის მოსამსახურეების პატრულირების გზით.

მსჯავრდებულთა მიერ სამუშაოს შესრულების დროს სამორიგეო ცვლის მოსამსახურეები ვალდებული არიან დაუშვან მსჯავრდებულთა თვითნებური ქმედებები და სხვა პირებთან კავშირების დამყარების მცდელობები, ხოლო მსჯავრდებულთა მიერ დაწესებულების დებულების ან დღის განრიგის დარღვევების შესახებ მოახსენონ უშუალო უფროსს.

სამუშაოზე გამოყვანისას მსჯავრდებულებს, სამუშაოს მწარმოებლის თანდასწრებით გადაეცემათ ხელსაწყოები, რომლებიც სამუშაოების დამთავრების შემდეგ ბარდება სამუშაოთა მწარმოებელს და ინახება სპეციალურად გამოყოფილ და გასაღებით ჩაკეტილ ოთახში. სამუშაოს დასრულების შემდეგ ბარდება მსჯავრდებულთა შემოწმება.

მე-20 მუხლის „ლ“ ქვეპუნქტი, 31-ე მუხლის „დ“ ქვეპუნქტი, 49-ე მუხლი.

⁹¹ საქართველოს სასჯელაღსრულებისა და პრობაციის მინისტრის 2013 წლის 1 აგვისტოს №200 ბრძანებით დამტკიცებული ინსტრუქცია, 86-ე მუხლი.

⁹² „მსჯავრდებულის მიერ სამეურნეო სამუშაოების შესრულების და მისთვის ანაზღაურების მიცემის წესის დამტკიცების შესახებ“ სასჯელაღსრულებისა და პრობაციის მინისტრის 2014 წლის 22 დეკემბრის №157 ბრძანებით დამტკიცებული წესი, მე-4 მუხლის პირველი და მე-2 პუნქტები.

⁹³ საქართველოს სასჯელაღსრულებისა და პრობაციის მინისტრის 2013 წლის 1 აგვისტოს №200 ბრძანებით დამტკიცებული ინსტრუქცია, თავი IX.

თავი: 5

კანონმდებლის ბაზრის რეგულირება

უნდა აღინიშნოს, რომ პენიტენციურ დაწესებულებაში ყოფნის პერიოდში, ადგილი აქვს გარემოებებს, როდესაც საჭირო ხდება პატიმრის გაყვანა დაწესებულების ტერიტორიის ფარგლებს გარეთ და მისი ტრანსპორტირება სხვა დანიშნულების ადგილამდე (მაგ: სამუშაოდ, სამედიცინო დაწესებულებაში, სასამართლოში, ახლო ნათესავის დაკრძალვაზე, საპროცესო მოქმედების ჩასატარებლად, რაიმე ღონისძიებაზე დასწრების მიზნით და ა.შ). ამ დროს, მართალია პატიმარი არ იმყოფება დაწესებულებაში, მაგრამ მის გადაადგილებაზე და ზოგადად უსაფრთხოების უზრუნველყოფაზე პასუხისმგებელი არის კვლავ პენიტენციური სისტემა. აქედან გამომდინარე, მნიშვნელოვანია მკაფიოდ განსაზღვრული, საერთაშორისო სტანდარტების შესაბამისი პროცედურების არსებობა პატიმართა ბადრაგირების შესახებ.

პატიმრის დაწესებულების ტერიტორიის გარეთ გასვლის დროს, პასუხისმგებლობას პატიმრობის/თავისუფლების აღკვეთის აღსრულებაზე იღებს დაწესებულების ხელმძღვანელობა ან სხვა თანამდებობის პირი, მაგალითად როდესაც ადგილი აქვს მის სხვა დაწესებულებაში, სასამართლოში ან სამოქალაქო საავადმყოფოში გადაყვანას. იმ შემთხვევაში, თუ პატიმარი ბადრაგირებისთვის უნდა გადაეცეს სხვა უწყებას/სააგენტოს, პენიტენციურ დაწესებულებასა და აღნიშნულ უწყებას შორის უნდა არსებობდეს შეთანხმებული წესი, რომელიც განსაზღვრავს გადაცემის პროცედურებს. პროცედურები, ასევე უნდა განსაზღვრავდეს ავტომობილის უსაფრთხოების სტანდარტებს, რომლითაც ხდება პატიმრის გადაყვანა, ასევე პატიმართან მოპყრობის საკითხებს ბადრაგირების დროს.

ბადრაგირების ზოგადი პროცედურები არ უნდა შეიცვალოს გარემოებების ან პატიმრის უსაფრთხოების რისკებისგან დამოუკიდებლად. ტრანსპორტირების გეგმა უნდა მოიცავდეს აღწერას, როგორ მოხდება პატიმრის ბადრაგირება, მათ შორის ისეთ საკითხებს, როგორიც არის:

- ბადრაგირებაში ჩართულ თანამშრომელთა რაოდენობა;
- ბადრაგირების მიზეზი და დანიშნულების ადგილი;
- თანამშრომელთა ქცევის წესი დანიშნულების ადგილას (საავადმყოფო, სასამართლო და ა.შ.);
- პატიმრისა და ავტომანქანის შემოწმების წესი;
- შეზღუდვის, დამორჩილების საშუალებების გამოყენება და მისი ფუნქციონირების შემოწმების სიხშირე;
- კომუნიკაციისა და ანგარიშგების სიხშირე ბადრაგირების დროს;
- ტრანსპორტის ტიპი და მგზავრობის მარშრუტი;
- დოკუმენტაცია, რომელიც თანხმდება პირებმა თან უნდა იქონიონ, მათ შორის ფოტოები;
- თანამშრომლებისა და პატიმრების ტანსაცმელი;
- ბადრაგირების შეწყვეტის კრიტერიუმები;
- ბადრაგირების დეტალების კონფიდენციალობა.

პენიტენციური დაწესებულების თანამშრომლები უნდა დაეხმარონ დაწესებულების მენეჯმენტს უზრუნველყოს რისკების შეფასება ყველა უსაფრთხოების მაღალი რისკის მქონე პატიმრის ბადრაგირების დროს. ეს უნდა წარმოადგენდეს ბადრაგირების პრაქტიკის მუდმივი გადახედვის პროცედურის ნაწილს, განსაკუთრებით მაღალი რისკის პატიმრებთან მიმართებაში.

პატიმრების თანხმდება პირებმა, აგრეთვე უნდა მოახდინონ სიტუაციის შეფასება და განსაზღვრონ როდის არის საჭირო დამატებითი ძალები სიტუაციის შეცვლის დროს, მაგალითად, როდესაც პატიმარს უწევს ხალხმრავალ ადგილას გავლა, საბადრაგო მანქანა დაზიანდა, უამინდობის გამო და ა.შ. მათ უნდა მოახერხონ რეაგირება სწრაფად და გააზრებულად. შემუშავებული უნდა იყოს დეტალური პროცედურები, რომელიც მოაწესრიგებს შემდეგ ურთიერთობებს:

- ბადრაგირების პროცესში თანამშრომელთა და პატიმართა თანაფარდობა;
- პატიმართა იდენტიფიცირება და მათი ბადრაგირებისთვის საჭირო ტრანსპორტის განსაზღვრა;
- თანამშრომელთა შესაბამისი პროცედურებში გადამზადება.

ბადრაგირების დასაწყისში, მიმდინარეობისას და ბოლოს, ბადრაგირებაზე პასუხისმგებელი

მოსამსახურეები (ოფიცრები) კავშირზე უნდა იყვნენ თავიანთ ზედამხედველთან (დანესებულების ღირეფტორის ან/და ბადრაგირების ცენტრალური სამსახური) რადგან შესაძლოა საჭირო გახდეს პერიოდულად ანგარიშის გადაცემა.⁹⁴

პატიმართა საავადმყოფოში ბადრაგირების თავისებურებები

გარდა ზოგადი სტანდარტებისა, სამედიცინო მიზნით ბადრაგირების დროს, გადაყვანის განმახორციელებელმა თანამშრომლებმა უნდა უზრუნველყონ, რომ სამედიცინო ოთახი (მიმღები, პალატა, საპროცედურო და ა.შ.) და გარშემო მდებარე ტერიტორია იყოს უსაფრთხო, სანამ იქ მოხვდება პატიმარი. როდესაც ხდება პატიმრის მიღება საავადმყოფოში, საბადრაგო სამსახურმა სამედიცინო პერსონალს უნდა მიაწოდოს შემდეგი ინფორმაცია: პატიმრის სახელი, თანმხლებ პირთა რაოდენობა, დამორჩილების საშუალებები რომლების გამოყენებაც ხდება. თუ პატიმარი გადაყავთ საოპერაციო ოთახში, საბადრაგო სამსახურმა უნდა მოხსნას მას დამორჩილების საშუალებები, თუ ამას მოითხოვს სამედიცინო პერსონალი, გააცილოს პატიმარი საოპერაციო ოთახში, შეამოწმოს საოპერაციო, რათა იქიდან არ იყოს შესაძლებელი გაქცევა (კარი, ფანჯრები), დაელოდოს ოპერაციის დასრულებას მაქსიმალურად ახლოს საოპერაციო ოთახთან, სამედიცინო პერსონალის ნებართვით კვლავ გამოიყენოს შემლუდვის საშუალებები.

თუ სამედიცინო პერსონალი მოითხოვს დამორჩილების საშუალებების მოხსნას, მაგრამ, თანამშრომლის შეხედულებით ამან შესაძლოა საფრთხე შეუქმნას სხვებს, საბადრაგო სამსახურმა სამედიცინო პერსონალს უნდა განუმარტოს ამგვარი ქმედების რისკები და შემლუდვის საშუალებების მოხსნამდე შესაბამისი კონსულტაცია უნდა გაიაროს დანესებულების ღირეფტორთან. ყველა შემთხვევაში გადაწყვეტილების მიღებისას, პირველ რიგში უნდა იყოს გათვალისწინებული პატიმრის სიცოცხლისა და ჯანმრთელობის დაცვის ინტერესი.

მართალია სპეციალური უსაფრთხოების ზომები უნდა იქნას მიღებული, როდესაც პატიმარი საჭიროებს სტაციონარულ მკურნალობას ქალაქის საავადმყოფოში, თუმცა მიუხედავად ნებისმიერი გარემოებისა, უსაფრთხოების ღონისძიებებმა ხელი არ უნდა შეუშალოს მკურნალობას (სამედიცინო პროცედურებს). ამ დროს ფიზიკური უსაფრთხოების ზომები შესაძლოა განსხვავდებოდეს პატიმრის ინდივიდუალური რისკებიდან გამომდინარე, თუმცა ზოგადი პრინციპი გულისხმობს, რომ გამოყენებული უნდა იქნას უსაფრთხო პატიმრობის უზრუნველსაყოფად საჭირო მინიმალური უსაფრთხოების ღონისძიებები. ყველაზე ხშირად გამოყენებული დამორჩილების (შემლუდვის) საშუალება ამ დროს არის ხელბორკილი.⁹⁵

პატიმართა ტრანსპორტი ბადრაგირებისას

პატიმართა ბადრაგირებისთვის გამოყენებული ტრანსპორტი უნდა იყოს მოწყობილი უსაფრთხოებისა და ჰუმანურობის პრინციპების დაცვით, გადასაცვანი პირის ღირსების გათვალისწინებით. ტრანსპორტი უნდა იყოს ორგანიზებული პატიმრის ინდივიდუალური საჭიროებების მიხედვით, მათ შორის, აღნიშნულის გავალისწინებით უნდა მოხდეს სატრანსპორტო საშუალების შერჩევა. თანმხლები პირები უნდა დარწმუნდნენ, რომ პირისთვის, რომლის ტრანსპორტირებაც ხორციელდება გამოყენებული ავტომობილი წარმოადგენს შესაფერის სატრანსპორტო საშუალებას. ყველა შესაბამისი ინფორმაცია უნდა მიეწოდოს: ტრანსპორტირების დამაორგანიზებელ პირებს, რათა მათ უზრუნველყონ უსაფრთხო და ჰუმანური ტრანსპორტი შერჩევა და იმ დანესებულებას, სადაც ხდება პატიმართა გადაყვანა.

ტრანსპორტირება უნდა გულისხმობდეს პატიმართა გაჩერებას სატრანსპორტო საშუალებაში მხოლოდ იმ დროით რაც აუცილებელია დანიშნულების ადგილზე მისასვლელად. ტრანსპორტი, რომელიც მოიცავს მექანიკური დამორჩილების საშუალებებს უნდა აკმაყოფილებდეს შესაბამისი კანონის მოთხოვნებს, ეფუძნებოდეს პატიმრის საფრთხის შეფასებას და გამოიყენებოდეს მხოლოდ მაშინ, როდესაც საჭიროა შესაბამისი რისკის მართვა. ტრანსპორტირების დროს გადასაცვანი პირები, მათი უსაფრთხოებისა და ჯანმრთელობის მდგომარეობის შემოწმების მიზნით, პერიოდული ინტერვალებით უნდა ექვემდებარებოდნენ მონიტორინგს. პატიმრებს ტრანსპორტირების დროს ხელი უნდა მიუწვდებოდეთ ადეკვატურ საკვებსა და წყალზე, რაც საჭიროა მათი ჯანმრთელობისთვის. პატიმრებისთვის ხელმისაწვდომი უნდა იყოს მათთვის საჭირო მედიკამენტები. პატიმართა ტრანსპორტი უნდა იძლეოდეს დასვენების საშუალებას რეგულარული ინტერვალებით. პატიმართა ხანგრძლივი გადაყვანისთვის განკუთვნილი ტრანსპორტი ალტერნატიული უნდა იყოს დამატებითი მოწყობილობებით, რაც მოსახერხებელს გახდის ტრანსპორტში ყოფნას ხანგრძლივი დროით. თანმხლებ თანამშრომლებს (ბადრაგს) უნდა ჰქონდეთ გაუთვალისწინებელი შემთხვევებისა და სხვადასხვა სიტუაციების მართვის

⁹⁴ "ციხის ინციდენტების მართვა", UN 2013, გვ. 94-95.

⁹⁵ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, მეორე გამოცემა, ენდრიუ კოილი, გვ. 65.

გეგმა. პატიმრის თანმხლებ პირებს უნდა შეეძლოთ პირველადი სამედიცინო დახმარების აღმოჩენა და გაუთვალისწინებელ შემთხვევაში განსაზღვრული გეგმის შესაბამისად მოქმედება.

სადაც შესაძლებელია ტრანსპორტი უნდა უზრუნველყოფდეს ბუნებრივ განათებას და პრივატულობის გარკვეულ დონეს. ტრანსპორტი უნდა მოიცავდეს საკმარის ფართს, რომ პატიმრის გადაყვანისას შესაძლებელი იყოს მის საკუთრებაში არსებული ნივთების გადატანაც.

პატიმრების გადასაყვანად გამოყენებული ნებისმიერი ტრანსპორტი უნდა იყოს აღჭურვილი:

- უსაფრთხოების ღვედებით;
- წინ და უკან მდებარე სავარძლებით;
- შესაბამისი კომუნიკაციის საშუალებით, რაც იძლევა თანმხლებ პირებსა და გადასაყვან პირს შორის კომუნიკაციის შესაძლებლობას;
- შესაბამისი კლიმატის კონტროლის აღჭურვილობით იმ ნაწილისთვის, სადაც მოთავსებულია პატიმარი;
- შესაძლებელი უნდა იყოს მონიტორინგისა და კონდიციონერების სისტემის ორგანიზება;
- უზრუნველყოფილი უნდა იყოს აღჭურვილობით, რაც საჭიროა გაუთვალისწინებელი, სასწრაფო რეაგირებისა და კრიზისის შემთხვევებში.⁹⁶

საუკეთესო პრაქტიკაზე საუბრის დროს, ანალოგიის მიზნით, მნიშვნელოვანია გავეცნოთ აშშ-ს პოლიციისთვის შექმნილ ინსტრუქციას დაკავებული პირების დანიშნულების ადგილზე გადაყვანის შესახებ. ვინაიდან ტრანსპორტირების უსაფრთხოების მოთხოვნები, რისკები და სტანდარტები ამ ორი სისტემის ფარგლებში ძალიან მსგავსია. ამ დირექტივის მიზანია დაკავებულ პირთა ტრანსპორტირების, შეზღუდვისა და შემოწმების წესების დადგენა. მნიშვნელოვანია დიდი ყურადღება დაეთმოს უსაფრთხოების მაღალი ხარისხის დაცვას დაკავებული პირის ბადრაგირებისას, რათა უზრუნველყოფილი იქნას დაკავებულის, თანამშრომლისა და საზოგადოების უსაფრთხოება. თანამშრომლები პასუხისმგებელნი არიან გადასაყვან პირზე, მათი ტრანსპორტირების დროს. ისინი უნდა დარწმუნდნენ, რომ გადასაყვანი პირები შემოწმებულნი არიან, მათ მიმართ გამოიყენება დამორჩილების შესაბამისი საშუალება და ტრანსპორტირება ხდება აღნიშნული წესების შესაბამისად.

ტრანსპორტირებისთვის განკუთვნილი ავტომანქანაში:

- პატიმართა გადასაყვანად გამოყენებული ტრანსპორტის შიდა უკანა კარის სახელურები და ფანჯრის ასაწევი სახელურები (არსებობის შემთხვევაში) არ უნდა მოქმედებდეს. ფანჯრების ელექტროასაწევეები უნდა იყოს დაბლოკილ მდგომარეობაში. კარის ჩასაკეტი საშუალებები უკან უნდა ჩაიკეტოს და ისე უნდა იქნას დატოვებული;
- წინა და უკანა მხარეს შორის უნდა არსებობდეს ბარიერი, რომელიც იძლევა მუდმივი ვიზუალურ კონტაქტის შესაძლებლობას პატიმარსა და თანმხლებ თანამშრომელს შორის.

ტრანსპორტის ინსპექტირება და შემოწმება

ტრანსპორტის შემოწმება უნდა მოხდეს ტრანსპორტირების დაწყებამდე, რათა უზრუნველყოფილი იქნას, საჭირო აღჭურვილობის ხელმისაწვდომობა და გამართული მუშაობა. დაკავებულის გადაყვანაზე უფლებამოსილი სამსახურის პასუხისმგებლობას განეკუთვნება, რომ დაკავებული პირის გადაყვანისთვის განკუთვნილი ტრანსპორტი იყოს უსაფრთხო და აღჭურვილი საჭირო საშუალებებით.

უნდა შემოწმდეს ავტომობილის ტექნიკური გამართულობა, საწვავის დონე. ბადრაგირებაზე პასუხისმგებელმა პირებმა უნდა დაათვალიერონ მთელი ავტომობილი, სკამების უკან და ქვეშ მდებარე ტერიტორია, იატაკის დასაფენების ქვემოთ არსებული ტერიტორია, სკამის საზურგესა და დასაჯდომს შორის არსებული ტერიტორია, უკანა ფანჯრების გარშემო არსებული ადგილები. ყველა ადგილი, სადაც პატიმარს მიუწვდება ხელი უნდა დათვალიერდეს. თანამშრომელმა არასოდეს უნდა ჩათვალოს, რომ წინა ჯგუფმა ვინც გამოიყენა ავტომობილი უკვე ჩაატარა ინსპექტირება. ავტომანქანის შემოწმებისას თანამშრომელი უნდა იყოს ძალიან ყურადღებით, დაკავებული პირები მანქანაში ხშირად მალავენ ისეთ საშუალებებს, რამაც შეიძლება გამოიწვიოს დაზიანება, მაგალითად სამართლებელი, ნემსი, დანა და ა.შ. რაც შეიძლება მალე, დაკავებულის გადმოყვანის შემდეგ, ავტომობილი უნდა შემოწმდეს. ეს არა მხოლოდ იძლევა საშუალებას დასარწმუნებლად, რომ მას ავტომობილში არაფერი დაუმალავს, არამედ თუ რაიმე აღმოჩნდა უფრო მარტივია მათი დაკავშირება კონკრეტულ პირთან. სპეციალური ყურადღება უნდა დაეთმოს იმ ტერიტორიას, სადაც მოთავსებულია დაკავებული. თანამშრომელმა უნდა აღმოაჩინოს ნებისმიერი მტკიცებულება ან აკრძალული ნივთი, რომლის დამალვაც შესაძლოა

⁹⁶ "პენიტენციური დაწესებულების სტანდარტული სახელმძღვანელო, ავსტრალია", 2012, გვ.23.

სცადა დაკავებულმა პირმა.

გადასაყვან პირთა შემოწმება

ყველა დაკავებული უნდა შემოწმდეს სატრანსპორტო საშუალებაში მოთავსებამდე. გადაყვანაზე პასუხისმგებელმა პირმა უნდა ჩაატაროს შემოწმება, გარედან ხელების საშუალებით, აგრეთვე ფეხსაცმელების, როგორც გარედან, ასევე შიგნიდან. საბადრაგო სამსახურმა არ უნდა ჩათვალოს და არ უნდა დაკმაყოფილეს იმით, რომ სხვა თანამშრომელმა უკვე შეამოწმა პატიმარი. ამგვარი შემოწმება ტარდება შესაბამისი კვალიფიკაციის მქონე იმავე სქესის სამედიცინო პერსონალის მიერ (პერსონალური შემოწმების ზოგადი სტანდარტები. იხ. შემოწმების თავში).

ტრანსპორტირების პროცედურა

უნდა იქნას თუ არა გამოყენებული დამორჩილების საშუალებები ტრანსპორტირების დროს (ხელობრივები, შებოჭვის სხვა საშუალებები) უნდა გადანაცვლოს შესაბამისმა მოსამსახურემ. დაკავებულის მუცელზე დაწოლილ მდგომარეობაში მოთავსებამ, შესაძლოა გამოიწვიოს პოზიციური ასფიქსია და შესაძლოა მოულოდნელი გარდაცვალების გამოწვევი გახდეს. ყველა პატიმარს ტრანსპორტირების დროს უნდა ეკეთოს უსაფრთხოების ღვედი. თუ ტრანსპორტირება ხანგრძლივდება, დამორჩილების საშუალებები ისე უნდა იქნას გამოყენებული, რომ უზრუნველყოს პატიმრის მაქსიმალური შესაძლო კომფორტი უსაფრთხოების ზომების შეუსუსტებლად. არც ერთ შემთხვევაში არ შეიძლება პატიმრის მიზმა ტრანსპორტირების განმახორციელებელ ავტომობილზე.

თუ ხდება ისეთი შემდეგული შესაძლებლობის მქონე პატიმრის ტრანსპორტირება, რომლის გაქცევის ან მის მიერ სხვისი დაზიანების რისკი მინიმალურია, დამორჩილების საშუალებების გამოყენება მიზანშეწონილი არ არის. იმ შემთხვევაში, თუ გადასაყვან დაკავებულ პირებს არ ესაჭიროებათ დაუყოვნებელი სამედიცინო მეთვალყურეობა, მათი გადაყვანა ხორციელდება ჩვეულებრივი წესით.

გაქცევა ბადრაგირების დროს

თუ პატიმარი გაიქცა ბადრაგირების დროს, პასუხისმგებელმა პირმა დაუყოვნებლივ უნდა მიიღოს შემდეგი ზომები: დაუყოვნებლივ უნდა აცნობოს შესაბამის სამსახურებს გაქცევის შესახებ (პენიტენციური დაწესებულების ადმინისტრაციას, ადგილობრივ პოლიციას); მიიღოს ყველა ზომა პატიმრის დაკავებისთვის; შეხვდეს შესაბამის თანამდებობის პირებს და მოუყვეს სიტუაციის შესახებ; წარადგინოს ანგარიში ინციდენტის შესახებ, გარემოებების დეტალური აღწერით.

ანგარიში უნდა მოიცავდეს შემდეგ ინფორმაციას: გაქცევის დრო; მოვლენები, რომლებიც განვითარდა ტრანსპორტირების დაწყებიდან გაქცევამდე; პატიმრის მიერ გაკეთებული კომენტარები; გაქცევის მეთოდები; გაქცევის მიმართულება; პატიმრის დაკავებისთვის მიღებული ზომები.⁹⁷

რას გვეუბნება საერთაშორისო სტანდარტები

პატიმრებთან მოპყრობის მინიმალური სტანდარტული წესები (მანდელას წესები)

პატიმართა გადაადგილება

წესი 73

(1) როდესაც პატიმრები მიჰყავთ მათი პატიმრობის ადგილში ან გადაჰყავთ პატიმრობის ერთი ადგილიდან მეორეში, ისინი მაქსიმალურად უნდა მოარიდონ უცხო თვალს და მიღებულ უნდა იქნას ყველა ზომა იმისათვის, რომ პატიმრები დაცულნი იყვნენ შეურაცხყოფისაგან, ცნობისმოყვარეებისაგან და ნებისმიერი ფორმით გახმაურებისგან.

(2) აკრძალულია პატიმრების გადაადგილება არასაკმარისი ვენტილაციის ან განათების, ან სხვა ნებისმიერ ძალზე რთულ პირობებში.

(3) პატიმრების გადაყვანა ხდება ადმინისტრაციის ხარჯზე, ხოლო მათი ტრანსპორტირება უნდა ხორციელდებოდეს ყველასათვის ერთნაირ პირობებში.

97 Linda J. Stump, ფლორიდას უნივერსიტეტი.

ციხის ევროპული წესები

პაციენტთა გადაყვანა

32.1 პაციენტების გადაყვანისას ციხეში და ციხიდან, ან სხვა ადგილას, როგორცაა სასამართლო ან საავადმყოფო, ისინი რაც შეიძლება ნაკლებად უნდა ეჩვენონ საზოგადოებას და სათანადო დამცავი საშუალებები უნდა იქნეს უზრუნველყოფილი მათი ანონიმურობის დასაცავად.

32.2 პაციენტთა ტრანსპორტირება საბადრაგო მანქანაში, რომელსაც არა აქვს ადეკვატური გენტილაცია ან განათება, ან რომელიც მათ ზედმეტ ფიზიკურ დისკომფორტს ან უხერხულობას, უქმნის აკრძალული უნდა იქნას.

32.3 პაციენტთა ბადრაგირება უნდა განხორციელდეს საჯარო ხელისუფლების ხარჯებით და მითითებით.

ადგილობრივი კანონმდებლობა

საქართველოს კანონმდებლობის შესაბამისად, მსჯავრდებულთა პენიტენციური დაწესებულებიდან გაყვანა/გადაყვანის (ბადრაგირების) სხვადასხვა შემთხვევები არსებობს. ბადრაგირებას ახორციელებს საქართველოს სასჯელაღსრულებისა და პრობაციის სამინისტროს პენიტენციური დეპარტამენტის გარე დაცვისა და ბადრაგირების მთავარი სამმართველო შემდეგ შემთხვევებში:

- მსჯავრდებულთა სხვა პენიტენციურ დაწესებულებაში გადაყვანისას;
- მსჯავრდებულთა სასამართლო პროცესებზე, აგრეთვე, საგამოძიებო ან სხვა საპროცესო მოქმედებაში მონაწილეობის მისაღებად გაყვანისას;
- მსჯავრდებულთა ექსტრადიციისას;
- მსჯავრდებულის მიერ პენიტენციური დაწესებულების დროებით დატოვებისას განსაკუთრებულ, პირად გარემოებებთან დაკავშირებით;
- მსჯავრდებულთა გადაყვანისას საქართველოს სასჯელაღსრულებისა და პრობაციის სამინისტროს სამკურნალო დაწესებულებაში ან საერთო პროფილის საავადმყოფოში, აგრეთვე, საექსპერტო დაწესებულებაში გადაყვანისას სასამართლო-ფსიქიატრიული ექსპერტიზის ჩასატარებლად;
- მსჯავრდებულთა გაყვანისას დამოუკიდებელი სამედიცინო ექსპერტიზის ჩასატარებლად;
- სასჯელის მოხდისაგან პირობით ვადამდე გათავისუფლებასთან და სასჯელის მოუხდელი ნაწილის უფრო მსუბუქი სახის სასჯელით შეცვლასთან დაკავშირებული საკითხების განმხილველი საბჭოს⁹⁸ მეპირ სხდომაზე მონაწილეობის მისაღებად მსჯავრდებულის გაყვანისას;
- მსჯავრდებულის თავისუფლების შეზღუდვის დაწესებულებაში გადაყვანისას;
- მსჯავრდებულთა პენიტენციური დაწესებულების გარეთ სამუშაოდ გაყვანისას;
- საქართველოს კანონმდებლობით გათვალისწინებულ სხვა შემთხვევებში.⁹⁹

ბადრაგირების განსახორციელებლად ინიშნება საბადრაგო ჯგუფი (ბადრაგი) არანაკლებ 3 წევრის შემადგენლობით და განისაზღვრება უფროსი. საბადრაგო ჯგუფის შემადგენლობა და რაოდენობა განისაზღვრება შესასრულებელი ამოცანის ხასიათიდან გამომდინარე. ამასთან, განსაკუთრებულ შემთხვევაში, უსაფრთხოების დაცვის მიზნით, შესაძლებელია საბადრაგო ჯგუფის გაძლიერება სპეციალური დანიშნულების სამსახურის (სპეცრაზმი), კერძოდ, საქართველოს სასჯელაღსრულებისა და პრობაციის სამინისტროს პენიტენციური დეპარტამენტის სპეციალური დანიშნულების ძალების მთავარი სამმართველოს მოსამსახურეებით, საქართველოს კანონმდებლობით დადგენილი წესით.¹⁰⁰

ბადრაგირების გეგმური მარშრუტების დადგენისას გათვალისწინებულ უნდა იქნას შემდეგი მაჩვენებლები:

- ამოცანათა შესრულება რეისების მინიმალური რაოდენობით;
- ბადრაგირების უზრუნველყოფა უმოკლესი მიმართულებით, უსაფრთხოების გათვალისწინებით;
- ძალებისა და საშუალებების ეკონომიური გამოყენება.¹⁰¹

ბადრაგირების დაწყებამდე, საბადრაგო ჯგუფის უფროსის ორგანიზებით, ხორციელდება ჯგუფის მიერ იარაღის, საბრძოლო მასალებისა და სპეციალური საშუალებების მიღება, აგრეთვე, მონშდება სპეციალური საბადრაგო სატრანსპორტო საშუალების ტექნიკური მდგომარეობა. იმ შემთხვევაში, თუ სატრანსპორტო საშუალება გაუმართავია და ვერ უზრუნველყოფს მსჯავრდებულთა დადგენილი წესების დაცვით ბადრაგირებას, საბადრაგო ჯგუფის უფროსი, მოახსენებს უშუალო უფროსს სატრანსპორტო საშუალების შეცვლის აუცილებლობის შესახებ. რაც შეეხება სპეციალურ სატრანსპორტო საშუალებაში მსჯავრდებულთა ჩასხდომის ზღვრული ნორმას, აღნიშნული დგინდება ავტომანქანის კონსტრუქციის მიხედვით, მაგრამ არ შეიძლება აღემატებოდეს 25 პირს, ხოლო სპეციალურ ავტობუსებში - 60 პირს.

ამასთან, გასათვალისწინებელია, რომ უსაფრთხოების მოთხოვნებიდან გამომდინარე, სპეციალურ სატრანსპორტო საშუალებაში სხვადასხვა კატეგორიის პატიმრები უნდა მოთავსდნენ განცალკევებით, საქართველოს კანონმდებლობით დადგენილი წესით. კერძოდ, ბადრაგირებისას განცალკევებით თავსდება:

- ქალები;
- არასრულწლოვნები;

⁹⁸ საქართველოს კანონი „პატიმრობის კოდექსი“, 41-ე მუხლი.

⁹⁹ „ბრალდებულთა/მსჯავრდებულთა გაყვანა/გადაყვანისას ბადრაგირების წესის დამტკიცების შესახებ“ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, მე-4 მუხლი.

¹⁰⁰ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, მე-9 მუხლი, მე-8 მუხლის მე-5, მე-7 პუნქტები.

¹⁰¹ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, მე-13 მუხლი.

- უვადო თავისუფლება აღკვეთილები;
- პირები, რომელთა სიცოცხლესა და ჯანმრთელობას შეიძლება საფრთხე შეექმნას წარსული სამსახურებრივი საქმიანობიდან გამომდინარე;
- ტრეფიკინგის დანაშაულის შედეგად დაზარალებულად ცნობილი პირები;
- განსაკუთრებით საშიში პირები, რომელთა პიროვნული თვისებები, კრიმინალური ავტორიტეტი, დანაშაულის ჩადენის მოტივი, დამდგარი მართლსაწინააღმდეგო შედეგი ან დაწესებულებაში გამოვლენილი ქცევა მნიშვნელოვან საფრთხეს უქმნის დაწესებულებისა და მათ გარშემოცოცხლას უსაფრთხოებას;
- არამართვადი ინფექციური სენით დაავადებული პირები;
- ერთი და იმავე სისხლის სამართლის საქმეზე ბრალდებული პირები¹⁰².

ბადრაგირების განხორციელებამდე, აუცილებელია მსჯავრდებულთა შემოწმება, რომელსაც ახორციელებენ საბადრაგო ჯგუფისა და პენიტენციური დაწესებულების წარმომადგენლები ერთობლივად. ამასთან, საბადრაგო ჯგუფის წევრები მსჯავრდებულთა შემოწმებისა და მიღების პროცედურების¹⁰³ დაწყებამდე, ვალდებული არიან, პენიტენციურ დაწესებულებაში შემოსვლისას იარაღი და საბრძოლო მასალები დატოვონ დაწესებულების სამორიგო ნაწილში.

ბადრაგირებისათვის მიღებას არ ექვემდებარება მსჯავრდებული:

- არასწორად გაფორმებული დოკუმენტებით;
- სრული შემოწმების გარეშე;
- ჯანმრთელობის მდგომარეობის გამო (ექიმის დასკვნით);
- რომელიც არ არის ჩაცმული სეზონის მიხედვით.

იმ შემთხვევაში, თუ მსჯავრდებული უარს განაცხადებს სრულ შემოწმებაზე, საბადრაგო ჯგუფისა და პენიტენციური დაწესებულების წარმომადგენლები უფლებამოსილნი არიან განახორციელონ მსჯავრდებულის იძულებითი სრული შემოწმება.

აქვე აღსანიშნავია, რომ დაუშვებელია პატიმრის ბადრაგირება თანმხლები სამედიცინო მუშაკის გარეშე, თუ ექიმის დასკვნის შესაბამისად, სატრანსპორტო საშუალებით გადაადგილება სამედიცინო მომსახურების გარეშე, საფრთხის შემცველია მსჯავრდებულის სიცოცხლისა და ჯანმრთელობისათვის.

გემოაღნიშნული პროცედურების დასრულების შემდეგ, ხორციელდება მსჯავრდებულთა ჩასხდომა¹⁰⁴ სპეციალურ სატრანსპორტო საშუალებაში, სადაც მსჯავრდებულები მიჰყავთ 2-3 კაციან კოლონად. საბადრაგო ჯგუფის უფროსი ხმამაღლა ანარმოებს მსჯავრდებულთა გადათვლას შესაბამისი დოკუმენტაციის მიხედვით, ხოლო ბადრაგი განათავსებს მსჯავრდებულებს სატრანსპორტო საშუალებაში, კეტავს კარებს და გადასცემს გასაღებს ჯგუფის უფროსს. ეს უკანასკნელი, თავის მხრივ, ჩასხდომის დამთავრების შემდეგ, ამოწმებს მსჯავრდებულთა რაოდენობასა და კარების დაკეტვის სიმტკიცეს, იარაღსა და საბრძოლო მასალებს გადასცემს საბადრაგო ჯგუფის წევრებს და ამოწმებს მათ მზადყოფნას.

პენიტენციური დაწესებულების ტერიტორიის გარეთ სპეციალურ სატრანსპორტო საშუალებაში მსჯავრდებულთა ჩასხდომისას, სატრანსპორტო საშუალება დგება გამომავალ კარებთან, ხოლო ბადრაგს ეძლევა იარაღი მსჯავრდებულთა ჩასხდომის დაწყებამდე. იმ საბადრაგო ჯგუფის წევრის იარაღი, რომელიც ჩასხდომის პერიოდში იმყოფება სატრანსპორტო საშუალებაში, გადაეცემა ჯგუფის უფროსს ან სხვა პირს ჯგუფის უფროსის მითითებით.

სატრანსპორტო საშუალების მოძრაობა ხორციელდება დადგენილი წესის¹⁰⁵ შესაბამისად, ბადრაგირების მარშრუტის მიხედვით. მარშრუტზე ორი ან მეტი სატრანსპორტო საშუალების მოძრაობის დროს, ბადრაგირების პროცესს წარმართავს კოლონის უფროსი, რომელიც განისაზღვრება წინასწარ, მოძრაობის დაწყებამდე, პენიტენციური დეპარტამენტის საბადრაგო სამსახურის უფროსის მიერ. თითოეული სატრანსპორტო საშუალების ჯგუფის უფროსი ექვემდებარება კოლონის უფროსს.

¹⁰² საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, 23-ე და 25-ე მუხლები.

¹⁰³ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, 27-ე - 37-ე მუხლები.

¹⁰⁴ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, 38-ე - მე-40 მუხლები.

¹⁰⁵ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, მე-41 - 45-ე, 76-ე-78-ე მუხლები.

სატრანსპორტო საშუალებაში მსჯავრდებულთა საკნებთან მოთავსდება არანაკლებ ორი, ხოლო ავტომობილის წინა ნაწილში - არანაკლებ ერთი (მძღოლი) საბადრაგო ჯგუფის წევრი. მარშრუტზე მოძრაობის დროს, ჯგუფის უფროსი იმყოფება სატრანსპორტო საშუალებაში მძღოლის გვერდით და ხელმძღვანელობს სატრანსპორტო საშუალების გადაადგილებას მარშრუტის შესაბამისად.

ბადრაგირება ხორციელდება საგზაო მოძრაობის წესების დაცვით, გარდა კანონმდებლობით გათვალისწინებული განსაკუთრებული შემთხვევებისა. ამასთან, საჭიროებიდან გამომდინარე, მოძრაობისას შესაძლებელია გამოყენებულ იქნეს სახმისი, სპეციალური ციმციმა და ხმოვანი სიგნალი. კოლონა გადაადგილდება ანთებული მაშუქებით და ციმციმებით.

ბადრაგირებისას გათვალისწინებულ უნდა იქნეს მსჯავრდებულთა ბუნებრივი მოთხოვნილებები, რა მიზნითაც, გვერდითი მარშრუტით არაუმეტეს 3 საათის შემდეგ, კეთდება გაჩერება მარშრუტზე მდებარე დაწესებულებაში, რომელიც ბადრაგირების გეგმით წინასწარ უნდა იქნეს განსაზღვრული. იძულებითი გაჩერების შემთხვევაში, ჯგუფის უფროსი მოახსენებს შემდგომ ხელმძღვანელს. მსჯავრდებულთა საპირფარეშოში გაყვანა წარმოებს მათი თხოვნით, სათითაოდ. საპირფარეშოში მსჯავრდებულის გაყვანის წინ მოწმდება საპირფარეშო და მსჯავრდებულს განემარტება გაყვანის წესი. საპირფარეშოსაკენ მსვლელობისას და უკან დაბრუნებისას წინ მიდის საბადრაგო ჯგუფის წევრი, ხოლო შემდეგ მსჯავრდებული, უკან – ჯგუფის უფროსი ან მის მიერ განსაზღვრული საბადრაგო ჯგუფის წევრი.

მსჯავრდებულთა ჩასხდომა-გადმოსხდომისას, ასევე გაჩერების დროს ბადრაგი იმყოფება სატრანსპორტო საშუალების უკანა მარჯვენა მხარეს და უზრუნველყოფს საიმედო დაცვას, რათა არ დაუშვას უცხო პირთა შეგროვება და მოძრაობა სატრანსპორტო საშუალების უშუალო სიახლოვეს. საბადრაგო ჯგუფი უზრუნველყოფს მსჯავრდებულთა იზოლაციას უცხო პირებისაგან, ხოლო საჭიროების შემთხვევაში, მსჯავრდებულთა, საბადრაგო ჯგუფის წევრების და სატრანსპორტო საშუალების დაცვის მიზნით, უფლებამოსილია შეტყობინება გაუგზავნოს პოლიციის შესაბამის განყოფილებას.

თუ პენიტენციურ დაწესებულებებს შორის მანძილი არ აღემატება 150 მეტრს, ერთი დაწესებულებიდან მეორე დაწესებულებაში ბადრაგირება ხორციელდება პენიტენციური დეპარტამენტის დირექტორის ბრძანებით, გარე დაცვის სამსახურის ცეცხლსასროლი იარაღით შეიარაღებულ მოსამსახურეებისაგან შექმნილი ჯგუფის მიერ. ქვეითი წესით ბადრაგირებისას საბადრაგო ჯგუფის წევრები განლაგდებიან ორ ხაზზე მსჯავრდებულთაგან არაუმეტეს ორი მეტრის დაშორებით.¹⁰⁶

ბადრაგირებისას თავდასხმის, მსჯავრდებულთა გაქცევისას ან მსგავსი ქმედებების მცდელობის შემთხვევაში, საბადრაგო ჯგუფის წევრები უფლებამოსილნი არიან გამოიყენონ სპეციალური საშუალებები და საჭიროების შემთხვევაში, ცეცხლსასროლი იარაღი კანონმდებლობით დადგენილი წესით.¹⁰⁷

მსჯავრდებულის სამოქალაქო სამედიცინო დაწესებულებაში გაყვანის შემთხვევაში, მსჯავრდებულთა მუდმივი დაცვისა და მეთვალყურეობის უზრუნველყოფის მიზნით, საბადრაგო ჯგუფის არანაკლებ 3 წევრის შემადგენლობით მიმდებარე საავადმყოფოში ეწყობა დროებითი საგუშაგო, რომელიც, საჭიროების შემთხვევაში, შესაძლებელია გაძლიერდეს პენიტენციური დეპარტამენტის სპეციალური ძალების მთავარი სამმართველოს (სპეცრაზმი) მოსამსახურეებით. ქალი მსჯავრდებულის სამოქალაქო სამედიცინო დაწესებულებაში გაყვანის შემთხვევაში, საბადრაგო ჯგუფის წევრთაგან ერთი მაინც უნდა იყოს ქალი.¹⁰⁸

მსჯავრდებულთა სასამართლო პროცესზე მონაწილეობის მიღების მიზნით გაყვანისას, საბადრაგო ჯგუფი მსჯავრდებულებს ათავსებს საერთო სასამართლოების შენობებში არსებულ სპეციალურ საკნებში (ინფრასტრუქტურის არსებობის შემთხვევაში), რა დროსაც დაცული უნდა იყოს ზემოთ მითითებული განცალკევების კანონმდებლობით დადგენილი წესი. მსჯავრდებულთა სპეციალურ საკნებში მოთავსებიდან სასამართლო სხდომის დარბაზამდე მიყვანა/გამოყვანა ხდება თითოეულ მსჯავრდებულზე პასუხისმგებელი საბადრაგო ჯგუფის წევრის მიერ. აღნიშნული პროცედურების განხორციელებისას, აგრეთვე სასამართლო პროცესის მიმდინარეობისას, საბადრაგო ჯგუფის

¹⁰⁶ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, მე-10 და 46-ე მუხლები.

¹⁰⁷ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, 47-ე-52-ე მუხლები, 67-ე მუხლის მე-5 პუნქტი.

¹⁰⁸ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, 53-ე და 54-ე მუხლები.

წევრები ვალდებული არიან დაიცვან მსჯავრდებულთა უსაფრთხოება.¹⁰⁹

მსჯავრდებულთა პენიტენციურ დაწესებულებაში მიყვანისას, საბადრაგო ჯგუფის უფროსი ატყობინებს დაწესებულებას პატიმართა რაოდენობის შესახებ, ამასთან, დაწესებულებას წარედგინება სამგზავრო სია, ცნობა მსჯავრდებულის შესახებ, შესაბამისად დალუქული მსჯავრდებულის პირადი საქმე და სხვა შესაბამისი დოკუმენტაცია. საბადრაგო ჯგუფს ეკრძალება მსჯავრდებულის პირადი საქმის გახსნა.¹¹⁰

საქართველოს კანონმდებლობა აგრეთვე ითვალისწინებს ბადრაგირებისას გაუთვალისწინებელ და ფორსმაჟორულ სიტუაციებში მოქმედების წესებს.¹¹¹

ბადრაგირებისას პატიმრის ჯანმრთელობის მდგომარეობის გაუარესების შემთხვევაში, საბადრაგო ჯგუფის მიერ შეტყობინება უნდა გაეგზავნოს პენიტენციურ დეპარტამენტსა და სასწრაფო სამედიცინო დახმარების სამსახურს, ხოლო საბადრაგო ჯგუფის წევრები ვალდებული არიან იმოქმედონ პენიტენციური დეპარტამენტისა და შესაბამისი სამედიცინო სამსახურის მითითებების შესაბამისად.

თუ ბადრაგირების დროს მსჯავრდებული გარდაიცვალა, სპეციალური სატრანსპორტო საშუალება უნდა გაჩერდეს, ხოლო აღნიშნულის თაობაზე, საბადრაგო ჯგუფის უფროსმა უნდა შეატყობინოს პენიტენციურ დეპარტამენტს, პოლიციას და სასწრაფო სამედიცინო დახმარების სამსახურს.

საგანგებო, საომარი ან/და სხვა ფორსმაჟორული თუ ნებისმიერი გაუთვალისწინებელი სიტუაციის (გაქცევა, თავდასხმა, მძევლების აყვანა, სტიქიური უბედურება, ხანძარი, ავტოსაგზაო შემთხვევა, სატრანსპორტო საშუალების დაზიანება და ა.შ.) შემთხვევაში, საბადრაგო ჯგუფის უფროსი ვალდებულია დაუკავშირდეს პენიტენციურ დეპარტამენტს და იმოქმედოს მიღებული მითითებისა და საქართველოს კანონმდებლობით დადგენილი წესის შესაბამისად, ხოლო თუ ვერ მოხერხდა დეპარტამენტთან დაკავშირება საბადრაგო ჯგუფი უკავშირდება პოლიციას ან თავდაცვის სამინისტროს უახლოეს ობიექტს.

გემოთ მითითებულ ორგანოებთან დაკავშირების შეუძლებლობის შემთხვევაში, საბადრაგო ჯგუფი მიემართება უახლოეს პენიტენციურ დაწესებულებაში, უახლოეს პოლიციის ორგანოში ან გადაადგილდება სხვა უსაფრთხო ადგილზე.

¹⁰⁹ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, 67-ე მუხლი.

¹¹⁰ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, 34-ე მუხლი, VI თავი.

¹¹¹ საქართველოს სასჯელაღსრულებისა და პრობაციის მინისტრის 2015 წლის 19 ოქტომბრის №149 ბრძანებით დამტკიცებული წესი, 87-ე-89-ე მუხლები.

თავი: 6

კრიმინალური სუბკულტურა საქართველოს
პენიტენციურ სისტემაში

მეექვსე თავი

კრიმინალური სუბკულტურა საქართველოს პენიტენციურ სისტემაში

როგორც ამ სახელმძღვანელოს შესავალშივე აღინიშნა, საერთაშორისო კვლევების თანახმად, თითქმის ყველა პენიტენციური დაწესებულებაში მოქმედებს ე.წ. „პატიმართა კოდექსი“, რასაც გარკვეული გავლენა აქვს პატიმრის ქცევაზე და ზოგადად დაწესებულების ფუნქციონირებაზე¹¹². არც ქართული პენიტენციური სისტემა არის ამ კუთხით გამონაკლისი და აქ არსებულ სუბკულტურას აქვს თავისებური მახასიათებლები.

დღეს არსებული სუბკულტურა, რომელიც გვხვდება პენიტენციურ სისტემაში, ჩამოყალიბდა დაახლოებით საუკუნის წინ. მისი პირველადი ნორმები და წესები, პენიტენციური სისტემის შიგნით ჩამოყალიბდა და გავლენა მოახდინა შემდგომში საზოგადოებაში ღირებულებათა სისტემის ფორმირებაზე. სუბკულტურა მისი განვითარების სხვადასხვა ეტაპზე განიცდიდა ევოლუციას, ცვლიდა მის წიაღში აღმოცენებულ წესებს და ნორმებს. იგი ყველა ეტაპზე ახდენდა ადაპტაციას პოლიტიკური, სოციალური და ეკონომიკური მდგომარეობის შესაბამისად. აღნიშნული ფენომენის აღმოცენებისა და განვითარების სტადიების ანალიზი გვაძლევს საფუძველს დავასკვნათ, რომ მას გააჩნია მუტაციის უნიკალური უნარი.

ჩვენ შეგვეძლო პირდაპირ გვესაუბრა კრიმინალურ სუბკულტურაში დღეს არსებულ წესებზე, თუმცა, დღეს არსებული კრიმინალური სუბკულტურის გააზრება, შეუძლებელია მისი აღმოცენებისა და განვითარების სტადიების მიმოხილვის გარეშე. ჩამოყალიბებისა და განვითარების სხვადასხვა ეტაპების ანალიზი მოგვცემს შესაძლებლობას დავინახოთ, როგორ ცვლიდა ორგანიზებული დანაშაულის ეს ფორმა თავის წესებს და ნორმებს თვითგადარჩენის მიზნით. აღნიშნული პროცესის ანალიზი მოგვცემს ასევე შესაძლებლობას იმის გასააზრებლად, რომ დღევანდელ სუბკულტურაში არსებული ნორმები, ორგანოები და მათ მიერ გადაწყვეტილების მიღების წესი არ არის სტატიკური და ნებისმიერი გამოწვევისას იცვლის ფორმას. თუმცა ასევე შეგვხვებით იმ ნორმებს, რომლებიც მრავალი ცვლილებების მიუხედავად პირველადი სახით არის შენარჩუნებული.

„კანონიერი ქურდების“ ფენომენი და მასთან დაკავშირებული სუბკულტურის აღმოცენებისა და განვითარების სტადიები რამდენიმე ეტაპად შეიძლება დავყოთ¹¹³:

1. ეტაპი - (20-50-იანი წლები) - მიეკუთვნება სტალინის მმართველობის პერიოდს, როდესაც შეიქმნა ე.წ. „გულაგის“¹¹⁴ სისტემა და ჩამოყალიბდა „კანონიერი ქურდების“ კასტა პირველადი ფორმით¹¹⁵.

ამ ეტაპის დანაშაულებრივ სამყაროში, საწყის პერიოდში გამოიყოფოდა 2 ძირითადი მიმართულება: პირველი - დამნაშავეები რევოლუციამდელი სტაჟით, მეორე - პირები, რომლებიც დანაშაულის გზას დაადგნენ საბჭოთა ხელისუფლების შეწოლის შედეგად (1917 წლის ოქტომბრის ბოლშევიკური რევოლუციის შემდეგ). ამ უკანასკნელებს „ჟიგანები“ ეწოდათ. „ჟიგანებმა“ ძველი კრიმინალური სამყაროს ტრადიციები ახალ პირობებს მიუსადაგეს¹¹⁶. „ჟიგანებმა“ ჩამოაყალიბეს თავიანთი წესები და „კანონები“, რომლებიც იმ პერიოდისთვის ოპოზიციური იდეოლოგიით იყო გამყარებული, კერძოდ:

- საზოგადოებისთვის სასარგებლო რაიმე სამუშაოს შესრულების აკრძალვა;
- ოფიციალური ოჯახის შექმნის აკრძალვა;
- იარაღით ხელში სახელმწიფოს დაცვაში მონაწილეობის აკრძალვა;
- ოფიციალურ ხელისუფლებასთან თანამშრომლობის აკრძალვა;
- საერთო სალაროში ფულის შეტანის ვალდებულება.

არსებითად, ეს წესები იქცა პირველ ნაბიჯად ახალი ტრადიციების და ადამ-წესების ფორმირებისკენ, რომლებმაც ტრადიციულ ატრიბუტებთან (ჟარგონი, ჟესტი) და ემოციურ ელემენტებთან (სიმღერა, პროზა, თხრობა) ერთად პროფესიული დამნაშავის არსი განსაზღვრა¹¹⁷. ეს არის ის პირველადი წესები, რომლებიც შეიქმნა მაშინდელ კრიმინალურ სამყაროში და რომელსაც დაეფუძნა შემდგომში „კანონიერი ქურდებისთვის“ დამახასიათებელი ნორმები. შემდგომში ამ საკითხების მიმოხილვისას გამოჩნდება, რომ „ჟიგანების“ მიერ შექმნილი წესები დიდად არ განსახვავდება ე.წ. „კანონიერი ქურდების“ მიერ დადგენილი წესებისგან.

¹¹² Clemmer 1940/1968; McCorkle, Korn 1954; Sykes 1958.

¹¹³ გ.ლომჯანიძე, გ.ლომჯანიძე, კანონიერი ქურდები საქართველოში, თბილისი, 2004წ. გვ.41.

¹¹⁴ ტერმინი რუსულ ენაზე განიმარტება როგორც: Главное управление лагерей и мест заключения – ГУЛАГ.

¹¹⁵ გ.ლომჯანიძე, გ.ლომჯანიძე, კანონიერი ქურდები საქართველოში, თბილისი, 2004წ. გვ.42-53.

¹¹⁶ ბ.ვოდალაშვი, ი.ბაკუტინი, დანაშაულებრივი დაჯგუფებები, მათი წესები, ტრადიციები და „კანონები“, ომსკი, 1979.

¹¹⁷ გ.ლომჯანიძე, ორგანიზებული დანაშაულობა და ხელისუფლება, ქუთაისი, 2010, გვ. 34.

1929 წლიდან, როდესაც სსრ კავშირში რეპრესიების ახალი ტალღა დაიწყო, დაპატიმრებულთა რაოდენობა მნიშვნელოვნად გაიზარდა. ჩამოყალიბდა ე.წ. „გულაგების“ სისტემა. დაწესებულებებში ხალხის დიდი მასების კონტროლის მიზნით, ხელისუფლება ცდილობდა შიდა კონტროლის მექანიზმის შექმნას, რის გამოც გადმოიბირეს მაშინდელ კრიმინალურ სამყაროში იერარქიის ქვედა საფეხურზე მდგარი კრიმინალები, რომლებსაც „ურკიგანები“, „ურკები“ ეწოდებოდათ. დაწესებულების ადმინისტრაციებმა დაიწყეს მათი გადმოიბირება, დაუპირისპირეს „ჟიგანებს“ და გარკვეული პრივილეგიები მიანიჭეს¹¹⁸. მათ დაევალებათ დაწესებულებებში წესრიგის დამყარება. ამის გამო მათ ჰქონდათ დაწესებულების ტერიტორიაზე თავისუფალი გადაადგილების შესაძლებლობა, იყვნენ შედარებით მსუბუქ რეჟიმში. ასეთ პირებს ზედმეტსახელად „ბლატნოე“ ანუ „ბლატიანები“ შეარქვეს¹¹⁹.

„ურკებმა“ სახელმწიფოს ხელშეწყობით გაიმარჯვეს „ჟიგანებთან“ დაპირისპირებაში. პატიმართა ამ კატეგორიის შემდგომში „კანონიერი ქურდები“ უწოდეს.

„კანონიერი ქურდების“ ტერმინის წარმოშობის თაობაზე სხვადასხვა ვერსიები არსებობს. ეს სახელი სავარაუდოდ აგენტებმა თავის თავს უწოდეს, რაც ნიშნავდა იმ ავტორიტეტის აღიარებას, რასაც დაწესებულების ადმინისტრაცია ხელს უწყობდა და „აკანონებდა“¹²⁰. თუმცა აღნიშნული ტერმინის წარმოშობის შესახებ ლიტერატურაში არის ასევე სხვა მოსაზრებებიც. ერთ-ერთი მოსაზრების მიხედვით, აღნიშნული ტერმინით მაშინდელი საბჭოთა მილიცია მოიხსენიებდა დანაშაულებრივ სამყაროში გამორჩეულ ლიდერებს, სხვა ვერსიით ტერმინი წარმოიშვა თვითონ დანაშაულებრივ წრეებში დაუწერელი „ქურდული კანონების“ შექმნის შემდეგ, ვინაიდან ამ „კანონის“ დამცველები თავიანთ თავს „კანონიერ ქურდებს“ უწოდებდნენ. არის მოსაზრება, რომ დამნაშავე სამყაროს წარმომადგენლები თავიანთ თავს „სამართლიან ქურდებს“, „კანონიერი ქურდებს“ უწოდებდნენ, რაც აღნიშნავდა დამნაშავე პირს, რომელიც კრიმინალური სამყაროს ტრადიციებით ცხოვრობდა¹²¹. არის ასევე ვერსია, რომ „კანონიერი ქურდების“ ფენომენი შექმნილია KGB-ს მიერ და ისინი „კანონიერი ქურდების“ მეშვეობით ცდილობდნენ დამნაშავეთა სამყაროს კონტროლს¹²².

თუმცა ფაქტია, რომ აღნიშნული ტერმინის წარმოშობა უკავშირდება პირველ რიგში ე.წ. „გულაგის“ სისტემის ჩამოყალიბებას¹²³. „კანონიერ ქურდების“ მიერ აღიარებული წესები დაეფუძნა „ჟიგანების“ მიერ ჩამოყალიბებულ პირველად წესებს.

40-50-იან წლებში განხორციელდა ქურდული გაერთიანებების გარკვეული ტრანსფორმაცია. ფაშისტურ გერმანიასთან ომში, საჯარიმო ბატალიონებში, სასჯელის შემსუბუქების მიზნით, მონაწილეობა მიიღო ქურდების ნაწილმა, ხოლო მეორე ნაწილმა მონაწილეობაზე კატეგორიული უარი განაცხადა. ბევრი ქურდი დაიღუპა ფრონტზე, გადარჩენილთაგან ნაწილი კვლავ აღმოჩნდა თავისუფლების აღკვეთის დაწესებულებებში და დანაშაულებრივ სფეროში ინტეგრირება დაიწყო. ამას წინ აღუდგა ქურდების ის ნაწილი, რომელმაც არ უღალატა „რწმენას“ (იარაღით ხელში სახელმწიფოს დაცვაში მონაწილეობის აკრძალვა). დაბრუნებულ ქურდებს ისინი „გამყიდველ ძუკნებს“, „ფრონტავიკებს“, „ავტომატიკებს“ უწოდებდნენ. ამ ჯგუფებს შორის წარმოიშვა დაპირისპირება, რომელიც „ძუკნების ომის“ („სუჩიაი გაინა“¹²⁴) სახელით არის ცნობილი.

ფრონტიდან დაბრუნებული ქურდები ცდილობდნენ გარკვეული ცვლილებების შეტანას ქურდულ „კანონებში“ და ეს ძირითადად სახელმწიფოსთან საჭიროების შემთხვევაში თანამშრომლობას გულისხმობდა. ეს დაპირისპირება ეფექტურად გამოიყენეს პენიტენციური დაწესებულების ადმინისტრაციებმა, მათ წააქეზეს დაპირისპირებული მხარეები, რითაც მნიშვნელოვნად დაასუსტეს კრიმინალური სამყარო. საბოლოო ჯამში ორთოლოქსული ქურდები ნაწილობრივ დათმობებზე წავიდნენ და ადმინისტრაციასთან თანამშრომლობა გარკვეულ პირობებში მისაღებ წესად იქნა მიჩნეული. **ეს იყო ერთ-ერთი პირველი შემთხვევა, როდესაც საკუთარ წესებში „კანონიერმა ქურდებმა“ ცვლილებები შეიტანეს. შემდეგ ეტაპებზე კიდევ განხორციელდა ცვლილებები სხვადასხვა შინაგანი თუ გარეგანი ფაქტორების ზემოქმედების შედეგად.**

ომის შემდგომ პერიოდში წინააღმდეგობები კიდევ უფრო გაღრმავდა. ამ პერიოდში კრიმინალური საზოგადოების ზრდის გამო, ქურდების სალარო, ე.წ. „ობშიაკი“ ველარ აკმაყოფილებდა ქურდების მოთხოვნებს, რის გამოც იძულებული გახდნენ პატიმრებისთვის გამოუმუშავებული თანხის ნაწილი ჩამოერთმიათ (პირველ ეტაპზე ე.წ. „ობშიაკში“ თანხა ძირითადად ქურდებს შეჰქონდათ. ქვემოთ ამ

¹¹⁸ გ.პოდლესკიხი, ა.ტერეშენოკოვი, კანონიერი ქურდები: ნახტომი ხელისუფლებისკენ, ქუთაისი, 1995წ. გვ. 119.

¹¹⁹ გ.პოდლესკიხი, ა.ტერეშენოკოვი, კანონიერი ქურდები: ნახტომი ხელისუფლებისკენ, ქუთაისი, 1995წ. გვ. 121.

¹²⁰ გ.პოდლესკიხი, ა.ტერეშენოკოვი, კანონიერი ქურდები: ნახტომი ხელისუფლებისკენ, ქუთაისი, 1995წ. გვ. 119.

¹²¹ მ.შალიკაშვილი, კრიმინოლოგია, მეორე გამოცემა, თბილისი, 2011, გვ. 96.

¹²² იქვე, გვ. 96.

¹²³ გ.ნაჭყებია, გ.გორაშვილი, გ.მამულაშვილი, ნ.თოდუა, რ.გოგშელიძე, დ.სულაქველიძე, ი.დვალიძე, ორგანიზებული დანაშაულის თანამედროვე გამოვლინებების კრიმინალიზაციისა და სამართალშეფარდების პრობლემები ქართულ სისხლის სამართალში, თბილისი, 2012წ. გვ. 509-510.

¹²⁴ მ.შალიკაშვილი, კრიმინოლოგია, მეორე გამოცემა, თბილისი, 2011, გვ. 92-93.

საკითხს დეტალურად შევხებით). ამან ძირითადი მასის („მუჭიკები“) უკმაყოფილება და მათთან დაპირისპირება გამოიწვია.

ამ პერიოდში გამოჩნდა ასევე სხვადასხვა სახის კრიმინალური დაჯგუფებები, რომლებიც სხვადასხვა მძიმე დანაშაულებისთვის იხდიდნენ სასჯელს. ამ კატეგორიის პატიმრებს „განდგომილები“ ან „პოლონელი ქურდები“ უწოდეს. ისინი შეეცადნენ ქურდული კანონები გამოეყენებინათ ასევე სხვა პატიმრებზე კონტროლისთვის (ძირითადად „ობშიაკის“ დაუფლებისთვის) და დაუპირისპირდნენ „კანონიერ ქურდებს“.

ამ დაპირისპირებამ ასევე შეასუსტა ორთოდოქსული ქურდების კასტა. ამას დაემატა ასევე მაშინდელი ხელისუფლების (განსაკუთრებით სტალინის სიკვდილის, 1953 წლის შემდეგ). მიერ გადადგმული ნაბიჯები. 1950 წლების ბოლოს პირველად ჩამოყალიბდა სხვადასხვა ტიპის დანესებულებები, სადაც პატიმრების განთავსება კატეგორიების მიხედვით ხდებოდა. სპეციალური ნორმატიული აქტის საფუძველზე¹²⁵ ჩამოყალიბდა: საერთო, გაძლიერებული, მკაცრი და განსაკუთრებული რეჟიმის კოლონიები. მკაცრად კონტროლდებოდა სხვადასხვა კოლონიებს შორის პატიმართა კონტაქტი. ეს იყო ასეთი სახით პატიმართა რისკების მიხედვით გადანაწილების პირველი მცდელობა, რამაც იმ პერიოდისთვის გარკვეული შედეგები გამოიღო. თუმცა როგორც შემდგომში აღმოჩნდა, მხოლოდ ეს არ იყო საკმარისი საბოლოო მიზნის მისაღწევად. თუმცა დანესებულებების ეფექტურად მართვის მიზნით, პატიმართა გადანაწილებას რისკების მიხედვით ალტერნატივა არ აქვს.

ორგანიზებული დანაშაულის წინააღმდეგ ბრძოლის გააქტიურების მიზეზი იყო ის რომ, 40-50-იან წლებში „კანონიერი ქურდების“ ორგანიზაცია დიდი ტემპებით ვითარდებოდა და მათმა რაოდენობამ ათასს გადააჭარბა. საბჭოთა ხელისუფლებისთვის ამ „ელიტის“ ესოდენ სწრაფი მრავალფეროვნების შემცველი იყო და მათი გამოყენების პრაგმატული ელემენტი ფაქტობრივად აღარ არსებობდა¹²⁶. ამის გამო საბჭოთა ხელისუფლების მიერ იყო მიღებული გადაწყვეტილება, რომ „კანონიერი ქურდების“ გავლენა შეესუსტებინათ.

1956 წელს, ქ.სოლიკამსკში დაარსდა სპეციალური, განსაკუთრებული რეჟიმის კოლონია N6, სადაც „კანონიერი ქურდების“ უდიდესი ნაწილი მოათავსეს. ამ კოლონიას ხალხში „თეთრ გედს“ უწოდებდნენ. ამ იზოლაციით შეეცადნენ „კანონიერი ქურდების“ გავლენა სხვა დანესებულებებზე მნიშვნელოვნად შეემცირებინათ. ამ კოლონიაში იყო საკმაოდ მძიმე რეჟიმი, რის გამოც ამ პირობებს „კანონიერი ქურდების“ უდიდესმა ნაწილმა ვერ გაუძლო და უარი თქვა თავის წოდებაზე. ეს ნაბიჯი ძალიან გავს უკვე 2000-იან წლებში, საქართველოში „კანონიერი ქურდების“ წინააღმდეგ ბრძოლის იმ ეტაპს, რა დროსაც, მათი უდიდესი ნაწილი მოათავსეს ქ.თბილისის N7 დანესებულებაში (ამჟამადაც ამ დანესებულებაში არიან განთავსებული), რითაც მოხდა სხვა დანესებულებებიდან მათი მოცილება (ამ საკითხს ქვემოთ უფრო დეტალურად შევხებით).

50-იანი წლების ბოლოს, საბჭოთა ხელისუფლების შეფასებით, მთელი რიგი წარმატებული ოპერაციების ჩატარების შემდეგ, საბჭოთა კავშირის სამართალდამცავმა ორგანოებმა ცენტრალურ კომიტეტს „კანონიერი ქურდების“ დანაშაულებრივი ორგანიზაციის საბოლოო განადგურების შესახებ უპატივს. ამ გადაწყვეტილებას მოყვა სამართალდამცავი ორგანოების მხრიდან კრიმინალურ სამყაროზე გავლენის შესუსტება, რაც ალბათ ყველაზე დიდი შეცდომა იყო. ზუსტად ამ ეტაპზე იჩენს თავს ამ ფენომენის საოცარი მუტაციის უნარი. მიუხედავად ყველაზე მკაცრი და „დრაკონული“ ღონისძიებებისა, რომელიც სახელმწიფომ გაატარა, „კანონიერი ქურდების“ ძირითადმა მასამ არა მხოლოდ გადარჩენა მოახერხა, არამედ შესანიშნავად შეეგუა ახალ პოლიტიკურ და ეკონომიკურ პირობებს.

2. ეტაპი - (60-70-იანი წლები) - ე.წ. პოსტსტალინისტური პერიოდი, როდესაც პირველად გამოჩნდა მაფიოზური ტიპის პირველი ორგანიზებული დანაშაულის ფორმირებები, თანამედროვე ორგანიზებული დანაშაულის წინა სახე.

„კანონიერი ქურდის“ ინსტიტუტის აღორძინებაში მნიშვნელოვანი როლი ითამაშა ამ პერიოდში სამართალდამცავი ორგანოების ილუზორულმა დამოკიდებულებამ და რწმენამ - საბჭოთა კავშირში დანაშაულობის სრული აღმოფხვრის შესაძლებლობის შესახებ¹²⁷.

ამდამოკიდებულებას მოყვა შესაბამისი ორგანოების აქტივობის დაქვეითება. საუწყებო დოკუმენტებიდან ამოიღეს ისეთი ცნებები, როგორიცაა „კანონიერი ქურდი“. ასეთი სახის რეფორმებმა მნიშვნელოვნად დაასუსტა სამართალდამცავი ორგანოების მუშაობის ეფექტურობა. შედეგად აღმოცენდა „კანონიერი

¹²⁵ საქართველოს უმაღლესი საბჭოს უწყებები. 1971. N12.

¹²⁶ გ.ნაჭყებია, გ.გორაშვილი, გ.მამულაშვილი, ნ.თოდუა, რ.გოგშელიძე, დ.სულაქველიძე, ი.დვალაძე, ორგანიზებული დანაშაულის თანამედროვე გამოვლინებების კრიმინალიზაციისა და სამართალშეფარდების პრობლემები ქართულ სისხლის სამართალში, თბილისი, 2012წ. გვ. 511.

¹²⁷ გ.ლომჯანიძე, გ.დლონტი, კანონიერი ქურდები საქართველოში, თბილისი, 2004წ. გვ. 55.

ქურდების“ მოდიფიცირებული ტალღა, რომელიც მოერგო ახალ პოლიტიკურ და ეკონომიკურ რეალიებს¹²⁸. განსაკუთრებით საშიში ლიდერების არასათანადო შეფასებამ, სახელმწიფოს მხრიდან „კანონიერი ქურდების“ წინააღმდეგ ბრძოლის შესუსტებამ, მათ ერთგვარი შესვენების საშუალება მისცა, რამაც „კრიმინალურ-ნეგატიური“ იდეოლოგიის ფართოდ გავრცელებამდე და ქურდული მოძრაობის ზრდის სტიმულირებამდე მიიყვანა საზოგადოება¹²⁹.

„კანონიერმა ქურდებმა“ გარკვეული ცვლილებები შეიტანეს თავიანთ წესებში. პირველ რიგში მათ დასაშვებად მიიჩნიეს ხელისუფლებასთან თანამშრომლობა და ძირითადად ეკონომიკურ საქმიანობაში თანამონაწილეობა. გაჩნდა მაფიოზური ტიპის ორგანიზებული დანაშაულის ნიშნები. ამას ხელი შეუწო საბჭოთა კავშირში 60-70-იან წლებში ჩრდილოვანი ეკონომიკის და კრიმინალური მენარმეობის გაჩენამ, სადაც კრიმინალური ელიტა ამ საქმიანობის მფარველად მოგვევლინა. დანაშაულებრივ საქმიანობაში ჩართული აღმოჩნდნენ ჩინოვნიკები მინისტრების ჩათვლით. ზოგადად ჩრდილოვანი ეკონომიკის ჩამოყალიბებას ხელი შეუწო პირველადი მოხმარების საქონელზე, სამრეწველო საქონელზე, ტექნიკაზე და სხვა პროდუქციაზე დეფიციტის არსებობამ.

ამ პროცესებმა განსაკუთრებით თავი საქართველოში იჩინა, სადაც ჩრდილოვანი ეკონომიკა, სპეკულაცია, არნახული კორუფცია ყვაოდა და სახელისუფლებო სტრუქტურების ხრწნა მიმდინარეობდა¹³⁰.

„კანონიერი ქურდების“ სოციალურ სტატუსსა და საქმიანობაში ცვლილებები ქურდულ „კანონებში“ ცვლილებებს მოითხოვდა. ესეთი სახის გადანაცვებები სპეციალურ შეკრებებზე წყდებოდა (ე.წ. „სხოდკებზე“). სხვადასხვა წყაროები ადასტურებენ, რომ ასეთი სახის შეკრება, რომელსაც ესწრებოდნენ „კანონიერი ქურდები“ და იატაქვეშა ბიზნესის წარმომადგენლები, შედგა 1979 წელს, ქ.კისლოვოდსკში. ამ შეხვედრაზე გადაწყდა, რომ „კანონიერ ქურდებს“ ბიზნესმენების შემოსავლიდან ათი პროცენტი მიეღოთ¹³¹. ასევე წყაროებში არის ცნობილი „კანონიერი ქურდების“ შეკრება თბილისში - 1982 წელს. როგორც ცნობილია ამ შეხვედრაზე გადაწყდა ეკონომიკურ და პოლიტიკურ ცხოვრებაში „კანონიერი ქურდების“ მონაწილეობის საკითხი¹³². ამ შეკრებაზე გადამწყვეტი იყო ქართველი „კანონიერი ქურდების“ პოზიცია¹³³. როგორც შემდგომ აღმოჩნდა, 1990 წლების დასაწყისში კრიმინალური სამყაროს წარმომადგენლებმა, სამწუხაროდ, მართლაც დიდი როლი ითამაშეს საქართველოს უახლესი ისტორიის პოლიტიკურ ცხოვრებაში.

3. ეტაპი - (80-იანი წლები) როდესაც მოხდა ორგანიზებული დანაშაულის საბოლოო ფორმირება საბჭოთა კავშირში.

80-იანი წლებიდან საბჭოთა კავშირში იწყება პოლიტიკური რეჟიმის სრული დეგრადაციის პროცესი. ეს პერიოდი „ოქროს ხანად“ შეიძლება ჩაითვალოს ორგანიზებული დანაშაულისთვის, განსაკუთრებით „კანონიერი ქურდებისთვის“. კრიმინალური სამყაროს ორგანიზებული ჯგუფები საჭირო აღმოჩნდნენ საწარმოო სიმძლავრეების მიტაცებისა და მართვის, პერსონალის ექსპლუატაციისა და დანაშაულებრივი გზით ნაშოვნი ფულის გათეთრებისთვის¹³⁴.

80-იანი წლების ბოლოს, არსებული მონაცემებით, დანაშაულებრივი ჯგუფების სათავეში მდგომი პიროვნებების 80% ეკონომიკის სფეროში მოქმედი წარმოება-დანესხებულების ხელმძღვანელები იყვნენ. მათ მფარველობას და დახმარებას დანაშაულებრივი ჯგუფები (ძირითადად „კანონიერი ქურდები“) უწევდნენ. არსებობდა ასევე ფაქტები დამნაშავე ელემენტების სასამართლო ორგანოებთან ურთიერთობების შესახებ¹³⁵.

„კანონიერი ქურდების“ ინსტიტუტის როლის გაზრდისთვის განსაკუთრებულ იმპულსად მოგვევლინა „კოოპერატივების შესახებ“ კანონის მიღება. ამ პერიოდში იწყება ჩრდილოვანი ეკონომიკის ლიდერების ზედა ფენაზე ამოსვლა. კრიმინალურმა სამყარომ ძირშივე მოახდინა კოოპერატიული მოძრაობის დისკრედიტაცია დაარაკეთილსინდისიერი კონკურენციის პირობებში ხელში ჩაიგდო თითქმის მთლიანი ბაზარი¹³⁶. სახელმწიფო ფუნქციონირებებსა და პროფესიულ დამნაშავეებს შორის მჭიდრო კავშირი დამყარდა. ამ პროცესებს შედეგად სახელმწიფოს კანონზომიერი რყევა მოჰყვა.

¹²⁸ იქვე, გვ. 113.

¹²⁹ ვ.რაზინკინი, ა.ტატბარინი, კრიმინალური სამყაროს ელიტა, მოსკოვი, 1997წ.

¹³⁰ გ.ლობჟანიძე, გ.ლონტი, კანონიერი ქურდები საქართველოში, თბილისი, 2004წ. გვ. 57.

¹³¹ ი.კოსტიუკოვსკი, რუსული ორგანიზებული დანაშაულის ისტორია. www.narcom.ru/cabinet/online12.html.

¹³² გ.ლობჟანიძე, გ.ლონტი, კანონიერი ქურდები საქართველოში, თბილისი, 2004წ. გვ. 67-68.

¹³³ მ.შალიკაშვილი, კრიმინოლოგია, მეორე გამოცემა, თბილისი, 2011, გვ. 93.

¹³⁴ გ.ლობჟანიძე, გ.ლონტი, კანონიერი ქურდები საქართველოში, თბილისი, 2004წ. გვ. 114-115.

¹³⁵ გ.პოდლესკიხი, ა.ტერემონოვი, კანონიერი ქურდები: ნახტომი ხელისუფლებისკენ, ქუთაისი, 1995წ. გვ.166-167 - სსრ კავშირის სახელმწიფო უშიშროების კომიტეტის შიფოგრამა N22.07.88. ნეგატიურ პროცესებზე თავისუფლების აღკვეთის დაწესებულებებში.

¹³⁶ გ.ლობჟანიძე, გ.ლონტი, კანონიერი ქურდები საქართველოში, თბილისი, 2004წ. გვ. 72-73.

4. ეტაპი (90-იანი წლები) - საქართველოს დამოუკიდებელი სახელმწიფოს ჩამოყალიბება და დანაშაულებრივი კლანების როლის ზრდა ეთნო-კონფლიქტებში. „კანონიერი ქურდების“ ინსტიტუტის ტრანსფორმირების პროცესი დასავლური ტიპის განგსტერულ-მაფიოზურ დაჯგუფებების მსგავს კრიმინალურ ორგანიზაციებად.

ეს არის საბჭოთა კავშირის რღვევის და ეროვნულ-განმათავისუფლებელი მოძრაობის ჩამოყალიბების პერიოდი, საქართველოს დამოუკიდებლობის პირველი წლები. ამ პერიოდში საკმაოდ მძლავრი იყო ნაციონალურ-პატრიოტული მოძრაობა, რის გამოც ხელისუფლებაში (საქართველოს დამოუკიდებლობის გამოცხადების შემდეგ) საუკვო კვალიფიკაციისა და რეპუტაციის ხალხი მოვიდა. საკმაოდ სუსტი და ჯერ კიდევ ჩამოყალიბების პროცესში იყო სახელმწიფო სახელისუფლებო აპარატი. ეს აღმოჩნდა საკმაოდ ხელსაყრელი პერიოდი კრიმინალური სამყაროსთვის. „კანონიერმა ქურდებმა“ და სხვა სახის კრიმინალურმა ელემენტებმა, ამ პერიოდში ჩამოაყალიბეს დანაშაულებრივი დაჯგუფებები. ეს დაჯგუფებები პოლიტიკური პარტიების, საზოგადოებების, სამოქალაქო და სხვა სახით მოგვევლინენ.

ქართული კრიმინალური დაჯგუფებები იმდენად გავლენიანი გახდნენ, რომ უმეტესი სახელისუფლებო სტრუქტურები ჩაანაცვლეს. უფრო მეტიც, 1991-92 წლებში სახელმწიფო გადატრიალების შედეგად, ძალაუფლების სათავეში აღმოჩნდა ტრიუმფირატი (თ.სიგუა, თ.კიტოვანი და ჯ.ოსელიანი), რომლის ერთ-ერთი წევრი წარსულში ცნობილი და გავლენიანი „კანონიერი ქურდი“ ჯაბა იოსელიანი იყო. ეს პერიოდი შეიძლება შეფასდეს, როგორც სახელმწიფოს სრული დეზორგანიზების პერიოდი, რომელიც ხასიათდებოდა ძალადობრივი დანაშაულებით და სხვადასხვა კრიმინალური დაჯგუფებების მკვეთრი ზრდით¹³⁷. სიტუაცია შედარებით შეიცვალა 90-იანი წლების ბოლოს 2000-იანი წლების დასაწყისში, რაც შედარებით პოლიტიკურ სტაბილურობაში და კრიმინოგენური მდგომარეობის გაუმჯობესებაში გამოიხატებოდა. თუმცა ქვეყანაში ჯერ კიდევ საკმაოდ მჭიდრო კავშირი არსებობდა ჩინოვნიკებსა და ორგანიზებული დანაშაულის წარმომადგენლებს შორის და კორუფციასაც არნახული მასშტაბები ჰქონდა.

5. ეტაპი (2003-2012 წლები) - 2003 წლის „გარდების რევოლუციის“ შემდეგ ჩატარებული პოლიტიკური, სტრუქტურული და სამართლებრივი რეფორმები, ახალი საკანონმდებლო ბაზა.

„გარდების რევოლუციის“ შემდეგ არსებითად შეიცვალა საქართველოში სახელმწიფოს დამოკიდებულება ორგანიზებული დანაშაულის მიმართ. სახელმწიფოს მიერ გადაიდგა მთელი რიგი რადიკალური ნაბიჯები. ეს პოლიტიკა ზოგადად ცნობილია დანაშაულის წინააღმდეგ ბრძოლის „ნულოვანი ტოლერანტობის“ სახელით¹³⁸. ალბათ ნაადრევია ამ ეტაპზე სახელმწიფო პოლიტიკის შედეგების ერთიანად შეფასება, ვინაიდან მას შემდეგ საკმაოდ მცირე პერიოდი გასული და შემდგომში აუცილებელი იქნება უფრო სიღრმისეული ანალიზი, თუმცა აუცილებლად უნდა შევხვით მთელ რიგ საკითხებს, რამაც არსებითი გავლენა მოახდინა ორგანიზებული დანაშაულის წინააღმდეგ ბრძოლაზე, განსაკუთრებით პენიტენციურ სისტემაში.

ამ ეტაპზე უკვე შეგვიძლია შევაფასოთ, რომ საკმაოდ ეფექტური იყო სახელმწიფოს მიერ გადადგმული ნაბიჯები, განსაკუთრებით კორუფციასთან ბრძოლის კუთხით¹³⁹. კორუმპირებული სახელმწიფო აპარატი არის ორგანიზებული დანაშაულის ერთ-ერთი ძირითადი მასაზრდოებელი, რის გამოც კორუფციის წინააღმდეგ გადადგმული ნაბიჯის შედეგად მნიშვნელოვნად შესუსტდა საქართველოში „კანონიერი ქურდების“ მფარველები და ფინანსური წყარო.

მართო პენიტენციურ დაწესებულებაში წესრიგის დამყარებისა და პოლიციის მიერ კრიმინალთან ბრძოლის გააქტიურებით, შეუძლებელი იქნებოდა ორგანიზებული დანაშაულების ლიდერების გისოსების მიღმამოხვედრა, რადგან, როგორც წესი, მათ მიერ ხდებოდა კრიმინალური აქტების დაგეგმვა და არა აღსრულება. შესაბამისად, 2005 წლის 20 დეკემბერს მიღებულ იქნა საქართველოს კანონი „ორგანიზებული დანაშაულისა და რეკეტის შესახებ“. კანონით მოხდა „კანონიერი ქურდის“, „ქურდული სამყაროსა“ და „რეკეტიორის“ განმარტება და საქართველოს სისხლის სამართლის კოდექსში იმავე თარიღით შეტანილი ცვლილებებით განისაზღვრა შესაბამისი სანქციები. . სამოქალაქო საპროცესო კოდექსში შევიდა დამატებები, რომლის საფუძველზეც შესაძლებელი გახდა ორგანიზებული დანაშაულების წარმომადგენელთათვის უკანონო გზით შეძენილი ქონების ჩამორთმევა. მითითებული საკანონმდებლო ცვლილება-დამატებებით ორგანიზებული დანაშაულების წინააღმდეგ ბრძოლა და მისი პრევენცია, სრულიად ახალ საფეხურზე გადავიდა.

¹³⁷ გ.ლობჯანიძე, გ.ლონტი, კანონიერი ქურდები საქართველოში, თბილისი, 2004წ. გვ. 75.

¹³⁸ საქართველოს პრეზიდენტის გამოსვლა პარლამენტში 2006 წლის 14 თებერვალს. <http://www.civil.ge/geo/article.php?id=11761>.

¹³⁹ საერთაშორისო გამჭვირვალობა: 2012 წლის კორუფციის აღქმის ინდექსი საქართველოში. <http://transparency.ge/post/corruption-perception-index-cpi/2012-tsliis-koruptsiis-aghkmsi-indeksi>.

საკმაოდ მნიშვნელოვანი იყო ის რეფორმები, რომლებიც განხორციელდა პენიტენციურ სისტემაში „კანონიერი ქურდების“ გავლენის შემცირების მიზნით. ერთ-ერთი პირველი ნაბიჯი იყო ყველა „კანონიერი ქურდის“ ერთ დაწესებულებაში განთავსება, კერძოდ, თბილისის N7 დაწესებულებაში. როგორც უკვე აღვნიშნეთ, ხელისუფლების მიერ გადადგმული ეს ნაბიჯი წააგავს 50-იანი წლების ბოლოს საბჭოთა ხელისუფლების მიერ N6 კოლონიის დაარსებას (ე.წ. „თეთრი გედი“) და იქ ყველა „კანონიერი ქურდების“ მოთავსებას.

აღნიშნულმა ღონისძიებამ მნიშვნელოვნად შეამცირა „კანონიერი ქურდების“ გავლენა სხვა დაწესებულებებზე. ამის პარალელურად მთლიანად ქვეყანაში ორგანიზებულ დანაშაულთან ბრძოლის ერთიანმა პოლიტიკამ მინიმუმამდე დაიყვანა „კანონიერი ქურდების“ გავლენა ქვეყანაში.

თუმცა, ასევე შეიძლება უკვე ითქვას, რომ „ნულოვანი ტოლერანტობის“ პოლიტიკამ შექმნა საკმაოდ დიდი პრობლემები, ზოგადად სისხლის სამართლის პოლიტიკის განხორციელებისთვის. ამ პოლიტიკის შედეგი იყო პენიტენციური დაწესებულებების არანორმალური გადატვირთვა, რაც დაწესებულებებში სიტუაციის კონტროლს შეუძლებელს ხდიდა. ამ და სხვა ფაქტორებმა (დაუსჯელობის სინდრომი) ხელი შეუწყო არასათანადო მოპყრობის ფაქტებს პატიმრების წინააღმდეგ¹⁴⁰, რამაც საბოლოოდ გამოიწვია „სისტემური მარცხი“, რომელიც საჭაროდ იქნა გაცხადებული 2012 წლის ბოლოს¹⁴¹.

შეუძლებელია ამ ეტაპისთვის აღნიშნულ პერიოდში გადადგმული ყველა ნაბიჯი ერთმნიშვნელოვნად დადებითად ან უარყოფითად შეფასდეს. აუცილებელია სახელმწიფოს მიერ გადადგმული ნაბიჯების შეფასება და ანალიზი. პირველ რიგში, რომ არ მოხდეს „კანონიერი ქურდის“ ინსტიტუტის, ზოგადად ორგანიზებული დანაშაულობის შეუფასებლობა. ამ ფენომენს, როგორც უკვე აღვნიშნეთ, გააჩნია მუტაციის უნარი, რაც არაერთხელ დაამტკიცა მისი არსებობის სხვადასხვა ეტაპზე. იგი ცდილობს და აქვს უნარი აუღოს ალღო ქვეყნის პოლიტიკურ და ეკონომიკურ მდგომარეობას, აიღოს პაუზა საჭიროების შემთხვევაში, შეცვალოს შიდა წესები, ნორმები და მოძებნოს ალტერნატიული გზები გადარჩენისთვის, შემდგომი გაძლიერებისთვის. ამის ნათელი მაგალითია თუნდაც 60-იანი წლები, როცა ხელისუფლებამ „კანონიერი ქურდები“ ფაქტობრივად დამარცხებულად გამოაცხადა, შეასუსტა ბრძოლა მათ წინააღმდეგ, რითაც დაუშვა უდიდესი შეცდომა, რაც შემდგომში ნათლად გამოჩნდა.

„კანონიერი ქურდების“ ინსტიტუტის ჩამოყალიბებისა და მისი არსებობის ეტაპების განხილვა მნიშვნელოვანია ზოგადად ამ ფენომენის გასააზრებლად. როგორც უკვე აღვნიშნეთ, შეუძლებელია ამ ფენომენის საფუძველზე აღმოცენებული სუბკულტურა შევისწავლოთ, თუ არ ვიცით მისი წარმოშობის ისტორია, როგორ მიმდინარეობდა მისი ევოლუცია, სად პოულობდა ყველაზე მეტ საყრდენს და რა ფაქტორები გარემოებები უწყობდა ხელს მას არსებობის შენარჩუნებაში. მუსტად ამ მიზნით არის წარმოდგენილი ეს მოკლე ისტორიული მიმოხილვა. ეს ინფორმაცია ხელს შეგვიწყობს საქართველოში კრიმინალურ სუბკულტურასთან დაკავშირებული სხვადასხვა საკითხები უფრო დეტალურად განვიხილოთ.

„ქურდული კანონები“

ე.წ. „ქურდული კანონები“ პირველადი ფორმით ჩამოაყალიბეს „ჭიგანებმა“ 20-იან წლებში და ეს ძირითადად ოპოზიციურ განწყობებს გამოხატავდა. 30-იან წლებში „ურკებისა“ და „ჭიგანების“ დაპირისპირების შედეგად, როდესაც დაწესებულებების ადმინისტრაციის ხელშეწყობით გავლენისთვის ბრძოლაში წარმატებას „ურკებმა“ მიაღწიეს, მათ ჩამოაყალიბეს ე.წ. „ქურდული კანონები“. სავარაუდოდ უკვე ამის შემდეგ იწოდება ეს ჯგუფი „კანონიერ ქურდებად“. პირველად ჩამოაყალიბებული „ქურდული კანონები“ შემდეგი დებულებებისგან შედგებოდა¹⁴²:

1. ქურდული იდეის ერთგულება;
2. სამართალდამცავ ორგანოებთან კონტაქტის დაუშვებლობა;
3. უარი ნებისმიერი ფორმით სახელმწიფო სტრუქტურებთან თანამშრომლობაზე;
4. სხვა ქურდების პატივისცემა და თანადგომა;
5. ახალი წევრების, განსაკუთრებით ახალგაზრდების ჩართვის ვალდებულება;
6. პოლიტიკური მოღვაწეობის აკრძალვა;
7. კონტროლი დაწესებულებებში, კონფლიქტების გარჩევა, ადგილებზე ქურდების ძალაუფლების დამყარება;
8. უარი ჩვენების მიცემაზე, დანაშაულის აღიარებაზე;

¹⁴⁰ საქართველოს სახალხო დამცველის ანგარიში 2011 წელს საქართველოში ადამიანის უფლებათა მდგომარეობის შესახებ. <http://ombudsman.ge/uploads/other/0/85.pdf>.

¹⁴¹ საქართველოს პრეზიდენტის განცხადება, 19.09.2012წ. <http://www.ambebi.ge/politika/61187-mikheil-saakashvili-realurad-mokhda-sistemuri-marckhi.html>.

¹⁴² გ.ლომჯანიძე, გ.დლონტი, კანონიერი ქურდები საქართველოში, თბილისი, 2004წ. გვ. 116-117.

9. საკუთრების და დანაშაულის არქონა;
10. ოჯახის არყოფნა;
11. პერიოდული პატიმრობა;
12. უარი იარაღზე;
13. ნებისმიერ პირობებში მუშაობაზე უარი;
14. „ჟარგონის“ ცოდნა;
15. ქურდული სალაროს შევსება;
16. ჩაწერის (რეგისტრაციის) არქონა.

„კანონიერ ქურდებს“ საწყისი ეტაპიდანვე ახასიათებდათ ასევე გარკვეული თავისებურებები¹⁴³:

1. „კანონიერი ქურდი“ ყველაფერს თავისი ხელით უნდა აკეთებდეს;
2. შემგუებლობის უნარი (ტაქტიკის სწრაფად ცვლა გარემოებების შესაბამისად);
3. სიმკაცრე და ანგარიშსწორება განდგომილებისადმი;
4. „კანონიერი ქურდების“ გმირული სახე ხალხში.

შესაძლებელია ასევე გარკვეულწილად გავმიჯნოთ ქურდული და ციხის კანონები. ქურდული კანონები არის საგალდებულო შესასრულებელი ქურდების მიერ, თუმცა უმეტესი დებულებების შესრულება ევალეზათ ასევე სხვა პატიმრებს. ამიტომ შესაძლებელია ვისაუბროთ ცალკე „ციხის კანონებზე“¹⁴⁴, რომლებიც ყველა პატიმარზე ვრცელდებოდა:

1. „საერთო სალაროში“ წილის შეტანის ვალდებულება;
2. კრძალავს ძალადობის გამოყენებას „კანონიერი ქურდების“ მიმართ;
3. მშობლების, უფროსების პატივისცემა;
4. შეურიგებელია დაბეზღებისადმი;
5. კრძალავს უსაფუძვლოდ რაიმეს წართმევას;
6. კრძალავს ვინმეს მიმართ მტკიცებულებების გარეშე ბრალდების (პრეტენზიის) წაყენებას;
7. კრძალავს შეურაცხოვას, უცენზურო გინებას;
8. კრძალავს თავისიანების გაქურდვას;
9. კრძალავს ოფიციალურ ორგანოებთან თანამშრომლობას.

„ციხის კანონების“ დაცვა საგალდებულო იყო, როგორც „კანონიერი ქურდებისთვის“, ასევე სხვა პატიმრებისთვის, ხოლო ზემოთ აღნიშნული ზოგიერთი დებულების დაცვა მხოლოდ „კანონიერი ქურდებისთვის“ იყო საგალდებულო. კრიმინალური ავტორიტეტები ცდილობენ ე.წ. „ციხის კანონებით“, კრიმინალური სუბკულტურის თავისებურებების გამოყენებით, თავისუფლების აღკვეთის დაწესებულებებში მიაღწიონ სრულ გავლენას პატიმართა ყველა კატეგორიაზე.

თუმცა, როგორც აღვნიშნეთ, კრიმინალური სუბკულტურის არსებობის სხვადასხვა ეტაპზე, „კანონიერი ქურდები“ ქვეყანაში არსებული პოლიტიკური და ეკონომიკური მდგომარეობის შესაბამისად ცვლიდნენ პირველად წესებსა და ნორმებს.

პირველი წესი რომლის შეცვლაც მოხდა იყო 40-50-იან წლებში და შეეხებოდა სახელმწიფო სტრუქტურებთან თანამშრომლობას. ეს ცვლილება გამოიწვია მეორე მსოფლიო ომში „კანონიერი ქურდების“ ნაწილის მონაწილეობამ.

დაახლოებით უკვე 60-იანი წლებიდან „კანონიერი ქურდებისთვის“ არ წარმოადგენდა აუცილებელ მოთხოვნას, რომ მას ოჯახი არ უნდა ყოფილიყო და არ უნდა ჰქონოდა პირადი საკუთრება.

შემდეგი წესი, რომელიც უკვე 60-70 იან წლებში შეიცვალა არის, ეკონომიკური სარგებლის მიღების მიზნით სახელმწიფო ჩინოვნიკებთან კორუფციულ გარიგებებში შესვლა და შეთანხმება, რომ მათგან შემოსავლის 10% მიეღოთ. ეს შემოსავალი არამარტო ე.წ. ქურდულ სალაროში შედიოდა, არამედ ისინი ამ თანხებს პირადი კომფორტისთვის და ფუფუნებისთვის მოიხმარდნენ. შეიძლება ითქვას, რომ უკვე ამ პერიოდიდან ქურდული ცხოვრების წესი „კანონიერი ქურდების“ მხრიდან გადაიქცა ანგარების შენობების განსაკუთრებულ ხერხად¹⁴⁵.

¹⁴³ გ.პოდლესკი, ა.ტერეშოვოვი, კანონიერი ქურდები: ნახტომი ხელისუფლებისკენ, ქუთაისი, 1995წ, გვ.166-167.

¹⁴⁴ Ю. К. Александров, очерки криминальной субкультуры, 2001. – 37с.

¹⁴⁵ გ.ნაჭყებია, გ.გორაშვილი, გ.მამულაშვილი, ნ.თოდუა, რ.გოგშელიძე, დ.სულაქველიძე, ი.დვალაძე, ორგანიზებული დანაშაულის თანამედროვე გამოვლინებების კრიმინალიზაციისა და სამართალშეფარდების პრობლემები ქართულ სისხლის სამართალში, თბილისი, 2012წ, გვ. 493.

„კანონიერ ქურდად“ გახდომისთვის სავალდებულო მოთხოვნას უკვე აღარ წარმოადგენდა, პირის პატიმრობაში ყოფნა (შემდგომში დეტალურად შევხებით „კანონიერ ქურდად“ კურთხევის პროცედურებს).

გარდაამისა, 70-80 წლებში „კანონიერი ქურდების“ მიერ მიღებულ იქნა გადაწყვეტილება, ძალაუფლების გამყარების მიზნით, პოლიტიკურ საქმიანობაში ჩართულიყვნენ. ეს ყველაფერი შემდგომში ნათლად გამოჩნდა 90-იანი წლების დასაწყისში.

ერთ-ერთი ყველაზე მნიშვნელოვანი ცვლილება, „ქურდულ კანონებში“ განხორციელდა უკვე 2003 წლის შემდეგ, როცა ორგანიზებული დანაშაულის წინააღმდეგ სახელმწიფოს მხრიდან საკმაოდ გაბედული და ეფექტური ნაბიჯები იქნა გადადგმული. „კანონიერმა ქურდებმა“ შეცვალეს წესი, რომელიც გულისხმობდა ჩვენების მიცემაზე უარის თქმას სამართალდამცავი ორგანოებისთვის. ამ წესში ცვლილება ძირითადად გამოიყენეს იმ მიზნით, რომ მათთვის არასასურველი ოფიციალური თანამდებობის პირები მოეშორებინათ. საკმაოდ ხშირი იყო კოლექტიური განცხადებები და საჩივრები პატიმრების მხრიდან ამა თუ იმ ჩინოვნიკის წინააღმდეგ, სადაც მათ სხვადასხვა საკითხებში სდებდნენ ბრალს. ხშირ შემთხვევაში ასეთი სახის განცხადებები და საჩივრები უსაფუძვლო იყო.

განსაკუთრებით საინტერესოა კონკრეტული მაგალითი, თუ როგორ მოიშორეს ქ.რუსთავში ერთ-ერთი დაწესებულების დირექტორი:

„2012 წლის ციხის სკანდალური ფაქტების გახმაურების შემდეგ, ქვეყანაში მოხდა ხელისუფლების ცვლილება. მთლიანად შეიცვალა მაშინდელი პენიტენციური სისტემის ხელმძღვანელობა. ეს პერიოდი გამოირჩეოდა პატიმრების მხრიდან ხშირი საპროტესტო აქციებით). ამ პერიოდში უკვე გამოიკვეთა მცდელობა კრიმინალური ავტორიტეტების მხრიდან, აღედგინათ ძველი გავლენა დაწესებულებებში. ქვეყანაში შექმნილი პოლიტიკური სიტუაცია და საზოგადოებაში არსებული განწყობები, კრიმინალურმა ავტორიტეტებმა საწყის ეტაპზე ეფექტურად გამოიყენეს და დაწესებულებების უმრავლესობაში თავიანთი გავლენის დამყარება შეძლეს. რუსთავის ერთ-ერთი დაწესებულების ახლად დანიშნულმა დირექტორმა უარი განაცხადა რაიმე სახის გარიგებაში შესულიყო კრიმინალურ ავტორიტეტებთან და შეეცადა დაწესებულებაში დაემყარებინა წესრიგი. მისი დანიშნვიდან დაახლოებით 1 კვირის მერე იწყება ამ დაწესებულებაში პატიმართა მასობრივი პროტესტი პენიტენციური დაწესებულების ხელმძღვანელის მიმართ. მას ბრალი დასდეს პატიმრების მიმართ არასათანადო მოპყრობაში და მუქარაში. პატიმრების მხრიდან დაიწერა კოლექტიური საჩივრები ამ პიროვნების მიმართ. პენიტენციური ადმინისტრაციის მაშინდელმა ხელმძღვანელობამ საჩივრებში დაფიქსირებული ფაქტების დადგენამდე დროებით შეუჩერა დირექტორს უფლებამოსილება (რაც ალბათ შეცდომა იყო). დირექტორმა შემდგომში დატოვა თანამდებობა, ხოლო საჩივრებში აღნიშნული ფაქტები არ დადასტურებულა. ამ პატარა წარმატების შემდეგ, ამ დაწესებულებაში, შემდგომში უკვე ახალი ადმინისტრაციის კონტროლი მინიმუმამდე იყო დაყვანილი. დაწესებულებაში ყველაფერს აკონტროლებდნენ კრიმინალური ავტორიტეტები, ე.წ. „მაყურებლები“. მოგვიანებით სიტუაცია იმდენად დამძიმდა, რომ 2013 წლის დასაწყისში, აღნიშნული დაწესებულება დროებით, საერთოდ დახურეს და პატიმრები სხვა დაწესებულებებში გადაანაწილეს. სხვა ნაბიჯები ფაქტობრივად არაეფექტური გამოდგა“.

„კანონიერი ქურდების“ ინსტიტუტი პირველადი ფორმიდან, ეტაპობრივად გარდაიქმნა კლასიკურ კრიმინალურ-მაფიოზურ დაჯგუფებად. თუმცა უნდა აღინიშნოს, რომ ზოგიერთი ნორმები, რომლებიც თავდაპირველ ეტაპზე ჩამოყალიბდა, დღესაც იმავე ფორმით არსებობს. კერძოდ:

1. ზოგადად ქურდული იდეების ერთგულება;
2. სამართალდამცავ ორგანოებთან თანამშრომლობის დაუშვებლობა. (თუმცა უნდა აღინიშნოს, რომ უამრავი წყარო ადასტურებს იმ ფაქტს, რომ „კანონიერი ქურდების“ უმრავლესობა სამართალდამცავ ორგანოებთან აქტიურად თანამშრომლობდა;)
3. თავიანთ წრეებში ახალი წევრების, განსაკუთრებით ახალგაზრდების ჩართვის ვალდებულება. ეს ფაქტი აიხსნება ძირითადად იმით, რომ აუცილებელია „მომავალი თაობის“ აღზრდაზე ზრუნვა;
4. უარი ჩადენილი დანაშაულის აღიარებაზე;
5. ნებისმიერ პირობებში მუშაობაზე უარის თქმა;
6. ქურდული სალაროს (ე.წ. „ობშიაკის“) შევსება.

თუ მივაქცევთ ყურადღებას ძირითადი ცვლილებები, რაც ამ წესებში განხორციელდა, უმეტეს შემთხვევაში შეეხება პირადად „კანონიერ ქურდებს“. ეს ცვლილებები ნაკლებად აისახა ე.წ. „ციხის კანონებზე“, რომლებიც ყველა პატიმრისთვის არის სავალდებულო შესასრულებელი. ამის მიზეზი უპირველეს ყოვლისა არის კონტროლისა და გავლენის შენარჩუნების მცდელობა პატიმრებზე. თუ გარკვეული ცვლილებები შეეხო ზოგადად პატიმრებსაც, მხოლოდ ე.წ. „ქურდულ კანონებში“

ცვლილების შეტანის გამო (მაგ. ჩვენების მიცემა) და იმ მიზნით, რომ ძალაუფლება შეენარჩუნებინათ.

„ქურდული სანქციები“

როგორც ყველა კანონის დარღვევისთვის, ასევე „ქურდული კანონების“ დარღვევისთვის თავიდანვე ჩამოყალიბებული იყო გარკვეული სანქციები. ეს წესები, სხვა წესების მსგავსად, დროთა განმავლობაში სახეცვლილებას განიცდიდა. სანქციებიდან შეიძლება გამოვყოთ უშუალოდ როგორი სახის სანქციები გამოიყენება „კანონიერი ქურდის“ წინააღმდეგ და ზოგადად სხვა პატიმრების მიმართ, რომლებიც ამ რანგს არ განეკუთვნებიან. „კანონიერი ქურდების“ მიმართ გამოიყენება¹⁴⁶:

1. სახალხოდ სილის განგნა - ეს შეიძლება მხოლოდ ქურდმა გააკეთოს, ძირითადად უსაფუძვლო შეურაცხყოფისთვის;
2. „ყურებში ჩართვმა“, „გაჩერება“ - ამ დროს გადაყავთ უფრო დაბალ კატეგორიაში, ე.წ. „არაქურდული საქციელის“ გამო, „არაქურდად“ აცხადებენ;
3. სიკვდილი - მხოლოდ უკიდურეს შემთხვევაში, საერთო კრებაზე „სხოდკაზე“ „კანონიერი ქურდების“ მიერ მიღებული გადაწყვეტილების საფუძველზე.

„კანონიერი ქურდის“ სტატუსის შეჩერების თაობაზე დოკუმენტური ფაქტის მოძიება შესაძლებელია ინტერნეტ სივრცეში. ვიდეოჩანაწერები ეხება სხვადასხვა „კანონიერი ქურდის“, ე.წ. „გაჩერებას“, არაქურდად გამოცხადებას, რომელიც ქ.თბილისის N7 დაწესებულებაში არის გადაღებული.¹⁴⁷ „კანონიერი ქურდის“ გაჩერება შეუძლია მხოლოდ „კანონიერ ქურდებს“ „სხოდკაზე“ და აუცილებელია ამის დეტალურად დასაბუთება.

სხვა დანარჩენი დამნაშავეების მიმართ არსებობს სხვადასხვა სახის სანქციები, რომლებიც გამოიყენებოდა სანყის ეტაპზე:

1. ცემა;
2. მამათმავლობის ძალადობრივი აქტი - ყველაზე დამამცირებელ ჯგუფში გადაყვანა (ე.წ. „ქათმებში“);
3. დაკავებული სტატუსის ჩამორთმევა, (ყურებში ჩართვმა) - უფრო დაბალ კატეგორიაში გადაყვანა;
4. პარაფინი, მამათმავლობის სიმბოლური აქტი;
5. ხელების (ფეხების) დამტვრევა;
6. ე.წ. „ფუფლიჭიკად“ გამოცხადება - გამოიყენება იმ პირთა მიმართ, ვინც წააგო აზარტული თამაშის დროს და ვერ გადაიხადა დროულად;
7. სიკვდილი - საკმაოდ იშვიათად გამოიყენებოდა და ისიც საკმაოდ უხეში დარღვევისთვის თუმცა ამისთვის „კანონიერი ქურდის“ თანხმობა იყო საჭირო.

უნდა აღინიშნოს, რომ დღესდღეობით ზოგიერთი სანქციები აღარ არის მიჩნეული ბოლომდე მისაღებად. ეს ეხება მამათმავლობის ძალადობრივ და სიმბოლურ აქტებს. თუმცა არც თუ იშვიათად პრაქტიკაში მსგავსი ფაქტები ისევ ფიქსირდება. მაგალითად:

„2011 წელს ერთ-ერთ პენიტენციურ დაწესებულებაში პატიმარ X-ს, ვისი „გაფუჭებაც“ უნდოდათ, ძილის დროს პატიმარმა Y-მა ტუჩებზე დაადო „სასქესო ორგანო“. ამ ფაქტის საფუძველზე პატიმარ X-ს შეეცვალა სტატუსი და დაქვეითდა „ქათმების“ კატეგორიაში. პატიმარ Y-ს შემდგომში სხვა უფრო ავტორიტეტულმა პატიმრებმა პასუხი მოთხოვეს და ისიც „ქათმების“ კატეგორიაში დააქვეითეს. თუმცა ამან ვერ შეცვალა პატიმარ X-ს სტატუსი“.

დღესდღეობით პრაქტიკაში საკმაოდ ხშირად გამოიყენება სანქციის სახე, ე.წ. „დაყენება“. ეს შეიძლება გარკვეულწილად იყოს „ყურებში ჩართვის“ ანალოგი. ამ სანქციის გამოყენება ხდება სხვადასხვა სახის არასწორი საქციელის გამო. დამსჯელი შეიძლება იყოს მხოლოდ კრიმინალური ავტორიტეტი ე.წ. „მაყურებელი“ ან „მაყურებლები“. ამ დროს დამნაშავეს არ აქვს წინააღმდეგობის გაწევის უფლება. „დაყენების“ დროს „მაყურებელი“ მხოლოდ რამოდენიმეჯერ ურტყავს ხელს დამნაშავეს. ამ დროს არ ხდება ცემა კლასიკური გაგებით. არ შეიძლება „მაყურებელმა“ გამოიყენოს ამ დროს დარტყმისთვის რაიმე ნივთი, უფრო მეტიც დარტყმის დროს ხშირ შემთხვევაში ბეჭედსაც კი იხსნიან, რომ მხოლოდ სუფთა ხელის გარტყმა მოხდეს. „დაყენების“ დროს ხშირ შემთხვევაში ხდება მხოლოდ დამნაშავეს დასჯა და ამას მის სტატუსში რაიმე ცვლილებები არ მოსდევს. თუმცა შესაძლებელია სტატუსშიც განხორციელდეს ცვლილება.

სუფთა ხელით დარტყმა უნდა მოხდეს აუცილებლად „კაი ბიჭის“ მიერ, ხოლო თუ ისტება იერარქიის

¹⁴⁶ გ.ლობჯანიძე, გ.დლონტი, კანონიერი ქურდები საქართველოში, თბილისი, 2004წ. გვ. 119.

¹⁴⁷ <http://www.youtube.com/watch?v=PxxJhhjzx80>. <http://www.youtube.com/watch?v=WdOq7XJWI0Q>. <http://www.youtube.com/watch?v=TpXxBR3FMQ>.

ქვედა საფეხურზე მყოფი პირი, მაგალითად ე.წ. „ქათამი“ (ქვემოთ განვიხილავთ), როგორც წესი, მას პირიქით, სუფთა ხელით არ ეხებიან და ფეხით ან რაიმე ნივთის გამოყენებით სჯიან. მაგალითად - „ერთ-ერთ პენიტენციურ დაწესებულებაში მაყურებელი დასჯის მიზნით ქათმებს ცემდა ხის ძირიანი ჩუსტებით და ე.წ. „დრინით“¹⁴⁸.

დღესდღეობით საკმაოდ ხშირად გამოიყენება ასევე ცემა და ე.წ. „დალენვა“, იგივე ხელების (ფეხების) დამტვრევა სხვადასხვა დარღვევებისთვის. ამ სასჯელის აღსრულებაში შეიძლება მონაწილეობა მიიღოს „მაყურებლის“ გარდა სხვა კატეგორიის პატიმრებმაც. უნდა აღინიშნოს, რომ გადანაცვლებას სანქციების გამოყენების თაობაზე, დღესდღეობით უმეტეს შემთხვევებში იღებენ კრიმინალური ავტორიტეტები - „მაყურებლები“. ამის ძირითადი მიზეზი არის ის, რომ „კანონიერი ქურდები“ აღარ არიან დაწესებულებებში და ამ კუთხით ეს ფუნქცია „მაყურებლებმა“ შეითავსეს.

„კანონიერ ქურდად“ კურთხევა, „ნათლობა“

„კანონიერ ქურდად“ ჩამოყალიბებისთვის დროთა განმავლობაში ჩამოყალიბდა ქურდული სამყაროს ერთ-ერთი მნიშვნელოვანი რიტუალი, „კანონიერ ქურდად“ კურთხევა¹⁴⁹. ძნელია იმის თქმა, თუ როდის ჩამოყალიბდა ბუსტად ეს ტრადიცია, თუმცა ზოგიერთი ავტორიტეტული „კანონიერი ქურდი“ საქართველოში, მაგალითად ჯაბა იოსელიანი საერთოდ უარყოფდა იმ ფაქტს, რომ საწყის ეტაპზე რაიმე სახის რიტუალები სრულდებოდა¹⁵⁰. თუმცა ამის საპირისპიროდ მეტყველებს უამრავი ფაქტი, რომლებიც სხვადასხვა წყაროებშია მითითებული.

„კანონიერ ქურდად“ კურთხევის რიტუალში, ქურდად გახდომამდე, კანდიდატს უწოდებენ ე.წ. „პალაჟენეცს“, „მაყურებელს“, „მომავალს“. „მაყურებელი“, „პალაჟენეცი“, როგორც წესი, ქურდად გახდომამდე განსაზღვრულ ტერიტორიას (დაწესებულებას) აკონტროლებს „კანონიერი ქურდის“ მფარველობის ქვეშ. მათ ზოგ შემთხვევაში „თავადებს“, „თამადას“ უწოდებენ ქართულ სინამდვილეში. რაც შეეხება ტერმინს „მომავალი“, ამ ტერმინის ქვეშ ზოგადად მომავალი „კანონიერი ქურდი“ იგულისხმება. არის ასევე შემთხვევები, როდესაც „კანონიერ ქურდებს“ მოიხსენიებენ, როგორც „მამაო-ს“, რაც საქართველოში არსებული ქრისტიანული, განსაკუთრებით მართლმადიდებლური კულტურის არსებობით უნდა იყოს გამოწვეული.

„კანონიერ ქურდად“ კურთხევისთვის, როგორც წესი, საჭიროა პირს გავლილი ჰქონდეს 3 წლიანი გამოსაცდელი ვადა და საჭიროა 2 ან 3 კანონიერი ქურდის რეკომენდაცია. რეკომენდატორი გარკვეულწილად პასუხს აგებს თავის კანდიდატზე. „კანონიერ ქურდად“ კურთხევა ხდება ქურდების საერთო შეკრებებზე, ე.წ. „სხოდკებზე“.

რეკომენდაციის გაწევის წესი გამოიყენება დღესდღეობით უკვე „მაყურებლების“ მიმართაც. როგორც უკვე აღვნიშნეთ სახელმწიფოს მიერ გატარებული რეფორმების შედეგად „კანონიერი ქურდები“ ფაქტობრივად აღარ არიან დაწესებულებებში და მათ ფუნქციას ითავსებენ „მაყურებლები“. იმ შემთხვევაში თუ „მაყურებელი“ თავისუფლდება თავისუფლების აღკვეთის დაწესებულებიდან ან გადადის სხვა დაწესებულებაში, იგი ვალდებულია დატოვოს მემკვიდრე, ვინც იგივე ფუნქციას შეასრულებს. მანამდე ეს კანდიდატი „მაყურებელმა“ უნდა დაუხასიათოს და შეუთანხმოს „კანონიერ ქურდს“ და აიღოს მასზე პასუხისმგებლობა. „კანონიერი ქურდისთვის“ კანდიდატის შეთანხმებას „მაყურებლები“ დღესდღეობით ძირითადად სატელეფონო საუბრებით ახერხებენ. ამჟამად „კანონიერი ქურდების“ ძირითადი ნაწილი საქართველოს ფარგლებს გარეთ იმყოფება.

არის კატეგორია პატიმრებისა, რომლებიც „კანონიერი ქურდები“ ვერასოდეს გახდებიან („ქათმები“, „ფუფლიყნიკები“, „ბებპრედელშიკები“, „გაქცეულები“, „გადაკეტილები“, ყოფილი ჩინოვნიკები, ძალოვანი სტრუქტურის წარმომადგენლები), მაშინ როდესაც არსებობს იერარქიაში ქვედა ფენა (მაგ. „პატიოსნები“) რომლებსაც „კარიერული წინსვლის შესაძლებლობა აქვთ“.

უკანასკნელ პერიოდში, განსაკუთრებით 90-იანი წლებიდან „კანონიერ ქურდად“ კურთხევის რიტუალმა დისკრედიტაცია განიცადა. დაფიქსირდა შემთხვევები, როცა ზოგიერთმა ქართველმა „კანონიერმა ქურდმა“ ეს ტიტული მოსყიდვით მიიღო. ხშირია შემთხვევები, როდესაც „კანონიერ ქურდად“ აკურთხეს ისეთი ადამიანები, რომელთაც ციხე საერთოდ არ უნახავთ¹⁵¹ (მანამდე პატიმრობა ერთ-ერთი მთავარი პირობა იყო „კანონიერ ქურდად“ გახდომისთვის). საინტერესოა ასევე ქართველი „კანონიერი ქურდების“ თავისებურება ქურდული დინასტიების, ქურდული ოჯახების შექმნის კუთხით.

¹⁴⁸ დრინი - სხვადასხვა ნივთისგან დამზადებული ხელკეტი.

¹⁴⁹ გ. ლობჯანიძე, გ. დლონტი, კანონიერი ქურდები საქართველოში, თბილისი, 2004წ. გვ. 122-127.

¹⁵⁰ ჟურნალ „რეიტინგის“ სტატია, თბილისი, 10.03. 2003წ. <http://www.reitingi.ge/aqtualuri-sakhe/1511-ratom-gakhda-jaba-ioseliani-qurdi-disertacia-thurme-chemma-dam-damitsera.html?lang=ka-GE>.

¹⁵¹ გ. ნაჭყებია, გ. გორაშვილი, გ. მამულაშვილი, ნ. თოდუა, რ. გოგშელიძე, დ. სულაქველიძე, ი. დვალაძე, ორგანიზებული დანაშაულის თანამედროვე გამოვლინებების კრიმინალიზაციისა და სამართალშემარღვრების პრობლემები ქართულ სისხლის სამართალში, თბილისი, 2012წ. გვ. 486.

მაგ. გარდაცვლილ კანონიერ ქურდ ჯემალ (არსენა) მიქელაძის ორივე ვაჟი - მამუკა და ჯემალი ქურდები გახდნენ¹⁵²; „კანონიერი ქურდები“ არიან ძმები კახა და ლაშა შუმანაშვილები და ა.შ.

გარდა ამისა, ძირითადად ადრე მიჩნეული იყო, რომ „კურთხევის“ რიტუალი არ შეიძლება შესრულდეს მიმოწერით ან კომუნიკაციის სხვა საშუალებით. თუმცა დღესდღეობით ფიქსირდება სხვადასხვა ფაქტები, განსაკუთრებით ბოლო პერიოდში, „კანონიერი ქურდის“ skype-ით „მონათვლის“ შესახებ¹⁵³, რაც არ უნდა იყოს ძალიან გასაკვირი ამ ფენომენის ადაპტაციის უნარიდან გამომდინარე.

იერარქია

კრიმინალურ სუბკულტურაში არსებობს იერარქია, რომელიც ფუნქციურად ანაწილებს როლებს მის წევრებს შორის. რასაკვირველია „კანონიერ ქურდებს“ დანაშაულებრივი იერარქიის ყველაზე მაღალი საფეხური უკავიათ. ეს იერარქია ყველაზე კარგად ჩანს პენიტენციურ სისტემაში, სადაც ფუნქციების გადანაწილება ამ წევრებს შორის სამთავრობო დაწესებულებების სტრუქტურას მოგვაგონებს. თუმცა ამ იერარქიამ, კრიმინალური სუბკულტურის ჩამოყალიბების შემდეგ გარკვეული ცვლილებები განიცადა, განსაკუთრებით უკვე 2000-იან წლებში ორგანიზებული დანაშაულის წინააღმდეგ სახელმწიფოს მიერ გატარებული პოლიტიკის შემდეგ, რის შემდეგაც „კანონიერი ქურდები“ პენიტენციურ დაწესებულებებში (გარდა იმგვარი გამოწვევისა) აღარ იმყოფებიან. თუმცა საინტერესო იქნება განვიხილოთ, რა სახის იყო ეს იერარქია საწყის ეტაპზე, რა შეიცვალა, რამ განიცადა ტრანსფორმაცია და დღეს რა ფორმით არის ჩამოყალიბებული. ციხის იერარქია შეიძლება შემდეგი სახით ჩამოვყალიბოთ¹⁵⁴.

„კანონიერი ქურდები“

როგორც უკვე აღვნიშნეთ ქურდები წარმოადგენენ იერარქიის უმაღლეს საფეხურზე მყოფ პირებს. მიუხედავად იმისა, რომ დღესდღეობით პენიტენციურ სისტემაში დაწესებულებებში აღარ იმყოფებიან ქურდები, ისინი მაინც ახერხებენ მითითებების მიცემას იერარქიის ქვედა რგოლში მყოფი პირებისთვის სხვადასხვა კომუნიკაციის საშუალებებით და ძირითადად საქართველოს ფარგლებს გარედან.

„ბლატნოები“¹⁵⁵, „კაი ბიჭები“.

მათ ადრე ასევე ეძახდნენ „ფახანები“, „ბუგრები“, „შერსტი“. დღესდღეობით საქართველოში ეს ტერმინები ნაკლებად გამოიყენება. ეს არის დანაშაულებრივი სამყაროს ერთგვარი „მინი ელიტა“ დაწესებულებებში. დღესდღეობით ამ კატეგორიას საქართველოში ძირითადად ეძახიან „ბლატნოებს“ და „კაი ბიჭებს“. აღსანიშნავია, რომ „კაი ბიჭის“ ინსტიტუტი შეიძლება ვთქვათ ისეთივე დღით არის გავრცელებული ციხის გარეთაც, თუმცა ციხეში მათ იერარქიულად სულ სხვა ფუნქცია გააჩნიათ. ეს არის ის კატეგორია, რომელთა უმრავლესობას აქვს იმის პრეტენზია, რომ გახდნენ „კანონიერი ქურდები“. იმ პირებს, რომლებიც ამკარად აფიქსირებენ „კანონიერი ქურდობის“ სურვილს, როგორც უკვე აღვნიშნეთ „მომავალსაც“ უწოდებენ. „ბლატნოე“ „კანონიერ ქურდად“ კურთხევის შემდეგაც „ბლატნოედ“ რჩება¹⁵⁶.

„პალაჟენეცები“, „მაყურებლები“

ეს არის „ბლატნოების“, „კაი ბიჭების“ კატეგორია, რომლებსაც დაწესებულებებში მთლიანი ან გარკვეული ნაწილების ზედამხედველები არიან. დღესდღეობით ტერმინი „პალაჟენეცი“ გამოიყენება, თუმცა დღესდღეობით ამ კატეგორიის მიმართ ძირითადად ტერმინი „მაყურებელი“ გამოიყენება.

როგორც უკვე აღვნიშნეთ „მაყურებლების“ როლი მნიშვნელოვნად გაიზარდა „კანონიერი ქურდების“ იზოლირების შემდეგ. თითქმის ყველა დაწესებულებაში არის „მაყურებელი“, რომლებიც ერთგვარად „კანონიერი ქურდების“ ფუნქციას ასრულებენ. ისინი მუდმივად ცდილობენ შეინარჩუნონ კავშირი გარეთ „კანონიერ ქურდებთან“ და სხვადასხვა საკითხებზე პერიოდულად გაიარონ კონსულტაციები და მიიღონ მითითებები.

„მაყურებლებს“, როგორც წესი, ყავთ ერთი ან ორი თანამემნე. ასევე ისინი ცდილობენ დაწესებულებებში ყველა სექტორში დაამყარონ კონტროლი. ისინი ე.წ. „კაი ბიჭებს“ იყენებენ მხოლოდ ამ ფუნქციების შესასრულებლად, მათაც ხშირ შემთხვევაში „მაყურებლებს“ ეძახიან, რომლებიც რაღაც სექტორს აკონტროლებენ. ასეთი სახის „მაყურებლები“ განაწილებულნი არიან საცხოვრებელი კორპუსების მიხედვით, საკნებში, სასადილოში, სამედიცინო პუნქტში, საწარმოო ზონაში და საგანმანათლებლო-სარეაბილიტაციო პროგრამებში (ამის არსებობის შემთხვევაში). უფრო მეტიც არის პატიმართა კატეგორია, რომლებიც აკონტროლებენ დაწესებულების ადმინისტრაციის წარმომადგენელთა გადაადგილებას, მორიგეობენ ლამე. მათ დეტალურად აქვთ შესწავლილი თანამშრომელთა

¹⁵² გ.ლობჯანიძე, გ.ლონტი, კანონიერი ქურდები საქართველოში, თბილისი, 2004წ. გვ. 146.

¹⁵³ <http://www.internet.ge/?l=GE&m=6&sm=0&ID=12138>.

¹⁵⁴ გ.ლობჯანიძე, გ.ლონტი, კანონიერი ქურდები საქართველოში, თბილისი, 2004წ. გვ. 148-153.

¹⁵⁵ მ.შალიკაშვილი, კრიმინოლოგია, მეორე გამოცემა, თბილისი, 2011, გვ. 97.

¹⁵⁶ მ.შალიკაშვილი, კრიმინოლოგია, მეორე გამოცემა, თბილისი, 2011, გვ. 97.

მორიგეობის ყველა ცვლა, იცინა რომელი თანამშრომლები არიან უფრო ყურადღებიანები, რომლები ნაკლებად. ისინი ასევე ცდილობენ თანამშრომლების ბიოგრაფიის შესწავლას და მათთან კონტაქტზე გასვლას სხვადასხვა გზებით, მათგან რაიმე ტიპის სარგებლის მიღების მიზნით. მაგალითად:

„პატიმართა გავრეული კატეგორია ცდილობს დაწესებულების თანამშრომელთა ე.წ. „დამუშავებას“. პირველ ეტაპზე განსაკუთრებით ახალ თანამშრომლებთან ცდილობენ მეგობრული ურთიერთობის აწყობას. ეკითხებიან - რა უბნელი ხარ? სად ცხოვრობ? ამ ადამიანს იცნობ? დ.ა.შ. ამით ცდილობენ საერთო ნაცნობის და საერთო შეხების წერტილის პოვნას, რომლის მეშვეობით შეეცდებიან შემდგომში ამ ადამიანზე გავლენის მოხდენას. გავლენის მოხდენის მიზანია აკრძალული ნივთის შემოტანა, ინფორმაციის გადაცემა/მიღება სხვა პირებზე და ა.შ.“

„მაყურებლები“ მუდმივად აკონტროლებენ, იმყოფება თუ არა დაწესებულების ხელმძღვანელობა დაწესებულებაში. მაგალითად:

„რომელიმე ნახევრად ღია (ზონის) ტიპის დაწესებულებაში შიდა პერიმეტრზე ადმინისტრაციის წარმომადგენლის შესვლისას, პატიმრთა გარკვეული რაოდენობა იწყებს სტვენას, რომელიც ყველა სექტორზე ვრცელდება. ამის მიზანია გააგებინონ პატიმართა უმავლესობას, რომ ადმინისტრაციის წარმომადგენლები შემოვიდნენ ტერიტორიაზე და ყურადღებით უნდა იყვნენ“.

„მაყურებლებს განსაზღვრული ყავთ პატიმართა კატეგორია, ვინც თვალყური უნდა ადევნოს დაწესებულების ხელმძღვანელობის გადაადგილებას. ისინი განაწილებულნი არიან პოსტებზე. მაგალითად: საცხოვრებელი ტერიტორიის შემოსასვლელში, სადაც კარგად ჩანს დაწესებულებაში შემომსვლელ პირთა ვინაობა; რომელიმე საკანში, საიდანაც კარგად ჩანს დაწესებულების ტერიტორია და ა.შ.“

ფუნქციების ასეთი სახის განაწილების მიზანია დაწესებულების ყველა სექტორში შეინარჩუნონ გავლენა და დაამყარონ თავისებური წესრიგი. დიდი მნიშვნელობა აქვს ამ დროს ადმინისტრაციის პოზიციას. თუ დაწესებულების ადმინისტრაცია ამ პროცესს ხელს არ უწყობს და ცდილობს ხელი შეუშალოს, „მაყურებლები“ ვერ ახერხებენ ყველა სექტორზე გავლენის შენარჩუნებას. თუმცა ადმინისტრაციის ძალისხმევის მიუხედავად, ხშირ შემთხვევაში, როდესაც დაწესებულების ზოგიერთ სექტორზე ფუნქციების ასეთი განაწილების აღკვეთა. მაგალითად:

„საკნის და კორპუსის მაყურებელი ადმინისტრაციის ხელშეწყობის გარეშე იარსებებს, როდესაც ამის კონტროლი“.

„მაყურებლის“ ფუნქციას წარმოადგენს დაწესებულებაში ახალი პატიმრის მიღებისას მისი იდენტიფიცირება, თუ რა კატეგორიას წარმოადგენს და შემდგომში მისი განაწილება ფუნქციურად და საცხოვრებელი ადგილის მიხედვით. მაგალითად:

„დაწესებულებაში პატიმრის მიღებისას მაყურებელი თანაშემწეებთან ერთად მას ხანგრძლივი პერიოდის განმავლობაში ესაუბრება. საუბარი მიმდინარეობს ერთგვარად ჭვარედინი დაკითხვის რეჟიმში, ცდილობენ ამ ადამიანის გატეხვას და მისგან ინფორმაციის მიღებას წარსული პერიოდის განმავლობაში რაიმე სახის არაქურდული საქციელი ხომ არ ჩაუდენია“.

უნდა აღინიშნოს ის ფაქტი, რომ „მაყურებლების“ არსებობა და მათ მიერ დაწესებულების სხვადასხვა სექტორში კონტროლის დაწესება ძირითადად ადმინისტრაციის პირდაპირი ან ირიბი თანხმობით ხორციელდება. მაგალითად:

„დაწესებულების ადმინისტრაცია ფაქტობრივად ემორჩილება ციხეში არსებულ იერარქიას და ამ იერარქიის მიხედვით ახორციელებს პატიმართა გადანაწილებას საცხოვრებელი სადგომების მიხედვით. პატიმრის სტატუსს იერარქიაში, როგორც აღვნიშნეთ, განსაზღვრავს მაყურებელი. დაწესებულების ადმინისტრაცია თვითონვე ცდილობს პატიმრების კატეგორიების მიხედვით იდენტიფიცირებას მათივე უსაფრთხოების მიზნით, თუმცა საბოლოო გადაწყვეტილებას სტატუსის განსაზღვრის თაობაზე მაყურებლები იღებენ“.

ერთ-ერთი მთავარი ფუნქცია, რაც მთავარ „მაყურებელს“ აკისრია არის მედიატორის როლი პატიმრებსა და ადმინისტრაციას შორის. პატიმართა ძირითადი ნაწილის თხოვნა და მოთხოვნები ადმინისტრაციას „მაყურებლების“ მეშვეობით მიეწოდება. თხოვნების საპასუხოდ „მაყურებელი“ ადმინისტრაციას პირდება კონტროლს და წესრიგს დაწესებულებაში, რისი შესაძლებლობაც როგორც აღვნიშნეთ მას გააჩნია. მაგალითად:

„მაყურებლები ადმინისტრაციას პირდებიან, რომ დაწესებულების ადმინისტრაციისათვის ისეთი მნიშვნელოვანი ფუნქციები, როგორიც არის შემოწმება, ჩხრეკა უპრობლემოდ ჩატარდება, დაარეგულირებენ პატიმრებს შორის არსებულ კონფლიქტებს და ა.შ. ამის საფასურად „მაყურებლები“

ხშირ შემთხვევაში გარკვეულ პრივილეგიებს ითხოვენ. პრივილეგია პირველ რიგში გულისხმობს დაწესებულების ტერიტორიაზე თავისუფლად გადაადგილებას (ამას ძირითადად იმით ასაბუთებენ, რომ წესრიგის დასამყარებლად ჭირდებათ), აკრძალული პროდუქტის მიღებას, აკრძალული ნივთებით სარგებლობას და ა.შ.¹⁵⁷

პატიმართა იერარქია საკმაოდ კარგად აისახება ასევე საკნებში მათ განლაგებაზე. „მაყურებლის“ საწოლი, როგორც წესი, არის ფანჯარასთან ახლოს, მაშინ როცა იერარქიაში ყველაზე დაბალი საფეხურზე მყოფი პირის საწოლი იქნება ტუალეტთან („პარაშასთან“) ახლოს. უფრო მეტიც არსებობს „მაყურებლების“ საკნები, რომლებიც, როგორც წესი, არის გამორჩეული ნივთებით, ავეჯით და მოწყობით (თუ ადმინისტრაცია ამის უფლებას აძლევს). ალბათ ბევრს ახსოვს ორთაჭალაში N5 საპყრობილეში ფაქტობრივად 2005 წლამდე „კანონიერი ქურდების“ ცნობილი საკანი 4.9. (ეს იყო საკნის ნომერი). მის გაუქმებამდე ამ საკანში იყო დაგებული ლამინატი, გაკრული იყო შპალერი, პატიმრებს ედგათ მაცივარი და ჰქონდათ სხვადასხვა ნივთები. ეს საკანი შიგნიდან საკნის ასოციაციას ფაქტობრივად არ ტოვებდა.

თუ დავაკვირდებით „მაყურებლის“ ფუნქცია და როლი ემყარება თავის დროზე „ურკებისთვის“, „ბლატნობისთვის“, (შემდგომში უკვე „კანონიერი ქურდები“) ადმინისტრაციების მიერ ჯერ კიდევ 30-იან წლებში მინიჭებულ ფუნქციებს. მათ ენიჭებოდათ გარკვეული პრივილეგიები (მათ შორის დაწესებულების ტერიტორიაზე თავისუფალი გადაადგილება), დაწესებულებაში სხვადასხვა კატეგორიაზე კონტროლი და ზოგადად წესრიგის დაცვა დაწესებულებაში.

„მუჟიკები“¹⁵⁷, „პატიოსნები“

ეს არის ალბათ პატიმრების ერთ-ერთი ყველაზე დიდი ფენა ა, რომელიც დაწესებულებაში იმყოფება. ეს კატეგორია საკმაოდ პატივისცემით სარგებლობს დაწესებულებაში და მათ ერთგვარი ავტორიტეტიც გააჩნიათ. ისინიარ განეკუთვნებიან ნ.ე.ნ. „ელიტას“ („კაი ბიჭები“, „ბლატნოე“) და ამის გამო მათ არ აქვთ უფლება ჩაერიონ ქურდული საკითხების გადაწყვეტაში. უნდა აღინიშნოს, რომ „მუჟიკებს“ თავის დროზე ეძახდნენ მათ, ვინც გამოსწორების გზაზე დგას, კეთილსინდისიერად მუშაობს და არ შედის დაწესებულების პერსონალთან კონფლიქტში. „მუჟიკები“, იგივე „პატიოსნები“, როგორც წესი, არ მონაწილეობენ ქურდული საკითხების გადაწყვეტაში, თუმცა ზოგ შემთხვევაში მათ შეიძლება მოუწიოთ „მაყურებლის“ მითითების შესრულებაც. დღესდღეობით ამ კატეგორიას ძირითადად „პატიოსნებად“ მოიხსენიებენ.

„ხარები“, „პეხოტა“

ეს არის კატეგორია, რომლებიც შეიძლება ითქვას სანქციების პირდაპირი შემსრულებლები არიან. მათ ასევე ჯარისკაცებსაც უწოდებენ. ამ კატეგორიაში შეიძლება „კაი ბიჭებიც“ იყვნენ და ასევე ქვედა ფენის წარმომადგენლებიც. ქვედა ფენას („კოზლები“, „ბოზები“, „ნაბოზრები“, „ქათმები“) ხშირ შემთხვევაში შავი სამუშაოს შესასრულებლად იყენებენ. მაგალითად:

„პეხოტას შეიძლება მიეცეს მითითება ადმინისტრაციის წარმომადგენელს ფიზიკური ან სიტყვიერი შეურაცხოვა მიაყენონ, დააზიანონ რაღაც ნივთები, დაამზადონ აკრძალული ნივთები და ა.შ.“

„პატიოსნების“ გამოყენება ასეთი სახის სამუშაოს შესასრულებლად, როგორც წესი, რთულია, კონკრეტულ პიროვნებებზე დამოკიდებული. თუმცა ხაზი უნდა გაგუსვას, რომ „ქურდული სანქციები“ მხოლოდ „კაი ბიჭმა“, „ბლატნოემ“ შეიძლება აღასრულოს. ტერმინი „ხარები“ ქართულ სინამდვილეში ფაქტობრივად აღარ გამოიყენება.

„კოზლები“¹⁵⁸, „აპუშენი“¹⁵⁹, „ბოზები“, „ნაბოზრები“, „გაქცეულები“, „გადაკეტილები“

ეს ტერმინები უმეტეს შემთხვევაში ერთმანეთის სინონიმებია. ეს არის ერთ-ერთი ყველაზე დაბალი ფენა პატიმრებისა. ეს არის კატეგორია, ვინც მხილებულია სამართალდამცავ ორგანოებთან თანამშრომლობაში, ვინც ვერ გადაიხადა წაგებული თანხა (ე.წ. „თავანი“), ყოფილი „კაი ბიჭები“ და „პატიოსნები“, რომლებმაც დაარღვიეს „ქურდული კანონები“ და იერარქიის ქვედა საფეხურზე გადაინაცვლეს. ამ კატეგორიის ადამიანები ხშირ შემთხვევაში არიან იზოლირებული მათივე უსაფრთხოების მიზნით. მათ ე.წ. ქურდულ საკითხებში ჩარევის უფლება არ აქვთ, უფრო მეტიც, ისინი ვალდებული არიან შეასრულონ „მაყურებლის“ მითითება (თუ იზოლირებული არ არიან და მაყურებლებს ხელი მიუწვდებათ), წინააღმდეგ შემთხვევაში შეიძლება მკაცრად დაისაჯონ. მაგალითად:

¹⁵⁷ მ.შალიკაშვილი, კრიმინოლოგია, მეორე გამოცემა, თბილისი, 2011, გვ. 97.

¹⁵⁸ მ.შალიკაშვილი, კრიმინოლოგია, მეორე გამოცემა, თბილისი, 2011, გვ. 97-98.

¹⁵⁹ იქვე, გვ. 98.

„2012 წელს ერთ-ერთ პენიტენციურ დაწესებულებაში პატიმრებმა გადაწყვიტეს გამოეხატათ პროტესტი დაწესებულების ადმინისტრაციის მიმართ. მიზეზი იყო, რომ ადმინისტრაცია არ ასრულებდა მათ გარკვეულ მოთხოვნებს. პროტესტის გამოხატვის მიზნით, მათ გამოიყენეს პატიმართა ზემოაღნიშნული კატეგორია. ამ პატიმრებმა სიტყვიერი შეურაცხყოფა მიაყენეს დაწესებულების თანამშრომლებს, არღვევდნენ სხვადასხვა ფორმით დაწესებულების რეჟიმს და არ ასრულებდნენ თანამშრომელთა კანონიერ მითითებებს. ამის პარალელურად „მაყურებლები“ მშვიდად ადევნებდნენ თვალყურს მიმდინარე პროცესს და თვითონ ამ პროცესში არანაირ მონაწილეობას არ იღებდნენ“.

ამ კატეგორიას „მაყურებლები“ და „კაი ბიჭები“ იყენებენ ე.წ. „შესტიორკებად“¹⁶⁰, „შნირებად“ (ტერმინი, პატიმრების კატეგორიისა, როცა ზედა ფენის ყველა მითითებას ასრულებენ.) მათეთორიულად აქვთ შესაძლებლობა დაკარგული სტატუსი აღიდგინონ, ისევ გახდნენ „კაი ბიჭები“, „პატიოსნები“. მაგალითად:

„კაი ბიჭებს, პატიოსნებს უფლება აქვთ რომელიმე ავტორიტეტულ მაყურებელთან ან კანონიერ ქურდთან დააყენონ საკითხი, რომ მათი დაქვეითება არასწორი იყო. მათ ეს უნდა დაასაბუთონ. სტატუსის აღდგენის შემთხვევაში, ის პირები, ვინც მათ სტატუსი არასწორად განუსაზღვრა ისჯებიან ანალოგიური წესით, სტატუსში დაქვეითებით. თუმცა ე.წ. „ქათმებს“ სტატუსის აღდგენის თეორიული შანსიც კი არ აქვთ“.

ტერმინი „კობლები“ და „აპუშენი“ დღევანდელ სინამდვილეში ხშირად აღარ გამოიყენება.

მუშა პატიმრები, „აბსლუგა“

ეს არის პატიმართა კატეგორია, რომლებიც მუშაობენ დაწესებულების სამეურნეო მომსახურებაში.. მაგალითად, საჭმლის დარიგება, დაწესებულების დასუფთავება და ა.შ. მათ ამისთვის ადმინისტრაციის მხრიდან გარკვეული პრივილეგიები ენიჭებათ. დღესდღეობით ისინი მცირე ხელფასსაც იღებენ.. მუშა პატიმარი, როგორც წესი, არის ნებისმემიერი კატეგორიის პირი, გარდა „მაყურებლების“, „კაი ბიჭებისა“. თუმცა ასევე არის სამუშაოს ფორმა, მაგალითად ტუალეტის დალაგება, რომელსაც, როგორც წესი, მხოლოდ იერარქიაში ქვედა საფეხურზე მყოფი პატიმრები ე.წ. „ქათმები“ ასრულებენ.

„პიდარასტები“, „ქათმები“

ეს არის ციხის იერარქიაში ყველაზე დაბალი და უუფლებო ფენა. დღესდღეობით ამ კატეგორიის ძირითადად მოიხსენიებენ „ქათმებად“. ამ კატეგორიაში შეიძლება მოხვდეს:

1. თუ პირი არის ჰომოსექსუალი;
2. თუ პირის მიმართ განხორციელდა სექსუალური ძალადობის იძულებითი ან სიმბოლური აქტი. ეს მეთოდი ხშირად გამოიყენება პატიმართა ე.წ. „გასაფუჭებლად“. მიუხედავად იმისა, რომ ეს პირის ნების საწინააღმდეგოდ ხდება და შეიძლება მოძალადეც დაისაჯოს, თუნდაც იმავე კატეგორიაში გადაყვანით, ასეთი აქტის შემდეგ პირი ასეთი სტატუსის მატარებელი ხდება ავტომატურად;
3. გაუპატიურებისთვის მსჯავრდებული პატიმრები. საინტერესოა რომ ამ მიმართულებით შიდა წესები ხშირად იცვლება. დღესდღეობით ფაქტობრივად სრულწლოვანი ქალის გაუპატიურება აღარ იწვევს ამ კატეგორიაში გადაყვანას. თუმცა არასრულწლოვანი გოგოს ან ბიჭის გაუპატიურება ისჯება ე.წ. „ქათმების“ კატეგორიაში გადაყვანით.

ხშირი არის შემთხვევები, როცა „ქათმების“ კატეგორიაში ხვდებიან სრულიად გაუგებარი და უაზრო მიზეზებით. მაგალითად: „შხაპის მიღების დროს შემთხვევით ხელი მოუხვდა სხვის პატიმრის სასქესო ორგანოზე“, „ან შეხედა სასქესო ორგანოს“ და ა.შ.

პრაქტიკაში იყო შემთხვევა, როცა „მაყურებლები“ ცდილობდნენ დაკავშირებოდნენ კრიმინალურ ავტორიტეტებს, „კანონიერ ქურდებს“ და მიეღოთ უფრო კომპეტენტური პასუხი ისეთ საკითხზე, რომელიც სასაცილო და აბსურდულად შეიძლება მოგვეჩვენოს, თუმცა საინტერესო დასკვნის საშუალებას მოგვცემს:

ერთ-ერთ პენიტენციურ დაწესებულებაში იყო პატარა აუზი რომელიც ორი ნაწილისგან შედგებოდა (პატარა შადრევანთან ერთად არსებობდა და არ იყო თავდაპირველად საბანაოდ განსაზღვრული). ერთ ნაწილში ბანაობდნენ „კაი ბიჭები“ და „პატიოსნები“, მოგადად ზედა ფენა, ხოლო მეორე ნაწილში ე.წ. „ქათმები“. ამ ბანაობის დროს ხანდახან აუზის ერთი ნაწილიდან მეორეში წვეთები ისხმებოდა. საკითხი, რომლის გარკვევასაც „მაყურებლები“ ცდილობდნენ (თვითონ არ ჰქონდათ ამ კითხვაზე პასუხი) იყო შემდეგი: - იმ შემთხვევაში, თუ აუზის იმ ნაწილიდან, სადაც „ქათმები“ ბანაობენ

¹⁶⁰ მ.შალიკაშვილი, კრიმინოლოგია, მეორე გამოცემა, თბილისი, 2011, გვ. 97.

გადმოისხმება წვეთები აუზის მეორე ნაწილში, ეს ხომ არ შეიძლებოდა გამხდარიყო „კაი ბიჭების“ ე.წ. „გაქათმების“ მიზეზი“.

ე.წ. „ქათმებს“, როგორც წესი იყენებენ ე.წ. „შნირებად“, ალაგებინებენ საკნებს, არეცხინებენ ჭურჭელს. ისინი აუცილებლად ცალკე საკანში ცხოვრობენ, რომელსაც „საქათმეს“ უწოდებენ. სხვა კატეგორიის პატიმრებს, როგორც წესი, ამ საკანში შესვლა ეკრძალებათ. თუმცა ზოგიერთ დაწესებულებაში ფიქსირდება ფაქტები, რომ ამ საკანში მცირე ხნით შესვლა აღარ წარმოადგენს „ქურდული კანონის“ დარღვევას, მაშინ როცა ადრე ასეთ საკანში ფეხის დადგმაც კი ავტომატურ „გაქათმებას“ იწვევდა. მაგალითად:

„არასრულწლოვანთა დაწესებულებაში ქათმების საკანში ჩვეულებრივ შედიან სხვა კატეგორიის პატიმრები. ერთადერთი პირობა ამ საკანში შესვლის არის, ის რომ დიდხანს ამ საკანში არ უნდა გაჩერდნენ და საკნის კარები არ უნდა ჩაკეტონ“.

სხვა კატეგორიის პატიმრებს ეკრძალებათ „ქათმებთან“ ახლო კონტაქტი - ხელის ჩამორთმევა, მათთან ერთად ჭამა და თამაში. მაგალითად:

„პენიტენციურ დაწესებულებებში არსებულ სასაბუღალტრო სადილის დროს, უმეტეს შემთხვევაში „ქათმები“ არ იმყოფებიან. ისინი, როგორც წესი, სადილობენ ამავე სასაბუღალტრო სხვა პერიოდში ან უშუალოდ საკნებში. არის დაწესებულებები, სადაც ქათმების ადგილი ცალკე არის გამოყოფილი სასაბუღალტრო, კუთხეში და იქ სადილობენ. თუმცა ეს არის იშვიათი გამონაკლისი“.

სამწუხაროდ დაწესებულებების პერსონალი ხშირ შემთხვევაში თვითონ უწყობს ხელს ე.წ. „ქათმების“ დისკრიმინაციას. მაგალითად:

„უმეტეს შემთხვევაში, სხვა პატიმრების მსგავსად, დაწესებულების პერსონალი თვითონაც არ ართმევს ხელს ე.წ. „ქათმებს“ და მათთან ახლო კონტაქტს ერიდება“.

„ქათმებს“ „მაყურებლები“ ასევე ხშირად იყენებენ აკრძალული ნივთების დასამზადებლად. მაგალითად:

„2012 წელს ერთ-ერთ პენიტენციურ დაწესებულებაში მოხდა პატიმრების ამბოხი, ე.წ. „ბუნტი“. „ბუნტის“ აღკვეთის შემდეგ დაწესებულების ადმინისტრაციამ ჩხრეკის შედეგად ამოიღო დიდი ოდენობით კუსტარულად დამზადებული ბასრი და მჭხვლეტავი ნივთები, ე.წ. „შტირები“, რომლებიც როგორც შემდგომ აღმოჩნდა დამზადებული იყო ძირითადად „ქათმების“ მიერ, „მაყურებლის“ მითითებით“.

წარსულში ასევე არსებობდა პატიმართა კატეგორია, რომლებსაც „მეხამრიდები“ ეწოდებოდათ. ისინი „კანონიერ ქურდებს“, ავტორიტეტებს იურიდიული კუთხით იცავდნენ, დანაშაულის თავის თავზე აღებთ. ესეთი ტერმინი ჩვენ ფაქტობრივად აღარ გვხვდება, თუმცა ფიქსირდება სხვადასხვა კატეგორიის პატიმრების მიერ დანაშაულის თავის თავზე აღების ფაქტები.

არსებობს ასევე უქონელი პატიმრების მიმართ ზრუნვის შემთხვევები, მათ აძლევენ ტანსაცმელს, ჰიგიენურ საშუალებებს და ა.შ. ასეთი კატეგორიის პატიმრებს „ბედალაგებს“ ეძახიან. თუმცა ესეთი შემთხვევები არ არის ხშირი.

საერთო ჯამში პენიტენციურ სისტემაში დღესდღეობით მოქმედი იერარქია და ამ იერარქიაში არსებული ტერმინები შეიძლება შემდეგნაირად ჩამოვყალიბოთ:

1. კანონიერი ქურდები;
2. მაყურებლები;
3. კაი ბიჭები;
4. პატიოსნები;
5. მუშა პატიმრები;
6. ბოზები, ნაბოზრები;
7. ქათმები.

საერთო კრება, „სხოლდა“

ქურდულ სამყაროში ერთგვარ მათარგანიშნულ და ხელმძღვანელ რგოლად ითვლება ქურდების შეკრება („სხოლდა“)¹⁶¹. უნდა აღინიშნოს, რომ გადანაცვლებების მიღება ერთგვარად დემოკრატიულ

¹⁶¹ გ. ლოლუაშვიდი, გ. ლლონტი, კანონიერი ქურდები საქართველოში, თბილისი, 2004წ. გვ. 130-136.

პრინციპებზე არის აგებული და ხორციელდება საერთო მსჯელობის და დისკუსიის შედეგად. ამ შეკრებების მოწვევა შესაძლებელია, ნებისმიერი „კანონიერი ქურდის“ მოთხოვნით გაიმართოს. „სხოდკაზე“, როგორც წესი, განიხილება სხვადასხვა მნიშვნელოვანი საკითხები - ე.წ. „ქურდული პოლიტიკის“ შემუშავება, „ქურდულ კანონებში“ ცვლილებები, „კანონიერ ქურდად“ ვინმეს კურთხევა, გავლენის სფეროების გადანაწილება, სადამსჯელო აქციების შესახებ გადანწყვეტილების მიღება, ვალების გადაუხდელობის შესახებ არსებული საკითხები (საწარმოებიდან, ბიზნეს სექტორიდან) და ა.შ. ეს არის ქურდულ სამყაროში ერთგვარად უმაღლესი ორგანო.

„საერთო კრების“ ჩატარების დრო და რეგულარულობა არის ყოველთვის მკაცრად კონფიდენციალური, თუმცა არსებობს უამრავი შემთხვევა, როდესაც მსგავსი ტიპის შეკრებები მონაწილეთა დაპატიმრებებით მთავრდება. მაგალითად:

„1995 წელს სოჭში შს-ს თანამშრომლებმა ჩაშალეს საერთაშორისო შეკრება, რომელიც ქალაქის სასაფლაოზე ტარდებოდა. ოპერაციის შედეგად დააკავეს დაახლოებით 500 ავტორიტეტი და „ბოვეიკი“, აქედან დაახლოებით 60 „კანონიერი ქურდი“ იყო. ამ შეკრებაში მონაწილეობდნენ ქურდები აშშ-დან, საბერძნეთიდან და სხვა ქვეყნებიდან. დაკავებულითა შორის აღმოჩნდა ასევე, კრასნოდარის მხარის პროკურორის თანაშემწე, თავისუფლების აღკვეთის ადგილებში ზედამხედველობის დარგში“.

„80-90-იან წლებში, როცა ქურდულ სამყაროს მოქმედებისთვის ყველაზე ხელსაყრელი პერიოდი იყო, არსებული მონაცემებით¹⁶², სხვადასხვა პერიოდში ჩატარდა დიდი რაოდენობის შეხვედრები, კერძოდ, 1989-92 წლებში - 26 შეკრება, 1993 წელს - დაახლოებით - 100, 1994 წელს - არანაკლებ 413“.

პენიტენციურ სისტემაში „სხოდკის“ ჩატარება უფრო ბევრ სირთულეებთან არის დაკავშირებული. ამას ძირითადად განაპირობებს კონკრეტულ დაწესებულებაში არსებული რეჟიმი და ზედამხედველობის სისტემა. საქართველოში 2003 წლის შემდეგ სახელმწიფოს მიერ გატარებული პოლიტიკის შედეგად, პენიტენციურ სისტემაში „კანონიერი ქურდების“ მიერ „სხოდკის“ ჩატარების ფაქტები ფაქტობრივად აღარ დაფიქსირებულა. თუმცა გამოჩნდა წარმოდგენის დაწესებულება, სადაც დღესდღეობით „კანონიერი ქურდები“ არიან კომპაქტურად განთავსებულნი (თბილისის N7 დაწესებულება). შესაძლებელია მსგავსი ტიპის შეკრებები ტარდებოდეს, თუმცა აქ მიღებულ გადანწყვეტილებებს ვერ ექნებათ ისეთი ძალა, როგორც საერთაშორისო შეკრებების დროს მიღებულ გადანწყვეტილებებს. ასეთი სახის შეკრებებზე ძირითადად გადანწყვეტილება მიიღება პენიტენციურ სისტემის შიგნით მოქმედებასთან დაკავშირებულ საკითხებზე.

როგორც წესი, ყველა „სხოდკის“ მერე იწერება მიმართვა („ქსივა“, „მალიავა“¹⁶³), რომელშიც იწერება მიღებული გადანწყვეტილებების შინაარსი და რეკომენდაციები პატიმრების სხვადასხვა კატეგორიის მიმართ. „ქსივის“ გავრცელებას დაწესებულებებში სხვადასხვა მეთოდებით ცდილობენ. შესაძლებელია ასევე „ქსივის“, „მალიავას“ შემგებობით ან ზეპირი მითითებით ე.წ. „პრაგონის“¹⁶⁴ გაშვება. მაგალითად:

„2013 წელს პენიტენციური სისტემის მაყურებლების მიერ, „კანონიერ ქურდებთან“ შეთანხმების საფუძველზე, დაწესებულებებში გაშვებულ იქნა პრაგონი. ამ პრაგონის მიხედვით ნებისმიერი „კაი ბიჭი“, „ბლატნოე“ ვალდებული იყო მოეკლა ვინმე პატიმარი X. ამ პრაგონის მიმეში, მათი განმარტებით იყო პატიმარ X-ს მიერ წლების განმავლობაში არაქურდული საქციელი და „კაი ბიჭების“ და „ბლატნოების“ უპატივცემულობა“.

როგორც უკვე აღვნიშნეთ, დღესდღეობით „კანონიერი ქურდები“ ძირითადად აღარ არიან პენიტენციურ დაწესებულებებში და მათ ფუნქციებს, გარკვეულწილად ადგილებზე „მაყურებლები“ ითავსებენ. ამიტომ დღესდღეობით ჩვენ გვხვდება შემთხვევები, როცა პატარა „სხოდკები“ ტარდება დაწესებულებებში „მაყურებლის“ ორგანიზებით. ამ „სხოდკებზე“ მიიღება გადანწყვეტილებები უშუალოდ დაწესებულებაში გასატარებელი „პოლიტიკის“ შესახებ. კერძოდ - ურთიერთობა ადმინისტრაციის წარმომადგენლებთან, მათთან კორუფციულ გარიგებებში შესვლა; ადმინისტრაციაზე ზემოქმედების ღონისძიებები, რომ გარკვეულ დათმობებზე წაიყვანონ; ე.წ. „ობშიაკის“ სხვადასხვა ფორმით ამოღების საკითხები (მოგვიანებით შევხებით ამ საკითხს); პატიმრების მიმართ სხვადასხვა სანქციების გამოყენების და მათი სტატუსის შეცვლასთან დაკავშირებული საკითხები და ა.შ. შეგვიძლია მოვიყვანოთ ადმინისტრაციაზე ზეწოლის მაგალითი უახლესი პერიოდიდან:

„2014 წლის დასაწყისში ცვლილება მოხდა ერთ-ერთი პენიტენციური დაწესებულების ადმინისტრაციაში. ახალი ადმინისტრაცია შეეცადა გაეუქმებინა პატიმრებისთვის ყველა ის უკანონო შეღავათი, რის უფლებასაც წინა ადმინისტრაცია აძლევდა (აკრძალულ ნივთებზე და პროდუქტებზე

¹⁶² იქვე, გვ. 131.

¹⁶³ ქსივა, მალიავა - ქალაქში ან რაიმე ნივთზე დაწერილი ინფორმაცია.

¹⁶⁴ პრაგონი - ინფორმაციის გავრცელება პატიმართა ძირითად მასაში, სადაც შესაძლებელია იყოს მითითება გარკვეული სახის მოქმედების მოწოდებისკენ.

ხელმისაწვდომობა, გარკვეული შედეგები ავტორიტეტების მიმართ და ა.შ.). დაწესებულებაში განთავსებულმა ავტორიტეტებმა გადაწყვიტეს ახალი ადმინისტრაციის ჩამოშორება და გარკვეული გეგმა შეიმუშავეს ადმინისტრაციის მიმართ - დაიგეგმა და განხორციელდა გარკვეული პროვოკაციები, ადმინისტრაციის წარმომადგენლების წინააღმდეგ და შემდგომში მათ ფიზიკურ და ფსიქოლოგიურ ძალადობაში დასდეს ბრალი; 1000-მდე პატიმარმა (უდაოდ მაყურებლების მითითებით და „სხოდკაზე“ მიღებული გადაწყვეტილებით) დაიწყო შიმშილობა ადმინისტრაციის შეცვლის მოთხოვნით, მათი მხრიდან არასათანადო მოპყრობის მიზეზით; პატიმრების ნაწილი დაუკავშირდა საზოგადოებაში სხვადასხვა უფლებადამცველებს და მათ დაწესებულებაში არსებული ვითარების მათ მიერ შეთხზული ვერსია შესთავაზეს“.

მხოლოდ ეს ფაქტი გვაძლევს დასკვნის საფუძველს, თუ რა დონის ორგანიზებულობის უნარი გააჩნია დღეს არსებული კრიმინალური სუბკულტურის გამო, პატიმრების გარკვეულ ჯგუფს პენიტენციურ დაწესებულებებში, როგორ ცდილობენ ისინი გავლენა მოახდინონ საზოგადოებრივ აზრზე და რა მეთოდების გამოყენება შეუძლიათ. ადმინისტრაციაზე ზეწოლის მეთოდებს შორის ასევე გვხვდება ჯგუფური „თვითდაზიანებები“ პატიმრების მხრიდან.

პატიმართა უმრავლესობა ვალდებულია „მაყურებლების“ მიერ მიღებული გადაწყვეტილებები აღასრულოს. მათ უმეტეს შემთხვევაში არ აქვთ არჩევანი და იძულებულნი არიან, მსგავსი ნაბიჯები გადადგან. ამის მიზეზი არის ის, რომ ადმინისტრაცია ვერ უზრუნველყოფს პატიმრების უმეტესობის უსაფრთხოების დაცვას, თუ ისინი კრიმინალური ავტორიტეტების ნების საწინააღმდეგოდ წავლენ. პატიმრებს სამუხაროდ არ აქვთ დაცულობის განცდა.

როგორც წესი, პენიტენციურ დაწესებულებებში, „სხოდკებს“ ესწრებიან მხოლოდ „კაი ბიჭები“, „ბლატნოები“, ხოლო ხშირ შემთხვევაში, მხოლოდ მთავარ და სხვადასხვა სექტორებში განაწილებული „მაყურებლები“. ამ „სხოდკებზე“ ვერ მიიღება გადაწყვეტილებები საერთო „ქურდულ კანონებში“ ცვლილებებთან დაკავშირებით, მათ არ აქვთ ამის უფლებამოსილება, მხოლოდ ადგილობრივი ხასიათის გადაწყვეტილებები.

საინტერესოა დეტალურად შევხვით „სხოდკის“ ჩატარების დღეს არსებულ პროცედურებს პენიტენციურ სისტემაში - „სხოდკის დაწყებამდე მაყურებელი თვითონ ან მისი თანამეშვერბის მეშვეობით დაიძახებს - სხოდკაა!!!. ყველა პირი ვინც იცის, რომ უნდა მიიღოს მონაწილეობა დაუყოვნებლივ მიემართება იმ საკნისკენ ან კონკრეტული ადგილისკენ დაწესებულებაში, რომელიც, როგორც წესი, წინასწარ არის განსაზღვრული სხოდკის ჩატარებლად. სხოდკის ჩატარების უსაფრთხოებაზე შემუშავებულია დაცვის სხვადასხვა დონიანი სისტემა. მაგალითად, თუ სხოდკა ტარდება საცხოვრებელი კორპუსის მეორე სართულზე ერთ-ერთ საკანში, დაცვა იქნება დაყენებული საცხოვრებელი კორპუსის შესასვლელში, მეორე სართულის შესასვლელში და საკნის შესასვლელთან, სადაც სხოდკა იმართება. დამცველები ვალდებული არიან დაწესებულების ადმინისტრაციის გადაადგილება სხოდკის ჩატარების ადგილის მიმართულებით დაუყოვნებლივ გააგებინონ მაყურებელს. უფრო მეტიც, განსაკუთრებით ის პატიმრები, ვინც კონკრეტულად საკანს იცავენ, სადაც „სხოდკა“ ტარდება, ვალდებული არიან არ შეუშვან საკანში დაწესებულების პერსონალი, სანამ ამის თაობაზე არ გააფრთხილებს მაყურებელს. საჭიროების შემთხვევაში ისინი გაუწევენ ფიზიკურ წინააღმდეგობასაც. დამცველებად შეიძლება გამოიყენონ ნებისმიერი კატეგორიის პატიმრები, ქათმების გარდა“.

ქურდული საერთო, „ობშიაკი“

„ქურდული კანონების“ ჩამოყალიბების საწყის ეტაპზე საერთო სალაროს დაწესება კეთილშობილურ მიზანს ისახავდა - დახმარების განევა სხვა პატიმრებისთვის და მათი ოჯახებისთვის. თუმცა როგორც ყველა სხვა წესში ამ ნაწილშიც განხორციელდა ცვლილებები.

როგორც უკვე აღვნიშნეთ კრიმინალური სუბკულტურის ფორმირების საწყის ეტაპზე საერთო სალაროში თანხა შექონდათ მხოლოდ „კანონიერ ქურდებს“. პირველად ცვლილება განხორციელდა 40-50-იან წლებში, როცა „ობშიაკი“ ველარ აკმაყოფილებდა „კანონიერი ქურდების“ მოთხოვნებს და დაიწყეს სხვა პატიმრებისგან თანხების ამოღება¹⁶⁵. ეს შემდგომში ჩვეულებრივ ნორმად იქცა და დღესაც მოქმედებს.

ჩრდილოვანი ეკონომიკის ჩამოყალიბების შემდეგ, „კანონიერი ქურდები“ შედიან გარიგებაში ბიზნეს სექტორის წარმომადგენლებთან და მათგან იღებენ საერთო შემოსავლის 10 %-ს¹⁶⁶, რომელიც ქურდული „ობშიაკის“ შევსების ერთ-ერთი წყარო ხდება. შემდეგ ეტაპზე „კანონიერი ქურდები“ იყენებენ რეკეტს, ძალადობას და სხვა სახის მეთოდებს თანხის ამოსაღებად, „ობშიაკის“ შესავსებად.

სხვადასხვა წყაროებში არის მონაცემები, რომ არსებობს ერთიანი დიდი სალარო, რომელიც ასეულობით მილიონობით განისაზღვრება. მისი დანიშნულებაა¹⁶⁷:

¹⁶⁵ გ. ლობჯინიძე, გ. ლლონტი, კანონიერი ქურდები საქართველოში, თბილისი, 2004წ. გვ. 48.

¹⁶⁶ იქვე, გვ. 67.

¹⁶⁷ იქვე, გვ. 139.

- ქურდების, ავტორიტეტების, მათი ოჯახების დახმარება;
- სხვა პატიმრების, მათი ოჯახების დახმარება;
- დანაშაულებრივი ბიზნესის შემდგომი გაფართოება;
- სამართალდამცავი ორგანოების და სახელმწიფო ჩინოვნიკების მოსყიდვა;
- დანაშაულებრივი ბიზნესის ლეგალიზაცია;
- პროპაგანდისტურ-ფსიქოლოგიური ფუნქციების შესრულება;
- პენიტენციური დაწესებულებების ადმინისტრაციებისთვის წინააღმდეგობის გაწევა.

„ობშიაკი“ თავდაპირველად იყო ორი სახის, საბანაკო და თავისუფალი¹⁶⁸.

თავისუფალი „ობშიაკი“ არის იმ სახით, რა სახითაც საბოლოოდ ჩამოყალიბდა და შემოთ უკვე გვქონდა საუბარი.

კონკრეტულად საბანაკო ანუ ზონის ობშიაკი ემსახურებოდა შემდეგ მიზანს: ადმინისტრაციის მოსყიდვა; კარცერის და იზოლატორის მხარდაჭერა; სიკვდილმისჯილების, შემდგომში უვადო, თავისუფლებადკვეთილი პატიმრების მხარდაჭერა; სპირტიანი სასმელები და ნარკოტიკების შეძენა; თანხის დიდი ნაწილი ხმარდებოდა ასევე კრიმინალური ავტორიტეტების პირად ხარჯებს.

არსებობდა ადგილობრივი სალარო, ე.წ. „შნიფტი“, სადაც გროვდებოდა სიგარეტი, ჩაი, პროდუქტი, ჰიგიენური საშუალებები და ა.შ.

საერთო სალარო ე.წ. „ქურდული გაგებით“ წმინდა ადგილად ითვლება, რომელსაც ღირსეული ადამიანები იცავდნენ. მათ „მესაჭეებს“ უწოდებდნენ. ამჟამად ამ ფუნქციას „მაყურებლები“ ასრულებენ. „მესაჭეები“ საერთო სალაროში შემდეგნაირად იყვნენ განაწილებულნი¹⁶⁹:

1. საერთო სალაროს თავი;
2. პასუხიმგებელი საყოფაცხოვრებო პირობებზე, საცხოვრებელ ზონებზე;
3. პასუხიმგებელი საწარმოო ზონაზე;
4. პასუხიმგებელი იზოლატორზე, კარცერზე;
5. პასუხიმგებელი სამედიცინო ნაწილზე.

ე.წ. „მესაჭეების“ ფუნქცია იყო არამარტო „ობშიაკისთვის“ თანხების შეგროვება, არამედ წესრიგის უზრუნველყოფა იმ სექტორებზე, სადაც იყვნენ განაწილებულნი.

ეს სტრუქტურა ფაქტობრივად დღესაც არსებობს ცოტა შეცვლილი სახით. ამ ფუნქციას ასრულებს მთავარი „მაყურებელი“ და სხვადასხვა სექტორზე განაწილებული „მაყურებლები“. მათ დღესდღეობით უფრო კონტროლის და წესრიგის უზრუნველყოფის ფუნქცია აქვთ, ვიდრე კონკრეტულად „ობშიაკის“ შეგროვების.

საერთო სალაროში გროვდებოდა თანხები, ბანქოში მოგებული თანხებიდან. ფაქტობრივად 2005 წლამდე საქართველოს პენიტენციურ დაწესებულებებში არსებობდა ბანქოს თამაშის, ე.წ. იძულებითი „კრუგები“. მაგალითად:

„სხვადასხვა საკნებში განთავსებული პატიმრების უმეტესობა, ვალდებული იყვნენ, გარკვეული პერიოდულობით (მაგ. იყო თვეში ერთხელ) ეთამაშათ ბანქო, სადაც იყო განსაზღვრული სავალდებულო მინიმალური შენატანი. წაგებული თანხა მთლიანად მიდილობდა „ობშიაკში“.

2000-იანი წლების მერე განხორციელებულისაკანონმდებლო ცვლილებების შედეგად, დაწესებულებაში ბანქოს ქონა ისჯება სისხლისსამართლებრივი წესით. ამ ცვლილებებმა შემდგომში ფაქტობრივად აღკვეთა დაწესებულებებში ბანქოს თამაშის ე.წ. იძულებითი „კრუგები“. თუმცა კონტროლის სისტემის მოდუნების შემთხვევაში, მსგავსი ფაქტები შესაძლებელია კიდევ დაფიქსირდეს.

ბოლო პერიოდამდე დაწესებულებებში გროვდებოდა ორი სახის „ობშიაკი“. ქურდული „ობშიაკი“ და ადმინისტრაციის „ობშიაკი“. ადმინისტრაციის „ობშიაკი“ ხმარდებოდა ადმინისტრაციის მოსყიდვას და შეიძლება ითქვას ამ თანხის ამოღება ადმინისტრაციის ხელშეწყობითაც ხდებოდა.

როგორც აღვნიშნეთ საკნების მიხედვით „ობშიაკის“ შეგროვებას ახორციელებენ საკნის და კორპუსის „მაყურებლები“. „მაყურებლებს“ როგორც წესი, აქვთ ე.წ. „ტყავი“, სადაც აღირიცხება მონაცემები, თითოეული პატიმრის მიერ შენატანის ოდენობის და პიროვნების მითითებით. „ტყავის“ დაცვა არის

¹⁶⁸ , გ. ლობჯანიძე, გ. ლლონტი, კანონიერი ქურდები საქართველოში, თბილისი, 2004წ. გვ. 136-140.

¹⁶⁹ გ. ლობჯანიძე, გ. ლლონტი, კანონიერი ქურდები საქართველოში, თბილისი, 2004წ. , გვ. 139.

„მაყურებლის“ ერთ-ერთი მთავარი მოვალეობა. მისი დაკარგვის შემთხვევაში ან თუ „ტყავი“ ჩაუვარდება დაწესებულების ადმინისტრაციას, „მაყურებელი“ მკაცრად ისჯება. იგი ავტომატურად ქვეითდება იერარქიაში და გადადის ქვედა ფენაში (ძირითადად „ბოზებში“, „ნაბოზვრებში“). მის მიმართ შეიძლება გამოყენებულ იქნას სანქცია - „ხელების (ფეხების) დამტვრევა“ და უკიდურეს შემთხვევაში „სიკვდილიც“ კი. ფაქტობრივად „მაყურებელი“ ვალდებული არის დაიცვას „ტყავი“ სიცოცხლის ფასადაც კი.

„ვარდების რევოლუციის“ შემდეგ სახელმწიფოს მიერ გადადგმული ნაბიჯების გამო, მინიმუმამდე დავიდა დაწესებულებებში ფულადი სახით „ობშიაკის“ აკრეფის შემთხვევები. ამას ასევე შეუწყო ხელი იმ ფაქტმა, რომ ფულის კუპიურების ქონა დაწესებულებაში სისხლისსამართლებრივი წესით ისჯება. პატიმრები დაწესებულებებში არსებულ მალაზიებში, პროდუქტების შეძენას უნაღდო ანგარიშსწორებით ახორციელებენ.

მიუხედავად განხორციელებული ცვლილებებისა, ფიქსირდება „ობშიაკის“ სხვადასხვა ფორმით შეგროვების ფაქტები. ფულის მიმოქცევის არქონის გამო, დაწესებულებებში დღესდღეობით ვალუტად იყენებენ, მაგალითად, ტელეფონის სასაუბრო ბარათებს, სიგარეტს, ჩაის, კვების პროდუქტებს, ჰიგიენურ საშუალებებს და ა.შ.

დღესდღეობით დაწესებულებების უმავლესობაში არის პრაქტიკა, რომ (განსაკუთრებით ნახევრად ღია ტიპის დაწესებულებებში), მაყურებლების მიერ გროვდება სიგარეტი, ჩაი, ჰიგიენური საშუალებები და სხვა სახის პროდუქტები. ზოგადად ტაქტიკური თვალსაზრისით ამას თვითონაც აღარ უწოდებენ ხშირ შემთხვევაში „ობშიაკს“, თუმცა თავისი შინაარსით ფაქტობრივად არაფრით არ განსხვავდება „ობშიაკის“ პირგანდელი ფორმისაგან. მაგალითად:

„ძირითადად ნახევრად ღია ტიპის დაწესებულებებში „მაყურებლებს“ შემუშავებული აქვთ სხვადასხვა სახის პროდუქტების შეგროვების სისტემა. მაგალითად, კვირაში ერთხელ თითოეული საკანი ვალდებულია საერთოში (იგივე ობშიაკი) შეიტანოს 5 ბლოკი სიგარეტი, 10 კოლოფი ჩაი, 20 ცალი 5 ლარიანი სატელეფონო სასაუბრო ბარათები და ა.შ. ეს ნივთები, როგორც წესი, თავს იყრის მაყურებლის საკანში. ხდება საკნების და პიროვნებების მიხედვით შენატანების აღრიცხვა („ტყავი“). საკნებიდან ამ ნივთების ამოღებაზე პასუხისმგებლები არიან საკნის მაყურებლები, რომლებიც მთავარი მაყურებლის მიერ არიან დანიშნული“.

ჟარგონი

ჟარგონი შეიძლება მივიჩნიოთ როგორც კანონმომიერი მოვლენა, რომელიც ასახავს კრიმინალური სუბკულტურის სპეციფიკას. ჟარგონის შექმნის ძირითადი მიზეზი, შეტყობინების დამიფხრა იყო. მის ერთ-ერთ ფუნქციას წარმოადგენდა, ასევე სამართალდამცავი ორგანოების მიერ მიგზავნილი პირების გამოვლენა¹⁷⁰.

ქურდულ ჟარგონებში უამრავი ცვლილება განხორციელდა და საკმაოდ ბევრი სიტყვა პირდაპირ შევიდა საზოგადოების მიმოქცევაში და ხშირ შემთხვევაში აღარ აღიქმება როგორც ქურდული ჟარგონი. მაგალითად:

„მენტი“, „ძალი“ (სამართალდამცავი ორგანოს თანამშრომელი), „ბოზი“ (დამბეზღებული, ჩამშვები) და ა.შ.

ქურდულ ჟარგონებთან ბრძოლა, როგორც გამოცდილება აჩვენებს საკმაოდ ძნელია. ჟარგონები ხშირად იცვლება და ყალიბდება ახალი ტერმინები. საკმაოდ ხშირია შემთხვევები, როცა თვითონ, დაწესებულების ადმინისტრაციის წარმომადგენლები საუბრობენ აღნიშნული ჟარგონებით. მაგალითად:

„დღესდღეობით დაწესებულებაში შემოწმების ჩატარებისას თვითონ ადმინისტრაციის წარმომადგენლები ხშირად იყენებენ ტერმინს - „პრავერკა“, ჩხრეკისას - „შმონი“ და ა.შ.“.

იგივე ჟარგონებს იყენებენ პატიმრებიც. აუცილებელია ამ კუთხით პენიტენციური სისტემის თანამშრომელთა მაღალი სამეტყველო კულტურის ჩამოყალიბება.

ტატუირება, „ნაკოლკა“

ტატუირება, „ნაკოლკის“ გაკეთება სხეულზე კრიმინალური სუბკულტურის ერთ-ერთი დამახასიათებელი ნიშანია. არსებობდა მრავალი სახის და ფორმის „ნაკოლკა“, რომლებიც სხვადასხვა პერიოდში იცვლებოდა და დღესაც იცვლება¹⁷¹. ტატუირებები სხვადასხვა სახის შინაარსის მატარებელი იყო: საინფორმაციო-იერარქიული, პიროვნების განწყობის გამოხატველი, სასიგნალო, სამახსოვრო და ა.შ.¹⁷².

¹⁷⁰ გ.ლომჯანიძე, გ.ლომონტი, კანონიერი ქურდები საქართველოში, თბილისი, 2004წ. გვ. 154-156.

¹⁷¹ Ю. А. Вакутин, Словарь жаргонных слов и выражений. Татуировки, Омск, 1979.

¹⁷² გ.ლომჯანიძე, გ.ლომონტი, კანონიერი ქურდები საქართველოში, თბილისი, 2004წ. გვ. 156-158.

დღესდღეობით ყველაზე გავრცელებულია ტატუირების ისეთი ფორმა როგორიც არის „ქურდული ვარსკვლავი“, ძირითადად რვა ქიმიანი. ასეთი ვარსკვლავები კეთდება ხშირ შემთხვევაში მხარზე და მუხლებზე. „ქურდულ ვარსკვლავებს“ იკეთებენ „კანონიერი ქურდები“, ასევე „კაი ბიჭები“, „ბლატნოები“, რომლებიც მომავალში „კანონიერ ქურდობას“ აპირებენ.

პენიტენციური დაწესებულების ადმინისტრაციის დამოკიდებულება კრიმინალური სუბკულტურის მიმართ

პენიტენციური დაწესებულების ადმინისტრაციის დამოკიდებულება კრიმინალური სუბკულტურის მიმართ ცალკე განხილვის საკითხია. კრიმინალური სუბკულტურის ჩამოყალიბების პროცესში ხშირი იყო დაწესებულების ადმინისტრაციისა და კრიმინალური ავტორიტეტების თანამშრომლობის შემთხვევები. როგორც უკვე აღვნიშნეთ, ჯერ კიდევ 30-იანი წლებიდან პენიტენციური დაწესებულების ადმინისტრაციები აძლევდნენ ზოგიერთ კრიმინალურ ლიდერებს („ურკებს“) დაწესებულებაში თავისუფალი გადაადგილების უფლებას იმ მიზნით, რომ პატიმრებს შორის კონტროლი და წესრიგი დაემყარებინათ. შეიძლება ითქვას, იმ დროისთვის დაწესებულებებში პატიმართა დიდი რაოდენობის და „გულაგების“ სისტემის ჩამოყალიბების გამო, ადმინისტრაციის მხრიდან ეს იყო ერთგვარად იძულებითი ნაბიჯი, რომ დაწესებულებებში გარკვეული წესრიგი შეენარჩუნებინათ. პატიმართა დიდი რაოდენობა მოითხოვდა შიდა კონტროლის სისტემის არსებობას.

ადმინისტრაციის და კრიმინალური ავტორიტეტების ურთიერთობა შემდგომში გარკვეულწილად აისახა „ქურდულ კანონებზე“. „კანონიერი ქურდები“ აცნობიერებდნენ, რომ დაწესებულებაში თავიანთი გავლენის მოპოვების გამო, აუცილებელი იყო დაწესებულების ხელმძღვანელობასთან შემხვედრი ნაბიჯების გადადგმა. ამ გარიგების საფუძველზე „კანონიერი ქურდები“ (შემდგომში უკვე მაყურებლები) ხელს უწყობდნენ, პენიტენციურ დაწესებულებებში შემოწმების და ჩხრეკის ჩატარებას, წესრიგის შენარჩუნებას და ა.შ. თუმცა ამ ნაბიჯების საპასუხოდ გარკვეულ შეღავათებსაც ითხოვდნენ. პენიტენციურ დაწესებულებებში ჩამოყალიბებული იყო ორხელისუფლებიანობა კრიმინალური ავტორიტეტებისა და ადმინისტრაციის მხრიდან. მოგვიანებით ეს თანამშრომლობა გადაიზარდა ფინანსური სარგებლის მიღებაში, როგორც უკვე აღვნიშნეთ, დაწესებულებებში გროვდებოდა ორი სახის „ობიაკი“, ქურდული და ადმინისტრაციის. შეიძლება ითქვას, რომ ასეთი სახის თანამშრომლობის შედეგად, დაწესებულების ხელმძღვანელობა კომფორტულად გრძნობდა თავს - იგი ინარჩუნებდა წესრიგს დაწესებულებაში და მოგვიანებით ჰქონდა უკვე ფინანსური სარგებელი. სწორედ ამ ტიპის ურთიერთობების საფუძველზე ფაქტობრივად ჩამოყალიბდა ადმინისტრაციასა და პატიმრებს შორის ერთიანი სალაპარაკო ენა, ჟარგონები, რომლებიც „ქურდულ კანონებს“ ეფუძნება.

ზომოაღნიშნული გარემოებების გამო, შეიძლება ითქვას, რომ ნებისთი თუ უნებლიეთ, ადმინისტრაციები ფაქტობრივად დაწესებულების მმართველობაში კრიმინალური სუბკულტურის მიერ შემოთავაზებული თამაშის წესებით მოქმედებენ.

კრიმინალურ ელემენტებთან თანამშრომლობა დაწესებულებების გადატვირთვამ და ე.წ. „გულაგების“ სისტემის ჩამოყალიბებამ გამოიწვია. ორგანიზებული დანაშაულის წინააღმდეგ ბრძოლის კუთხით, პირველი შედეგები იყო 50-იანი წლების ბოლოს, როცა განახორციელეს პატიმართა გადანაწილება კატეგორიების მიხედვით და ჩამოყალიბდა სხვადასხვა რეჟიმის დაწესებულებები¹⁷³. შეიძლება ითქვას, რომ კრიმინალური სუბკულტურის ჩამოყალიბების და გაძლიერების ძირითადი მიზეზი იყო პატიმართა და დაწესებულების თანამშრომელთა რაოდენობის სრული დისბალანსი, რასაც ხელს უწყობდა დაწესებულების არასაკმარისი/ არაადეკვატური/შეუსაბამო ინფრასტრუქტურაც.

მიუხედავად ბოლო პერიოდში გადადგმული ნაბიჯებისა (პატიმართა რაოდენობის შემცირება, ინფრასტრუქტურის გაუმჯობესება), დღესდღეობით ჯერ კიდევ პრობლემად რჩება კოლონიის ტიპის დაწესებულებების არსებობა, სადაც 1000-დან 2000-მდე პატიმარი იხდის სასჯელს, ხოლო ამის საპირისპიროდ დაწესებულების თანამშრომელთა რაოდენობა 24 საათიან ცვლაში შეიძლება 50 კაცს არ აღემატებოდეს. აღნიშნული პრობლემების არსებობა ართულებს და ზოგ შემთხვევაში შეუძლებელს ხდის, კრიმინალური სუბკულტურის წინააღმდეგ ბრძოლას პენიტენციურ სისტემაში.

დასკვნის სახით შეიძლება ითქვას, რომ პენიტენციურ სისტემაში, არსებული კრიმინალური სუბკულტურა რთულ ფენომენს წარმოადგენს. ჩამოყალიბების შემდეგ, არსებობის სხვადასხვა ეტაპზე იგი ახდენდა ადაპტაციას არსებული სიტუაციის შესაბამისად, განიცდიდა ევოლუციას. ეს სუბკულტურა საკმაოდ დიდ გავლენას ახდენდა და დღესაც ახდენს ახალგაზრდა თაობის ღირებულებათა სისტემის ჩამოყალიბებაზე არა მხოლოდ დაწესებულების შიგნით, არამედ მის ფარგლებს გარეთაც. ამიტომ ამ სუბკულტურის გასააზრებლად, საჭიროა ერთიანად გავაანალიზოთ, როგორც მისი წარმოშობის მიზეზები და განვითარების ეტაპები, ასევე მისგან წარმოშობილი ის ფსევდო-ღირებულებები, რამაც როგორც პენიტენციურ სისტემაში, ასევე მთლიანად საზოგადოების ცნობიერებაში შეაღწია.

¹⁷³ საქართველოს უმაღლესი საბჭოს უწყებები. 1971. N12.

თავი: 7

კანონმდებლობის შესახებ

მეშვიდე თავი

პატიმრებს შორის ძალადობა

კრიმინალურ სუბკულტურასთან მჭიდროდ არის დაკავშირებული პატიმრებს შორის არსებული ძალადობის ფაქტები. პენიტენციური დაწესებულების სწორ მენეჯმენტსა და დაწესებულებაში უსაფრთხოების უზრუნველყოფაზე საუბრისას, ასევე მეტად მნიშვნელოვანია არა მხოლოდ პატიმრებსა და თანამშრომლებს შორის არსებული ურთიერთობების განხილვა, არამედ იმის შეფასებაც თუ რამდენად არის უზრუნველყოფილი დაწესებულებაში პატიმრების თანასწორობა, რამდენად ერთგვაროვანია მათ მიმართ მოპყრობა ადმინისტრაციის მხრიდან, შექმნილია თუ არა დაწესებულებაში გარემო, სადაც პატიმრები დაცულნი არიან, როგორც ადმინისტრაციის, ასევე სხვა პატიმართა მხრიდან ძალადობისგან.

პატიმრებს შორის ძალადობას გამომწვევი მიზეზები

ზოგიერთ ქვეყანაში, პენიტენციურ დაწესებულებებში თანამდებობის პირებს დაკარგული აქვთ კონტროლი დაწესებულებაზე და ისინი პატიმართა გავლენიან ჯგუფებს აძლევენ შესაძლებლობას დაამყარონ კონტროლის არალეგალური სისტემა, როგორც სხვა პატიმრებზე, აგრეთვე თანამშრომლებზე. ამის გამომწვევი ერთ-ერთი ფაქტორია კრიმინალური სუბკულტურა, რამაც უკვე გვქონდა საუბარი წინა თავში. აღნიშნული სიტუაცია იწვევს კარგად ორგანიზებული სისტემის გატეხვას, რასაც თავის მხრივ მივყავართ არეულობამდე და ძალადობრივ ქცევამდე პატიმრებისა და თანამშრომლების მხრიდან. ამ ფონზე რთული ხდება დაწესებულების ნორმალური ფუნქციონირება, რთულდება საგანმანათლებლო-სარეაბილიტაციო პროგრამების ორგანიზება, იზრდება პატიმართა გაქცევის შესაძლებლობა.¹⁷⁴

აღსანიშნავია ასევე, რომ მთელ რიგ დაწესებულებებში, პენიტენციური დაწესებულების ხელმძღვანელობა დაწესებულებაში კონტროლის დამყარებისა და წესრიგის უზრუნველყოფისთვის იყენებს პატიმრებთან ე.წ. ოპერატიულ მუშაობას, „აგენტურის“ მეშვეობით (რომელიც ძირითადად დამახასიათებელია პოლიციისთვისან/დაუსაფრთხოების სხვატიპის სამსახურებისთვის) უსაფრთხოების დარღვევის დაგეგმილ ფაქტებთან დაკავშირებით ინფორმაციის მოსაპოვებლად. ამ დროს, ხდება პატიმრების ნაწილისგან სხვა პატიმრების შესახებ ანონიმური ინფორმაციის მიღება. აღნიშნული სისტემა დიდი საფრთხის მატარებელია. იმ შემთხვევაში, თუ ინფორმანტის ვინაობა გამჟღავნდება, სხვა პატიმრების მხრიდან მის მიმართ აგრესიის გამოხატვა შესაძლოა განხორციელდეს განსაკუთრებით ძალადობრივი ფორმით. გარდა ამისა, პატიმრის ასეთი სახის სტატუსი შესაძლოა დაწესებულების ადმინისტრაციის მხრიდან გამოყენებულ იქნას მასზე ზეწოლისა და შანტაჟის მიზნით.

ასეთი სახის რისკების გამო ევროსაბჭოს მინისტრთა კომიტეტი რეკომენდაციით მიმართავს წევრ სახელმწიფოებს შეცვალონ მსგავსი ტიპის მიდგომები პენიტენციურ დაწესებულებებში კერძოდ, ციხის ევროპულ წესებში აღნიშნულია, რომ - „ციხეებს უნდა გააჩნდეთ დამოუკიდებელი პასუხისმგებლობა და გამოყოფილი იყვნენ საჯარისო, საპოლიციო და სხვა სისხლის სამართლის საგამოძიებო სამსახურებიდან“¹⁷⁵. თუმცა ეს რეკომენდაცია არ გამოირიცხავს, საჭიროების შემთხვევაში, პენიტენციური დაწესებულების თანამშრომლობას სისტემის გარეთ არსებულ შესაბამის სამსახურებთან (პოლიცია, უსაფრთხოების სამსახური, დაზვერვის სამსახური და ა.შ.).

ბევრ ქვეყანაში (მათ შორის საქართველოში), პენიტენციური დაწესებულებების მართვის ისტორიული გამოცდილებისა და ამის ფონზე ჩამოყალიბებული ინსტიტუციური კულტურის გამო, საკმაოდ რთულია უსაფრთხოების სისტემის სწრაფი მოდიფიცირება, განსაკუთრებით დიდი ზომის დაწესებულებებში, სადაც არ არის ბალანსი თანამშრომლებისა და პატიმრების რაოდენობას შორის და პრობლემები იწვევს ინფრასტრუქტურასთან დაკავშირებით. თუმცა, აუცილებელია ეტაპობრივად მოხდეს პენიტენციური დაწესებულებების უსაფრთხოების სისტემის მოდიფიცირება და მოხდეს მისი გადაწყობა ევროსაბჭოს რეკომენდაციების შესაბამისად.

ბევრი ქვეყანა პენიტენციურ სისტემაში შესაბამის ინვესტირებას არ ახდენს და მათ როლს ხედავს მხოლოდ კედლების აგებაში, თანამშრომელთა ფუნქციის კი მხოლოდ გაქცევის პრევენციაში. სხვა მხრივ კი პატიმრები მეტ-ნაკლებად თვითღირებარე არიან მიშვებულნი. ძალადობის მაღალი დონე და თვითმმართველობის სისტემა, რაც კონტროლის საშუალებას აძლევს პატიმრებს შორის უძლიერესს,

¹⁷⁴ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, მეორე გამოცემა, გვ 60, ენდიუ კოილი, 2009.

¹⁷⁵ ციხის ევროპული წესები, წესი 71.

წარმოადგენს ამგვარი უგულვებელყოფის ლოგიკურ შედეგს. ეს ასევე შესაძლებლობას იძლევა პენიტენციურ სისტემაში კიდევ უფრო მყარი და ყოვლისმომცველი გახდეს კრიმინალური წესები და „კანონები“.

ზოგადად ძალადობრივი ინსტიტუციების არსებობა სრულიად არაეფექტურია. დაპირისპირებასა და შეურაცხყოფას მიაქვს ის დრო, რომელიც თანამშრომელს შეუძლია გამოიყენოს უფრო პოზიტიური მიზნის - პატიმრების რეაბილიტაციისთვის. გამუდმებული სტრესისა და ფიზიკური დაპირისპირების გამო, იზრდება თანამშრომელთა მხრიდან ავადმყოფობით გამოწვეული შვებულებები, იზრდება ჯანმრთელობის დაცვის მომსახურეობის ხარჯი და იქმნება მატერიალური და ადამიანური რესურსების არასწორად განაწილების საფრთხე. გაეროს წამების პრევენციის ქვეკომიტეტმა აღნიშნა, რომ გადატვირთულობის პრობლემა და თანამშრომელთა არასაკმარისი რაოდენობა ხელს უწყობს პატიმრებს შორის ძალადობას, მათ შორის სექსუალურ ძალადობას საპატიმრო დანესებულებებში, განსაკუთრებით ღამის საათებში.

ხშირად პატიმრებს შორის ძალადობის მაღალი რისკის ქვეშ არიან LGBTI თემის, კრიმინალურ სუბკულტურაში იერარქიის დაბალ საფეხურზე მყოფი წევრები და გარკვეული ფსიქო-სოციალური პრობლემების მქონე პატიმრები, რის გამოც საჭიროებენ ადეკვატურ დაცვას. იქ, სადაც გამოვლინდება ძალადობის ფაქტები, ისინი სათანადოდ უნდა იქნას გამოძიებული და დამნაშავე პირებს უნდა შეეფარდოთ პროპორციული სანქციები. სწრაფი და ობიექტური გამოძიება შესაძლოა წარმოადგენდეს მსგავსი ქმედებების პრევენციის ერთ-ერთ მნიშვნელოვან გზას.

მართალია, გაეროს მინიმალური სტანდარტული წესები კრძალავს პატიმრების გამოყენებას დისციპლინის უზრუნველყოფის მიზნებისთვის, თუმცა ბევრ ქვეყანაში წესრიგის შენარჩუნების უფლება დელეგირებულია პრივილეგირებულ პატიმრებზე არაფორმალური ან აღიარებული თვითმმართველობის სისტემების საშუალებით. პატიმრებს, რომლებსაც გარკვეულწილად „ეყრდნობა“ ადმინისტრაცია შეუძლიათ გააკონტროლონ სხვა პატიმრების ცხოვრების ყველა ასპექტი, სატელეფონო საუბრებისადმი ხელმისაწვდომობიდან, ოჯახის წევრებთან პაემნებითა და სხვა თანამდებობის პირებთან კონტაქტებით დამთავრებული. გასაკვირი არ იქნება თუ ვიტყვით, რომ აღნიშნული პატიმრები ხშირად არასათანადოდ იყენებენ ამ ძალაუფლებას, რაც გამოიხატება მუქარაში, დამინებასა და ძალადობაში.

გაეროს წამების პრევენციის ქვეკომიტეტი აღნიშნავს: „დანესებულებაში შიდა თვითმმართველობას მიეყვარათ ძალაუფლების თვითნებურ გამოყენებასთან, ძალადობასთან, რითიც მიაღწიან ადგებათ მოწყვლად პატიმრებს. ამგვარი ქმედებები, თუ სწორად არ არის დარეგულირებული და მართული, გამოიხატება გამოძალვასა და იძულებაში. მონიტორინგის განმახორციელებელმა ორგანოებმა, ეროვნული პრევენციის მექანიზმის ჩათვლით, ყურადღება უნდა გაამახვილონ თანამშრომლებსა და პატიმრებს შორის არსებულ ურთიერთობაზე და შეაფასონ რამდენად ახდენს ამაზე გავლენას უსაფრთხოების ზომები. ეს შეიძლება მოიცავდეს სხვადასხვა პროცედურების მონიტორინგს, გადამხადებასა და ყოველდღიურ ურთიერთობებზე დაკვირვებს. მონიტორინგის განმახორციელებელმა ორგანოებმა ყურადღება უნდა მიაქციონ პატიმრებს შორის ძალადობის პრობლემას, რომელიც წარმოადგენს საფრთხეს როგორც პატიმრების, ასევე თანამშრომლების უსაფრთხოებისა და ღირსებისთვის.“¹⁷⁶

პატიმართა შორის ძალადობისაგან თავისუფალი გარემოს უზრუნველყოფა

კარგად მართულ დანესებულებებში ყველა პატიმრის მიმართ მოპყრობა უნდა იყოს თანაბარი. შესაძლებელობის ფარგლებში, სასჯელის მოხდის პერიოდში უნდა მოხდეს მათი ჩართვა კონსტრუქციულ აქტივობებში, ასევე უნდა მიეცეთ მუშაობის შესაძლებლობა.

გამოწვევა, რომელიც დგას პენიტენციური დანესებულების ადმინისტრაციის წინაშე არის მის დანესებულებაში მყოფი პატიმრების უსაფრთხოების უზრუნველყოფა, წესრიგის დამყარება, თუმცა მართვა არ უნდა იყოს დაფუძნებული ზეწოლასა და ბრუტალურ მეთოდებზე. მნიშვნელოვანია თანმიმდევრული მიდგომების არსებობა, რომელიც არც მეტისმეტად მკაცრი იქნება და არც მეტისმეტად ლიბერალური.

პატიმართა აბსოლუტური უმრავლესობა მიესალმება მკაცრ და სამართლიან მენეჯმენტს, რადგან თუ თანამშრომლები ვერ ახორციელებენ კონტროლს, შექმნილი ვაკუუმი ივსება გავლენის მქონე ან

¹⁷⁶ ღირსებისა და უსაფრთხოების ბალანსი ციხეში: პრევენციული მონიტორინგის ჩარჩო, ციხის საერთაშორისო რეფორმა და წამების პრევენციის ასოციაცია (APT), Andrea Huber, Barbara Bernath, Rob Allen and Edouard Delaplace.

სუბკულტურის თვალსაზრისით მაღალ იერარქიულ საფეხურზე მყოფი პატიმრებით. ამასთან, თუ ზედა ვერტიკალი ვერ ახორციელებს კონტროლს, ცალკეულ თანამშრომელს ეძლევა შესაძლებლობა დაამყაროს საკუთარი, ალტერნატიული, არაფორმალური ტიპის კონტროლი, რაც ხშირად სრულდება არასათანადო მოპყრობით, ზოგჯერ კი სასტიკი და არაადამიანური მოპყრობით, რიგ შემთხვევებში წამებითაც კი. ორივე შემთხვევაში, პატიმართა უმრავლესობისთვის დაწესებულებაში ცხოვრება საკმაოდ რთულია. ეს არის სიტუაცია, როდესაც დინამიური უსაფრთხოების საჭიროება და დადებითი მხარეები ცხადი ხდება. საცხოვრებელ ბლოკში ან სამუშაო ადგილას შესვლისას, სადაც დაძაბული სიტუაციაა, ფრთხილ თანამშრომელს შეუძლია მაშინვე მიხედოს, რომ რაღაც რიგზე არ არის. „ისინი ჰაერში გრძნობენ დაძაბულობას. რადგან კარგად იცნობენ ყველა პატიმარს, შეუძლიათ მოახდინონ იმ პატიმართა იდენტიფიცირება, რომლებიც ამოვარდნილნი არიან კალაპოტიდან ან ძალადობის საფრთხეს ქმნიან და იღებენ ზომებს, რათა თავიდან იქნას აცილებული ძალადობის გამოვლენა. არეულობის გამომწვევის მსურველი პატიმრებისთვის ასევე უფრო რთული იქნება სხვა პატიმრების აყოლიება, როდესაც თანამშრომელთა მხრიდან მიდგომა არის სამართლიანი და თანმიმდევრული. თუმცა, იქაც კი სადაც კარგი დინამიური უსაფრთხოებაა, შესაძლოა მოხდეს ინდივიდუალური და კოლექტიური ძალადობის აფეთქება.“¹⁷⁷

პენიტენციური დაწესებულების ჩვეულებრივი დღის მიმდინარეობისას, თანამშრომლებთან ურთიერთობა და მათი პატიმრებთან ყოფნა, მიზნად უნდა ისახავდეს უსაფრთხო და ჰუმანური გარემოს შექმნას. ამგვარ გარემოს უწოდებენ წესრიგს, სადაც დაწესებულების ყოველდღიური საქმიანობა იმართება წესებისა და რეგულაციების საფუძველზე, სადაც განსაზღვრულია დღის წესრიგი და სადაც პატიმრები არ ღელავენ საკუთარ უსაფრთხოებაზე. ეს წესები ხელს უწყობს იმ ატმოსფეროს შექმნას, როდესაც პატიმართა უმრავლესობა კონსტრუქციულია და თანამშრომლობს ადმინისტრაციასთან. თუმცა, არსებობს მომენტები, როდესაც ადმინისტრაციას უწევს ძალის გამოყენება პატიმართა გასაკონტროლებლად, ასევე ინციდენტების პრევენციისა და მართვისათვის. კონტროლი გულისხმობს:

- **სტატიკურ უსაფრთხოებას** (ინდივიდუალური საკნები, უსაფრთხოების ინფრასტრუქტურა, როგორც არის განათება, წინაღობები, შეზღუდვის საშუალებები, კომუნიკაციები, სატრანსპორტო საშუალებები, საკეტები, გასაღებები, კოშკურები და ა.შ.);
- **ინციდენტების მართვას** (სპეციალიზებული წვრთნა, ინციდენტებზე რეაგირების ჯგუფები და მათზე რეაგირების პროცედურები და ა.შ.);
- **ძალის პროპორციულ გამოყენებას** (უფლებამოსილი პირები, გადაწყვეტილებების მიღების წესი, პროცედურები და გადამზადებული პერსონალი).

პრაქტიკა, როდესაც არსებობს მჭიდრო კონტაქტი თანამშრომლებსა და პატიმრებს შორის ხელს უწყობს ინტერაქციას და აუმჯობესებს დაკვირვებასა და ზედამხედველობას. იმ დაწესებულებებში, სადაც არ არის თანამშრომელთა საჭირო რაოდენობა, ან მათსა და პატიმრებს შორის კავშირი არის პასიური ან იშვიათი, ფაქტიურად შეუძლებელია სამართლიანობასა და პატივისცემაზე დაფუძნებული ურთიერთობების დამყარება. თანამშრომელთა აქტიური ჩარევის/დასწრების გარეშე, პატიმრები მართო რჩებიან საკუთარი თავის სამართავად და როგორც უკვე აღვნიშნეთ, შესაძლოა გახდნენ დამინების, მანიპულირებისა და მუქარის ობიექტი. **მნიშვნელოვანია დაწესებულების თანამშრომლებმა თვალსაჩინო გახადონ პატიმრებისთვის, რომ სწორედ ისინი არიან პენიტენციური დაწესებულების მმართველები და ამაფდროულად აქტიურად არიან დაინტერესებულნი დაიცვან ყველა პატიმრის ძირითადი უფლებები და უსაფრთხოება.**

დინამიური უსაფრთხოების ფაქტორები ხაზს უსვამს თანამშრომელთა მხრიდან დაკვირვების, პატიმართა ქცევის ანალიზის მუდმივად განხორციელების კრიტიკულ მნიშვნელობას. „პატიმართა შორის ურთიერთობების, გაერთიანებების, საქციელის შეცვლა, შესაძლოა წარმოადგენდეს პატიმართა შორის ან პატიმრებსა და თანამშრომლებს შორის მოსალოდნელი კონფლიქტის სიმპტომს, რაც შესაძლოა დასრულდეს სერიოზული ინციდენტით. ისეთ დაწესებულებაში, სადაც ბევრი პატიმარი, ცოტა თანამშრომელი და არასაკმარისი დოკუმენტაციაა, რთული ხდება თითოეული პატიმრის, მათი ქცევის, იმის შეფასება თუ რამდენად უქმნის ის რისკს დაწესებულების უსაფრთხოებას.“¹⁷⁸

არაფორმალურ მმართველობასთან და პატიმართა შორის ძალადობასთან დაკავშირებით, მნიშვნელოვანია **წამების პრევენციის კომიტეტის** მოსაზრებები, რაც ასახულია **2015 წლის ანგარიშში** საქართველოსთან დაკავშირებით:

¹⁷⁷ ციხის მენეჯმენტის განხილვა ადამიანის უფლებების კუთხით, ციხის თანამშრომელთა სახელმძღვანელო, მეორე გამოცემა, გვ. 60, ენდიურ კოილი, 2009, გვ. 64.

¹⁷⁸ „ციხის ინციდენტების მართვა“, UN 2013.

„წპკ-ს მანდატი არ შემოიფარგლება პატიმრებზე მხოლოდ თანამშრომლების მხრიდან ძალადობის ფაქტების შეფასებით. კომიტეტი ასევე შემოთავაზებულია პატიმრებს შორის ძალადობის ფენომენითა და ციხეში არსებული არაფორმალური ძალაუფლების მქონე სტრუქტურების არსებობით, რაც შესაძლოა ხანდახან იყოს დაშინებისა და გამოძალავის რისკის მატარებელი და ხელი შეუწყოს პატიმრებს შორის ძალადობას.“

კომიტეტის ანგარიშში აღნიშნულია, რომ დელეგაციას არ მიუღია პირდაპირი განცხადებები მონახულებულ დაწესებულებებში აღნიშნული პრობლემის არსებობის შესახებ, თუმცა მისი აქტუალობა ხაზგასმული იქნა დელეგაციის რამდენიმე თანამოსაუბრის (მათ შორის სახალხო დამცველი და „ახალგაზრდა იურისტთა ასოციაცია“) მხრიდან და აღიარებული იქნა სასჯელაღსრულების და პრობაციის სამინისტროს მაღალი თანამდებობის პირების მიერ. წპკ-ს განმარტებით:

„შესაძლო მინიშნებებს შეიძლება წარმოადგენდეს, აგრეთვე 2013 და 2014 წლებში რამდენიმე პატიმრის ძალადობრივი სიკვდილი. კომისიის პარტნიორმა ორგანიზაციებმა ეს პრობლემა დაუკავშირეს ტრადიციული არაფორმალური ციხის იერარქიის სავარაუდო აღორძინებას, რაც გულისხმობდა კრიმინალურ ავტორიტეტებს („კანონიერ ქურდებს“) და ე.წ. „მაყურებლებს“, რაც მოყვა თანამდებობის პირთა სტრატეგიულ გადაწყვეტილებას გამიჯვნოდნენ წინა ხელისუფლების გადამეტებული კონტროლისა და უსაფრთხოების პოლიტიკას წპკ-ს სურს ხაზი გაუსვას, რომ პატიმრებზე ზრუნვის ვალდებულება, რომელიც აკისრია ციხის ადმინისტრაციას მოიცავს სხვა პატიმრებისგან დაცვის ვალდებულებას, რომლებმაც შესაძლოა მათ ზიანი მიაყენონ. ციხის თანამშრომლების ქმედება უნდა იყოს პროაქტიური, რათა მოხდეს პატიმრების ერთი ნაწილის მეორეზე ძალადობის აღკვეთა. ამ ფენომენზე საუბრისას, საჭიროა აღინიშნოს, რომ პატიმრებს შორის ძალადობა და დაშინება მოითხოვს თანამშრომლებისგან იყვნენ ყურადღებით ძალადობის შესაძლო ნიშნების მიმართ, ასევე გაბედულნი და შესაბამისად გადამზადებულნი იმისათვის, რომ ჩაერიონ სადაც აუცილებელია. პატიმრებსა და თანამშრომლებს შორის პოზიტიური დამოკიდებულების არსებობა, რაც ეფუძნება ზრუნვასა და დინამიურ უსაფრთხოებას, გადამწყვეტია აღნიშნულ კონტექსტში. დიდწილად ეს დამოკიდებულია თანამშრომლების კომუნიკაციის უნარებზე, ასევე ცხადია, რომ პატიმრებს შორის ძალადობის აღმოფხვრის ეფექტური სტრატეგია გულისხმობს თანამშრომელთა მხრიდან თავიანთი ძალაუფლების სწორად გამოყენებას.“

წამების პრევენციის კომიტეტის დასკვნაში აღნიშნულია, რომ მენეჯმენტი მზად უნდა იყოს სრულად დაუჭიროს მხარი თანამშრომლებს თავიანთი ძალაუფლების განხორციელების პროცესში. ეს უნდა შეიცავდეს ინდივიდუალურ პატიმართა განთავსების საკითხის გადახედვას. პატიმრებს შორის ძალადობის საკითხის ეფექტიანი მოგვარებისთვის მნიშვნელოვანია პატიმართა ინდივიდუალური საჭიროებებისა და რისკების შეფასების იმპლემენტაცია.

გემოაღნიშნული კომენტარებიდან გამომდინარე, კომიტეტი გასცემს რეკომენდაციას საქართველოში ყველა პენიტენციური დაწესებულების დირექტორი და თანამშრომლები გადამზადდნენ, იმისათვის, რომ გამუდმებით იყვნენ ფხიზლად და გამოიყენონ მათ ხელთ არსებული ყველა შესაბამისი საშუალება, რათა თავიდან აიცილონ პატიმრებს შორის ძალადობა. ეს უნდა მოიცავდეს პატიმართა ქცევის მუდმივ მეთვალყურეობას (მათ შორის პოტენციური მოძალადისა და მსხვერპლის იდენტიფიცირება), პატიმართა შორის ძალადობის დადასტურებული და საეჭვო ფაქტების შესაბამის დოკუმენტირებას და ანგარიშში ასახვას, ყველა ინციდენტის დეტალურად შესწავლას. „საჭიროა ასევე გადაიდგას ნაბიჯები, რათა რეალური ან პოტენციური მსხვერპლი დაცულ იქნას რეალური ან პოტენციური მოძალადისგან.“¹⁷⁹

როგორც უკვე აღინიშნა, ჰუმანური და უსაფრთხო პენიტენციური დაწესებულების გასაღებს წარმოადგენენ თანამშრომლები და მათი ურთიერთობის სახე პატიმრებთან. უსაფრთხოების შენარჩუნება საჭიროებს პენიტენციურ სისტემაში ინვესტირებას, განსაკუთრებით კი კვალიფიციური პერსონალის არსებობას. პროფესიონალი, ფრთხილად შერჩეული თანამშრომლები, რომლებსაც გავლილი აქვთ გადამზადება და რომელთა შესაბამისი ზედამხედველობაც ხორციელდება, შეძლებენ პატიმრებთან იქონიონ ჰუმანური ურთიერთობა და ამავდროულად ყურადღება მიაქციონ უსაფრთხოებისა და წესრიგის (რეჟიმის) დაცვის საკითხებს. ზიანის მომტანი ქცევის გამოვლენისას (რაც შესაძლოა კიდევ უფრო დაიძაბოს ან გადაიზარდოს კონფლიქტში) დროული ინტერვენცია უფრო ეფექტიანია პენიტენციური დაწესებულების მართვის რესურსის თვალსაზრისითაც, ვიდრე ძალადობრივ ინციდენტებზე თანამშრომელთა მხრიდან ძალის გამოყენებით post factum რეაგირება.

¹⁷⁹ წამების, სასტიკი და არაადამიანური მოპყრობისა და სასჯელის პრევენციის ევროპული კომიტეტის (CPT) ანგარიში საქართველოს შესახებ, 2014 წლის 1-დან 11 დეკემბრამდე ვიზიტი.

ადამიანების/პატიმრების ძირითადი უფლებების დაცვით, შესაძლოა პენიტენციური დაწესებულება უფრო უსაფრთხო გახდეს.

რამდენადაც ეს შესაძლებელია, პენიტენციური სისტემის თანამდებობის პირებს უნდა ჰქონდეთ ხელმისაწვდომობა აღდგენითი ხასიათის მექანიზმებზე, რათა გადაჭრან პატიმართა შორის არსებული დავები. საერთაშორისო გამოცდილებამ აჩვენა, რომ ის დაწესებულებები, სადაც მოქმედებს დინამიური უსაფრთხოებისა და უშუალო მედამხედველობის პრინციპები, უკეთ უმკლავდებიან პატიმრებს შორის ძალადობის პრობლემას, ვიდრე ის დაწესებულებები, რომლებიც იყენებენ ტრადიციულ არაპირდაპირი მედამხედველობის მეთოდს. უსაფრთხოების უზრუნველყოფისა და კორუფციის რისკების შემცირების მიზნებიდან გამომდინარე, ზოგიერთ ქვეყანაში პენიტენციური დაწესებულების თანამშრომლებს კვლავ მოეთხოვებათ შეინარჩუნონ ფორმალური, დისტანციური ურთიერთობები პატიმრებთან. თანამშრომლებს შეუძლიათ პატიმრებს მიმართონ მხოლოდ ინსტრუქციების მიცემის მიზნით და სხვა საუბრები მათ შორის აკრძალულია. პატიმრებს შესაძლოა ეკისრებოდეთ ვალდებულება თანამშრომელთა თანდასწრებით იდგნენ სახით კედლისკენ ან ხელები დაიწყონ ზურგს უკან. წპკ-მ აღნიშნა, რომ „ამგვარი პრაქტიკა არ არის საჭირო უსაფრთხოების თვალსაზრისით და კონსტრუქციული, პოზიტიური ურთიერთობების განვითარება პატიმრებსა და თანამშრომლებს შორის არა მხოლოდ შეამცირებს არასათანადოდ მოპყრობის რისკებს, არამედ ასევე ხელს შეუწყობს კონტროლსა და უსაფრთხოებას.“

თავი: 8

ქალის მინიმალური გამოყენება

მერვე თავი

ძალის მინიმალური გამოყენება

საერთაშორისო სტანდარტები და პრაქტიკა

პენიტენციური დაწესებულებების მართვის პროცესში ხშირად წარმოიშვება კრიზისული სიტუაციები, რომელთა გადაჭრაც სხვადასხვა გზებით არის შესაძლებელი. თუმცა, საერთაშორისო სტანდარტები, როგორც უკიდურეს ზომას, ითვალისწინებს ძალის მინიმალური გამოყენების შესაძლებლობასაც, მათ შორის სპეციალური საშუალებების გამოყენების გზით.

ძირითადი პრინციპები

არსებობს რამდენიმე პრინციპი, რომელიც დაცული უნდა იყოს ძალის მინიმალური გამოყენებისას:

აუცილებლობის პრინციპის თანახმად, ძალის გამოყენებამდე განხილული უნდა იქნას ყველა არაძალისმიერი საშუალება. ძალისმიერი მეთოდის ან სასიკვდილო/ლეტალური ძალის გამოყენება ყოველთვის უნდა იყოს უკიდურესი ზომა და უნდა გამოიყენებოდეს მხოლოდ მას შემდეგ, რაც ამონერული იქნება სხვა საშუალებები, როგორიცაა სიტყვიერი გაფრთხილება, თანამშრომლების დასწრება და სხვა. პენიტენციური დაწესებულების თანამშრომლებმა კეთილსინდისიერად და არგუმენტირებულად უნდა გამოიყენონ მხოლოდ იმ მოცულობის ძალა, რაც საჭიროა ინციდენტის მოსაგვარებლად.

პროპორციულობის/ძალის მინიმალური გამოყენების პრინციპის თანახმად, როდესაც ძალის გამოყენება აუცილებელია, პენიტენციური სისტემის თანამშრომლებმა უნდა გამოიყენონ მხოლოდ იმ მოცულობის ძალა, რაც აუცილებელია კონკრეტული ქმედების შესაჩერებლად.

კანონიერების პრინციპის თანახმად, პენიტენციური დაწესებულების თანამშრომლები ძალის გამოყენებისას არ უნდა გასცდნენ კანონმდებლობით დადგენილ ფარგლებს. აქედან გამომდინარე, მათ მიერ ძალის გამოყენება დარეგულირებული უნდა იყოს ეროვნული კანონმდებლობით. პენიტენციური დაწესებულების თანამშრომლებმა არასოდეს უნდა გამოიყენონ ძალა ეროვნული კანონმდებლობით დადგენილ ფარგლებს გარეთ და ძალის გამოყენება უნდა შეესაბამებოდეს ადამიანის უფლებათა დაცვის სტანდარტებს.

ანგარიშვალდებულების პრინციპის თანახმად, დაწესებულების პერსონალი ყოველთვის უნდა ასრულებდეს მასზე კანონმდებლობით დაკისრებულ მოვალეობებს, ემსახურებოდეს სამოგადოებას და იცავდეს ყველას არამართლზომიერი ქმედებებისგან, მათი პროფესიიდან გამომდინარე მაღალი პასუხისმგებლობის გრძნობის შესაბამისად. ძალის გამოყენებასას, ინციდენტის შესახებ ინფორმაცია უნდა მიეწოდოს ზედამხედველს და ნებისმიერი არამართლზომიერი ან თვითნებური ძალის გამოყენება დასჯადი უნდა იყოს კანონმდებლობით.

რეაგირებაზე უკეთესი გზა, პრევენციაა

თანამშრომლებმა უნდა იცოდნენ, რომ პრევენცია კრიზისული სიტუაციების განმუხტვის საუკეთესო საშუალებაა. ძალიან იშვიათია შემთხვევები, როდესაც ინციდენტი წინასწარი გამაფრთხილებელი ნიშნების გარეშე ხდება. შემთხვევების უმეტესობაში შესაძლებელია იმის განსაზღვრა, რომ გარკვეულ პირთან ან პირთა ჯგუფთან დაკავშირებით დაძაბულობაა. ეს ის შემთხვევაა, სადაც გამოყენებული უნდა იქნეს დინამიური უსაფრთხოების ელემენტები. საცხოვრებელ ბლოკში ან დაწესებულების ტერიტორიაზე შესვლისას, თანამშრომელი გრძნობს დაძაბულობას და ხვდება, რომ რაღაც ხდება.

დიალოგი

როგორც უკვე არაერთხელ აღინიშნა, თანამშრომელბსა და პატიმრებს შორის პოზიტიური ურთიერთობები არის დინამიური უსაფრთხოების მნიშვნელოვანი ელემენტი. კარგი ურთიერთობები და დიალოგი შესაძლებელია ეფექტურად იქნეს გამოყენებული პოტენციური ინციდენტის განმუხტვის ან წესრიგის აღდგენის მიზნებისთვის. წესრიგის აღდგენისთვის ფიზიკური მეთოდების გამოყენების განხილვა უნდა მოხდეს მხოლოდ მას შემდეგ, რაც სხვა მეთოდები ვერ გაამართლებს ან არამიმზნობრივად ჩაითვლება.

ძალის გამოყენების ფორმები

როდესაც პერსონალი დგას ძალის გამოყენების საჭიროების წინაშე, მათ შესაძლოა განიხილონ მინიმალური ძალის გამოყენების სხვადასხვა ვარიანტები პატიმრის ქცევასთან მიმართებაში.

ძალის გამოყენების ფორმა

, უნდა შეესაბამებოდეს პატიმრის ქცევის ან წინააღმდეგობის დონეს. დაწესებულების თანამშრომლებმა შეიძლება დაასკვნან, რომ წინააღმდეგობის გამწვევი პატიმარი სათანადოდ რეაგირებს ნაკლებ ძალაზე და სიტუაცია შეიძლება მოგვარდეს იმაზე ნაკლები ძალის გამოყენებით, ვიდრე მოსალოდნელი იყო.

მართალია, ძალის გამოყენების ფორმები განსხვავდება პატიმრის ქცევისა და არსებული რესურსების მიხედვით, თუმცა, როგორც წესი, ის შეგვიძლია შემდეგნაირად ჩამოვაყალიბოთ:

- 1. თანამშრომელთა დასწრება.** ამ შემთხვევაში კონკრეტული ძალა არ გამოიყენება, თუმცა თანამშრომელთა გარკვეული ჯგუფი ადგილზე მიდის კრიზისული სიტუაციის განმუხტვის მიზნით. ეს ითვლება ძალის ერთგვარ დემონსტრირებად და დაწესებულების თანამშრომელთა დასწრება აფერხებს და განმუხტავს სიტუაციას. ეს არის სიტუაციის მოგვარების სასურველი გზა.
- 2. გერბალიზაცია** - ძალა არ არის ფიზიკური.
 - დაწესებულების თანამშრომლები იყენებენ მშვიდ, არამუქარისეულ მიმართვებს, როგორიცაა „სად მიდიხარ?“ ან „აქ რა ხდება?“
 - დამორჩილების უზრუნველსაყოფად თანამშრომლებმა შეიძლება ხმას აუწიონ და შეამოკლონ ბრძანება („სდექ“ ან „არ იმოძრაო“);
 - პატიმრის მიერ ბრძანების შესრულების უზრუნველსაყოფად შეიძლება გამოიყენებოდეს გაფრთხილება და პირდაპირი ბრძანება („დაემორჩილე მიმართვას, თორემ გამოიყენებული იქნება ძალისმიერი მეთოდები“).
- 3. ფიზიკური ძალით კონტროლი (არ გამოიყენება სპეციალური საშუალებები)** - პენიტენციური დაწესებულების თანამშრომლების მიერ პატიმრის ფიზიკურად გაკონტროლება. მათ შეიძლება გამოიყენონ ფიზიკური დამორჩილების მეთოდები, გაკონტროლების მიზნით, დაიჭირონ ან ერთობლივად შებოჭონ პატიმარი.
- 4. არასასიკვდილო/არალეტალური ძალა.** პენიტენციური დაწესებულების თანამშრომლების მიერ პატიმრის ქცევის შეჩერება და მასზე კონტროლის მოპოვება არასასიკვდილო/არალეტალური სპეციალური საშუალებების გამოყენების გზით.

ყველა დაწესებულებას/სისტემას უნდა ჰქონდეს ფიზიკური დამორჩილების ინსტრუმენტების გამოყენების ნათელი და გამჭვირვალე პროცედურა და ყველა საკვანძო თანამშრომელი გადამზადებული უნდა იყოს მათი გამოყენების მიმართულებით. ეს პროცედურები უნდა ითვალისწინებდეს:

- გარემოებებს, რომელთა შემთხვევაშიც შესაძლებელია ფიზიკური დამორჩილების ინსტრუმენტების გამოყენება;
- ვის აქვს მათ გამოყენებაზე ნებართვის გაცემის უფლება?
- როგორ უნდა მოხდეს მათი გამოყენება?
- ვინ უნევს მონიტორინგს განერილი პროცედურების დაცვას?

ფიზიკური დამორჩილების ინსტრუმენტების, როგორც უკიდურესი საშუალების გამოყენება

ფიზიკური დამორჩილების ინსტრუმენტები (ხელბორკილები, დამაწყნარებელი პერანგები, წინაკის გაზი და ა.შ.) უნდა გამოიყენებოდეს მხოლოდ გამონაკლის შემთხვევებში. ისინი არ უნდა გამოიყენებოდეს სხვა უსაფრთხოების ზომების ალტერნატივად. მაგალითად, დაუშვებელია პატიმრების ტერფებით ან მაჯებით მიჭაჭვა კედელთან ან რკინის ბარიკადთან, როგორც ინდივიდუალურად, ისე ჯგუფურად, მხოლოდ იმ შემთხვევაში, როდესაც ფიზიკური უსაფრთხოება ძალიან სუსტია.

ფიზიკური დამორჩილების ინსტრუმენტები არ უნდა გამოიყენებოდეს ავტომატურად პატიმრის ერთი ადგილიდან მეორე ადგილას გადაყვანისას, როგორც დაწესებულების გარეთ, ისე შიგნით გადაადგილების დროს. ყველა შემთხვევაში, მათი გამოყენება უნდა მოხდეს თითოეული პატიმრისგან მომდინარე უსაფრთხოების ინდივიდუალური შეფასების საფუძველზე.

როგორც უკვე აღვნიშნეთ, ფიზიკური დამორჩილების ინსტრუმენტები უნდა გამოიყენებოდეს როგორც უკიდურესი საშუალება მოძალადე პატიმრის შესაჩერებლად, რომელიც საფრთხეს უქმნის სხვების უსაფრთხოებას. დამორჩილების ინსტრუმენტები უნდა მოიხსნას პატიმრის მიერ ძალადობრივი

ქმედების შეწყვეტისთანავე. მხოლოდ გამონაკლის შემთხვევაშია შესაძლებელი ფიზიკური დამორჩილების ინსტრუმენტების გამოყენება პატიმრის მიერ საკუთარი თავისთვის ზიანის მიყენების არიდების მიზნით. საუკეთესო პრაქტიკის თანახმად, ეს ძალიან იშვიათად შეიძლება იყოს საჭირო, რადგან თვითდაზიანების თავიდან ასარიდებლად არსებობს უამრავი სხვა მეთოდი.

პატიმრებთან უშუალო კონტაქტში მყოფ თანამშრომლებს შეიძლება ჰქონდეთ ისეთი სახის სპეციალური საშუალება, როგორიცაა ხელკეტი, წინაკის გაზი და ა.შ. კარგი პრაქტიკის თანახმად, ამ საშუალებების ტარება არ უნდა მოხდეს დემონსტრირების ან მუქარის მანერით. ზოგადი პრაქტიკაა, ხელკეტის შარვლის ჯიბეში ტარება: ამ ფორმით ის არ ჩანს, მაგრამ ადვილად ხელმისაწვდომია. დიდი ზომის ხელკეტის ტარება არ უნდა ხორციელდებოდეს მუდმივ რეჟიმში. ისინი უნდა ინახებოდეს სტრატეგიულ ადგილას და მარტივად ხელმისაწვდომი უნდა იყოს საგანგებო მდგომარეობის დროს.

მასობრივი არეულობისას, შესაძლოა გამოყენებულ იქნეს სხვა სახის საშუალებებიც, როგორიც არის მაგალითად წყლის ჭავლი. თუმცა მსგავსი ტიპის მასობრივი დამორჩილების საშუალებები, როგორც წესი, დაწესებულების ადმინისტრაციებს არ გააჩნიათ და მისი გამოყენება ხდება, გარე სამსახურების (სპეციალური დანიშნულების რაზმი, ადგილობრივი პოლიცია) ჩართულობით.

5. სასიკვდილო/ლეთალური ძალა - პენიტენციური დაწესებულების პერსონალმა, რომელიც შეიარაღებულია და რომლებიც გადამზადებულნი არიან ცეცხლსასროლი იარაღის გამოყენებაში, შესაძლოა განიხილონ სასიკვდილო/ლეთალური ძალის (ცეცხლსასროლი იარაღის) გამოყენების შესაძლებლობა პატიმრის შესაჩერებლად. თუმცა, თუ ცეცხლსასროლი იარაღის გამოყენება ჩაითვლება პატიმრის შეჩერებისთვის მისაღებ ძალად, გათვალისწინებული უნდა იქნეს შემდეგი გარემოებები:

- ცეცხლსასროლი იარაღის გამოყენება უნდა შეესაბამებოდეს ეროვნულ კანონმდებლობას;
- სასიკვდილო ძალის გამოყენება შეიძლება მხოლოდ თავდაცვისთვის, ჯანმრთელობის სერიოზული დაზიანებისა და სიცოცხლისათვის საფრთხის შექმნის შემთხვევაში^{180 181};
- სასიკვდილო ძალის გამოყენება შეიძლება განხილულ იქნეს, თუ ყველა სხვა ნაკლები ძალის შემცველი საშუალება ამოწურულია;
- შესაბამისი საშუალების არსებობისას, პირველ რიგში, უნდა მოხდეს პატიმრისთვის იარაღის დემონსტრირება და მისი სიტყვიერი გაფრთხილება;
- თუ არსებობს რეაგირებისთვის საკმარისი დრო, უნდა გაკეთდეს გამაფრთხილებელი გასროლა.

ზოგიერთ პენიტენციურ სისტემაში პერიმეტრის დაცვაზე პასუხისმგებელი თანამშრომლები ატარებენ ცეცხლსასროლ იარაღს. ამ თანამშრომლებს უნდა ჰქონდეთ ნათელი ინსტრუქცია, თუ რა შემთხვევებში უნდა მოხდეს ამ იარაღის გამოყენება. ეს უნდა მოხდეს მხოლოდ მაშინ, როდესაც მყისიერი საფრთხე ექმნება ამ თანამშრომლის ან სხვის სიცოცხლეს. უნდა არსებობდეს სხვა დამატებითი გარემოება, რაც აფიქრებინებს თანამშრომელს, რომ ეს პატიმარი გაქცევით მყისიერ საფრთხეს უქმნის სხვის სიცოცხლეს და მის შესაჩერებლად არ არსებობს სხვა საშუალება.

აქვე უნდა აღინიშნოს, რომ არასწორი პრაქტიკაა პატიმრებთან უშუალო კონტაქტში მყოფი თანამშრომლების მიერ ცეცხლსასროლი ან მსგავსი იარაღის ტარება, რომელიც შეიძლება არამიზნობრივად იქნეს გამოყენებული ან პატიმრებს ჩაუვარდეთ ხელში.¹⁸²

საერთაშორისო სტანდარტების შესაბამისად, „პერსონალს უნდა ეკრძალებოდეს ცეცხლსასროლი იარაღის ან სხვა სასიკვდილო იარაღის გამოყენება თავისუფლების აღკვეთის ადგილებში, გარდა იმ შემთხვევისა, როდესაც ეს აუცილებელია ადამიანთა სიცოცხლის დასაცავად.“^{183 184}

პოლიტიკა და პროცედურები

პენიტენციური დაწესებულების ადმინისტრაციამ უნდა შეიმუშავოს ძალის გამოყენების შესახებ ნათელი პოლიტიკა და პროცედურები, რაც იქნება სახელმძღვანელო დაწესებულების თანამშრომლებისათვის ინციდენტებთან გამკლავების დროს. ეს უნდა ეხებოდეს:

¹⁸⁰ ციხეში ინციდენტების მართვის სახელმძღვანელო, გაერო, 2013, გვ.59-61.

¹⁸¹ გაერო, სამართალმდაცავი ორგანოების მიერ ძალისა და ცეცხლსასროლი იარაღის გამოყენების შესახებ საბამისო პრინციპები, 1990, პრინციპი (9).

¹⁸² ადამიანის უფლებათა მიდგომა ციხის მართვისას, ციხის თანამშრომელთა სახელმძღვანელო, მე-2 გამოცემა, 2009, ენდრიუ კოილი, გვ. 69-70.

¹⁸³ ადამიანის უფლებათა ინტერ-ამერიკული კომისია, თავისუფლებათა დაცვის შესახებ პრინციპები და საუკეთესო პრაქტიკა, პრინციპი XXIII, 2008.

¹⁸⁴ გაერო, პატიმართა მოპყრობის სტანდარტული მინიმალური წესები, წესი 82

- რა სახის და დონის ძალა უნდა იქნეს გამოყენებული;
- შემთხვევები, როდესაც შესაძლებელია ძალის გამოყენება;
- პერსონალი, რომელიც დატრენინგებული და უფლებამოსილია გამოიყენოს ძალა;
- ძალის გამოყენების დროს ნებადართული აღჭურვილობა;
- ანგარიშგებისა და ანგარიშგაღებულების მექანიზმები, მათ შორის არალეგალური და ლეგალური ძალის გამოყენების ინციდენტების განხილვის ჩათვლით;
- სამედიცინო ხასიათის ზომები იმ ინციდენტის შემდეგ, რომელიც დროსაც ძალის გამოყენებას ჰქონდა ადგილი.

პენიტენციური დაწესებულების რეგულაციები დეტალურად უნდა ადგენდნენ შესაბამის პროცედურებს. ასევე ნათლად უნდა იყოს განსაზღვრული, რომ დაუშვებელია დამორჩილების საშუალებების სასჯელის სახით გამოყენება. ჯაჭვები და ფეხის ბორკილები არ უნდა იქნეს გამოყენებული დამორჩილების ინსტრუმენტებად.¹⁸⁵

პრობლემების გადაწყვეტის დაწესებულებაზე მორგებული კონცეფციის განვითარება და შემოღება არის პენიტენციური დაწესებულების ეფექტიანი მენეჯმენტის ქვაკუთხედი. ბევრ პენიტენციური დაწესებულებას აქვს შემუშავებული კონცეფცია, რომელიც მოიცავს უსაფრთხოებასთან დაკავშირებული სიტუაციის შეფასების საფეხურებს.

საერთაშორისო სტანდარტები, განსაკუთრებით კი ძალის გამოყენებასთან დაკავშირებული პრინციპები, ასახული უნდა იყოს პროცედურებში, გათვალისწინებული უნდა იყოს პენიტენციური დაწესებულების თანამშრომლების ტრენინგ პროგრამაში. ყველა ძალის გამოყენების პროცედურა და ტრენინგი კონკრეტულად უნდა ეხებოდეს შესაბამის სტანდარტებსა და პატიმრებთან მოპყრობის ადამიანის უფლებათა პრინციპებს.

კონკრეტულ მნიშვნელოვან ინციდენტთან გამკლავების მიზნით, შემუშავებული ინტერვენციის გეგმა უნდა ადგენდეს გადამზადებული თანამშრომლების მიერ გამოყენებადი ძალის ხარისხსა და სახეს და უნდა ანიჭებდეს მათ ძალის გამოყენების უფლებამოსილებას.

დამორჩილების ინსტრუმენტების გამოყენების შესახებ გადაწყვეტილება და პროცედურა უნდა ექვემდებარებოდეს ზედა რგოლის მხრიდან დეტალურ მონიტორინგსა და საუკეთესო პრაქტიკის თანახმად, უფლებამოსილი უწყების გარე მონიტორინგსაც.¹⁸⁶

კიდევ ერთხელ უნდა გავუსვათ ხაზი, რომ პატიმრებთან პირდაპირ კონტაქტში მყოფი ყველა თანამშრომელი გადამზადებული უნდა იყოს მინიმალური ძალის გამოყენების მიმართულებით. ისინი არ უნდა ეყრდნობოდნენ მხოლოდ პატიმართან შედარებით უკეთეს ფიზიკურ მონაცემებსა და სიძლიერეს. ბევრ შემთხვევაში შესაძლოა ეს რთული იყოს, თუმცა, მაშინაც კი როდესაც ეს შესაძლებელია, შედეგი შეიძლება იყოს როგორც პატიმრის, ისე თანამშრომლის ჯანმრთელობის სერიოზული დაზიანება. არსებობს კონტროლისა და შეკავების ბევრი ტექნიკა, რომლის ტრენინგის გავლის შედეგადაც თანამშრომლები შეძლებენ კონტროლის მოპოვებას, საკუთარი თავისა და პატიმრისათვის სერიოზული ზიანის მიყენების გარეშე. მენეჯმენტს უნდა ჰქონდეს ინფორმაცია ამის შესახებ. იგი უნდა უზრუნველყოფდეს ყველა თანამშრომლის კომპეტენტურობას საბაზისო უნარებში და საკმარისი რაოდენობის თანამშრომელთა ტრენინგს შესაბამის ტექნიკებში.

¹⁸⁵ ციხეში ინციდენტების მართვის სახელმძღვანელო, გაერო, 2013, გვ.62-63-61.

¹⁸⁶ ადამიანის უფლებათა მიდგომა ციხის მართვისას, ციხის თანამშრომელთა სახელმძღვანელო, მე-2 გამოცემა, 2009, ენდრიუ კოილი, გვ.65.

მნიშვნელოვანია, გავცნოთ წამებისა და არაადამიანური მოპყრობის პრევენციის ევროპული კომიტეტის (CPT) 2014 წლის 1-11 დეკემბერს საქართველოში ვიზიტის შესახებ

„ბ. „სპეციალური საშუალებები“

110. პატიმრობის კოდექსის ცვლილებები, რომლებიც ძალაშია 2014 წლის მაისიდან, მნიშვნელოვნად აფართოებს ციხეებში ნებადართულ „სპეციალურ საშუალებებს“. ადრე ნებადართულ ხელბორკილებთან, დამაწყნარებელ პერანგებთან და ცეცხლსასროლ იარაღთან ერთად, კოდექსის 57¹ ნაწილი დამატებს დამაწყნარებელ სკამებს, დამაწყნარებელ საწოლებს, ხელკეტებს, ცრემლსადენი გაზს, წინაკის გაზს, არალეტალურ იარაღს, აკუსტიკურ საშუალებებს, ფსიქოლოგიური ზემოქმედების შუქბგერით მონწყობილობას, წყალსატყორცს და ძაღლებს. სახალხო დამცველმა და არასამთავრობო ორგანიზაციებმა გამოხატეს შეშფოთება „სპეციალური საშუალებების“ გაზრდილ ჩამონათვალთან (კერძოდ, წინაკის გაზი, ცრემლსადენი გაზი და არალეტალური იარაღი) და მათი გამოყენების წესების ბუნდოვანებასთან დაკავშირებით.

უნდა აღინიშნოს, რომ ვიზიტის დროს, მონახულებულ ციხეებში ერთადერთი არსებული დამორჩილების ინსტრუმენტი იყო ხელბორკილები. მე-3 საპყრობილის დირექტორმა აცნობა დელეგაციას, რომ მის დაწესებულებაში ხელკეტები ეხლახანს მიიტანეს და თანამშრომლებისთვის დარიგებული არ ჰქონდათ, რადგან მათ ჯერ შესაბამისი ტრენინგი უნდა ჩატარებოდათ.

111. კომიტეტისთვის მიუღებელია პატიმრობის კოდექსის 57¹ ნაწილში მოცემული ბევრი „სპეციალური საშუალება“. კომიტეტის აზრით, დამაწყნარებელი პერანგები არ უნდა იქნეს გამოყენებული ციხეში, რადგან სხვა მიზეზებთან ერთად, ის იწვევს დამცირებას და სტიგმატიზაციას. **დამაწყნარებელი პერანგები ამოღებულ უნდა იქნას პატიმრობის კოდექსის 57¹ ნაწილში მოცემული „სპეციალური საშუალებების“ სიიდან.**

რაც შეეხება, ცეცხლსასროლ იარაღს, კომიტეტს არაერთხელ აღუნიშნავს, რომ მათი ტარება პატიმრებთან პირდაპირ კონტაქტში მყოფი პირების მიერ არასასურველი და სახიფათო პრაქტიკაა, რამაც შეიძლება გამოიწვიოს მაღალი რისკის შემცველი სიტუაციები როგორც პატიმრებისთვის, ისე თანამშრომლებისთვის. ამასთან, ციხის თანამშრომლის მიერ იარაღის ყოველი გამოყენება არამხოლოდ უნდა აღირიცხოს, არამედ მასზე სრული ანგარიშგება უნდა მოხდეს და საჭიროების შემთხვევაში უნდა ჩატარდეს დამოუკიდებელი გამოძიება.

ცრემლსადენი გაზი და წინაკის გაზი პოტენციურად საშიშია და არ უნდა იქნეს გამოყენებული შემოდუღებულ/ჩაკეტილ ადგილას. ამასთან, გამონაკლისის სახით ღია ადგილას მათი გამოყენებისას, შესაბამისი გარანტიები უნდა იყოს დადგენილი. მაგალითად, პირებს, რომლებიც მათ ზემოქმედებას დაექვემდებარებიან, უნდა ჰქონდეთ დაუყოვნებლივი წვდომა ექიმთან და მათ სწრაფად უნდა მიეწოდოთ ყველა საჭირო საშუალება. ისინი არ უნდა იქნეს გამოყენებული იმ პატიმრის მიმართ, რომელიც უკვე დამორჩილებულია. ასევე, ისინი არ უნდა იყოს ციხის ოფიცრის სტანდარტული აღჭურვილობის ნაწილი.

ელექტროშოკური იარაღის (Tasers) გამოყენება შეიძლება გამართლებულ იქნას მხოლოდ უკიდურეს შემთხვევაში როდესაც რეალური და დაუყოვნებლივი საფრთხე ექმნება სიცოცხლეს. გარდა ამისა, მხოლოდ სპეციალურად შერჩეული და დატრენინგებული ციხის თანამშრომლები უნდა იყვნენ უფლებამოსილი მათ გამოყენებაზე და მათი გამოყენებისას ყველა შესაძლო გამაფრთხილებელი ზომა უნდა იქნეს გათვალისწინებული.

კომიტეტი რეკომენდაციას უწევს ციხეში ცეცხლსასროლი იარაღის, ცრემლსადენი გაზის, წინაკის გაზის და ელექტროშოკური იარაღის გამოყენების შესახებ წესებისა და რეგულაციების შესაბამის ცვლილებას.

112. რაც შეეხება სხვა „სპეციალურ საშუალებებს“ (რომლებიც ფიზიკურ უმოძრაობას იწვევს, როგორიცაა დამაწყნარებელი სკამები და საწოლები), მათი გამოყენებისას მხედველობაში უნდა იქნას მიღებული შემდეგი პრინციპები და მინიმალური სტანდარტები:

მის სათანადო გამოყენებასთან დაკავშირებით, ფიზიკური შებოჭვა გამოყენებულ უნდა იქნეს მხოლოდ უკანასკნელ საშუალებად ზიანის მიყენების პრევენციის მიზნით და მხოლოდ მაშინ, როდესაც ყველა სხვა საშუალება ამოწურულია. დაუშვებელია მათი სასჯელის სახით ან დატრენინგებულ თანამშრომელთა არასაკმარისი რაოდენობის კომპენსირების მიზნით

გამოყენება. არ უნდა მოხდეს მათი გამოყენება არასამედიცინო გარემოში, როდესაც ჰოსპიტალიზაცია უფრო შესაბამისი ინტერვენციის ზომაა.

ფიზიკური შებოჭვის მეთოდის ნებისმიერი გამოყენების შესახებ, ამ მეთოდის საჭიროების შეფასების მიზნით, დაუყოვნებლივ უნდა ეცნობოს ექიმს.

გამოყენებული აღჭურვილობა უნდა იძლეოდეს უმოძრაობასთან დაკავშირებული საშიშრო ეფექტის, დისკომფორტის და ტკივილის შემცირების შესაძლებლობას და თანამშრომლები დატრენინგებული უნდა იყვნენ მის გამოყენებაში.

ფიზიკური შებოჭვის ხანგრძლივობა უნდა იყოს მაქსიმალურად მოკლე (უფრო წუთები, ვიდრე საათები). შებოჭვის გაგრძელების საკითხი უნდა შეესაბამებოდეს ექიმის მიერ გაცემულ დასკვნას. უმოძრაობა დღეების განმავლობაში ვერ იქნება გამართლებული და ჩაითვლება არასათანადო მოპყრობად.

რაც შეეხება ზედამხედველობას, როდესაც პაციმარი ექვემდებარება ფიზიკურ შებოჭვას, დატრენინგებული თანამშრომელი ყოველთვის უნდა იყოს მასთან დახმარების მიზნით. ასეთი დახმარება შეიძლება მოიცავდეს მის თანხლებას საპრიფარემომდე მისასვლელად ან მის დახმარებას კვებაში.

პაციმრები, რომელიც ექვემდებარებიან ფიზიკურ შებოჭვას, უნდა იყვნენ სრულად ინფორმირებული აღნიშნული ზომის გამოყენების მიზეზების შესახებ.

ნებისმიერი დაწესებულების მენეჯმენტმა, რომელმაც შესაძლოა გამოიყენოს შებოჭვა, უნდა გამოსცეს შესაბამისი წერილობითი სახელმძღვანელო წესები, რომლებიც გაითვალისწინებს ზემოთ აღნიშნულ კრიტერიუმებს. უნდა არსებობდეს შებოჭვის გამოყენების შემთხვევების აღრიცხვის სპეციალური რეესტრი. ჩანაწერი უნდა მოიცავდეს საშუალების გამოყენების დაწყების და დასრულების დროს, იმ ადამიანის სახელს, რომელმაც გასცა გამოყენების ნებართვა და მითითებას პაციმრის ან თანამშრომლის ნებისმიერ დაზიანებაზე.

გარდა ამისა, პაციმარს უნდა მიეცეს საშუალება განიხილოს მისი გამოცდილება შებოჭვის დროს ან ნებისმიერ შემთხვევაში მისი დამთავრების შემდეგ. ამ განხილვას ყოველთვის უნდა დაესწროს ჯანდაცვის პერსონალის უფროსი თანამშრომელი ან სხვა სათანადოდ დატრენინგებული პირი.

კომიტეტი რეკომენდაციას უწევს, დამაწყნარებელი სკამების და ლოგინების შესახებ არსებული შესაბამისი ნორმების შეცვლას და გამართვას ზემოთ აღნიშნული პრინციპებისა და სტანდარტების შესაბამისად. უფრო ზოგადად, კომიტეტს სურს აღნიშნოს, რომ დამაწყნარებელი სკამები და ლოგინები არ უნდა იქნეს გამოყენებული არასამედიცინო გარემოში.

113. რაც შეეხება აკუსტიკურ საშუალებებს, ფსიქოლოგიური ზემოქმედების შუქბგერით მოწყობილობას და წყალსატყორცს, ისინი, როგორც წესი, გამოიყენება მასობრივი არეულობის კონტროლილს მიზნით და არ უნდა მოხდეს მათი გამოყენება შეზღუდულ/დახურულ სივრცეში, განსაკუთრებით კი საკნებსა და საცხოვრებელ ბლოკებში. მათი შეზღუდული გამოყენება შესაძლებელია მხოლოდ ღია სივრცეში (გარეთ) მასობრივი არეულობის შემთხვევაში. ნებისმიერ შემთხვევაში, **უნდა არსებობდეს თანამშრომელთა სათანადო გადამზადება, აღრიცხვა (სისტემატური ვიდეო-ჩანწერის ჩათვლით) და ანგარიშგების პროცედურა როგორც მათ გამოყენებასთან, ისე პაციმრობის კოდექსის 57¹ ნაწილში მოცემულ სხვა საშუალებებთან დაკავშირებითაც.**

დაბოლოს, კომიტეტს ესმის, რომ (სასჯელალსრულებისა და პრობაციის მინისტრის მოადგილის განცხადებით) მიღების შემდეგ ძალები არ იქნება გამოყენებული ციხეში გარდა საკნებისა და ნარკოტიკების ძებნის მიზნებისათვის, პაციმრებთან პირდაპირი კონტაქტის გარეშე. **კომიტეტს სურს მიიღოს ინფორმაცია, რომ ეს არის არსებული წესების სწორი გაგება¹⁸⁷.**

¹⁸⁷ წამებისა და არაადამიანური მოპყრობის პრევენციის ევროპული კომიტეტის (CPT) 2014 წლის 1-11 დეკემბერს საქართველოში ვიზიტის შესახებ ანგარიში, გვ. 59-62.

რას გვეუბნება საერთაშორისო სტანდარტები

გაეროს პატიმრებთან მოპყრობის მინიმალური სტანდარტული წესები

შემაკავებელი საშუალებები

წესი 47

1. უნდა აიკრძალოს ჯაჭვების, რკინების და დამორჩილების არსებითად მტკივნეული და დამამცირებელი სხვა საშუალებების გამოყენება.
2. სხვა შემაკავებელი საშუალებების გამოყენება ნებადართულია მხოლოდ კანონიერი ნებართვის საფუძველზე შემდეგი მდგომარეობის არსებობისას:
 - (ა) პატიმრის გადაყვანის დროს, როგორც გაქცევის აღმკვეთი ზომა და იმ პირობით, რომ მოხსნიან პატიმრის სასამართლო ან ადმინისტრაციულ ორგანოში წარდგენამდე;
 - (ბ) ციხის დირექტორის მიერ გაცემული ბრძანების საფუძველზე, იმ შემთხვევაში, როდესაც კონტროლის ყველა სხვა მექანიზმი უშედეგოა და შეუძლებელია პატიმრის მიერ თვითდაზიანების ან სხვების ან ქონების დაზიანების შეჩერება; აუცილებელია, დირექტორმა დაუყოვნებლივ აცნობოს ექიმს ან სხვა კვალიფიციურ სამედიცინო პროფესიონალს ასეთი შემთხვევების შესახებ და მიაწოდოს ინფორმაცია შემდგომ ადმინისტრაციულ ორგანოს.

წესი 48

1. როდესაც შემაკავებელი საშუალებების გამოყენება ხდება 47-ე წესის მე-2 პარაგრაფით გათვალისწინებულ შემთხვევებში, უნდა მოქმედებდეს შემდეგი პრინციპები:
 - (ა) შემაკავებელი საშუალებების გამოყენება ნებადართულია მხოლოდ იმ შემთხვევაში, როდესაც არცერთი მასზე მსუბუქი ზომა არ არის ეფექტური შეუზღუდავი გადაადგილებით გამოწვეული რისკების აღსაკვეთად;
 - (ბ) გამოყენებული შეკავების მეთოდი უნდა წარმოადგენდეს ყველაზე ნაკლებ ინტრუზიულ მეთოდს, რომლის გამოყენებაც აუცილებელი და გონივრულად ხელმისაწვდომია პატიმრის მოძრაობის კონტროლისთვის, წარმოქმნილი რისკის დონისა და ხასიათის გათვალისწინებით;
 - (გ) შეკავების საშუალებების გამოყენება დაშვებულია მხოლოდ საჭირო დროის მონაკვეთში და უნდა მოხსნას პატიმრის უკონტროლო მოძრაობით გამოწვეული რისკის გაქრობისთანავე.
2. შემაკავებელი საშუალებების გამოყენება დაუშვებელია ფეხმძიმე, მშობიარე და ახლადნამშობიარეები ქალების მიმართ.

წესი 49

ციხის ადმინისტრაციამ უნდა განახორციელოს დაშვება კონტროლის ისეთ ტექნიკაზე და ჩაატაროს ტრენინგი მისი გამოყენების შესახებ, რომელიც გამორიცხავს შემაკავებელი საშუალებების გამოყენებას ან შეამცირებს მათ ინტრუზიულ ბუნებას.

ციხის ევროპული წესები

ძალის გამოყენება

- 64.1 ციხის ადმინისტრაციამ არ შეიძლება ძალა გამოიყენოს პატიმრების წინააღმდეგ გარდა თავდაცვის ან გაქცევის მცდელობის შემთხვევისას, აგრეთვე აქტიური ან პასიური ფიზიკური წინააღმდეგობისას კანონის ფარგლებში და ყოველთვის როგორც უკანასკნელი ღონისძიება.
- 64.2 გამოყენებული ძალის ხარისხი უნდა იყოს საჭიროების მინიმუმი და გამოყენებულ იქნას დროის ძალზედ მცირე პერიოდში.
65. უნდა არსებობდეს დეტალური პროცედურები ძალის გამოყენების შესახებ შემდეგი პირობების ჩათვლით:
- ა. სხვადასხვა ძალა, რომელიც შეიძლება გამოყენებულ იქნას;
 - ბ. გარემოებები, რომელშიც შეიძლება გამოყენებულ იქნას კონკრეტული სახეობის ძალა;
 - გ. ციხის თანამშრომელები, რომლებიც უფლებამოსილნი არიან გამოიყენონ სხვადასხვა სახის ძალა;
 - დ. რომელი ღონის თანამდებობის პირი გასცემს ნებართვას ძალის გამოყენების წინ ძალის

გამოყენებაზე; და

ე. ანგარიში ძალის გამოყენების შესახებ უნდა შედგეს მის დასრულებისთანავე.

66. ციხის თანამშრომლები, რომლებიც უშუალოდ პატიმრებთან მუშაობენ, უნდა გადიოდნენ სპეციალურ წრთვას იმ ტექნიკურ საჭიროებებში, რომელიც უზრუნველყოფს ძალის შემდგომ გამოყენებას გარკვეული შემლუდების მიზნით იმ პატიმრების მიმართ, რომლებიც არიან აგრესიულნი.

67.1 სხვა სამართალდამცავი სახელმწიფო ორგანოს წარმომადგენელი შეიძლება ჩაერიოს ციხის შიგნით პატიმრებთან ურთიერთობაში მხოლოდ გამონაკლის შემთხვევებში.

67.2 ასეთი სახის ურთიერთობა უნდა იყოს რეგულირებული ციხის ადმინისტრაციისა და სამართალდამცავი სახელმწიფო ორგანოს შორის დადებული შეთანხმებით, გარდა იმ შემთხვევისა როდესაც ასეთი ურთიერთობა უკვე აღარ რეგულირდება ეროვნული კანონმდებლობით.

67.3 ასეთი შეთანხმება უნდა მოიცავდეს:

ა. იმ გარემოებებს, რომლის არსებობის შემთხვევაშიც შეიძლება სამართალდამცავი სახელმწიფო ორგანოს წარმომადგენლები შევიდნენ ციხეში კონკრეტული კოფლიქტის გადასაწყვეტად; უფლებამოსილების ხარისხს, რომელიც უნდა გააჩნდეთ ასეთი სამართალდამცავი სახელმწიფო ორგანოს წარმომადგენლებს მათი ციხეში ყოფნისას;

გ. სხვასხვა სახის ძალას, რომელიც შეიძლება გამოიყენოს ასეთი ორგანოს წარმომადგენელმა;

დ. ის გარემოებები, რომლის არსებობისასაც შეიძლება იქნას გამოყენებული კონკრეტული სახის ძალა;

ე. თანამდებობის პირი, რომელიც გასცემს ძალის გამოყენების ნებართვას; და

ვ. ანგარიში ძალის გამოყენების შესახებ უნდა შედგეს ძალის გამოყენების დასრულებისთანავე.

შემლუდავი ღონისძიებები

68.1 ბორკილებისა და ლითონის გამოყენება უნდა აიკრძალოს;

68.2 ხელბორკილების, დამაწყნარებელი პერანგის და შემლუდვის სხვა საშუალებები არ შეიძლება გამოყენებულ იქნას გარდა შემდეგი შემთხვევებისა: როდესაც აუცილებელია მისი გამოყენება როგორც უსაფრთხოების ზომა გაქცევის საწინააღმდეგოდ პატიმართა სასამართლოში ან სხვა ადმინისტრაციულ სტრუქტურაში გადაყვანისას გარდა იმ შემთხვევისა როდესაც ციხის ადმინისტრაცია მიიღებს სხვაგვარად გადაწყვეტილებას; ციხის დირექტორის ბრძანებით თუ კონტროლის სხვა ღონისძიებები ვერ უზრუნველყოფს პატიმარის დაცვას თვითდაზიანებისაგან ან პატიმრის მიერ გარშემომყოფთა დაზიანებას, აგრეთვე იმისათვის რომ აღკვეთილ იქნას საკუთრების დაზიანება. ასეთ შემთხვევებში ციხის დირექტორი დაუყოვნებლივ აცნობებს ექიმს და ციხის ადმინისტრაციას.

68.3 უშიშროების ღონისძიებები არ შეიძლება გამოყენებულ იქნას იმაზე უფრო მეტ ხანს ვიდრე ეს აუცილებელია.

68.4 უშიშროების ღონისძიების გამოყენების წესი უნდა იყოს განსაზღვრული ეროვნული კანონმდებლობით.

იარაღი

69.1 გადაუდებელი საჭიროების შემთხვევების გარდა ციხის თანამშრომელმა არ უნდა ატაროს სასიკვდილო იარაღი ციხის შიდა პერიმეტრზე.

69.2 ციხის პერიმეტრზე უნდა აიკრძალოს იარაღის ღიად ტარება, ხელკეტის ჩათვლით იმ პირების მიერ რომლებიც კონტაქტში იმყოფებიან პატიმრებთან, გარდა იმ შემთხვევებისა, როდესაც ეს აუცილებელია უსაფრთხოებისა და უშიშროების მოსაზრებებით კონკრეტული ინციდენტის არსებობისას.

69.3 ციხის თანამშრომლები არ უნდა ატარებდნენ იარაღს გარდა იმ შემთხვევებისა როდესაც მათ გავლილი აქვთ სპეციალური მომზადება.

ადგილობრივი კანონმდებლობა

უსაფრთხოების ღონისძიებები

მსჯავრდებულის მიერ საკუთარი თავის, სხვისი და ქონების დაზიანების თავიდან აცილების, პენიტენციურ დაწესებულებაში დანაშაულისა და სხვა სამართალდარღვევის აღკვეთის, მსჯავრდებულის მიერ სპეციალური პენიტენციური სამსახურის მოსამსახურის კანონიერი მოთხოვნისადმი დაუმორჩილებლობის, თავდასხმის მოგერიების, ჯგუფური დაუმორჩილებლობის ან/და მასობრივი არეულობის აღკვეთის მიზნით, დასაბუთებული გადანაცვლებით მსჯავრდებულის მიმართ შეიძლება გამოყენებულ იქნეს შემდეგი უსაფრთხოების ღონისძიებები:

- სპეციალური საშუალებების გამოყენება;
- სხვა მსჯავრდებულთაგან მისი განცალკევება;
- დროებით სხვა პენიტენციურ დაწესებულებაში გადაყვანა;
- არაუმეტეს 24 საათით სამართლო საკანში მოთავსება;
- დროებითი საგუშაგოს ან დამატებითი საგუშაგოს შექმნა.

დაუშვებელია უსაფრთხოების ღონისძიების მსჯავრდებულის დასჯის მიზნით გამოყენება. უსაფრთხოების ღონისძიების განხორციელება უნდა შეწყდეს დაუყოვნებლივ, იმ საფრთხის აღმოფხვრისთანავე, რომლის აღსაკვეთადაც ეს ღონისძიება გამოიყენებოდა, ხოლო აღნიშნული ღონისძიების განხორციელების შემდეგ, პენიტენციური დაწესებულების ხელმძღვანელობა სამედიცინო პერსონალთან ერთად მსჯავრდებულს დაუყოვნებლივ უტარებს სამედიცინო შემოწმებას. სამედიცინო შემოწმების შესახებ დგება შესაბამისი აქტი.¹⁸⁸

როგორც ზემოთ აღვნიშნეთ, კანონმდებლობით გათვალისწინებული შესაბამისი საფუძვლის არსებობისას, შესაძლებელია მსჯავრდებულის სხვა მსჯავრდებულებისაგან განცალკევება, რა დროსაც, ხორციელდება მისი სხვა საკანში ან უსაფრთხო ოთახში მოთავსება.¹⁸⁹ მსჯავრდებულის სხვა მსჯავრდებულებისაგან არაუმეტეს 30 დღისა განცალკევებით მოთავსების თაობაზე, მსჯავრდებულის განცხადების საფუძველზე ან საკუთარი ინიციატივით, გადანაცვლებას იღებს პენიტენციური დაწესებულების დირექტორი, ხოლო აუცილებლობის შემთხვევაში, განცალკევებით მოთავსების ხანგრძლივობა მისივე გადანაცვლებით შეიძლება გაიზარდოს გონივრული ვადით, იმ საფრთხის აღმოფხვრამდე, რომლის საფუძველზეც განხორციელდა მსჯავრდებულის განცალკევება. ამასთან, აღსანიშნავია, რომ მსჯავრდებულისათვის საფრთხის წარმოშობისას, ეს უკანასკნელი, პირადი უსაფრთხოების დაცვის მიზნით, უფლებამოსილია მიმართოს პენიტენციური დაწესებულების ნებისმიერ მოსამსახურეს ზეპირი ან წერილობითი განცხადებით. პენიტენციური დაწესებულების დირექტორის არყოფნის შემთხვევაში, მსჯავრდებულის სხვა მსჯავრდებულებისაგან განცალკევებით შეიძლება მოთავსდეს დაწესებულების დირექტორის მიერ საამისოდ უფლებამოსილი პირის გადანაცვლებით, მაგრამ არაუმეტეს 24 საათისა.

თუ უსაფრთხოების ღონისძიებებმა შესაბამისი შედეგები არ გამოიღო, პენიტენციური დაწესებულების დირექტორი პენიტენციური დეპარტამენტის დირექტორის წინაშე შუამდგომლობს მსჯავრდებულის ან მსჯავრდებულის უსაფრთხოებისათვის საშიში პირების სხვა პენიტენციურ დაწესებულებაში გადაყვანის თაობაზე. აქვე აღსანიშნავია, რომ შესაბამისი საფუძვლების არსებობისას, მითითებული შუამდგომლობის აღსაძრავად აუცილებელი არ არის განცალკევების კანონმდებლობით დადგენილი ვადის ამოწურვა.

უსაფრთხოების ღონისძიების ერთ-ერთ სახედ უნდა განვიხილოთ მსჯავრდებულის უსაფრთხო ოთახში გადაყვანაც, რომელიც პენიტენციურ დაწესებულებაში შესაბამისი ინფრასტრუქტურის არსებობის შემთხვევაში, პენიტენციური დაწესებულების დირექტორის გადანაცვლებით, შესაძლებელია განხორციელდეს იმ მსჯავრდებულის მიმართ, რომელიც აშკარად საფრთხეს უქმნის ან შეიძლება შეუქმნას საკუთარ ან სხვის სიცოცხლეს, ჯანმრთელობას ან/და ქონებას. უსაფრთხო ოთახი აღჭურვილი უნდა იყოს უსაფრთხო ლეიბით, სათვალთვალ კამერით, რომლის ხედვის არე არ მოიცავს ტუალეტის ნიჟარას, დისტანციურად მართვადი, დაზიანებისადმი მედეგი ღია ტიპის ტუალეტით, ონკანით, განათებით და სათანადო ვენტილაციით. უსაფრთხო ოთახში განთავსებული მსჯავრდებული უზრუნველყოფილი უნდა იყოს სამედიცინო პერსონალის უწყვეტი ხელმისაწვდომობით. ამასთან, მსჯავრდებულზე ხორციელდება 24 საათიანი ვიზუალური ან/და ელექტრონული საშუალებით

¹⁸⁸ საქართველოს კანონი „პატიმრობის კოდექსი“, 57-ე მუხლი, საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, 25-ე მუხლი.

¹⁸⁹ საქართველოს კანონი „პატიმრობის კოდექსი“, 57-ე მუხლი, საქართველოს სასჯელაღსრულებისა და პრობაციის მინისტრის 2015 წლის 27 აგვისტოს №108 ბრძანებით დამტკიცებული დებულება, 26-ე და 27-ე მუხლები.

მეთვალყურეობა და კონტროლი, კანონმდებლობით დადგენილი წესის¹⁹⁰ შესაბამისად. უსაფრთხო ოთახში განთავსებული პირის მიმართ, საჭიროების შემთხვევაში, შესაძლებელია გამოყენებულ იქნეს საქართველოს კანონმდებლობით დადგენილი სპეციალური საშუალებები.

რაც შეეხება მსჯავრდებულის მიმართ სპეციალური საშუალებების გამოყენებას, აღნიშნული უსაფრთხოების ღონისძიება მკაცრად რეგლამენტირებული¹⁹¹ და მისი გამოყენება დასაშვებია მხოლოდ უკიდურესი ღონისძიების სახით, როცა სხვა საშუალებებით შეძლებელია ლეგიტიმური მიზნის მიღწევა.

სპეციალური საშუალებები

სპეციალური საშუალებების გამოყენების უფლება აქვთ:

- პენიტენციური დაწესებულების მოსამსახურეს ან მოსამსახურეებისაგან შემდგარ ჯგუფს;
- პენიტენციური დეპარტამენტის გარე დაცვისა და ბაღრაგირების მთავარი სამმართველოს მოსამსახურეებისაგან შემდგარ საბაღრაგო ჯგუფს ან კოლონას;
- პენიტენციური დეპარტამენტის სპეციალური დანიშნულების მთავარი სამმართველოს მოსამსახურეებისაგან შემდგარ ჯგუფს.¹⁹²

მსჯავრდებულის მიმართ დასაშვებია გამოყენებულ იქნეს შემდეგი სპეციალური საშუალებები:

- ხელობრიკი;
- დამაწყნარებელი პერანგი;
- დამაწყნარებელი სკამი;
- დამაწყნარებელი საწოლი;
- რეზინის ხელკეტი;
- ცრემლსადენი გაზი;
- წინაკის გაზი;
- არალეტალური იარაღი (რეზინის ტყვია, საღებავის სასროლი, სასროლი ბადე, კვამლმდენი);
- აკუსტიკური საშუალება;
- ფსიქოლოგიური ზემოქმედების შუქბგერითი მოწყობილობა;
- წყალსატყორცნი;
- სასამსახურო ძაღლი.

სპეციალური საშუალებების გამოყენების უფლება აქვს სპეციალური პენიტენციური სამსახურის სპეციალურად უფლებამოსილ პირს, რომელსაც გავლილი აქვს შესაბამისი მომზადება.

სპეციალური საშუალება გამოიყენება უსაფრთხოების უკიდურესი ღონისძიების სახით, იმ შემთხვევაში, როდესაც სხვა საშუალება არაეფექტურია. სპეციალური საშუალების გამოყენება უნდა იყოს წარმოქმნილი საფრთხის პროპორციული, რომელიც ლეგიტიმური მიზნის მისაღწევად უფრო ნაკლებ ზიანს მიაყენებს აღნიშნული ღონისძიების ადრესატს. დაუშვებელია სპეციალურ საშუალებათა მსჯავრდებულის დასჯის მიზნით გამოყენება და აგრეთვე, ისეთი ფორმით გამოყენება, რომელიც იწვევს მსჯავრდებულის პათივისა და ღირსების შელახვას.¹⁹³

უსაფრთხოების ღონისძიებების განხორციელების მიზნით სპეციალური საშუალებების გამოყენება დასაშვებია შემდეგ შემთხვევებში:¹⁹⁴

- ხელობრიკი - პირის მიმართ, რომელიც თავისი ქმედებით წინააღმდეგობას უწევს სპეციალური პენიტენციური სამსახურის მოსამსახურეს ან/და არ ემორჩილება მის კანონიერ მოთხოვნას; საფრთხეს უქმნის საკუთარ ან/და სხვის სიცოცხლეს ან/და ჯანმრთელობას; აზიანებს ან ცდილობს დააზიანოს სხვისი/სახელმწიფო ქონება; ცდილობს გაქცევას; აგრეთვე თუ არსებობს ამ ქვეპუნქტით

¹⁹⁰ საქართველოს კანონი „პატიმრობის კოდექსი“, 54-ე მუხლი.

¹⁹¹ საქართველოს კანონი „პატიმრობის კოდექსი“, 571 მუხლი; „სპეციალური პენიტენციური სამსახურის შეიარაღებაში არსებულ სპეციალურ საშუალებათა სახეების, მათი შენახვის, ტარებისა და გამოყენების წესის და პირობების, აგრეთვე სპეციალური საშუალებების გამოყენების უფლების მქონე პირის განსაზღვრის წესის დამტკიცების თაობაზე“ საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი.

¹⁹² საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი, პირველი მუხლის მე-3 პუნქტი.

¹⁹³ საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი, მე-2 მუხლი.

¹⁹⁴ საქართველოს კანონი „პატიმრობის კოდექსი“, 571 მუხლის მე-2 ნაწილი, საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი, მე-3 მუხლის მე-2 პუნქტი.

- გათვალისწინებული გარემოებების დადგომის გონივრული ეჭვი;
- დამაწყნარებელი პერანგი, დამაწყნარებელი სკამი და დამაწყნარებელი საწოლი - პირის მიმართ, რომელმაც სცადა ზიანი მიეყენებინა საკუთარი თავისთვის ან სხვისთვის ან/და ზიანი მიაყენა საკუთარ თავს ან სხვას; რომელიც აზიანებს ან ცდილობს დააზიანოს სხვისი/სახელმწიფო ქონება; აგრეთვე რომლის მოქმედება გამოხატულად აგრესიულია. აღნიშნული სპეციალური საშუალებები გამოყენებული უნდა იქნეს ექიმის მეთვალყურეობით. პენიტენციური დაწესებულების ექიმი უფლებამოსილია, დადგენილი წესით გასცეს რეკომენდაცია აღნიშნული სპეციალური საშუალებების გამოყენების მიზანშეწონილობასთან ან შეწყვეტასთან დაკავშირებით;¹⁹⁵
 - რეზინის ხელკეტი - მსჯავრდებულის მიერ საკუთარი თავის, გარშემომყოფთა დაზიანების თავიდან აცილების, დაწესებულებაში ან მსჯავრდებულის გაყვანისას/გადაყვანისას დანაშაულისა და სხვა სამართალდარღვევის აღკვეთის, თავდასხმის მოგერიების, დაუმორჩილებლობის ან/და მასობრივი არეულობის აღკვეთის მიზნით;
 - ცრემლსაღდენი გაზი, არაოქეტალური იარაღი და აკუსტიკური საშუალება - გარშემომყოფებზე ან/და დაცულ ობიექტზე მსჯავრდებულის თავდასხმის მოსაგერიებლად, მასობრივი არეულობის ან/და საქართველოს კანონმდებლობის მოთხოვნების ჭკუფური დარღვევის აღსაკვეთად;
 - წინაკის გაზი - დანაშაულის, თავდასხმის, გაქცევის, მასობრივი დაუმორჩილებლობის ან/და მასობრივი არეულობის აღსაკვეთად, დაცულ ობიექტზე თავდასხმის მოსაგერიებლად, საქართველოს კანონმდებლობის მოთხოვნების ჭკუფური დარღვევის აღსაკვეთად, შეიარაღებული პირის დასაკავებლად;
 - ფსიქოლოგიური ზემოქმედების შუქბგერითი მოწყობილობა - გარშემომყოფებზე ან/და დაცულ ობიექტზე მსჯავრდებულის თავდასხმის მოსაგერიებლად, შეიარაღებული პირის დასაკავებლად, იმ დაკავებული ობიექტის დატოვების მიზნით, რომელსაც პირი თავს აფარებს;
 - წყალსატყორცნი - მასობრივი არეულობის ან/და წესრიგის დარღვევის აღსაკვეთად, დაცულ ობიექტზე ჭკუფური თავდასხმის მოსაგერიებლად, შეიარაღებული პირის დასაკავებლად;
 - სასამსახურო ძაღლი - მსჯავრდებულის გაქცევისას ან გაქცევის მცდელობისას, აკრძალული ნივთების აღმოსაჩენად, თავდასხმის მოსაგერიებლად.

სპეციალური საშუალებების გამოყენების უფლების მქონე პირი ვალდებულია სპეციალური საშუალების გამოყენების შესახებ წინასწარ გააფრთხილოს შესაბამისი პირი, მისცეს გონივრული ვადა მისი კანონიერი მოთხოვნის შესასრულებლად, გარდა იმ შემთხვევისა, როცა დაყოვნებამ შეიძლება გამოიწვიოს ადამიანის სიცოცხლისა და ჯანმრთელობის ხელყოფა, ქონების დაზიანება ან სხვა მძიმე შედეგი, ან შექმნილ სიტუაციაში ასეთი გაფრთხილება გაუმართლებელია ან შეუძლებელია.¹⁹⁶

იმ შემთხვევაში, როდესაც აშკარაა, რომ შეუძლებელია ლეგიტიმური მიზნის მიღწევა ერთი საშუალებით, საქართველოს კანონმდებლობით დადგენილი საფუძვლებითა და ფარგლებში დასაშვებია რამდენიმე სახის სპეციალური საშუალების ერთდროულად გამოყენება.¹⁹⁷

პენიტენციურ დაწესებულებაში სპეციალური საშუალების გამოყენების შესახებ დაუყოვნებლივ ეცნობებათ შესაბამისი პენიტენციური დაწესებულების დირექტორს და ექიმს ან ექთანს, გარდა ხელბორკილის გამოყენების შემთხვევისა, ხოლო სპეციალური საშუალების გამოყენების შემდეგ, მსჯავრდებულს პირველი შესაძლებლობისთანავე უტარდება სამედიცინო შემოწმება. სპეციალური საშუალების გამოყენების შესახებ დგება ოქმი, სადაც აღინიშნება გამოყენებული სპეციალური საშუალება, მისი გამოყენების დასაბუთება და სხვა მონაცემები. ამასთან, სპეციალური საშუალების გამოყენების საფუძვლის აღმოფხვრის შემდეგ, შესაბამისი პენიტენციური დაწესებულების დირექტორი ადგენს ანგარიშს და მას დაუყოვნებლივ უგზავნის საქართველოს სასჯელაღსრულებისა და პრობაციის მინისტრს და პენიტენციური დეპარტამენტის დირექტორს.

მსჯავრდებულის ბადრაგირებისას უსაფრთხოების უზრუნველყოფის ან/და მისი გაქცევის თავიდან აცილების მიზნით მსჯავრდებულის მიმართ სპეციალური საშუალების გამოყენების შესახებ ჭკუფის ან კოლონის უფროსი დაუყოვნებლივ აცნობებს სპეციალური პენიტენციური სამსახურის შესაბამის უფლებამოსილ პირს და ექიმს ან ექთანს, გარდა ხელბორკილის გამოყენების შემთხვევისა.¹⁹⁸

¹⁹⁵ საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი, მე-7 მუხლი, პირველი-მე-3 პუნქტები.

¹⁹⁶ საქართველოს კანონი „პატიმრობის კოდექსი“ 57¹ მუხლის მე-5 ნაწილი, საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი, მე-15 მუხლი.

¹⁹⁷ საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი, მე-12 მუხლი.

¹⁹⁸ საქართველოს კანონი „პატიმრობის კოდექსი“ 57¹ მუხლის მე-7-მე-10 ნაწილები, საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი, მე-16-მე-18 მუხლები.

აღსანიშნავია, რომ საქართველოს კანონმდებლობა, წინაკის გაზის გამოყენებასთან დაკავშირებით, განსაკუთრებულ და გასათვალისწინებელ რეგულაციას შეიცავს, კერძოდ, წინაკის გაზი გამოიყენება უკიდურეს შემთხვევაში, როდესაც არსებული საფრთხის აღმოსაფხვრელად სხვა სპეციალური საშუალებების გამოყენება არაეფექტიანია. დაუშვებელია წინაკის გაზის დახურულ სივრცეში, ბრალდებულთა/მსჯავრდებულთა სამკურნალო დაწესებულებაში და იმ პირთა მიმართ გამოყენება, რომლებიც უკვე იმყოფებიან შესაბამისი უფლებამოსილი პირის კონტროლის ქვეშ.¹⁹⁹

გარდა ზემოაღნიშნულისა, კანონმდებლობა ადგენს მთელ რიგ წესებსა თუ აკრძალვებს²⁰⁰, რომელიც გათვალისწინებულ უნდა იქნეს სპეციალური საშუალებების გამოყენებისას. კერძოდ, დაუშვებელია მსჯავრდებულის ხელბორკილით მყარ ზედაპირზე მიმაგრება, გარდა იმ უკიდურესი შემთხვევისა, როდესაც სხვა საშუალებების გამოყენებით შეუძლებელია კანონიერი მიზნის მიღწევა. ხელბორკილების დადებისას ბრალდებულს/მსჯავრდებულს, როგორც წესი, ხელები უნდა ჰქონდეს უკან, გარდა იმ შემთხვევისა როცა შესაბამისი მდგომარეობა არ მოიცავს სხვაგვარი ფიქსაციის აუცილებლობას. ხელბორკილები მოიხსნება მხოლოდ ასეთი გადაწყვეტილების მიღების უფლებამოსილების მქონე პირის მიერ. ხელბორკილები აგრეთვე მოიხსნება:

- ბუნებრივი საჭიროებისას და კვების დროს (გარდა მასობრივი არეულობის ან ჯგუფური დაუმორჩილებლობის შემთხვევისა);
- სიცოცხლისთვის საშიში პირობების წარმოქმნისას (ხანძარი, წყალდიდობა და ა.შ.).

დაუშვებელია, აგრეთვე, პენიტენციურ დაწესებულებაში ან მსჯავრდებულის გაყვანისას/გადაყვანისას ისეთი სპეციალური საშუალების გამოყენება, რომელიც იწვევს მსჯავრდებულის ჯანმრთელობის მძიმე დაზიანებას, დაკავშირებულია გაუმართლებელ რისკთან ან აკრძალულია საქართველოს საერთაშორისო ხელშეკრულებებითა და საერთაშორისო აქტებით. ამასთან, სპეციალური საშუალებების გამოყენებისას შეძლებისდაგვარად უნდა იქნეს გათვალისწინებული პირის ჯანმრთელობის მდგომარეობა და შემლუდული შესაძლებლობები.

დამაწყნარებელი პერანგის გამოყენების შემთხვევაში, მისი ჩაცმის შემდეგ, მსჯავრდებულის ხელები გადაიწევა უკან ზურგის მხარეს და მას უნდა ჰქონდეს დამოუკიდებლად გადაადგილების შესაძლებლობა. მსჯავრდებულის დაწოლა ლეიბზე უნდა მოხდეს სახით ზემოთ.

რეზინის ხელკეტის გამოყენებისას გათვალისწინებულ უნდა იქნას, რომ დაუშვებელია მისი მიზანმიმართულად გამოყენება სხეულის სხვა ადგილებში, გარდა სხეულის ზედა და ქვედა კიდურების მიდამოებისა.

არალეტალური იარაღის, ცრემლსადენის, აკუსტიკური საშუალების და ფსიქოლოგიური ზემოქმედების შეუბეგრითი მოწყობილობის გამოყენება ხორციელდება მათი ტექნიკური მახასიათებლების/შემლუდვების გათვალისწინებით, იმგვარად, რომ არ გამოიწვიოს ადამიანის მძიმე დასახიჩრება ან სიცოცხლის მოსპობა. დაუშვებელია არალეტალური იარაღის თავში დამიზნებით სროლა, გარდა სასროლო ბადისა.

წყალსატყორცნი გამოიყენებისას დაცული უნდა იყოს შემდეგი წესები:

- დაუშვებელია წყლის ჭავლში ცრემლსადენი გაზის (CS) ან წინაკის გაზის კონცენტრაცია აღემატებოდეს 5 %-ს;
- წყალსატყორცნის გამოყენების თაობაზე გაფრთხილება უნდა განხორციელდეს ხმოვანი საშუალებით;
- აკრძალულია წყალსატყორცნის გამოყენება ელექტრომოწყობილობებისა და დანადგარების ახლოს არანაკლებ 5 მეტრის ფარგლებში, თუ ძაბვა არ აღემატება 1000 ვოლტს, გარდა იმ შემთხვევისა, როცა აღნიშნული მოწყობილობები და დანადგარები გამორთულია;
- აკრძალულია წყალსატყორცნის გამოყენება ელექტრომოწყობილობებისა და დანადგარების ახლოს არანაკლებ 10 მეტრის ფარგლებში, თუ ძაბვა აღემატება 1000 ვოლტს, გარდა იმ შემთხვევისა, როცა აღნიშნული მოწყობილობები და დანადგარები გამორთულია;
- აკრძალულია წყალსატყორცნის გამოყენება იმ ადგილთან ახლოს, სადაც მუშავდება ქიმიური ნივთიერებები, რომლებიც წყალთან რეაქციის დროს იწვევენ აფეთქებას.

¹⁹⁹ საქართველოს კანონი „პატიმრობის კოდექსი“ 57¹ მუხლის მე-12 ნაწილი, საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი, მე-4 მუხლის მე-5 პუნქტი.

²⁰⁰ საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი, მე-6-მე-11 მუხლები.

რაც შეეხება სასამსახურო ქალის გამოყენებას, აღსანიშნავია, რომ მისი გამოყენება დასაშვებია, თუ იგი არის შესაბამისად გაწვრთნილი და ემორჩილება სპეციალური საშუალებების გამოყენების უფლების მქონე პირის ბრძანებას. ამასთან, დაუშვებელია სასამსახურო ქალის გამოყენება პირის მიმართ, მიზანმიმართულად, სხეულის მძიმე დაზიანების მისაყენებლად.

პენიტენციურ დაწესებულებაში სპეციალური საშუალებების შესანახად გამოიყოფა შესაბამისი დაცული ადგილი, რომელიც განისაზღვრება დეპარტამენტის დირექტორის მიერ, ხოლო სპეციალური საშუალებების შენახვაზე უფლებამოსილია სპეციალურად გადამზადებული პენიტენციური დაწესებულების სამართლებრივი რეჟიმის ან/და უსაფრთხოების განყოფილების შესაბამისი მოსამსახურეებისაგან შემდგარი ჯგუფი.²⁰¹

პენიტენციურ დაწესებულებებში, გარდა დახურული ტიპისა და განსაკუთრებული რისკის თავისუფლების აღკვეთის დაწესებულებებისა, აკრძალულია რომელიმე სპეციალური საშუალებების ტარება. რაც შეეხება დახურული ტიპისა და განსაკუთრებული რისკის თავისუფლების აღკვეთის დაწესებულებებს, აღნიშნულ დაწესებულებებში შესაბამისი უფლებამოსილი პირის მიერ დასაშვებია მხოლოდ ხელბორკილის ტარება.²⁰²

საქართველოს კანონმდებლობით დადგენილ შემთხვევებში, სპეციალური პენიტენციური სამსახურის მოსამსახურეებს უფლება აქვთ გამოიყენონ ცეცხლსასროლი იარაღი.²⁰³ კერძოდ, თუ ბრალდებული/მსჯავრდებული თავს ესხმის სპეციალური პენიტენციური სამსახურის მოსამსახურეს ან სხვა პირს, ან სჩადის სხვა განზრახ მოქმედებას, რომელიც პირდაპირ, უშუალო და იმნუთიერ საფრთხეს უქმნის სპეციალური პენიტენციური სამსახურის მოსამსახურის ან სხვა პირის ჯანმრთელობას ან/და სიცოცხლეს, დასაშვებია სპეციალური პენიტენციური სამსახურის მოსამსახურის მიერ ცეცხლსასროლი იარაღის გამოყენება, თუ აღნიშნული მოქმედების სხვა საშუალებით აღკვეთა შეუძლებელია. გამოყენებული ძალა კანონიერი მიზნისა და იმ საფრთხის პროპორციული უნდა იყოს, რომელსაც ბრალდებული/მსჯავრდებული სპეციალური პენიტენციური სამსახურის მოსამსახურეს ან სხვა პირს უქმნის. ცეცხლსასროლი იარაღის გამოყენება დასაშვებია, აგრეთვე, ბრალდებულის/მსჯავრდებულის პენიტენციური დაწესებულებიდან ან გაყვანისას/გადაყვანისას გაქცევის ან სპეციალურ სატრანსპორტო საშუალებაზე თავდასხმის შემთხვევაში, უკიდურესი აუცილებლობიდან გამომდინარე.

ცეცხლსასროლი იარაღის გამოყენების უფლებამოსილების მქონე პირი ვალდებულია ცეცხლსასროლი იარაღის გამოყენების შესახებ წინასწარ გააფრთხილოს შესაბამისი პირი, მისცეს გონივრული ვადა მისი კანონიერი მოთხოვნის შესასრულებლად, აგრეთვე მოახდინოს გამაფრთხილებელი გასროლა, გარდა იმ შემთხვევისა, როცა დაყოვნებამ შეიძლება გამოიწვიოს ადამიანის სიცოცხლისა და ჯანმრთელობის ხელყოფა, ქონების დაზიანება ან სხვა მძიმე შედეგი, ან შექმნილ სიტუაციაში ასეთი გაფრთხილება გაუმართლებელია ან შეუძლებელია.

დაუშვებელია პენიტენციური დაწესებულების ტერიტორიაზე სპეციალური პენიტენციური სამსახურის იმ მოსამსახურის მიერ ცეცხლსასროლი იარაღის ტარება ან/და შენახვა, რომელსაც უშუალო შეხება აქვს პატიმართან, აგრეთვე დაუშვებელია პენიტენციური დაწესებულების ტერიტორიაზე ცეცხლსასროლი იარაღის შეტანა, გარდა შემოხსენებული ცეცხლსასროლი იარაღის გამოყენებისა და პენიტენციური დაწესებულების დაცვის განხორციელების შემთხვევებისა.

²⁰¹ საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი, მე-19 მუხლი.

²⁰² საქართველოს სასჯელაღსრულებისა და პრობაციის მინისტრის 2014 წლის 12 სექტემბრის №145 ბრძანებით დამტკიცებული წესი, მე-20 მუხლი.

²⁰³ საქართველოს კანონი „პატიმრობის კოდექსი“ 57² მუხლი.

თავი: 9

დისციპლინური პასუხისმგებლობა